



BIBLIOTECA NAZ.

Vittorio Emanuele III

XLVI

A

26

NAPOLI





PARS ALTERA
TOMI SECUNDI,
AB INITIO REGNI
FRANCORUM

Ad expeditionem primam
FRANCORUM
IN ORIENTEM,

SEV

Ab Anno CHRISTI 420. ad 1095.

AUTORE
PHILIPPO BRIETIO
ABBAYILLÆO

Societatis JESU Sacerdos




VENETIIS;

Sumptibus Hæredum Cosmi Fioravanti
Bibliopolæ Neapolitani.

MDCXCIL

Superiorum Licentia, & Privilegio.



PARS ALTERA

DE REBUS

IN REBUS

DE REBUS

DE REBUS

DE REBUS

DE REBUS

DE REBUS

DE REBUS

DE REBUS

DE REBUS

DE REBUS

DE REBUS

DE REBUS

DE REBUS

DE REBUS

DE REBUS

DE REBUS





PARTIS SECUNDÆ

ΠΡΟΘΕΡΙΑ.



ALTERAM hanc Tomi Secundi partem cum Monarchia Francorum exordimur. Vnde enim annorum à Christo pars altera melius orietur, quàm ab eo Regno, quod Christus Ecclesia sua propugnaculum statuit. & sub cujus auspiciis ubique terrarum suam florere voluit religionem? Mirum profecto! & quod Baronium firmissimi iudicii virum detinuit; cum ab hæreticis atque Schismaticis laceraretur Ecclesia, pauca in Occidente sana, nihil in Oriente pane integrum esset, selectam esse gentem à Deo, Idolis addictam, qua postea Christum sequeretur impensius, & supra reliquas gentes veram sinceramque religionem profiteretur; cujus beneficentia summi Pontifices non jam animis tantum, verum etiam quibusdam in locis, corporibus imperarent, facti non tantum ut olim cæli Principes, sed quarundam etiam in terris regionum: cujus liberalitate & fortitudine non jam Orientis

*Imperatores appellarent dominos suos , sed
iis constanter resisterent , eorumque ini-
qua decreta in medio foro Romano flam-
mis abolere minitarentur . De Regno ,
ac Regibus Francorum loquor , in quos
Pontifices ipsi tot sparsere laudes , ut iis
loquentibus , par sit reliquos scriptores con-
ticescere .*





LIBRI V.

PARS ALTERA.

Ab anno Christi 420. ad 430.

CAPVT III.

DECAS TERTIA.

Ab anno Christi 420. ad 430.

MVNDI.

4473.

CHRISTI.

420.



Ranci ex variis nationibus Germanicis conflati, Ansuariis, Salicis, aliisque vicinis populis, qui societate armorum inita jam pridem Romanis cœperant esse terribiles, hoc demùm anno sibi Pharamundum Marcomiri filium Regem creauerunt, vt eo duce Gallias, quas spe deuorauerant, armis occuparent. Sed cum Rheno fluuio is depulsus esset, ejusque ripam Occidentalem melius à Romanis quàm optasset custoditam deprehendisset, commissam sibi gentem bonis legibus temperauit, huicque legem, quam vocant Salicam, dixit, de cujus appellatione tam diuersa proponuntur, quàm ipsa Francis utilis fuit; adhuc hodie in vsu, & florentissimi etiamnum regni fundamentum.

*Initium
regni Fran-
corum.*

Constantius ab Honorio in Imperij consortium adsciscitur, propter res præclare gestas,

*Constanti-
us, sit Au-
gustus &
moritur.*

& conseruatam dignitatem suam . Sed is principatum degustauit tantum , si hoc anno mortuus est , vt quidam volunt ; certè non vltra sequentem annum protulit vitam , Imperio magis quàm sibi necessariam ; timendam tamen Theodosio , quem propter imaginem suam Constantinopoli contemptam appetere bello decreuerat , Reipublicæ hisce temporibus funestissimo .

S. Hieronymus
myrus *pi-*
ritur.

Moritur hoc anno S. Hieronymus , anno ætatis 91. vt vulgò creditur ; quam tamen opinionem Baronius se convulsisse putat , atque ejus tantum 73. annos confecisse . Dicitur est *Catholicorum Magister* , & *Lumen mundi* ; magna nomina , sed adhuc ejus meritis inferiora .

N. H.
fr. H. a ob-
serva.

Romani Nisibin obsident : occurrit eis Varranes Persarum Rex , cum Alamundaro atque Saracenis ; sed victi recedere coguntur : Persis tamen benè affectis in Christianos , quòd Acaicius Amidæ Episcopus , distractis Ecclesiæ vasis , septem milia Persarum captiuorum non à seruitute modò , sed ex fari faucibus eripuisset : Ita misericordia non Deum modo , sed homines sibi deuincit , atque conciliat .

MVNDI

CHRISTI

4474.

421.

Theodosius
supra.

Theodosius Eudociam Atticam , filiam Leontij philosophi , ante Baptismum , dictam Athenaidem , liberalibus disciplinis excultissimam , duxit uxorem : quæ tum poemata edidit in mariti laudem , de bello Persico , quas nuptias ajunt à Pulcheriâ , vt in Imperio semper omnia posset , callidè conciliatas , vxore fratri concessâ , tam parum potente , quàm venustâ . Theodosius jura Constantinopolitani Episcopi , artibus Attici , in Ellyricum extendit ; reclamantibus semper Romanis Episcopis , donec hic Cæsari obstinatiùs resistere , cognouere toti Ecclesiæ perniciosum .

Constanti-
nopolita-
ni præsul-
is potius
vior.

MVNDI CHRISTI

4475.

422.

Celebris est hic annus natâ Eudoxiâ filiâ Theodosij & Eudociæ ; cujus natales magno gaudio in Oriente celebrati : nec minor in Occidente voluptas fuit , cùm Tricennalia celebranti Ravennæ Honorio oblatis sunt Maximus & Iovianus , quorum hic promouerat Tyrannidem , ille inuaserat ; ambo cæsite meritis suæ pœnas luerunt . Defensi quoque à Romanis Britannii contra Pictorum & Scotorum excursiones , missâ Legionē , per quam bis victi Barbari suas sylvas ac paludes repetiere .

*Nascentur
Eudoxia .*

*Britanni
defensi .*

Missus quoque ab Honorio aduersus Vandalos & Alanos Castinus , adjuncto huic Comite Bonifacio , rei militaris scientissimo : sed eum à se , superbo ineptoque imperio Castinos auertit . Ita Bonifacius periculosum & indignum ratus hominem temerarium sequi , se proripuit in Africam . Castinus ergo imprudenter & inconsultè Vandalos aggressus , & deceptus ab auxiliatoribus Gothis , victus fugatusque , ostendit Bonifacium nimis bonum augurum exstitisse .

*Bonifacius
fuga in
Africam .*

MVNDI CHRISTI.

4476.

423.

Suspiciatus est Honorius Placidiam sororem suam cum Barbaris conuenire ; siue ea vera suspicio fuit , seu de more ab Aulicis conficta . Itaque expulsa cum filio Valentiniano & Honoriam filiâ fugit ad Theodosium , à quò tam benignè , tam amicè suscepta est , vt hoc ei exilium magis quàm amor Honorij profuerit .

*Placidia
cum filiis
ejecta .*

& Kal. Nouemb. Bonifacius moritur , cùm se disset annos quinque , minùs duobus mensibus . Post dies nouem sufficitur Cælestinus , & quidem satis pacificè , quamquam Eufalij factio adhuc aliquid posset ; sed Imperatoris Honorij metu repressi , quò tantum inhiberi schismaticorum conatus solent .

*Mors Pa-
pæ Boni-
facij .*

*Honorius
moritur.*

Obiit quoque eodem anno Honorius Imperator 18. Kal. Septembris, cum imperasset ab obitu Theodosij patris annis 28. & fere mensibus septem, vixisset 39. annis & vno mense; vir religione, quam armis major, qua tamen & multos Tyrannos, & infinitos Barbaros debellauit ac sustulit; in suis ducibus felix, quamuis proditoribus & infidis; qui victorias suas, & Reip. commodam administrationem non suis consiliis, sed Deo precibus exorato debuit.

MVNDI.

CHRISTI.

4477.

424.

*Valentinianus
creatur
Cæsar.*

Theodosius amitam suam Gallam Placidiam Augustam creat, filium Valentinianum consobrinum suum Cæsarem, cui & sponsam addixit filiam suam Eudoxiam, & copias atque duces, quibus subnixa mulier non inane non ferret.

*Castinus
fugit in
Africam.*

Castinus hujus anni Consul, inimicorum calumniis appetitus, & fortè perduellionis sibi conscius confugere cogitur in Africam ad Bonifacium, cum exercitu Gothorum prouinciam defendentem; summo dedecore suo compulsus opem ejus implorare quem contempserat, eique se submittere, quem inferiorem sibi ferre non potuisset.

*Ardaburius
de Persis
victoria.*

Bellum Persicum inchoatum est in Varazanem ob transfugas Christianos non redditos, Persis eos repetentibus, iisque oppositus Ardaburius, de se bonus Imperator, sed quem causa meliorem efficiebat. Et verò ei pugnavit Deus, immisso in hostem panico terrore, qui Romanum imminere putans, sese cum armis in Euphratem conjecit, vltimum debellati penitus exercitus remedium, cujus fluij vorticibus hausta centum millia nobilem victoriam sine labore Ardaburio reliquerunt.

MVNDI.

CHRISTI.

4478.

425.

Ardaburius, siue Artabures, missus in Occiden-

edentem cum copiis ut Ioannem Tyrannum opprimeret, Rauennæ cum multis Barbaris degentem, Salonis vrbe Dalmatiæ profectus, & nauigans Aquileiam, dispersis nauibus suis, Rauennam delatus in manus Ioannis venit, à quo datus est in vincula. Interim filius ejus Aspar non despondit animos, fretusque pietate, patrem exsoluere decreuit; neque verò ei diuinum auxilium defuit; huic enim Angelus sub habitu pastoris se viæ ducem obtulit, qui cum & suas copias per stagnum Rauennæ adjacens, aquâ diuinitus exsiccata, immisit in urbem. Ioannes cæsus, Ardaburijs rupta vincula, vrbs quæ Tyranno fauerat, direpta. Qui nuncius cum esset ad Theodosium delatus, dum spectaret Circenses, è vestigio populum ad Basilicam ipse deduxit hinc acturus gratias Deo de bello confecto, quod solus gesserat atque profigarat.

*Mirabilis
de Ioannē
Tyranno
victoria.*

Pugnandum quoque fuit cum Aëtio, qui sexaginta Hunnorum millibus imperabat, magnæque vtriusque editæ strage res amicè composita est; videlicet ut Aëtius auctus Comitibus titulo à Placidia reciperetur in gratiam, ipse Hunnos suos auro donatos in patriam suam remitteret. Ita sano consilio Dux egregius, Occidenti seruatus, hostes atrocissimi eliminati, Valentinianus quod hoc anno accepit à Theodosio Imperium, facile tueri ac seruare potuit.

*Aëtius
Dux recō.
ciliatus.*

Scythæ quoque Roilâ duce Orienti, adeoque Constantinopoli minabantur; Theodosius confugit ad preces, quibus exoratus Deus Barbaros cum ducibus suis fulminibus, peste, ignibus de cælo missis ad eum malè multauit, ut omnes intelligerent Imperatoris pietatem esse Imperio suo, quàm arma & exercitus vtiliorem.

*Scythæ
expulsi.*

Denique Theodosius Gymnasium Romanum Constantinopoli sic ordinauit, sic litteras tradi iussit, ut neque Magistrorum copiam & eruditionem Scholastici, nec Magistri præmia honorumque desiderarent.

MVNDI.

4479.

CHRISTI.

426.

Augustinus 6. Kal. Octob. assistentibus sibi duobus Episcopis, Coadiutorem sibi adsciuit atque successorem. Bradium Presbyterum, quem exteris prælatum esse à tanto viro, laus est nunquam satis prædicanda.

S. Honoratus Arelatenfis.

Patrocho Episcopo Arelatenfi cæso successit S. Honoratus Abbas. & fundator Monasterij Lerinensis, ex Senatoria & Consulari familiâ natus. Hic à S. Caprasio sene conuersus ad Deum, consilio Leontij Forojuliensis Episcopi Lerinam insulam incolendam suscepit, fugatis ex eâ aduentu suo serpentibus, ut deinceps à viris sanctissimis incoleretur; tantum disiunctus ab antecessore, quantum sanctus à scelerato distat.

Gensericius regnat.

Gundericus Vandalorum Rex captâ Hispaniâ, cum neque Ecclesiæ peperisset, à Damone, cujus furore se agitari suerat, correptus, miserando exitu perijt. Successit ei frater Gaisericus (dictus aliter Gensericus) de Catholico, ut creditur, factus Arianus; & verò in Catholicos crudelitas eum desertorem, veræ religionis fuisse nimium arguit.

MVNDI.

4480.

CHRISTI.

427.

Bonifacius re bellat.

In Bonifacium Comitem degentem in Africâ cum exercitu, quod Vandalorum Regis affinem duxisset uxorem, decernitur bellum à Placidia; autore hujus expeditionis vel Felice, vel Aëtio. Tribus tum ducibus commissa est. Mauortio, Galbioni, & Sinori: sed cum hie duos alios sustulisset, ipseque a Bonifacio cæsus esset, vni Sigisnulto Comiti cum majoribus copiis mandatum est bellum. Huic impar Bonifacius ad Vandalos transfretat ex desperatione, eis Africam expilandam obijcit, partem sibi reseruata, duabus aliis inter Vandalos, & Alanos auxiliares, distributis. Eò videli-

delicet recidit eius virtus à S. Augustino lau-
data, à qua tamen jam defecerat, ab eodem fan-
cto admonitus, neque repente factus sceleratis-
simus.

Genfericus ergo Hernigario Rege prius vi-
cto ad Emeritam, transit in Mauritaniam
cum suis VVandalis, deterrimis omnium Aria-
nis, in Catholicorum perniciem jam in His-
paniâ conjuratis. Hic omnia depopulatus, nec
ipsis pepercit arboribus; videlicet ne cultori-
bus Afri latentibus auxilio essent: robuij quique
internecione deleti; adeo ut non homines, sed
Dæmones immisos in se Afri meritò quere-
rentur.

*Genfericus
in Afri-
cam trañt.
est.*

MVNDI.

CHRISTI.

448.

418.

In Gifonnij Constantinopolitani demortui Io-
cum, relictis Philippo & Proclo per Theodo-
sium, successus est Nestorius Monachus Antio-
chenus, linguâ potens, quâ nemo dignus Epi-
scopatum accepit, nemo turpius deposuit. Ejus
operâ S. Chrysostomus inter sanctos coli cœpit,
exagitati Hæretici atque scelerati: nova in hanc
urbem inducta Christianitatis facies, ut postea
atrocius sædaretur.

*Nestorius
preficitur
sedi Con-
stantinop.*

Tum Aërius Dux Romanorum Francos Galli-
cam Rheni ripam incolentes fortiter in suam
Germaniam repulit, magnaque affecit clade;
quâ victoriâ adeò bene mereri est de Imperio
visus, ut ei proditio à Placidia condonaretur, &
ad difficilia Reip. tempora reservandus judica-
retur imperator.

*Franci
repulsi ab
Aërio.*

Tum enim amici Bonifacij exposuere Placi-
diz in eum Aërij insidias; quibus permota illi
reconciliata est, atque iterum Africa demanda-
ta. Hic statim VVandalos in suam remittere His-
paniam conatus est, & recusantes abire inuasit
bello: sed ab iis superatus est; & inclusus Hip-
pone, ostendit proditores, in malis, quàm in
bonis consiliis esse feliciores.

*Bonifa-
cius victus
à VVan-
dalis.*

A 6

Pha-

*Phara,
mundo / c
cedis Clod
dio A*

Pharamundus Francorum Rex mortuus est cum nouem circiter annis regnasset ; successit ei filius vel affinis Clodio , vel Cloio , qui transfessus in Gallias , earum partem occupauit , & apud Tungros sedem defixit , intentus ad extendendam ditionem suam , quàm sibi à fatis debitam arbitrabatur : Sed quod fortitudine pepererat , incuriâ Francicâ , & primis etiam Francis innatâ , perdidit.

MVNDI.

CHRISTI.

4482.

429.

*Aetius
magister
militum .*

Felice ad Patriciam dignitatem promotus , Aëtius ejus loco creatus est Magister militum , cui victoria de Francis non tantum veniam , sed & hanc dignitatem impetrauit , dignum Francicæ fortitudinis argumentum .

*S. Genov
essa ini-
tia .*

Dum pergunt in Angliam ex Galliâ Germanus Antisiodorensis & Lupus Trecentis , Sancti præfules , in S. Genouesam incidere , nobilem illam virginem , quam oblato nummo cruce signato S. Germanus desponsauit Deo ; atque hæ nuptiæ magis quàm Reginarum fuere Parisinis salutare .

*Nestorius
hæreticus .*

Nestorius qui antea se verum Antistitem præbuerat , jam honoris sui gradusque certus , mutatus est in Lupum . Is enim siue ex Ebionæis , vel ex Paulo Samotatenis , vel Photino errorem suum mutuatus , in Beatam Virginem insurrexit , quam non esse *Θεοτόκον* Deiparam , sed *Θεοτόκον à Deo genitam* dixit ; vnius apicis mutatione malus Grammaticus , & turpior hæreticus effectus .

*Cyrillus
ves. s. Ne-
storio .*

Hanc autem disseminare cœpit hæresin datis ad Monachos Ægypti litteris , quibus statim obstitit Cyrillus , ad eum humaniter rescribens : at ille respondit hæretico fastu , demissiùs quidem egit cum Cœlestino , quem ad suas partes trahere conabatur ; at is prudentior , Cyrillo hoc negotium mandauit , quo nec meliorem , nec fortio rem Vicarium potuit inuenire .

Obst.

MVNDI.

4483.

CHRISTI.

430.

Obsidebatur tum Hippo Regius à VVandalis & Alanis , atque in eius mœnibus inclusus Bonifacius. Omnes enim vrbes Africæ , præter hanc, Cīrtham , atque Carthaginem , iuris erant VVandalici . Tertio demum obsidionis mense S. Augustinus ex febribus , magno cum sensu pietatis obiit , licet prius ægrotum , manuum impositione, sanasset : vixit annis 76. sedit Episcopus 36. vt scribit Posidius Episcopus Calamensis , qui tum Vandaloru metu in hanc urbem confugerat . Recolitur eius mortis memoria 5. Kal. Sept. Scripta eius, mirabiliter seruata, Hippone flammis absumpto , impugnata à multis ; sic probata ab omnibus , vt de Gratiâ Catholicorum arbiter videatur ; vir prope ad miraculum ingeniosus , & cui parem vix vnum antiquitas vidit .

*Mors S.
Augustini*

Cælestinus hoc anno receptis Cyrilli litteris de Nestorio , suas ei vices demandauit . Hic coactâ Synodo , quatuor Legatos Constantino-
polin misit, cum Fidei confessione & 12. Anathematismis hæresis Nestorii , oblato ei decendierum spatio vt resipisceret . Sed hæc contempsit homo superbissimus , & in Cyrillum commouit Theodosium, nullis fraudibus, nullis artificiiis parcens , vt tantum virum sibi aduersantem opprimeret ; & se hæreticum non doctrinâ tantum , sed & moribus profiteretur .

*Nestorius
exagitat
Cyrillum.*



CAPVT IV.

DECAS QVARTA.

Ab anno Christi 430. ad 440.

MVNDI.

CHRISTI.

4484.

431.

Celebrata est hoc anno Christi, tertia
ordine Oecumenica

SYNODVS. EPHESINA

SYNO.
DV S
EPHE.
SINA.

CONTRA Nestorium, præsidente huic
Cyrillo, nomine Cælestini Pontificis,
adiectis Legatis tribus, Arcadio ac Projecto
Episcopis, & Philippo Presbytero; Episcopi
in eâ numerati sunt supra ducentos. Irenæus
quoque Comes & Candidianus Comes Domesti-
corum Nestorianus missi sunt ab Imperatore,
tantum ut turbas impedirent. Diebus 15. ex-
pectatus Ioannes Antiochenus, Nestorij fautor,
moras de industriâ necebat: cum non adesset,
inchoatur Concilium x Kal. Iulias; citatusque
Nestorius, cum superbè, immo & crudeliter
venire recusasset, anathemate percussus, &
spoliatus est Episcopatu. Post dies quinque, hoc
est 5. Kal. Iulias adfuit Ioannes Antiochenus
cum suis Episcopis, quorum præcipui Theodo-
retus & Paulus Emissenus. Hi statim in diuer-
sorio cum quibusdam aliis Nestorianis erroni-
bus, ferè jam depositis, Cyrillum, & Memno-
nem Ephesium damnant, omniaque Conci-
lij acta rescindunt. Comites porro interceptis
retentisque Catholicorum litteris, Heterodo-
xorum Epistolas mittunt, & ea scribunt quæ
Nestorij causam fulcirent, Cyrilli labefacta-

rent.

rent: quare Memnon, Cyrillus, Nestorius in-
custodiam dati, Imperator in sequiores partes *Turba in*
abripi videbatur. Tum Nestoriani, ut plures *hoc Con-*
haberent sectatores, approbarunt Pelagij dog- *cilio.*
ma, sicque sibi Pelagianos omnes adjunxerunt.
Aliunde Ioannes vocatus ad Synodum venire
recusavit, etiam missis Episcopis ad eum pro-
caciter insultans; quare cum suis sectariis 35
nominatim præscisus est ab Ecclesiâ. Interea
Iuuenalis in his turbis impetrare conatus est
ut Hierosolyma Palæstinæ præficeret, antea
etiam ex Nicæno Concilio subdita Cæsareæ;
restitit tamen constanter Cyrillus, & ma-
lis pressus licet, non est passus aliquid de-
cerni quod iniquum videretur. Tandem Patres
Ephesini videntes se à Comitibus esse delusos,
litteras suas ad Theodosium nequaquam per-
uenisse; fidum hominem habitu peregrini, in-
clusis in arundine litteris, clam mittunt Con-
stantinopolin. Hic adnitentibus Monachis,
& maximè S. Dalmatio, Imperatorem dedo-
cuit, quem & confirmavit Pulcheria Augusta.
Itaque depositus Nestorius, in eius locum sub-
stitutus Maximianus, data Ioanni Antiocheno
mora ut resipisceret, Catholica fides & Beatifi-
sima Virgo de Nestorio gloriosum triumphum
reportarunt. Hujus monumentum fuit Ecclesiæ *Tandem*
in Blachernis extructa sumptibus Placidie, ut *damnatus*
virgo Virgini nequaquam defuisse diceret- *Nestorius.*
tur.

Aspar dux Theodosij, junctis cum Bonifacio
Comite copiis, in Africâ Gensericum ac Vvan-
dalos inuasit: sed omnino deletus Roma-
norum exercitus, Aspar Constantinopolin,
Bonifacius Romam fugere compulsi, tota
Africa Vvandalis huius victoriæ præmium fuit.
Bonifacius autem, Romæ magister militum di- *Bonifacij*
ctus, obstitentem sibi expertus est Aërium, quem *enitus.*
velacie, vel singulari certamine vicit; ac fu-
gere compulit in P. A. oniam; paulò post ta-
men

men vel ex morbo , vel ex vulnere ab Aëtio accepto, mortuus est Bonifacius , ac moriens mandauit vxori suæ , ne alteri quàm Aëtio nuberet . Aëtius autem suis Hunnis , ad quos refugerat , fretus, vñsus hoc tempore necessarius, recuperauit dignitatem suam , quã se mox non indignum demonstrauit .

*Aëtius
vincit
Clodionem , &
Francos.*

Enimuero Clodionem cum suis Francis nuptias incautiùs ac securiùs celebrantem oppressit ; ac benè vsus victoriã sic fugientes vsit , vt regredi vltra Rhenum cogerentur ; quem insuper ita communiuit , vt regrediendi voluntatem Francis eriperet , & suã se cogeret Germaniã tantisper continere , ne gens tota deleteretur .

*Pelagia
pœnitentia.*

Hoc tempore Nonnus Episcopus Edeffenus meretricem Antiochenam , ab ornatu suo Margaritam dictam , ex libidinis cœno retraxit , ac Pelagiam vocauit , pœnitentiã suã quàm malis suis moribus celebratiorem .

*Mors S.
Paulini
Nolani ,
& virtus.*

Moritur denique hoc anno sanctus Paulinus Nolanus Episcopus x. Kal. Iulias, ætatis 78. ad eò laudatus à SS. Patribus , cuius nobile factum nunquam tacebitur , cum datis omnibus bonis suis vt captiuos redimeret , se quoque Vandalis vendidit , vt viduæ filium recuperaret , & factus olitor apud Regis Barbari fratrem , ex prophetico spiritu suo atque virtute detectus , Nolam cum multis captiuis est honorificè remissus . Sed quis ille fuerit Rex Vandalorum tam incertum est , quàm certa tanti præsulis virtus , & charitas fuit .

MVNDI CHRISTI.

4485.

432.

*Cælestino
succedit
Sixtus
III.*

Cælestinus Papa 8. Id. Aprilis obiit , Sedis suæ anno 8. cum mensibus 5. & tribus diebus ; adèd inuisus Nouatoribus , vt eum *Infernalem* vocauerint ; pejus etiam tractatus à Laurentio Valla , qui hunc cum Cælestio hæretico confudit , & fecit Pelagianum , supina prorsus , neque

que mirandâ satis ignorantia. Huic successit Sixtus tertius post dies viginti, à quo est superioris anni Synodus confirmata; reuocatus amice, quamquam sine fructu, Nestorius; felicius Ioannes Antiochenus hoc anno sanæ menti atque Ecclesiæ redditus est.

Tum enim Theodosius consilio vsus Maximiani Episcopi sui, Acacij Beræensis senio de-
grauati & Simeonis Stylitæ Orbis tum miraculi, & dum viueret in sanctorum numerum prope relati operâ, Ioannem Antiochenum, conuocatâ ex Syriæ Episcopis Synodo, cum S. Cyrillo reconciliauit. Itaque misit Alexandriam Paulum Emisenum Episcopum, qui frustra obtinere conatus est à Cyrillo vt suos in Nestorium damnaret anathematismos; quare omnibus ex arbitrio Cyrilli perfectis, Paulus concienem habuit in quâ S. Virginem *Deiparam* dixit; admisitque in Christo duas naturas: ideo exceptus magnis acclamationibus ab Alexandrinis; quæ in Cyrilli summam gloriam redunarunt.

*Cyillus
Victor &
B. Virg.*

Nestorius iussus est viuere in monasterio S. Euprepij Antiochiæ, spatio huic ad pœnitentiam dato; sed quæ serè nunquam ab hæreseos parentibus debet expectari.

*Nestorij
pœnitentia
frustra
expectatur.*

Eius porro fautores multa impiè & sceleratè in Theodosium & Pulcheriam deblaterarunt, atque inter cætera horrendam calumniam procuderunt; ideò damnatum Nestorium, quòd incestos vtriusque concubitus arguisset, quâ tertio-
riorem Dæmon ipse vix potuisset excogitare.

MVNDI

CHRISTI.

4436.

433.

S. Britius Turonensis Episcopus adulterij accusatus, quamquam duobus insignibus miraculis se probasset innocentem, à suis ciuibus pulsus, à Sixto Pontifice restitutus est, eiusque castitas cœli ac terræ testimoniis confirmata.

*S. Britius
citus
flus.*

S. Ioan-

*S. Petrus
Chrysolog.*

S. Ioanni Rauennati Episcopo, monitus S. Apollinaris, datus est successor Petrus Diaconus Forocorneliensis, qui ob Eloquentiam Chrysologus audit, à Sixto summo Pontifice præpositus tunc nobili sedt, quam non Imperatorum, sed summorum Pontificum priuilegia multum extulerunt.

*Prosper
in Colla-
torem scri-
bit.*

Scribebatur Prosper contra Collatorem, id est Cassianum, ejusque libros, alioquin vtilis bonis moribus, sed quibusdam erroribus aspersos; quos cum emendare conati sint viri sancti, atque eruditi, certum est olim vitiosos extitisse: de fide autem eius non audebis ambigere, si apologiam, pro eo nuper elaboratam eruditè, perlegeris.

*Sixtus ac-
cusatus ab-
soluitur.*

Celebrata hoc anno Romæ Synodus quinquaginta sex Episcoporum in causa Sixti Pontificis, qui hanc sponte adiit vt purgaret se de stupro sacre virginis illato, quod ei Anicius Bassus exconsul, & Marinianus Patricius falso impingebant. Declaratus est innocens coram Valentiniano Imperatore. Ejus calumniatores proscripti, bonis eorum Ecclesiæ adjudicatis, pœnas quas viro sanctissimo paraue- rant, omnibus bonis exultantibus, subierunt.

MVNDI

CHRISTI

4487.

434.

*Honorio
carnipudo.*

Honorio soror Valentiani ab Eugenio procuratore suo constuprata, palatio ejecta est tanquam ejus carcinoma, & transmissa ad Theodosium, vbi Hunnos & Attilam contra Occidentale Imperium concitauit, impia simul & turpis; quæ ferè cognata sunt crimina.

*Volusiani
conuerso.*

Melania junior, hoc anno Volusianum patrum suum paganum obstinatum, nec victum, ab ipso S. Augustino, ab eo euocata Hierosolymis Constantinopolin, vbi legatum agebat, conuertit ad Christum: hic baptizatus à Proclo, Christique corpore vti viatico munitus, discessit ex morbo. Nec huic tantum, sed

& Eu-

& Eudociæ Augustæ, & multis Nestorianis Melania profuit, adeo eam pietas virtusque consummata venerabilem atque potentem effecerant.

Vincentius Livinensis Presbyter & Monachus scribebat hæc anno libellum suum egregium contra omnes hæreticos, laudatum à viris magnis. Putat Baronius hunc Vincentium esse, tempore S. Martini Galliarum præfectum, à Severo Sulpitio mirificè laudatum, nec quod obli-
sistatanti viri conjecturæ, nobis occurrit.

*Vincentius
Livinensis.*

M V N D I

C H R I S T I

4488.

435.

Pax facta hoc anno cum Vandalis in Africa, datæ eis Hippone cum parte regionis, & ad triennium. Data quoque Guadicario, Burgundionum regi, Galliarum pars ab Aërio, à quo victus, licet in Galliis, obtinuit pacem & regionem quam perdere debuerat: sed utrâque dispositus non est, ab Hunnis mox cum suo populo deletus, & attritus à Romanis, ut facilius à Barbaris conficeretur.

*Pax cum
Vanda-
lis, &
Burgun-
dionibus.*

S. Germanus pro Armoricis, quos Aërius deficientes Alemannis diripiendos objecerat, legationem suscepit, & auctoritate suâ Barbaros repressit; sed novam suscipiens ad Valentinianum pro iisdem legationem, multis editis miraculis in itinere, admonitus de morte suâ, blandè quævit in Domino, ab Imperatrice Placidia, & Episcopis, reliquiarum sacrarum direptione, inter sanctos adscriptus.

*S. Germani
obitus.*

Coss. Theodosio XV. & Valentiniano IV. 15. Kal. Mart. Codex Theodosianus, promulgatus est; cujus placita sub Iustiniano Imperatore meliorè ordine digesta, magno fori & iudiciorum commodo postea prodierunt.

*Codex
Theodo-
sianus.*

M V N D I

C R I S T I

4489.

436.

Gothi Theodorico duce Narbonam obsident, quæ cum obsidione & fame laboraret,

*Narbona
liberata.*

Li-

Litorius Comes inuexit in eam cibaria , & Gothos obsidionem soluere compulit . Tribuunt alij id Aëtio , à quo caesa viginti Burgundionum millia volunt . Certè tum appellatus est Aëtius vtriusque militiæ Patricius , Imperij defensor & vindex meritò nuncupandus .

*Nestorij
causam.*

Nestorius diu expectatus ad pœnitentiam , hoc annotandem iussu Theodosij in Oasin , terribili exilij locum , deportatus est , in locum Petras dictum : indeque in fines Thebaidis translatus , vermibus exesa lingua , totoque corpore computrescente , miserabiliter interiit ; vt quàm turpiter dixisset & vixisset posteritas omnis intelligeret , & Deum sæpe illatas injurias matri atrocius castigare , quàm suas .

*Ioan. Antiochenus
moritur.*

Ioannes Antiochenus cùm annis XIII. sedisset , locum suum Domino reliquit , sororis filio , & S. Euthymij desertore monacho . Infamatus est autem Ioannes ob Ephesinum Concilium , & Nestorij partes animosius , quàm bonum præsulem decebat , propugnatas ; tantum meritis laudis , quantum qui non diutius insaniunt .

M V M D I

C H R I S T I

4490.

437.

*Valentinianus
duci Eudoxiam
uxorem.*

Valentinianus Augustus Constantinopolin profectus ad Theodosium , ejus filiam , Eudoxiam Liciniam cognomento , ducit uxorem , ac repetens Italiam Thessalonicae hyemauit , annoque sequenti Rauennam venit . De harum nuptiarum die , vel loco , discrepant autores ; de re omnes conueniunt .

*Persecutio
Vandalica ,
ferocissima .*

Persecutio Vandalica hoc anno Ecclesiam Africanam exagitauit ; ac primùm Episcopos Arianam hæresim detestantes plerosque ciuitatibus Gensericus expulit . Primi occurrerunt Arcadius , Probus , Paschasius , Eutychius huic charissimi , ac fidelissimi , qui bonis , exilio , cruciatibus tentati , mox gloriose occubuerunt , ne fierent Ariani . Paulillus puer elegantissimus , & in-

& ingeniosissimus fustibus atrociter cæsus, ad turpem seruitutem reseruatus est. Hæ primitiæ acerbissimæ persecutionis fuerunt, quæ atrocissima fuit; vt solent esse in Catholicos Hæretici, quàm Ethnici in Christianos crudeliore.

M V N D I

4491.

C H R I S T I

438.

S. Chrysostomi reliquiæ hoc anno Constantinopolin translata; quæ loco moueri non potuerant, nisi epistolâ Theodosii mortui Ioannis pectori additâ, quâ parentibus suis ab eo veniam deprecabatur. Corpus quoque impositum Imperatoris triremi coortâ tempestate ab aliis nauibus separata, ad agrum huius viduæ appulit: cuius causâ Eudoxiæ inimicitas incurerat. Ferunt & Eudoxiæ tumulum semper irrequietum fuisse & agitatum, donec Ioannis corpus receptum est vrbe & Ecclesia sua: vno verbo nullus triumphus hæc funebri pompâ illustrior & magnificentior fuit.

S. Chrysostomi reliquiæ translata.

Eudocia vxor Theodosij, ex voto, aut aliâ de causâ profecta est Hierosolymam, vbi multas ædificauit Lauras monachorum, vrbis muros refecit, multaque religiosè perfecit, ex consilio S. Melaniæ, à quâ etiam mirabiliter sanata fuit, eique plus foeminæ sanctissimæ conuictus, quam sancta peregrinatio profuit.

Eudocia Hierosolymam peregrinatio

M V N D I

4492.

C H R I S T I

439.

Rediens Eudocia Hierosolymis retulit S. Stephani reliquias, & catenas, quibus Petrus fuerat victus Hierosolymis, quarum vnam retinuit Constantinopoli, alteram misit Romam ad filiam Eudoxiam. Hæc oblata catenæ, quâ victus fuerat Petrus in carcere Mamertino, sic cum eâ coniuncta est vt vnius artificis manu facta atque coniuncta videretur; vnde condita Basilica Titulo Eudoxiæ, seu S. Petri ad vincula; cuius miraculi dies etiam in Ecclesiâ

Catena S. Petri.

Kal.

Kal. Augusti sanctè recolitur, multis aliis deinceps miraculis cohonestandus.

*Gothorum
victoria
de Rom.*

Cum Gothis infeliceiter hoc anno pugnatum; Litorius eos aggressus victus, & captus est cum magnâ Romanorum clade. Saluianus tradit Gothos pacem enixè postulasse, nec impetrasse; Ideoque Theodoricum, ad diem vsque prælii, in cilicio ad Deum fuisse preces. Tandem Aëtius misso Auito, qui postea Cæsar fuit, pacem ægrè impetrauit; cum Gothi magna, Romani nihil sperarent.

*Carthago
capta à
Vandalis.*

Genfericus 14. Kal. Nouemb. nihil sibi ab eo metuentem Carthaginem capit, ciues omnes bonis exhaurit, adhibitis quæstionibus: In Sacerdotes potissimum sæuit, & in Ecclesias, quas in vsus prophanos conuertit; denique adeo atrociter debacchatus est, vt non Christianus modò, sed & homo desisse videretur.

MVNDI

CHRISTI

*Sixti III.
obitus.*

4493.

440.

3 Kalendas Aprilis obijt Sixtus III. cum sedisset annos 8. minus triginta diebus; cuius nomine editi sunt libri à Pelagianis, scatentes erroribus. Fuit enim Sixtis fatale, vt iis libri supponerentur. Cum autem Romana sedes vacasset 40. diebus & ampliùs; tandem 6. Idus Martias Leo Diaconus absens electus est: paci enim conciliandæ inter Aëtium & Albinum, Romanos duces, vacabat: magnâ itaque omnium patientiâ expectatus, & legatione etiam publicâ accitus, tandem Romanus Pontifex sedijt; & tandiu speratum esse, actor votis, molestè tulit Romanorum nemo, cum omni expectatione maiorem Antistitem agnouerunt.

*Sicula
Clades à
Vandalis.*

Genfericus cum magnâ classe transit in Siciliam, eamque grauiter vexat. Sed accepto nuncio de Sebastiani ducis aduentu in Africam, redijt Carthaginem, eam curaturus. Sebastianus autem Vandalorum magis amicus esse, quàm hostis voluit; quod ei necis causa fuit.

fuit. Veritus enim hominis fortitudinem & sapientiam Vvandalus, cum ad Arianam sectam trahere conatus est, ac renuentem interemisse. Ita dum mortem in Italiâ & Hispaniâ fugit, inuenit, utpiè creditur, in Africâ pro Christo gloriosiore; quam Idacijs differt ad annum Christi 449.

*Sebastia.
in obitu.*

CAPVT V.

DE CASQVINTA.

Ab anno Christi 440. ad 450.

MVNDI CHRISTI.
4494. 448.

Consulatum hoc anno gessit vnus Cyrus Panopolites, egregius Poëta, ideoque Eudociæ charus, cui & Præfecturam prætorij, & Urbis, & hanc dignitatem ac Patriciatum obtinuit: sed tum elatus, ut postea grauius rueret.

*Cyrus Con-
sul.*

Theodosius hoc anno Vvandalos eicere conatus est ex Africâ, missis eò tribus ducibus cum ingenti classe. Sed dum hi cunctantur, & omnia accuratiùs quàm generosiùs suscipiunt, re infectâ redire compulsi, nihil præter ignominiam, & Principis sui malevolentiam retulere.

*Bellum
in Africa
infelix.*

Tum quoque Oriens simul & Occidens, Barbarorum populationes potius quàm bella sensere. Persæ enim, Saraceni, Zani, Isauri, magnas egere prædas, nec nisi factâ pace repressi. In Illyrico aliqua oppida ab Hunnis excisa, aliquot prouinciæ vastatæ. Asturius tamen vtriusque militiæ dux in Hispaniâ Tarracoeni cæsis Bacaudis, seu rusticis rebellibus, plus sibi gloriæ, quàm vtilitatis Imperio peperit.

*Popula-
tiones Im-
perij Re-
mani.*

Re-

MVNDI

CHRISTI.

4495.

442.

*Pax Ro.
cum Vvan-
dalis.*

Reuocatis à Theodosio ex Sicilia copiis, quæ Orientem defenderent, Valentinianus cum Genferico pacem iniit, seruatis aliquot prouinciis desolatis, & limitibus quibusdam inter Vandalos Romanosque constitutis; cum tamen illi omnia possent in Africâ; hi nomine veriùs, quàm re imperarent.

*Conspira-
tio in Gen-
sericum.*

Statim autem Gensericum domestici tumultus exagitarunt: cum enim ex rebus gestis superbientem deprimere, aut tollere tentarunt optimates, quorum fortitudine & copiis tam præclara gesserat: sed conspiratione patefactâ, plerique interfecti sunt; non pauci inter cruciatus, nimium potuisse Regem suum doluerunt.

*Fœda pax
cum Hun-
nis.*

Bleda & Attila fratres cum Hunnorum exercitu Thraciam fœdâ populatione vexarunt; nec data Theodosio quies, nisi persolutis sex auri librarum millibus, & insuper promissis in annos singulos, tributum nomine, mille libris; quod emere pacem veriùs, quàm facere meritò dixeris.

MVNDI

CHRISTI

4496.

443.

*S. Leo Ma-
nichæos
vexat.*

Tum ex aliis regionibus confluentes Romam à S. Leone detecti sunt Manichæi: cujus exemplum valuit plurimum ad reliquos Orbis Antistites aduersus illiusmodi pestes armandos; vt quemadmodum à capite, sic etiam à reliquis Ecclesiæ membris expellerentur.

*Theodore-
tus susce-
pit hære-
ticos.*

Theodoretus versabatur id temporis Antiochiæ, vbi frequentes conuentus celebrabat: re ad Imperatorem delatâ, adjunctâ suspitione quodd foueret Nestoriana dogmata, cum aliàs Nestorio fuisset addictissimus, Antiochiâ facessere iussus est à Theodosio, & se vrbe suâ Cyro continere. Paruit vir tantus: sed Hæreseos crimen sic à se depulit per epistolas, sicut facere solent Catholici dum veniunt in labis
hujus

huius suspicionem, hoc est, illustri veræ fidei professione cum aliquâ indignatione coniunctâ.

MVNDI CHRISTI

4497.

444

Conuenerant inter se hætenus Bleda, & Attila fratres, Reges Hunnorum: sed vt duorum Imperia non solent esse diuturna, hoc anno Attila fratrem suum interemit, eique subditos populos ad se pertraxit; vnde iudicatum quàm terribilis futurus esset exteris gentibus, qui ne fraterno quidem sanguini pepercisset.

Attila fratrem cædit.

Hoc anno valdè turbata est aula Theodosij; casus cuius pauci meminere. Oblatum fuerat pomum Theodosio exquisitæ magnitudinis, & pulchritudinis, quod statim ad uxorem Eudociam misit; hoc illa dono dedit Paulino Magistro, viro erudito, quicum frequentissimè versabatur; Hic nescius vnde veniret primò, remisit ad Imperatorem. Theodosius interrogatam Eudociam mendacem deprehendit; quod mendacium Paulino vitâ stetit, incredibili Eudociæ dolore, quòd huius viri pœnâ, eius pudicitia in suspicionem vocaretur.

Turbæ in aula Theodosij.

50. Idus Iulij abiit ex viuis S. Cyrillus Alexandrinus; cuius tamen memoria apud Latinos 5. Kal. Februarij recolitur: vnde eius sanctitas intelligitur; nam eius eruditionem scripta testantur; multa quidem, sed longè plura intercederunt, magno famæ eius, maioris Ecclesiæ damno. Quòd autem fuisse Carmelita, sicut & Ioannes Antiochenus, à nescio quo scribitur, explodi debet, sicut Epistola à Theodoro de eius obitu exarata, vt pote quæ neque temporis, neque rationi satis concinnant.

S. Cyrilli Alexandr. obitus.

Cyrillo successit Hypocrita Dioscorus, Originista, Arjanus, homicida, incendiarius, vitæque turpissimus; qui statim S. Cyrilli hæreses exagitauit, multamque pecuniam exegit, quam in pistorum, & caupones effudit, melius, & æquius inopibus distribuendam, quorum

Dioscorus succedit S. Cyrillo

CAPVT IV.

DECAS QVARTA.

Ab anno Christi 430. ad 440.

MVNDI.

CHRISTI.

448.

431.

Celebrata est hoc anno Christi, tertia
ordine Oecumenica

SYNODVS. EPHESINA

SYNO.
DV.
EPHE.
SENA.

CONTRA Nestorium, præsidente huic
Cyrillo, nomine Cœlestini Pontificis,
adiectis Legatis tribus, Arcadio ac Projecto
Episcopis, & Philippo Presbytero; Episcopi
in eâ numerati sunt supra ducentos. Irenæus
quoque Comes & Candidianus Comes Domesti-
corum Nestorianus missi sunt ab Imperatore,
tantum ut turbas impedirent. Diebus 15. ex-
pectatus Ioannes Antiochenus, Nestorij fautor,
moras de industria necebat: cum non adesset,
inchoatur Concilium x Kal. Iulias; citatusque
Nestorius, cum superbè, immo & crudeliter
venire recusasset, anathemate percussus, &
spoliatus est Episcopatu. Post dies quinque, hoc
est 5. Kal. Iulias adfuit Ioannes Antiochenus
cum suis Episcopis, quorum præcipui Theodo-
retus & Paulus Emisenus. Hi statim in diuer-
sorio cum quibusdam aliis Nestorianis erroni-
bus, ferè jam depositis, Cyrillum, & Memno-
nem Ephesinum damnant, omniaque Conci-
lij acta rescindunt. Comites porro interceptis
retentisque Catholicorum litteris, Heterodo-
xorum Epistolas mittunt, & ea scribunt quæ
Nestorij causam sulcirent, Cyrilli labefacta-
rent.

rent: quare Memnon, Cyrillus, Nestorius in-
custodiam dati, Imperator in sequiores partes
abripì videbatur. Tum Nestoriani, ut plures *Turba in
hoc Con-*
haberent sectatores, approbarunt Pelagij dog-
ma, sicque sibi Pelagianos omnes adjunxerunt.
Aliunde Ioannes vocatus ad Synodum venire
recusavit, etiam missis Episcopis ad eum pro-
caciter insultans; quare cum suis sectariis 35.
nominatim præcisus est ab Ecclesiâ. Interea
Iuuenalis in his turbis impetrare conatus est
ut Hierosolyma Palæstinæ præffet, antea
etiam ex Nicæno Concilio subdita Cæsareæ;
restitit tamen constanter Cyrillus, & ma-
lis pressus licet, non est passus aliquid de-
cerni quod iniquum videretur. Tandem Patres
Ephesini videntes se à Comitibus esse delusos,
litteras suas ad Theodosium nequaquam per-
uenisse; fidum hominem habitu peregrini, in-
clusis in arundine litteris, clam mittunt Con-
stantinopolin. Hic adnitentibus Monachis,
& maximè S. Dalmatio, Imperatorem dedo-
cuit, quem confirmavit Pulcheria Augusta.
Itaque depositus Nestorius, in eius locum sub-
stitutus Maximianus, data Ioanni Antiocheno
mora ut resipisceret, Catholica fides & Beatifi-
sima Virgo de Nestorio gloriosum triumphum
reportarunt. Hujus monumentum fuit Ecclesiâ
in Blachernis extructa sumptibus Placidæ, ut
virgo Virgini nequaquam defuisse diceret-
ur.

*Tandem
damnatus
Nestorius.*

Aspar dux Theodosij, junctis cum Bonifacio
Comite copiis, in Africâ Gensericum ac Vvan-
dalos inuasis: sed omnino deletus Roma-
norum exercitus, Aspar Constantinopolin,
Bonifacius Romam fugere compulsi, tota
Africa Vvandalis huius victoriæ præmium fuit.
Bonifacius autem, Romæ magister militum di-
ctus, obsistentem sibi expertus est Aërium, quem *Bonifacij
exitus.*
velacie, vel singulari certamine vicit; ac fu-
gere compulit in P. a. oniam; paulò post ta-
men.

men vel ex morbo , vel ex vulnere ab Aëtio accepto, mortuus est Bonifacius , ac moriens mandauit vxori suæ , ne alteri quàm Aëtio nuberet . Aëtius autem suis Hunnis , ad quos refugerat , fretus, vñsus hoc tempore necessarius, recuperauit dignitatem suam , quã se mox non indignum demonstrauit .

*Aetius
vincit
Clodionem , &
Francos.*

Enimuero Clodionem cum suis Francis nuptias incautiùs ac securiùs celebrantem oppressit ; ac benè vsus victoriã sic fugientes vsit , vt regredi vltra Rhenum cogerentur ; quem insuper ita communiuit , vt regrediendi voluntatem Francis eriperet , & suã se cogeret Germaniã tantisper continere , ne gens tota deleteretur .

*Pelagius
pœnitentia.*

Hoc tempore Nonnus Episcopus Edeffenus meretricem Antiochenam , ab ornatu suo Margaritam dictam , ex libidinis cœno retraxit , ac Pelagiam vocauit , pœnitentiã suã quàm malis suis moribus celebratiorem .

*Mors S.
Paulini
Nolani ,
& virtus.*

Moritur denique hoc anno sanctus Paulinus Nolanus Episcopus x. Kal. Iulias, ætatis 78, ad eò laudatus à SS. Patribus , cuius nobile factum nunquam tacebitur ; cum datis omnibus bonis suis vt captiuos redimeret , se quoque Vandalis vendidit , vt viduæ filium recuperaret , & factus olitor apud Regis Barbari fratrem , ex prophetico spiritu suo atque virtute detectus , Nolam cum multis captiuis est honorificè remissus . Sed quis ille fuerit Rex Vandalorum tam incertum est , quàm certa tanti præsulis virtus , & charitas fuit .

MVNDI

CHRISTI.

4485.

432.

*Cælestino
succedit
Sixtus
III.*

Cælestinus Papa 8. Id. Aprilis obiit , Sedis suæ anno 8. cum mensibus 5. & tribus diebus ; ad eò inuisus Nouatoribus , vt eum *Infernalem* vocauerint ; pejus etiam tractatus à Laurentio Valla , qui hunc cum Cælestio hæretico confudit , & fecit Pelagianum , supina prorsus , neque

que mirandâ satis ignorantia. Huic successit Sixtus tertius post dies viginti, à quo est superioris anni Synodus confirmata; reuocatus amicè, quamquam sine fructu, Nestorius; feliciùs Ioannes Antiochenus hoc anno sanæ menti atque Ecclesiæ redditus est.

Tum enim Theodosius consilio vsus Maximiani Episcopi sui, Acacij Beræensis senio degauati & Simeonis Stylitæ Orbis tum miraculi, & dum viueret in sanctorum numerum prope relati operâ, Ioannem Antiochenum, conuocatâ ex Syriæ Episcopis Synodo, cum S. Cyrillo reconciliauit. Itaque misit Alexandriam Paulum Emisenum Episcopum, qui frustra obtinere conatus est à Cyrillo ut suos in Nestorium damnare tanathematismos; quare omnibus ex arbitrio Cyrilli perfectis, Paulus concienem habuit in quâ S. Virginem *Deiparam* dixit; admisitque in Christo duas naturas: ideo exceptus magnis acclamationibus ab Alexandrinis; quæ in Cyrilli summam gloriam redundarunt.

*Cyrillus
Victor &
B. Virg.*

Nestorius iussus est viuere in monasterio S. Euprepij Antiochiæ, spatio huic ad pœnitentiam dato; sed quæ ferè nunquam ab hæreseos parentibus debet expectari.

*Nestorius
pœnitentia
frustra
petasur.*

Eius porro fautores multa impiè & sceleratè in Theodosium & Pulcheriam deblaterarunt, atque inter cetera horrendam calumniam procuderunt; ideò damnatum Nestorium, quòd incestos vtriusque concubitus arguisset, quâ tetriorem Dæmon ipse vix potuisset excogitare.

M V N D I

C H R I S T I.

4436.

433.

S. Britius Turonensis Episcopus adulterij accusatus, quamquam duobus insignibus miraculis se probasset innocentem, à suis ciuibus pulsus, à Sixto Pontifice restitutus est, eiusque castitas cœli ac terræ testimoniis confirmata.

*S. Britius
citus
flus.*

S. Ioan-

*S. Petrus
Chrysolog.*

S. Ioanni Rauennati Episcopo, monitus S. Apollinaris, datus est successor Petrus Diaconus Forocorneliensis, qui ob Eloquentiam Chrysologus audiit, à Sixto summo Pontifice præpositus tunc nobili sedî, quam non Imperatorum, sed summorum Pontificum priuilegia multum extulerunt.

*Prosper
in Colla-
torem scri-
bit.*

Scribebatur Prosper contra Collatorem, id est Cassianum, ejusque libros, alioquin utiles bonis moribus, sed quibusdam erroribus aspersos; quos cum emendare conati sint viri sancti, atque eruditi, certum est olim viciosos extitisse: de fide autem ejus non audebis ambigere, si apologiam, pro eo nuper elaboratam eruditè perlegeris.

*Sixtus ac-
cusatus ab-
soluitur.*

Celebrata hoc anno Romæ Synodus quinquaginta sex Episcoporum in causa Sixti Pontificis, qui hanc sponte adiit vt purgaret se de stupro faceræ virgini illato, quod ei Anicius Bassus exconsul, & Marinianus Patricius falso impingebant. Declaratus est innocens coram Valentiniano Imperatore. Ejus calumniatores proscripti, bonis eorum Ecclesiæ adjudicatis, pœnas quas viro sanctissimo paraue- rant, omnibus bonis exultantibus, subierunt.

M V N D I C H R I S T I

4487.

434.

*Honorîa
cunipitudo.*

Honorîa soror Valentiani ab Eugenio procuratore suo constuprata, palatio ejecta est tanquam ejus carcinoma, & transmissa ad Theodosium, vbi Hunnos & Attilam contra Occidentale Imperium conceitauit, impia simul & turpis; quæ ferè cognata sunt crimina.

*Volusiani
conuersio.*

Melania junior, hoc anno Volusianum patruum suum paganum obstinatum, nec victum ab ipso S. Augustino, ab eo euocata Hierosolymis Constantinopolin, vbi legatum agebat, conuertit ad Christum: hîc baptizatus à Proclo, Christique corpore vti viatico munitus, discessit ex morbo. Nec huic tantum, sed

& Eu-

& Eudociæ Augustæ, & multis Nestorianis Melania profuit, adeo eam pietas virtusque consummata venerabilem atque potentem effecerant.

Vincentius Lirinensis Presbyter & Monachus scribebat hoc anno libellum suum egregium contra omnes hæreticos, laudatum à viris magnis. Putat Baronius hunc Vincentium esse, tempore S. Martini Galliarum præfectum, à Severo Sulpitio mirifice laudatum, nec quod obfistatanti viri conjecturæ, nobis occurrit.

Vincentius Lirinensis.

M V N D I

C H R I S T I

4483.

435.

Pax facta hoc anno cum Vandalis in Africâ, datâ eis Hippone cum parte regionis, & ad triennium. Data quoque Guadario, Burgundionum regi, Galliarum pars ab Aëtio, à quo victus, licet in Galliis, obtinuit pacem & regionem quam perdere debuerat: sed utrâque diu potius non est, ab Hunnis mox cum suo populo deletus, & attritus à Romanis, ut facilius à Barbaris conficeretur.

Pax cum Vandalis, & Burgundionibus.

S. Germanus pro Armoricis, quos Aëtius deficientes Alemannis diripiendos objecerat, legationem suscepit, & auctoritate suâ Barbaros repressit; sed novam suscipiens ad Valentinianum pro iisdem legationem, multis editis miraculis in itinere, admonitus de morte suâ, blandè quævit in Domino, ab Imperatrice Placidia, & Episcopis, reliquiarum sacrarum direptione, inter sanctos adscriptus.

S. Germani obitus.

Coss. Theodosio XV. & Valentiniano IV. 15. Kal. Mart. Codex Theodosianus, promulgatus est; cujus placita sub Iustiniano Imperatore meliori ordine digesta, magno fori & iudiciorum commodo postea prodierunt.

Codex Theodosianus.

M V N D I

C R I S T I

4489.

436.

Gothi Theodorico duce Narbonam obsident, quæ cum obsidione & fame laboraret,

Narbona liberata.

Li-

Litorius Comes inuexit in eam cibaria , & Gothos obsidionem soluere compulit . Tribuunt alij id Aëtio , à quo cæsa viginti Burgundionum millia volunt . Certè tum appellatus est Aëtius veriusque militiæ Patricius , Imperij defensor & vindex meritò nuncupandus .

*Nestorii
censura*

Nestorius diu expectatus ad pœnitentiam , hoc annotandem jussu Theodosij in Oasin , tetrici exilij locum , deportatus est , in locum Petras dictum : indeque in fines Thebaidis translatus, vermibus exesa linguâ , totoque corpore computrescente , miserabiliter interiit; vt quàm turpiter dixisset & vixisset posteritas omnis intelligeret , & Deum sæpe illatas injurias matri atrocius castigare, quàm suas .

*Ioan. An-
tiochanus
moritur.*

Ioannes Antiochenus cùm annis XIII. sedisset, locum suum Domino reliquit , sororis filio , & S. Euthymij desertore monacho . Infamatus est autem Ioannes ob Ephesinum Concilium , & Nestorij partes animosius, quàm bonum præfulem decebat , propugnatas ; tantum meritis laudis , quantum qui non diutiùs infaniunt .

M V M D I

4490.

C H R I S T I

437.

*Valenti-
nians du-
cis Eudo-
xiam ux-
orem.*

Valentinianus Augustus Constantinopolin profectus ad Theodosium, ejus filiam , Eudoxiam Liciniam cognomento , ducit vxorem , ac repetens Italiam Theßalonica hyemauit , annoque sequenti Rauennam venit . De harum nuptiarum die , vel loco , discrepant auctores ; de re omnes conueniunt .

*Persecu-
tio Vvan-
dalica ,
ferocissi-
ma .*

Persecutio Vvandalica hoc anno Ecclesiam Africanam exagitauit ; ac primùm Episcopos Arianam hæresim detestantes plerosque ciuitatibus Gensericus expulit . Primi occurrerunt Arcadius , Probus , Paschasius , Eutychius huic charissimi , ac fidelissimi , qui bonis , exilio , cruciatibus tentati , mox gloriose occubuerunt , ne fierent Ariani . Paulillus puer elegantissimus ,

& in-

& ingeniosissimus fustibus atrociter cæsus, ad turpem seruitutem reseruatus est. Hæ primitiæ acerbissimæ persecutionis fuerunt, quæ atrocissima fuit; vt solent esse in Catholicos Hæretici, quàm Ethnici in Christianos crudeliore.

MVNDI

4491.

CHRISTI

438.

*S. Chryso-
stomi re-
liquia
translatæ.*

S. Chrysostomi reliquiæ hoc anno Constantinopolin translata; quæ loco moueri non poterant, nisi epistolâ Theodosij mortui Ioannis pectori additâ, quâ parentibus suis ab eo veniam deprecabatur. Corpus quoque impositum Imperatoriæ triremi coortâ tempestate ab aliis nauibus separatâ, ad agrum huius viduæ appulit: cuius causâ Eudoxiæ inimicitas incurerat. Ferunt & Eudoxiæ tumultum semper irrequietum fuisse & agitatam, donec Ioannis corpus receptum est vrbe & Ecclesia sua: vno verbo nullus triumphus hæc funebri pompâ illustrior & magnificentior fuit.

Eudocia vxor Theodosij, ex voto, aut aliâ de causâ profecta est Hierosolymam, vbi multas ædificauit Lauras monachorum, vrbis muros refecit, multaque religiosè perfecit, ex consilio S. Melaniæ, à quâ etiam mirabiliter sanata fuit, eique plus formiæ sanctissimæ coniunctus, quam sancta peregrinatio profuit.

*Eudocia
Hieroso-
lymam pe-
regrinatio*

MVNDI

4492.

CHRISTI

439.

*Catena
S. Petri.*

Rediens Eudocia Hierosolymis retulit S. Stephani reliquias, & catenas, quibus Petrus fuerat victus Hierosolymis, quarum vnam retinuit Constantinopoli, alteram misit Romam ad filiam Eudoxiam. Hæc oblata catenæ, quâ victus fuerat Petrus in carcere Mamertino, sic cum eâ coniuncta est vt vnius artificis manu facta atque coniuncta videretur; vnde condita Basilica Titulo Eudoxiæ, seu S. Petri ad vincula; cuius miraculi dies etiam in Ecclesiâ Kal.

Kal. Augusti sanctè recolitur, multis aliis deinceps miraculis cohonestandus.

*Gothorum
victoria
de Rom.*

Cum Gothis infeliceiter hoc anno pugnatum; Litorius eos aggressus victus, & captus est cum magnâ Romanorum clade. Saluianus tradit Gothos pacem enixè postulasse, nec impetrasse; Ideoque Theodoricum, ad diem vsque prælii, in cilicio ad Deum fuisse preces. Tandem Aëtius misso Auito, qui postea Cæsar fuit, pacem ægrè impetravit; cum Gothi magna, Romani nihil sperarent.

*Carthago
capta à
Vandalis.*

Gensericus 14. Kal. Nouemb. nihil sibi ab eo metuentem Carthaginem capit, ciues omnes bonis exhaurit, adhibitis quæstionibus. In Sacerdotes potissimum sæuit, & in Ecclesias, quas in vsus prophanos conuertit; denique adeo atrociter debacchatus est, vt non Christianus modò, sed & homo desisse videretur.

MVNDI

CHRISTI

*Sixti III.
obitus.*

4493.

440.

3 Kalendas Aprilis obijt Sixtus III. cum sedisset annos 8. minus triginta diebus; cuius nomine editi sunt libri à Pelagianis, scatentes erroribus. Fuit enim Sixtis fatale, vt iis libri supponerentur. Cum autem Romana sedes vacasset 40. diebus & amplius; tandem 6. Idus Martias Leo Diaconus absens electus est; paci enim conciliandæ inter Aëtium & Albinum, Romanos duces, vacabat: magnâ itaque omnium patientiâ expectatus, & legatione etiam publicâ accitus, tandem Romanus Pontifex sedijt; & tandiu speratum esse, actot votis, molestè tulit Romanorum nemo, cum omni expectatione maiorem Antistitem agnouerunt.

*B. Leo
Magnus ei
sufficitur.*

*Sicula
Clades à
Vandalis.*

Gensericus cum magnâ classe transit in Siciliam, eamque grauitè vexat. Sed accepto nuncio de Sebastiani ducis aduentu in Africam, redijt Carthaginem, eam tutaturus. Sebastianus autem Vandalorum magis amicus esse, quàm hostis voluit; quod ei necis causa fuit,

fuit. Veritus enim hominis fortitudinem & sapientiam Vandalus, cum ad Arianam sectam trahere conatus est, ac renuentem intermisit. Ita dum mortem in Italiâ & Hispaniâ fugit, inuenit, utpiè creditur, in Africâ pro Christo gloriosorem; quam Idacius differt ad annum Christi 449.

*Sebastiao
m obitus.*

CAPVT V.

DECAS QVINTA.

Ab anno Christi 440. ad 450.

MVNDI CHRISTI.
4494. 444.

CONSULATUM hoc anno gessit vnus Cyrus Panopolites, egregius Poëta, ideoque Eudociz charus, cui & Præfecturam prætorii, & Urbis, & hanc dignitatem ac Patriciatum obtinuit: sed tum elatus, ut postea grauius rueret.

*Cyrus Con
sul.*

Theodosius hoc anno Vandalos eicere conatus est ex Africâ, missis eò tribus ducibus cum ingenti classe. Sed dum hi cunctantur, & omnia accuratius quàm generosius suscipiunt, re infectâ redire compulsi, nihil præter ignominiam, & Principis sui malevolentiam retulere.

*Bellum
in Africa
infelix.*

Tum quoque Oriens simul & Occidens, Barbarorum populationes potius quàm bella sensere. Persæ enim, Saraceni, Zani, Isauri, magnas egere prædas, nec nisi factâ pace repressi. In Illyrico aliqua oppida ab Hunnis excisa, aliquot provincie vastatae. Asturius tamen vtriusque militie dux in Hispaniâ Tarracoeniensi cæsis Bacaudis, seu rusticis rebellibus, plus sibi gloriæ, quàm vtilitatis Imperio peperit.

*Popula.
tiones Im.
perij Ro,
mani.*

Re-

huius suspicionem, hoc est, illustri veræ fidei professione cum aliquâ indignatione coniunctâ.

MVNDI CHRISTI

4497.

444

Conuenerant inter se hæcenus Bleda, & Attila fratres, Reges Hunorum: sed vt duorum Imperia non solent esse diuturna; hoc anno Attila fratrem suum interemit, eique subditos populos ad se pertraxit; vnde iudicatum quàm terribilis futurus esset exteris gentibus, qui ne fraterno quidem sanguini pepercisset.

*Attila
fratrem
cadit.*

Hoc anno valdè turbata est aula Theodosij; casus cuius pauci meminere. Oblatum fuerat pomum Theodosio exquisitæ magnitudinis, & pulchritudinis, quod statim ad uxorem Eudociam misit; hoc illa dono dedit Paulino Magistro, viro erudito, quicum frequentissimè versabatur; Hic nescius vnde veniret primò, remisit ad Imperatorem. Theodosius interrogatam Eudociam mendacem deprehendit; quod mendacium Paulino vitâ stetit, incredibili Eudociæ dolore, quod huius viri pœnâ, eius pudicitia in suspicionem vocaretur.

*Turba in
aula Theodosij.*

50. Idus Iulij abiit ex viuis S. Cyrillus Alexandrinus; cuius tamen memoria apud Latinos 5. Kal. Februarij recolitur: vnde eius sanctitas intelligitur; nam eius eruditionem scripta testantur; multâ quidem, sed longè plura intercederunt, magno famæ eius, maioris Ecclesiæ damno. Quod autem fuisse Carmelita, sicut & Ioannes Antiochenus, à nescio quo scribitur, explodi debet, sicut Epistola à Theodoro de eius obitu exarata, vt pote quæ neque tempori, neque rationi satis concinnant.

*S. Cyrilli
Alexandr.
obitus.*

Cyrillo successit Hypocrita Dioscorus, Originista, Arjanus, homicida, incendiarius, vitæque turpissimus; qui statim S. Cyrilli hæreses exagitauit, multamque pecuniam exegit, quam in pistorum, & caupones effudit, melius, & æquius inopibus distribuendam, quorum

*Dioscorus
succedit
S. Cyrillo*

patrimonium fuisse videbantur iis, qui omnia
refecabant ad viuum, nec Cyrillum volebant in
suos fuisse liberalem.

MVNDI CHRISTI

4498.

445.

*Vitus ma-
lè Hispan-
nus ad-
ministrat.*

Hoc anno, quo Prosperi Chronicon finitur Vi-
tus magister vtriusque militiæ missus in Hispan-
niam, melius inchoauit, quàm terminauit bel-
lum. Tandem enim territos profugit ex commis-
sâ sibi prouinciâ, eamque Sueuis populandam
reliquit, quam ipse prior exercitus sui vanâ con-
cursatione diripuerat.

MVNDI CHRISTI

4499.

446.

*Constanti-
nopolis
afflicta.*

Vrbem Constantinopolitanam hoc anno fames
atrox vexauit, quam statim grauis, de more,
subsecuta est lues. Accessit & templi conflagra-
tio, & in circotum multus populi, non nisi mul-
to sanguine restinctus; adeo vt in eius vrbis per-
niciem cælum, terra, ipsaque adeo ciuitas con-
spirasse videretur.

*Picti, &
Scoti
Britannos
vexant.*

Picti, hoc est, antiqui Britanni exleges, &
Barbari, iuncti Scythis, qui se postea dixerunt
Scotos, non nihil inflexo nomine dixerunt, Britan-
nis, intra murum degentibus internecinum in-
dixere bellum. Frustra hi suppeticas ab Aëtio po-
stulauere, à Barbaris in Gallia distento; prouin-
cia igitur locuples direpta, ac cadibus impleta
est, quas Gildas sapiens dolentiùs deffere, non
satis explicare potuit.

MVNDI CHRISTI

4500.

447.

*S. Fla-
uius suc-
cedit
Proclo.*

Mortuus est hoc anno Proclus Episcopus
Constantinopolitanus Antistes, vir eruditus, &
magnus; cui datus est successor S. Flavianus
presbyter, iam initio sui Episcopatus fortis.
Cum enim Chrysaphius Eunuchus, Imperatoris
cubicularius, ab eo aliquid petisset benedi-
ctionis causâ, misit illi panes puros, atque aurum
repetenti, respondit aurum Ecclesiæ esse, atque
pau-

pauperum ; quod semiviri huiusce ministri bilem sic accendit ; vt sanctum virum perdere decreuerit , adiutus ab Eudociâ Augustâ ; quod & præstitit , cum magno Ecclesiæ , atque Imperij dedecore.

*Trisagi
initium.*

Attila tam atrociter depopulatur Imperium Orientale , vt muri Nouæ Romæ visi sint reparandi , vt saltem se munitionibus suis , vrbs tanta , tamque populosa tueretur . Hos enim muros disjecerat terribilis ille terræ motus , qui totis sex mensibus tenuit , adeo vt Theodosius ipse cum vniuerso populo sub pellibus in campo habitare cogeretur . Omnibus autem ad Deum per preces aliquando recurrentibus , raptus est turbâ puer in cælum , vbi concincentes audiuit Angelos , *Sanctus Deus , Sanctus Fortis , Sanctus Immortalis , miserere nobis* , admonitusque est vt idem hymnus in terris occineretur ; quod cum factum esset , illicò conqueiuit terra , statimque expirauit puer ; elatusque magnifico funere sepultus est in Ecclesiâ , datum initium *Trisagio* , quod deinceps in Ecclesiâ Orientali , atque Occidentali celeberrimum extitit , & ad Dei furorem placandum , non sine fructu , semper adhibitum .

*Pulcheria
in ordinē
reducta.*

Chrysaphius efficit apud Theodosium , vt Pulcheria redigeretur in ordinem , & spoliata Augustæ dignitate inter Diaconissas accenseretur . Quod cum illa subodorata esset , sponte aulâ cessit , seseque recepit in Hebdomum , vt sibi deinceps atque pistati vacaret ; magno quidem eius commodo , sed ingenti Ecclesiæ & Imperij damno , cum illa vtramque autoritate suâ , & pietate fulciret .

MVNDI CHRISTI

4501.

448.

Eutyches Archimandrita , qui cæteris fortibus & animosius in Nestorium dimicarat , duas in Christo naturas confudit ; ac primò detectus ab Eusebio Dorylei Episcopo , delatus est ad

*Detegitur
Eutyches,
& dam-
natur.*

Synodum Constantinopolitanam, tum coactam in causâ Florentij Sardenſis Episcopi. Diu tergiversatus venire ad Synodum tandem adfuit, & quid sentiret, subdolè tamen aperuit; ideò damnatus, & Presbyteratu ac Monasterij administratione deiectus est, quamquam à Chrysaphio, quem in Baptismate susceperat, defenderetur, & huic Eudocia Augusta totâ autoritate faueret. Statim eâ de re admonitus est à Flauiano S. Leo, & sapienter; cùm ab ipso Imperatore, curante Chrysaphio, apud eundem Papam susceptum esset Eutychetis patrocinium, omnibus Synodis, nisi Romanus Pontifex obstitisset, præualiturum.

I. a Edesseni Episcopus.

Ibas Edessenus Episcopus accusatus à quatuor Presbyteris suis, quos excommunicarat, primum absolutus est Antiochiæ, deinde cum iis reconciliatus Tyri, denique iterum agnitus ut Catholicus, cum suâ Epistolâ ad Marin Persam Beryti: quæ sententia confirmata in Concilio Chalcedonensi, improbata in Synodo, magnarum in Ecclesiâ turbarum causa fuit, quòd eâ Epistolâ Theodori Mopsuesteni continerentur laudes, & Cyrilli damnatio antequam cum Ibâ & Ioanne Antiocheno reconciliaretur; quæ quidem ad hominem hæreticum declarandum satis non esse iudicata sunt; cùm nondum eâ Epistolâ stabilendum suum dogma Nestoriani abuterentur.

Merouari initia.

Hoc anno Clodio seu Cloio Rex Francorum cùm xxi. circiter annis regnasset, solium suum reliquit affini, vel filio suo Notho Merouæo, qui primæ Francorum Regum prosapiæ dedit nomen, quia ab eius regno verè Franci Galliam possedere, & iunctâ gente Francicâ cum Gallicâ vnum deinceps populum effecere, cui neque Gallorum fortitudo expedita, nec Germanis innatum decisset robur, cœli Gallici temperiæ ad lautitias & magnificentiam comparatâ.

MVNDI CHRISTI

4502.

449.

Operâ Chrysaphij altera de Eutychete habitata est Synodus Constantinopoli, in quâ tamen licet iniquissimè omnia optata essent, doli veteratoris subdoli patuerunt. Itaque obtinuit Eutyches, eodem adnigente Chrysaphio, vt Synodus Oecumenica Ephesi cogeretur, cui præesset turpissimus Dioscorus. Dicta hæc *Andriani* *Εὐνοδὸς* seu *Ephesium Latrocinium, aut Prædoforia Synodus*. Ad eam miserat S. Leo Legatos; sed hi pessimè habiti sunt, sicut & omnes orthodoxi Episcopi; Flavianus plagis contusus, & constrictus vinculis, à sceleratissimo Archimandritâ Barsumâ in exilium missus, vbi ex ærumnis mortuus est. Dammati item Eusebius, Ibas, Theodoretus, immo ipse Dominus, omnes in exilium amandati; in quo maximè constantia Theodoretî enituit. Quæ cum agnouisset Romanus Pontifex, Romæ in Synodo damnauit omnia; cui adiunxit Valentinianus edictum suum, licet Theodosius, quem quasi chamo inutile iumentum ducebat Chrysaphius, huic contrarium edidisset. Ita Principes qui *ταῖς* regendos sededunt, non tantum multa ineptè atque fanaticè, sed etiam impiè ac sceleratè faciunt, & suo & alieno crimine nocentissimi.

Reuersus Alexandriam Dioscorus, vocatis quibusdam sceleratis Episcopis, ac similibus sui, ad Synodum, Leonem Pontificem anathemate perculit, cui vt subscriberent vix inuenit decem, eosdemque coactos; tanta erat Romani Præfulis apud scelestitissimos Antistites auctoritas & reuerentia.

Mortua tum creditur Galla Placidia, mortua & Marina Arcadij filia; hæc pierate ac castimonia toto Oriente celebris; illa Valentiniano necessaria, quâ sublatâ ipse in deteriora ruit, matris tantum bonitate & prudentiâ bonus,

Pseudo-synodus Ephesina

Dioscorus, S. Leonem damnat.

Galla Placidia moritur.

MVNDI CHRISTI

4503.

450.

*Cyrus fit
Episcop.*

Cyrus Præfectus prætorio, propter acclamationem in Circo, & inuidorum artes excidit ex Theodosij gratiâ, quando & mortis metu is confugit ad Ecclesiam, vbi Presbyter factus est, ac deinde creatus Episcopus Smyrnearum, vel Cotyæorum, in eius beneuolentiam peruenit, vnde nullus eum mortalium deicere potuit, factus Deo Optimo Maximo mirificè gratiosus.

*Pulcheria
reuocatur,
pellitur
Eudocia.*

Quæ sponte cesserat Aulâ Pulcheria, vbi fratrem suum actum in transuersa vidit, ad eum rursus accessit, effecitque quâ valebat prudentiâ, vt in eius rediret gratiam, quam ipsi Chrysaphius impius eripuerat. Per eam oculos aperuit Theodosius; qui primùm Eudociam vxorem suam grauitè increpitam in Hebdomum relegauit; vnde ipsa Hierosolymam nauigauit, facta ex necessitate pia, atque religiosa.

*Theodosius
Junior mor-
ritur, cui
succedit
Pulcheria
cum Mar-
ciano.*

Nec ita multò post obiit Theodosius, siue ex morbo, siue lapsus ex equo in venatione, siue in fluuium Album cadens, & abreptus, sequentique nocte mortuus; de genere enim mortis eius, inter authores non conuenit. Constat tamen eum Imperium suum Pulcheriæ sorori reliquisse, eâ tamen lege, vt hæc, licet virgo quinquagenaria maior, & Deo consecrata, Marciano nuberet, qui huic vt S. Iosephus Beatæ Virgini maritus esset, sicque inter eos matrimonium iniretur, non permixto sexu, sed mentis affectu. Hic est porro Marcianus vir religiosissimus, atque fortissimus, qui mirabiliter ereptus morte, ac per omnes militiæ gradus euectus ad summa, dignus iudicatus est cui Imperium committeretur cum Pulcheriâ; cuius statim operâ vt Ecclesiâ, sic Imperium restoruit, reuocati Episcopi exales, victus ad Danubium Attila reliquit Orientem, casus malorum omnium

nium author Chrysaphius ; intellectum denique pietatem ad reparanda regna , vnam prope esse necessariam.

Chrysa-
phius ca-
ditur.

CAPVT VI.

DECAS SEXTA.

Ab anno Christi 450. ad 460.

MVNDI CHRISTI

450.

451.

AT T I L A , cognominans se Flagellum Dei , cum septingentis hominum millibus exto- to Septentrione coactis , cum plurimis Regulis , in Occidentem copias infudit , ausus etiam Ro- mæ , à Valentiniano Palatium ad habitandum postulare . Erat hic non tantum fortis Impera- tor , sed & callidus , animoque ac corpore me- tuendus . Hæc ergo tempestas primùm in Gal- lias incubuit ; hæc omnia sacra prophanaq; per- miscuit , incendit vrbes , ciues aut cecidit , aut abduxit , arque in regno florentissimo magnum desertum effecit . Repressus est tamen à quibus- dam sanctis viris , vir nulli mortalium parcere solitus : Quominus enim Treas perderet , impe- diit S. Lupus ; Parisios , S. Genouesæ ; Vafate , suus Episcopus ; Aurelias , S. Anianus , cuius e- tiam precibus victus esse idem Atrila perhibetur . Dum enim hic Aurelias obsidet , & tantum non ad potitur , adfuit cum ingenti Romanorum exercitu Aëtius , qui adjunctis sibi Theodorico Gothorum Rege , cum filio Thorismundo , & Me- rovro cum suis Francis , operâ Auiti Præfecti Galliarum obsidionem cum relinquere compu- lit , & in Belgio ac Catalaunicis campis receden- tem assecutus , magnâ vtriusque factâ strage.

Atrila
di ipis
Gallias.

Vincitur
in Cata-
launicis
campis.

deleuit, ac fugere compulit. Cæsa tum fuisse perhibentur vtrique centum octoginta millia, inter reliquos Rex Theodoricus. Thorismundus eum inuadere iterum decreuerat, & patris sui manes vlcisci; sed eum deterruit Aëtius, veritus ne auxiliares sui in Romanos arma conuerterent, & minorem victoriam certiori antetulit, atque securiori.

Coss. Marciano Augusto, & Adolphio, præsentibus eodem Marciano & Pulcheriâ Augustis, Magistratibus ac Senatoribus, in Basilicæ S. Euphemie Sacratio, & in suburbio Chalcedonensi 8. Idus Octobris, inchoatum est.

CHALCEDONENSE CONCILIVM,

Seu Quarta Synodus Oecumenica.

CHAL-
CEDO-
NEN-
SE
C O N-
CILI-
VM.

Finitum Kalend. Nouemb. xlii. Sessionibus vel 16. aut 17. Huic interfuerunt Episcopi, vti vulgò creditur 630. vt scribit Nicephorus 636. vt S. Leo, ferme sexcenti; Legati Pontificij Episcopi duo, ac totidem Presbyteri; ex Heterodoxis Dioscorus Alexandrinus, Iuuenalis Hierosolymitanus; venit etiam eò Dominus Antiochenus, in cuius locum Maximus quoque præsens suffraganeus erat, & Anatolius Constantinopolitanus; jam reconciliatus sancto Leoni; Dioscorus vti reus sedere, Theodoretus iudicare iussi. Tum damnata Pseudosynodus Ephesina cum Dioscoro, qui & depositus est; Theodoretus & Ibas absoluti; Nonnus, Ibas successor, remotus; Maximus seruatus Antiochiæ Episcopus, sed qui sponte obtulit Domino vnde aleretur; Iuuenalis Episcopus factus Metropolitæ trium Palæstinarum; Cæsariensis Episcopus antiquo iure deiectus; Arabia & duæ Phœniciæ Antiocheno Præsuli adiudicata; disceptantes duo Ephesini Episcopi, sed conuictis potius quam iure, reiecti sunt; ac tertius subiectus, iustustamen vtrique sufficere, vnde

vnde visitarent; Nicæa subiecta Nicomediæ ut
Primate. Quibus gestis satis pacificè, ob Mar-
cianum præsentem religiosum juxta ac sortem,
Synodus soluta est, abierunt Legati Romani, &
multi Episcopi. Quâ occasione vsus Anatolius
cum reliquis Episcopis Orientalibus 30. cano-
nes edidit, & Constantinopolitanam sedem pri-
mam à Romanâ statuit; quæ sunt à S. Leone ve-
hementer improbata, nec aliter recepta hæc
Synodus. Data tamen Ecclesiæ pax, quia tam
bonis Imperatoribus nullus est ausus impius re-
sistere.

MVNDI CHRISTI

4505.

452.

Acta omnia aduersus S. Flavianum jussu Mar-
ciani abolita, eius corpus Constantinopoli re-
latum magnâ pompâ, ipse inter Martyres rela-
tus. Dioscorus sede suâ pulsus in exilium missus
est Gangram Paphlagoniæ, vbi demum miserè
periit, maiori pœnâ quàm exilij dignior. Suc-
cessor ei datus est Proterius post multas tergi-
uerfationes, vnde magnæ turbæ in Ægypto, fa-
ciæque Ægyptii, Schematici Menophysitæ, quo-
rum principes Theodosius Alexandrinus & Ia-
cobus Syrus, à quibus *Theodosiani* & *Iacobitæ*
nomen erroresque traxere.

*Diosco-
rus
exulat.*

Verùm Alexandriæ potissimum tumultus sæ-
vuit; cuius vrbis ciues frumentum Constantino-
polin se nunquam missuros minitati sunt. Sed
prudenter Marcianus frumentum deportari ius-
sit Pelusium, & Alexandrini sensere quam Nouæ
Romæ intentabant famem. Tandem per Prote-
rium placatus Imperator, pacem rebellibus &
veniam utcumque dedit.

*Tumulus
Alexan-
drinus.*

Neque minor in Palæstinâ perturbatio à
Monachis Eutychianis; quorum præcipuus
Theodosius Pseudomonachus alter ab Alexan-
drino. Hic enim cum Eudociam relictam Theo-
dosij Imp. in sua traxisset partes, eamque Eu-
tychetis hæresi contaminasset, pulso Iuvenale

*Monachi
Palæstina
turbant.*

Hierosolymitanam sedem inuasis, ac viginti mensibus tenuit; cædibus, rapinis, exiliis in fautores Chalcedonenſis Concilij immaniter graſſatus; qui tandem à Marciano adduci iuſſus Conſtantinopolin, fugit in montem Sina, ſicque merita ſuis criminibus ſupplicia declinauit, minori quod indixit ipſe ſibi ſupplicio.

*Ventia
condita.*

Attila Aquileiam, Ticinum, Mediolanum aliasque poſtea vrbes euertit; cuius metu Venetia, vrbs poſtea munificentiffima, condita eſt in paludibus (ſeptem maria vocabant olim) vt eò furor Hunnorum minùs peruaderet. Pergebat quoque Romani, vt eam excinderet; ſed ad Mincium Fl. occurrit ei S. Leo; atque eloquentiâ ſuâ, ſed multò magis ſanctitate, vltèriùs progredi vetuit, mirantibus ſuis Ducem hominum Deique contemptorem, vnius Antiſtiſis voce repreſſum eſſe. Poſtea idem Attila miſſis à Marciano auxiliis, victus fuiſſe dicitur; aut etiam tranſiſſe iterum in Gallias, iterum à Thorismundo rege ſuperatus eſſe. Qui tamen Gothorum Rex victoriæ ſuo fructu caruit, iugulatus à fratribus Theodorico & Frederico; neque ſibi vicit, ſed orbi terrarum, cui Attila hoſtis fuit.

*Victus
Attila.*

MVNDI CHRISTI

4506.

453.

*S. Ioan.
Bapt.
caput
inveſta.*

S. Ioannis Baptiſtæ caput hoc anno inuentum eſt in antro ſeu *antr'o* cuiuſdam monachi fugitiui, atque Emelam religioſè tranſlatum. Id oportuit delatum eſſe iurtim Conſtantinopoli, vbi jam pridem ſeruabatur; quod confirmatur, quia tempore Iuſtiniani non erat Conſtantinopoli ſacer ille theſaurus; quem proſectò accuratiùs inueſtigare non eſt huius operis.

*S. Pul-
cheria
quæſ.*

Tum obiit S. Pulcheria 3 Idus Sept. relata in ſacra Diptycha tam Orientis, quàm Occidentis; quàm Eccleſiæ matrem merito dixeris, vt potè quæ duobus Oecumenicis Conciliis
alla-

allaboravit, hæreticos fregerit, bonis suis ac vestigalibus Ecclesias ditavit, atque exornavit, & quâ meliorem scaminam Catholicus orbis vix audeat exoptare.

MVNDI CHRISTI.

4507.

454.

Maximus, ortus ex Maximo Tyranno, ultionem exigere voluit de Valentiniano qui uxorem suam formosissimam, atque castissimam dolo constupravit; eique per Eunuchos persuadet Aëtium tyrannidem affectare. Id credidit inconsultissimus Imperator; itaque in Palatio manu suâ Imperij sui columnæ & protectorem interemit, una cum Boëtio Præfecto prætorij. Quo facto, ut ei significavit, Romanus quidam non imprudens, ipse sibi sinistrâ manu dexteram præscidit.

*Aëtium
cadit Va-
lentinia-
nus.*

Hoc anno flagellum Dei confractum est, casus Attila, vel à muliere quam Aëtius in eius cædem adornarat, vel primâ nuptiarum nocte cum puellam pulcherrimam duxisset uxorem, vel ex nimia crapulâ, vel sanguine ex naribus de more defluente suffocatus. Eâdem certè nocte vidit Marcianus arcum Attilæ fractum, agnouitque mox hoc *ὄρα* *ἔκ Διὸς* *ἔσθ*, ex Deo quædam somnia venire.

*Moritur
Attila.*

Hoc anno sterilitas ingens quibusdam in locis alimento ex aëre quasi manna delapso, & paulò post fructibus maturis sponte è terrâ existentibus mirabiliter sublata est.

*Fames
per or-
lem.*

MVNDI CHRISTI.

4508.

455.

Hoc anno dolo Maximi per Optilam & Transillam, Aëtij satellites, in Campo Martio trucidatur Valentinianus, natus annos 38. cum annis triginta & vno imperasset; Princeps vendibilis, nisi cum libido fœdasset, quæ demum eius mortis causa fuit. Eius statim inuasit locum Maximus, sicut & thalamum, sibi

*Valenti-
nianus
obitus.*

*Maximus
ei succedit
& cadi-
tur.*

*Roma
capta à
Genserico.*

per vim Eudoxiâ desponsatâ . Cuius inter am-
plexus dum fatetur se causam mortis fuisse
Valentiniano , ex eius amore ; illa aliunde vin-
dictæ cupida , sese atrociter vlcisci decreuit .
Misit enim ad Gensericum , eumque Romam
venire rogauit . Adfuit hic illico cum ingenti
classe . Romamque nullo prohibente ingressus
diripuit , Maximus à populò lapidatus interiit ,
& in frusta discerptus . Eudoxia cum Eudociâ
& Placidiâ filiabus in Africam deportata ; qua-
rum hæc Olybrio Romano nobili , illa Hunne-
rico filio Genserici locata : opes vrbs Romanæ
cum multis nauibus absorptæ sunt ; nulli felici-
ter cessit hæc expeditio . Sic periit Maximus
potitus Imperio tantum menses duos , & dies
aliquot ; qui eodem die quo creatus fuerat Im-
perator , de suo principatu ingemuerat ; infelix
qui nec sub domino nec dominus esse po-
tuerit .

*Auitus
Impera-
tor .*

Auitus , patriâ Aruernus , Præfectus prætorio
Galliarum sub Valentiniano , Magister vtrius-
que militiæ sub Maximo , post dies duodetri-
ginta ab huius obitu Legatûm agens apud
Theodoricum , adiutentibus maxime Gothis
inuitus ac reluctans creatus est Imperator : vir
in quo nihil præter fortunam , & meliora tem-
pora defuit .

*Genserici
impruden-
tia .*

Hoc denique anno , quo magnum dubium de
Paschate exortum est , autoritate S. Leonis &
curâ sublatum , Gensericus omnes vrbes Africæ
spoliavit muris , præter vnam Carthaginem ;
quo facto & amore subditorum , & receptaculis
ad subitos casus postea se priuatos esse tardiùs
indoluere Gothi .

MVNDI CHRISTI

4509.

456.

*Merouei
obitus .*

Meroueus , vnde prima Francicorum Re-
gum prosapia , dicta Merouingiorum , hoc
anno mortuus regnum suum reliquit filio Hil-
derico , seu Childerico . Is voluptatis suæ
quàm

quàm regni sollicitior, & hanc abrumpere,
& illud relinquere compulsus est ad tempus, ne
eo carere perpetuò cogeretur.

Theodoricus Regnum Sueuorum exscindit in *Childerici exulatus*
Hispaniâ, Rethariocorum Rege primùm victo;
deinde in fugâ capto atque caeso. Tum autem
Gallæciam & Lusitaniam sceddè depopulatus est;
dumque Emeritam urbem capere atque euercere
parat, S. Eulaliæ ostentis perterrefactus, rediit
in Gallias, neque se huius Sanctæ virtuti pa-
rem sapienter iudicauit.

Tunc temporis Vvandali cum classe sexaginta
ta nauium littora omnia vastantes, à Rheimere *Vvandali victi.*
victi, in portibus tantùm Africæ salutem in-
uenerunt.

Genfericus Catholicos vexat in Africâ, *Africana Ecclesia desolata.*
eisque potestatem eripit creandi Episcopos.
Clausæ quoque sunt eorum Ecclesiæ Cathaginî,
ministris & Presbyteris in varia loca relegatis.
Certè cum in Zeugitanâ & proconsulari pro-
uincijs alias numerarentur centum sexaginta
quatuor Episcopi, dum scribebat victor Vti-
censis, ad tres dumtaxat erant redacti. Ex qui-
bus intelligis quomodo se habebant Africanæ
Ecclesiæ greges tot pastoribus destituti, inter
tot Lupos Arianos.

M V N D I

C H R I S T I

4510.

457.

Marcianus cùm imperasset annis 6. mensi-
bus totidem, obiit pridie Kal. Maij, Constan-
tino magno similis, & fortè superior. Cui fra-
tim successit Leo Tribunitius, & ipse genere
Thrax, annos natus quinquaginta quatuor, cui
in cælum charitas & in Beatam Virginem pie-
tas Imperium peperit. Huius voluntate Vale-
rius Majorianus Imperator Ratiennæ creatur, ne-
Occidens quo plurimùm indigebat capite care-
ret; & hic victis Francis alijs, & Alemannis
magister militiæ dictus, hac dignitate visus est
Imperij candidatus.

*Marcianus Imp. moritur.**Leo ei succedit.**Majorianus Imp.*

Eo-

*Anitus
deponit
Impe-
riū.*

Eodem anno abdicauit se Imperio Ausus Placentiæ; in quā quidam volunt creatum fuisse Episcopum; alij scribunt dum metu Senatus confugit ad suos Aruernos, in itinere obfisse pestilentia. Certè non satis fortiter imperasse plerique volunt; & dum voluptates nimium respicit, non satis subditos, merito vtrisque caruisse.

*Timotheus
Ælurus
inriat
Ægyp-
tum.*

Audita Marciani morte magnæ concitatioe sunt in Ægypto turbæ à Dioscori fautoribus quorum princeps Timotheus Ælurus, ex Monacho factus Presbyter. Hic noctu in veste nigra circuire solitus Monachorum cellas, dicebat, se vnum esse ex administratoriis spiritibus, admonebat singulos ne communicarent cum Proterio, Ælurum eligerent Episcopum: quibus permoti boni illi homines magnas tragædias excitarunt.

*S. Sabas
in Asia.*

Mortuus est tum Hierosolymorum Episcopus Iuuenalis; cuius sedes non nisi post annum impleta est. Eodem tempore S. Sabas annumerum duodeuiginti perrexit ad S. Euthymium, & ab eo sanctitatem hausit quā totum Orientem illustrauit.

MVNDI CHRISTI. 4511. 458.

*Ælurus
intruditur.*

Timotheus Ælurus à suis atque Dioscori fautoribus intruditur in sedem Alexandrinam; ac paulò post eodem adnitente Proterius in ipso Baptisterio, di cœnæ Domini, seu primâ τῶν Πασχῶν λῶν κυρία, crudeliter necatur. Eius corpus per totam urbem tractum; postea diuisum membratim, interiora eius à tumultuantibus degustata. Ælurus creatus, illicò in Orthodoxis omnis sexus & conditionis crudeliter defecit, Romanumque Pontificem, Episcopos Constantinopolitanum & Hierosolymitanum, omnesque Chalcedonensis Concilii sectatores anathemate percellit; quibus gestis ipse cum suis vniuersale Concilium postulat, extremam machinam turbulentorum.

Chil-

Childericus Francorum Rex ob libidines & importunitatem tam otiosus suis redditur, ut sibi deferendum regnum putaret auctore Vvinomado, vel Guinomado. Ab eo accipit nummi partem, quâ sibi redeundum un Franciam intelligeret. Interim Rex exul pergit ad Bisinum Thuringorum Regem; cuius in locum ab ipsis Francis eligitur Rex Ægidius Romanus Comes, Militiæ magister, in cuius gratiam se Vvinomadus insinuat, cui & suadet ut in Francos durius agat, vestigalibus atterat, resistentes tollat: quem dum inconsultè nimis audit Ægidius, demum intellexit quid inter bonum consulem & adulatorem intersit.

Ægidius substituitur Chit-derico.

MUNDI CHRISTI.

4512.

459.

Nex Proterii vindicatur.

Leo Imperator, Proterij nece cognitâ, misso Cæsario jubet iis abscindi linguam qui Proterianæ necis participes fuissent; Timotheum Ælurum Episcoporum iudicio reservari. Habita Synodus Constantinopoli, cui Legati Romani Pontificis interfuerunt; in quâ Chalcedonen- sis Synodus confirmata, multa- que ad disciplinam Ecclesiasticam stabilita, miseris hisce temporibus admodum necessaria.

Anastasia Basilica.

Tum celebrata sunt Constantinopoli Encar- nia nobilis Ecclesiæ Anastasiæ, quam crexerat Marcianus Oeconomus, etiam miraculo nobilitata. Sic dicta est, quod is locus S. Grego- rium Nazianzenum hospitem suscepisset, at- que inde visa esset fides afflicta resurgere. In hanc tamen S. Anastasiæ martyris reliquias translatas volunt, ne huic Basilicæ causa no- minis defuisse videretur.

MUNDI CHRISTI.

4513.

460.

Timotheus Ælurus exulat.

Timotheus Ælurus eiecitur è suâ sede per Ducem Augustalem; permissusque venire Con- stantinopolim, ut fidei Catholicæ professionem ederet, & sic recuperaret sedem. Sed egit S. Leo

Succedit ei Timotheus Solofasciolus.
 S. Leo apud Imperatorem atque Gennadium ut impius parricida penitus amoueretur; Qui primum Gangram Cappadociæ, deinde Chersonam missus est in exilium; aut, ut alij scribunt, in Oasin; quod non est simile vero. His gestis, à Clero & Episcopis Ægyptiis electus est Episcopus Timotheus Solofasciolus; cognomento *Λεωνδς*, vir Catholicus & probus, & qualem superiores tumultus flagitabant.

Eudocia pius olim.
 Eudocia, quondam vxor Theodosij, cum annis sexaginta septem vixisset, atque ex eis vndecim Hierosolymis traduxisset; deducta prius errores Eutychij per sanctos Euthymium & Simonem Stylitam, religiosè obiit; semper misericors, etiam cum à fide aliena fuit, ideoque Sanctorum precibus atque adhortationibus ad rectum tramitem reuocata; tantum interest cum viris bonis agere, qui & precibus & exemplo etiam improbis profunt.

CAPVT VII.

DECAS SEPTIMA.

Ab anno Christi 460. ad 470.

MVNDI CHRISTI.

4514.

461.

Mors S. Leonis magni.

Ei succedit Hilarus.

SANCTUS Leo, cognomento Magnus, mortuus est 3. Idus Aprilis, cum sedisset annis ferè vno & viginti; cuius inuentum Cubicularij S. Petri, & aliæ præclaræ Sanctiones. Quæ autem circumferuntur de eius peccatis, ex indignâ manuum impositione, credes si volueris; non, si sapis, quæ jactantur de manu eius abscessis atque per B. Virginem restitutâ; quod vigilantis hominis somnium videtur esse. Successit Hilarus, natione Sardus, Legationibus obitis

obitis illustribus sub Leone, ideoque cognitibus Orientalis Ecclesiæ malis remedium adhibiturus.

Majorianus, Imperio dignissimus, apud Dertotam (malè hanc Baronius in Hispaniâ collocat) ad fluuium Hyram interimitur, fraude Seueri, operâ Ricimeris Gothi, quem imprudenter Arianum licet Magistrum militiæ crearat. Imperauit annis 4. Mensibus totidem: Quò sublato Seuerus inuasit Imperium; quod fraude partum, fraude quoque perdidit.

Obiitum Simeon Stylites, magnum orbis miraculum, longè centenário maior, cùm in columnâ supra annos octoginta vixisset, cultus in Oriente, & Occidente etiam dum viueret, prostantibus in domibus omnium ferè Catholicorum eius imaginibus; magnis & infimis charus, ac cœli terrarumque deliciæ. Successit ei Daniel Stylites, qui ad ostia Ponti columnam extruxit, in quâ Simeonem imitatus vixit, atque ad eius exemplum à terrâ diffitus corpore, animum cœlo propius admouit.

M V N D I

C H R I S T I.

4515.

462.

Tum Constantinopoli Studius quidam in honorem S. Ioan. Baptistæ monasterium condidit, quò transtulit monachos Acœmetas quasi *Insomnes*, qui in tres partes distributi, noctes atque dies diuinas laudes occinerent; Huius loci incolæ dicti *Studite*, quibus primùm præfuit Marcellus discipulus Alexandri, primi huius sanctæ consuetudinis Institutoris. Fuit porro Studius ille clarissimus Consul cum Aëtio anno Christi 454. qui Romam veterem reliquerat, & cum suis bonis nouam immigrarat, vt eam minùs suis diuitiis, quàm virtutibus exornaret.

Prodiit est hoc anno Theoderico Rôgi Narbona per Agrippinum Gallum, Ægidij inimicum, vt Gothorum mereretur auxilia, Ægi-

*Maianus
Imp. ca-
dis.*

*Succedit
ei Seue-
rus.*

*Simeonis
Stylitæ
obitus.*

*Daniel
Stylites.*

*Studium
Acœmeta-
rum.*

*Ægidij
regeſta.*

Ægidius autem in Armoricâ Fretiricum Theodori fratrem deuicit, & interemit, bonis operibus quàm militibus instructior.

MVNDI CHRISTI

Petri 4516. 463. *Guāphēi seu Fullois iniuria.* Leo Imperator Zenonem creat Ducem Orientis, Basiliscum autem, Vesinz conjugis suæ fratrem, Ducem Thraciæ *σπάρτην τῆς θρακῆς*. Porro Zenonem secutus est Petrus *πῶφελος*, seu *Fullo*, ab arte, quam professus erat, qui prius Asczmeta, deinde ex monasterio eiectus, quia Eutychanus, postea creatus est Presbyter Ecclesiæ sanctæ Bassæ Chalcedone. Tum autem perrexit in Orientem cum Zenone, cuius in gratiam se insinuarat, junctusque Apollinariis, Martyrio Episcopo huius vrbs multum exhibuit negotii, fretus potentiâ Zenonis, à quo fovebatur. Tunc addidit ad Trisagion: *Qui crucifixus est pro nobis*: damnauitque qui non faterentur Deum crucifixum; vnde profluxit error Theopaschitarum. Martyrius Constantinopolin venit petiturus auxilium, honorificè receptus à Gennadio; sed reddiens Antiochiam, cum desperaret pacem, his verbis sedi suæ renunciavit: *Clero immorigero, & populo rebeli, & Ecclesiæ contaminatæ renuncio, &c.* Statim hanc sedem Petrus inuasit, quod cum Leo didicisset, inuasorem duci in exilium iussit: verum ille fugâ elapsus, debitam suis criminibus pœnam, operâ maximè Zenonis, declinauit, Oasi quàm Antiochiâ digniori.

Elisæi ossa hoc anno ex Palæstinâ Alexandriam translata, magnâ pietate recepta sunt, vt quæ olim solo contactu mortuum suscitassent.

MVNDI CHRISTI

Ricimer 4517. 464. *cadit Regem Atam.* Boogor Rex Alanorum à Ricimere occiditur, & dum hic rebus suis consulit, Romanorum vltus est injurias atque depopulationes. Mar-

Marcellinus Vandalos aggressus in Sicilia ,
eos magnâ afficit elade , & relinquere cōegit
insulam prædarum suarum olim receptatricem ,
nunc dedecoris triste monumentum.

*V. n. i.
Vandalis
in Sicilia*

MYNDI CHRISTI.

4518.

465.

Seuerus hoc anno à Ricimere veneno sublatus
est , qui Imperatores è re suâ non publicâ attol-
lebat & tollebat . Eo sublato , vnus anni &
mensium aliquot interregnum fuit , cùm Ricci-
mer neminem inueniret cui satis fideret ; cùm
ipse magnis omnibus viris injiceret metum , vi-
cissim omnes metueret ,

*Seuerus
Imp. tolli-
tur .*

Genfericus validâ classe oras Græciæ atque
Italiae populatur , & Alexandriam vsque perue-
nit , non quærens victoriam , sed prædam , ne-
que uti populos subigeret , sed vexaret , natus
ipse in perniciem Orbis Romani .

*Genfericus
populatione-
nes .*

Childericus reuocatur à fido sibi Vvidomaro ,
atque à Francistam amicè receptus , quam in-
uolosè dejectus : eius enim libidines , Ægidij
crudelitas obruerat . Hic victus , expulsusque
Suessionas petit , & in hac urbe consistit . Vtrum
idem Ægidius Gothorum insidiis sublatus sit
ambigitur , cùm ab ijs interiisse scribatur ; sed
an hic , an alius cognominis , peritissimus
Petavius statuere non audet ; & cum hoc vi-
ro dubitare melius est , quam cum alijs pro-
nunciare .

*Childeri-
cus resti-
tuitur .*

Basina vxor Basini Regis Thuringorum , reli-
cto marito venit ad Childericum , cui nupsit ;
an ab eodem antea vitiata ? aliqui credunt ; alij
melius negant , putantque calamitate suâ reddi-
tum esse sapientio rem Childericum , & hospitij
cogitationem in hominem miserum aliquid sal-
tem potuisse .

*Basina
vxor Childeri-
ci .*

MYNDI CHRISTI.

4519.

466.

Hoc anno Theodoricus Gothorum Rex ex-
ditur à fratre suo Euarico , qui statim eius
folium

*Theodoricus
obfidelem .*

folium occupat. Hic, Hispaniis deuastatis, venit in Galliam, & Aruernum hodie Claromontium obsidet; sed grandi miraculo exigua manu copias eius Ecditius Aruernus Auiti Imperatoris filius profligauit. Huius Ecditij sororem Auiti filiam Papiamillam vxorem duxerat Sidonius Apollinaris, his nuptiis nequaquam indignus.

S. Prosperi obitus.

Mortuus est hoc anno S. Prosper Aquitanus Rhegiensis, in Galliâ Narbonensi Episcopus, quem aliqui malè trans Alpes amandant.

Clodouæus nascitur.

Natus est tum ex Basinâ Clodouæus Francie Regni decus, & ad Ecclesiæ Nouæ præsidium ac tutelam electus, ut Cyrus ad ycteris dignitatem; in hoc Cyro felicior, quod illius quoque pars fuit.

MVNDI CHRISTI

4520.

467.

Anthemius Imperator.

Transactum est inter Leonem Imperatorem, & Ricimerem Patricium Magistrum militiæ, tunc arbitrum ac dominum Imperij Occidentalis ut Græcus Augustus mitteretur Romam cuius filiam Ricimer duceret vxorem. Delectus ergo Anthemius Iunior, filius Anthemij Senioris, Procopij nepos, etiam legatione petitus à Senatu Romano. Venit ergo is Romam, cum hæc graui peste laboraret, & Lupercalia in eâ celebrarentur, alia grauior pestis; quâ etiam atrociorē secum nouus Imperator inuexit, Macedonianos hæreticos sibi familiaritate coniunctos, quos agere conuentus fortiter impediit Hilarus, Deo quàm Imperatori placere sollicitior.

Hilarus Papa moritur; succedit ei Simplicius

Obiit hoc anno idem Hilarus 4. Id. Sept. cum sedisset annos 5. menses sermè decem, postquam Ecclesiam, quam animosè defenderat, multis etiam donariis locupletasset. Successit ei post dies x. Simplicius Tiburtinus, Castini filius; cuius prudentia nomini non respondit.

MVNDI . . . CHRISTI

4521.

458.

Marcellinus Patricius Occidentis, vir fortis & paganus, dum Romanis contra Vvandalos pugnantibus venit auxiliator, ab iisdem occiditur dolo, pro quibus pugnaturus accesserat; in hostibus inuadendis, quàm in amicis propugnandis felicior.

Marcellinus occiditur.

Leo classem ingentem mille & centum nauium comparat, & pedestrem exercitum centum milium armatorum: sed his copiis Basiliscum Verrinæ conjugis suæ fratrem imprudenter præfecit. Hic deuictis Genserici nauibus, bello quesit inchoato ut Vvandali ex Africâ exterminandi viderentur, socordiâ suâ iunctâ proditori perfecit ut tantus apparatus iste concideret, perirent copię, classis inflammaretur. Hæc porro facta sunt in gratiam Artaburij & Asparis Arianorum, qui cum Leonem ad Imperium se putarent promouisse, sibi antepositum Zenonem ferre non poterant. Hæc ergo inter eos inita est proditio, ut Basiliscus fieret Imperator Orientis eorum opêrâ, (quod fieri non poterat stantibus Leonis rebus) ipse vicissim Arianis faueret, & Genserico Ariano. En quidquid fidei sit adhibendum hominibus qui in Deum fidem eiurarunt.

Expeditio in Africâ infelix.

Basiliscus ergo Constantinopolin reuersus, ubi proditionem suam patere vidit ad Ecclesiam confugit; ubi vitam impetrauit precibus Verrinæ sororis suæ Augustæ, & Perinthum ire iussus in exilium; mitius quidem, quoniam ab vxorio Imperatore pæne fuerat extortum.

Basiliscus mulctatur.

Leo Asparem & Artaburium perdere destinat; quod ut minori cum periculo tumultuque fieret, eos sibi omnibus demeretur modis; Patricium seu Patricium filium Asparis, Artaburij fratrem, Cæsarem creat, huicque filiam

Leo Asparem & Artaburium perdere parat.

filiam suam desponderet. Alij tamen id Ardaburio contigisse volunt. Sed cum hi Ariani essent, magnus tumultus excitatus est Constantinopoli, postulatusque à Monachis & Clericis, pæne seditiosè, Cæsar Catholicus. Sed has turbas compressere homines quibus fortuna sua Fides esset, facti in speciem Catholici ut dignitatis oblata gradu fruerentur.

MVNDI CHRISTI.

452.

459.

Filius Attilæ cecidit.

Hoc anno caput Denzicis Hunnorum Regis Attilæ filij delatum Constantinopoli tantum voluptatis attulit populo, quantum eius, patrisque crudelitas olim timoris intulerat.

MVNDI CHRISTI

453.

470.

Gennadij Constantinopolitani nōp. opera.

Gennadius Episcopus Constantinopolitanus Danielem Prophetam κατὰ μέτρας enarrauit: scripsit & Homilias aliquot, & in omnes Pauli Epistolas Commentaria; neque tantum Ecclesiæ tum, sed etiam seculis temporibus profuit.

CAPVT VIII.

DECA S OCTAVA.

Ab anno Christi 470. ad 480.

MVNDI CHRISTI

454.

471.

Aspar & Ardaburius cæs.

Aspar Patriciorum primus, cum filio Ardaburio Patricio, & Patrociolo item filio Cæsare, & genero Leonis, spadonum ensibus vulneratus in Palatio periit. Alij volunt fugisse Chalcedonem in Ecclesiam S. Euphemie, vnde pollicitatione vitæ retracti, & Leonis adhibiti mensæ, per Zenonem inter ceteri Aspar & Ardaburius, Patrociolus actus in exilium.

Ferunt

Ferunt & Ardaburium, viso patris caesi capite, de eo questum esse quod recte monenti filio aures occlusisset, & saepe iteranti, *Prius leuorem ieuoremus, quam ille nos sibi apponat in prantio*; ex qua eade Leo dictus est *Μακρῶς*, id est, *Intersector*; atque hoc conuicio emit sibi aequae suis securitatem.

Ariadna filia Leonis, desponsata Patrocio, nupsit Zenoni Isaurico; quamquam alij longè antea nuptias istas conciliatas velint, neque trium illustrium virorum sanguine firmatas.

Ariadna nupsit Zenoni.

Mortuus est hoc anno Gennadius, inter sanctos à Graecis relatus: cui successit Acacius, à quo multi sunt tumultus excitati; ab ipso Demone (quem Gennadius fugauerat) eidem ante mortem praeiuncti.

Mortuus Gennadius.

MYNDI

CHRISTI

4525.

472.

Ricimer hoc anno Anthemium socerum suum enecat. 50. Id. Iulij, cum annis 5. mensibus tribus imperasset. In auxilium Anthemij Ricimerem à Galliis accurrentem idem occidit; sufficit huic Olybrium Placidiae virum, probatum à Leone Imperatore. Post tres autem menses à nece Anthemij, idem Ricimer ex morbo interiit, summus arbiter Occidentalis Imperij, idemque Augustos creare & exauktorare solitus; Arianus nequam, qui & suis Ecclesiam S. Agathae inter moenia Urbis, Pontificibus inuitis, vendicauit; violentam morte perire dignus, qui vitam tet Principibus eripuerat.

Mors Anthemij, & Ricimeris.

Eudoxia, jam annos sexdecim uxor Honorici, cui & genuerat Ildericum, relicta Africa fugit in loca sancta, ubi & mortua est; in morte, quam in vitam suam fortunatior.

Eudoxia mors.

Vesunius mons ignivomus, è suis visceribus tantam cinerum vim effudit, ut per Europam

Vesunius incendium.

ropam ferè omnem tenebras induxerit Ægyptiacis pares. Constantinopoli 8. Idus Nouembris hæc caligo contigit, atque huius memoria diu in hac vrbe precibus celebrata viguit.

*Sidonius
fit Episcopus.*

S. Sidonius Apollinaris hoc anno creatus est Aruernorum Episcopus; sic factus verè patriæ suæ pater ac seruator; eò dignior hac sede, quò se eà magis indignum credidit.

MVNDI

CHRISTI.

4526.

473.

Olybrii Imperium, & Mors.

Olybrius septem mensibus sibi datum seruauit Imperium, extinctus morbo; alij tamen, cum occisum volunt; certe Glycerius Rauennæ inuasit Imperium, Gundebaldo hortante; quo imperante, Ostrogothi sub Rege Valamiro, ac fratribus eius Theodemiro & Videmiro, in duas partes secti sunt, occiso Valamiro; vna secuta est Videmirum in Italiam, vbi degebat Glycerius; sed hoc defuncto filium patri, cognominem Glycerius, in Gallias remisit ad Visigothos seu Gothos Occidentales, quibus adiuncti Hispanias & Galliarum partem occuparunt. Ac Theodemirus cum filio Theodorico Illiricum subiit, & Thessalonicam oppugnauit, à quâ muneribus tantum depulsus est; ac obiit relicto successore Theodorico, cui nihil præter spem magnam reliquit.

Glycerius Imperat.

MVNDI

CHRISTI.

4527.

474.

Nascitur Leo.

Moritur Leo Imperator.

Genitus est hoc anno Leo Iunior, quem statim pater Cæsarem creauit; at is vixit tantum mensibus decem; at satis, vt in patrem Zenonem transferret Imperium. Hoc enim eodem anno mortuus est ex morbo Leo Imperator, cum imperasset annos septemdecim, menses sex; meritò bonis Imperatoribus annumerandus, nisi hæreticis fauisset propinquis suis; quos cum eò extulerit, vnde multas cala-

calamitates in Ecclesiam inuexere, earum causa dici potuit, maximè cum omnia posset, sicque eorum sceleribus conuiuere videretur.

Zeno ergo nomine filij statim occupat Imperium, quod ei filius post aliquot menses totum reliquit, ex viuis elatus. Quo tempore Saraceni Mesopotamiam, Hunni Thraciam vastarunt; ac prouinciæ; compilatæ gemebant, dum omnia lætitiis ac cantibus Constantinopoli personarent.

*Zeno
Imperat.*

In Occidente Glycerius Imperator à Julio Nepote Marcellini quondam Patricij, sororis filio, depositus est in portu Romano, ac factus Episcopus Salonitanus aut Portuensis, paulò post obiit feliciter, antequàm moreretur Deo consecratus. Nepos per Epiphanium, Episcopum Ticinensem, pacem obtinet ab Euarico qui Tholosæ fixerat regni sui Sedem, sapienter vsustanti viri sanctitate & eloquentiâ.

*Nepos
Imperat.*

MVNDI CHRISTI
4528. 475.

Zeno crudeliter ac libidinosè incipit imperare, subditos suos vestigalibus atterens: nihilominus in pauperes multas elemosynas effundebat, sed rapinis quæsitæ; vnde nihil præter vanam gloriam referebat. In eum ergo insurrexit Basiliscus, inductus à Verinâ sorore suâ, socru Zenonis; quorum hic insidiis circumuentus cum vxore suâ Ariadnâ confugit in Isauriam patriam suam; vbi cum ad mortem quæreretur, ignotus latuit, subinde latebras mutans, ac nonnunquam deficiente pane herbis victitans, prout ei fuerat à Daniele Stylitâ prænunciatum. Alij tamèn volunt, fugisse in Syriam ad Castrum *Ἰσάπαι* seu *Ὠρβὰ*. quod Cedrenus *Ὠρβὰ* vocat; vtròque tamen miserrimum, vaticinia viri sanctissimi compleuisse.

*Zeno ex-
pellitur.*

Basiliscus Imperat. Basiliscus ergo acclamatus Imperator cum Zenonidâ vel Zenonide, cuius impulsu statim Timotheum Ælurum ab exilio reuocauit; cuius, & monachorum operâ eiectus Solofasciolus; Petrum item Fullonem in Acœmetarum cœnobio latentem suæ restituit sedi, eiecto iterum Martyrio. Cùmque Acacium adigere conaretur ad damnamdam Synodum Chalcedonensem, populus Constantinopolitanus obstitit; ipse nihilominus eam sanctionem edidit cui quinquaginta Episcopi Asiani subscripserunt. Sicque Ecclesia tyrannum experta est Zenonis tetriorrem.

Augustulus Imperat. Orestes à Glycerio magister militum creatus, exiens Româ, quas acceperat copias in Dominum conuertit, veniensque Rauennam, filium suum Augustum, aliter Momylum seu Momylum, creat Imperatorem. Is dictus est Augustulus, vel ex conuicio, vel quia jam Augustus dicebatur, & repeti bis eandem vocem durum erat. Nepos in Dalmatiam fugit, vix degustato Imperio; in eo felix quoddam non in suis, sed raptoris manibus Romanum Imperium interierit.

Galliarum administratio. Tum Gallia in Tetrarchias diuisa erat, inter Francos, Gothos, Burgundiones, Romanosque distributa; quorum minimam partem seruabant Romani, ferè precario. Tumque Childericus Paulum Comitem Romanum interemit, & cum Odoacro Saxonum duce fœdus inijt; jam mutatus in alium Principem, & cui calamitas & exilium valdè profuerant.

MVNDI

4529.

CRISTI

476.

Zenorecis Imperatoris. Basiliscus audiens Zenonem in Isauriâ exer-
citum collegisse, Catholicum se fingit, & sanctiones contra Concilium Chalcedonense editas contrario edicto abolet, sibi à Populo

Clero-

Cleroque malè metuens . Sed frustra : aderant enim jam in eum Zenonis copiae , quibus occurrens dux eius Armatus , vel Armatus , Basiliscus , præfecturæ militaris & Cæsaris dignitate filio promissâ , in Zenonis partes transit . Quibus auditis fugit in Ecclesiam Basiliscus cum vxore ; vnde retractus ab Acacio , Zenoni traditus est , missusque in castrum Limnas Cappadociae , fame contabuit : vel , ut alij tradunt , missus est hyemis tempore cum vxore & filiis in Cappadociam , cum edicto ne ab ullo aut vestibus aut cibariis iuuarentur ; quare se mutuo completentes cum multis lacrymis , frigore & inediâ confecti periere : alique denique in diuersorio omnes trucidatos inlunt , quamquam impios , commiseratione dignissimos . Neque proditio bene cessit Armato : cum enim filius eius Cæsar à Zenone dictus esset , statim pater cædi iussus est , filius Clericus attonsus postea felicius Cizyci Episcopus est creatus .

*Basilisci
Mors .*

Zeno recepto Imperio Petrum Gnapheum Pythiuntem relegauit , vnde tamen postea profugit ; Timotheum Ælurum sede suâ extirbandum curauit ; qui ratus Zenonem verè Catholicum esse , sibi veneno consciuit necem , ut in se crudelis esset qui in alios tam atrociter desæuiisset . In locum autem Æluri quidam substituere Petrum Mogum , quem Zeno non interemit , sed multauit exilio ; & postea magno Ecclesiæ damno vixisse legitur . Ita Basilisco fauisse improbos homines fuit Ecclesiæ salutare .

*Zeno em-
pellit
Heretico-
cos .*

Fautores Nepotis Odoacrem Herulorum Regem in Italiam accersunt , virum fortissimum , & fortissimis copiis ex vltimo Septentrione coactis stipatum . Hic Orestem sustulit , Augustulum verò exautoratum incastrum Lucullanum relegauit , ut quod inchoarat ab Augusto Romanum Imperium , in Augusto desineret . Sic Imperium deuenit in Barbari

*Odoacer
Herulus
Augustu-
lum depo-
nit .*

manus, qui tamen illius reiecit ornamenta, & quamuis Arianus, Ecclesiæ nihil intulit molestiæ, mansitque hæc incolumis inter hæreticos, vbique hoc tempore in Oriente & Occidente victores, Dei tantum præsidio seruata.

*Genferici
mors.*

Genfericus obiit, Regni sui anno 37. aut 39. vir hominibus exosus & Deo, & cuius aliqua bona opera Deus in hac vitâ remunerare victoriis voluit, vt in æternum gerneret. Successit ei filius Hunericus, qui sub initium regni Catholicos minùs vexauit, vt solent ferè semper initia etiam malorum Principum esse mitiora.

MVNDI CHRISTI

4530.

477.

*Terra
Constantinopoli.*

Ingens terræ motus 70. Kal. Octob. Constantinopoli afflixit, quo opera plurima prostrata sunt, ne Zeno superbiret, sed intelligeret esse Deum, qui quam ei reddiderat Urbem posset euertere.

*Episcopi
alii suffe-
fli.*

Tum autem Zeno expellebat intrusos à Basilio Episcopos, depullos reuocabat; Quare in locum Gnaphei substitutus est Stephanus, accusatus à Petri fautoribus *Νεστοριανισμῶν*; sed absolutus in Concilio Laodiceno. Anastasius autem Hierosolymitanus cum sedisset annos vnde viginti, locum suum Martyrio Cappadoci reliquit; nova facies in Ecclesiam induta; non pietate, sed vindictâ hæretici Imperatoris.

MVNDI CHRISTI

4531.

478.

*Timotheus
Solofas-
ciolus re-
stituitur.*

Timotheus Solofasciolus restituitur in sede Alexandrinâ: Simplicius autem Papa egit apud Zenonem, vt longiùs relegaretur. Petrus Mogus, atque deponeretur: quod significatur hisce verbis, *non posse Petro suum ordinem Diaconatus constare*: vnde malè aliqui conficiunt, cum Mogum nequidem fuisse Diaconum.

S. Lupus

S. Lupus, qui quondam Trecas à furore Attilæ liberarat, eumque vti flagellum Dei piè receperat, hoc anno 40. Kal. Aug. obiit, cùm suæ sedis annos 52. præfuisset, diu sibi aliisque bonus, & utilis.

*S. Lupus
moritur.*

MVNDI CHRISTI

4532.

479.

Sabinarius, Illyricianæ militiæ ductor egregius, Theodoricum Regem in Graciâ debacchantem, ingenio magis quàm fortitudine re-
tudit. Erat is Theodoricus, cognomento Strabus, filius Triarij, & nepos vxoris Asparis, Zenonis inimicus, Eafilisci fautor. Tum quoque Marcianus, filius Anthemij Imperatoris, qui duxerat vxorem Leontiam, Verinæ filiam, sororem Ariadnæ, contra Zenonem rebellauit, causatus ad se potius Imperium pertinere; quòd eius vxor nata esset ex Leone jam Imperatore; non autem Ariadna. Sed miser malè jus defendit suum. Zenone enim fugato se luxui & hilaritati dedit; postea illius fraude superatus, & captus ab Acacio, consecratus est Presbyter, & coronam non prophanam, vti sperauerat, sed sacram pæne inuitus suscepit.

*Rebeller
in Zeno-
nem.*

Petrus Fullo fugiens Pythiunte, exilij sui loco, & toleratus Antiochiæ, fautores excitauit suos: illi Stephanum Episcopum acutis calamis confecère in Baptisterio S. Balahami Martyris, eiusque corpus in Orontem proiecère 70. Kal. Maias. Mortem quidem eius seuerissimè vltus est Zeno: sed ne turbæ Antiochiæ concitarentur, Stephanum Iuniorem Constantinopoli contra Canones eligendum curauit; quam electionem probauit Simplicius Ro. Pontifex, eà conditione vt inde nullum præiudiciū posteriora tempora caperent. Factum astutè vel prudenter ab Imperatore; sine dubio à Pontifice sapientissimè.

*Petrus
Fullo
urbat
Antio-
chiam.*

MVNDI

CHRISTI

4533.

480.

*Terræ
motus
Constantinopolitani.*

Terræ motus quadraginta diebus continuus Nouam Romam concussit, quando inter cetera, Theodosij magni statua ex columnâ decidit; tamque horrendus fuit, ut eius memoria 8. Kal. Octob. quotannis celebraretur; unde cladis eius grauitas nimis apparet.

Nepos occiditur.

Tum quoque Nepos, olim Imperator, exautoratus ab Oreste, in villâ suâ, non procul à Salonis, interfectus est a Comitibus suis; neque sacræ insulæ ab eius ceruicibus cadem depulserunt.

Illius sauciatur.

Illus à percussoribus sauciatus est, arte nobilium scæminarum, in quarum perniciem mala consilia suggesserat Imperatori. Facinus hoc molestissimè Zeno tulit, eumque Orientis *πατριάρχης* creauit; quo ad sananda eius vulnera, & eleuandam ignominiam, nullum aptius remedium potuit excogitari.

Creatus Episcopus Carthaginiensis.

Adnitentibus Zenone & Placidia permissum est ab Hunerico Vandalorum Rege ut Clerus Carthaginiensis eligeret Episcopum, quem ab annis 24 & ab obitu Deogratias, nullum viderant; sed eâ lege ut Ariani Constantinopoli & in Oriente libere ritus suos obirent. Huic conditioni reclamabat Clerus, sed populus eiecit; electusque Eugenius vir sanctissimus, & charitate adhuc in pauperes, quàm suâ dignitate illustrior.

Aruernum deditur Gothis.

Vrbs Aruernorum, quæ hætenus tam fortiter Euarico & Gothis restiterat, ut pax reliquis Galliarum populis redimeretur, iisdem Gothis dedita est. Vnde Sidonij magnæ querelæ. Hanc autem urbem eximia castimonia conseruauit, cuius testimonia longiores aliorum annales suggerunt; nobis satis est hoc loco eam indicasse; potentissimum ad auertendas publicas calamitates amuletum.

Clodouæus regnat.

Clodouæus, hoc est, Ludouicus primus, annos ferè

serè quindecim natus, Francis, mortuo Childerico patre, præficitur, seligiturque à Deo vt esset præsidium Ecclesiæ suæ, paganus licèt, dum vniuersus Oriens & Occidens sub Principibus Hæreticis gerneret, quia Deo plerumque minùs Ethnicus, quàm Heterodoxus displicet.

Natus est hoc anno S. Benedictus, Monachorum in Occidente parens, & eius familiæ sacræ; quâ illustriorem neque vidit, neque sensit Ecclesia.

*Nascitur
S. Benedictus.*

CAPVT IX.

DECAS NONA.

Ab anno Christi 480. ad 490.

MVNDI

CHRISTI

4534.

481.

Theodoricus, Triarij filius, Gothorum Rex, jam 40. à Constantinopoli lapide, Anaplum vsque, populatus, ac Vrbe mox potiturus, detecta suorum coniuratione in Illyricum redit; vbi dum in castris equum indomitum agit, hastæ suspensæ ab equo decussæ, aut iacentis supra carpentum, accepta in latere plagâ, paucis post diebus interiit, magno commodo Zenonis atque Orientis.

Theodoricus obiit.

Hunericus in domesticos suos Catholicos furere incipit, eosque variis modis exagitare: sed longè etiam acerbius in suos Arianos saeuit. Nam fratrem suum Theodoricum cum vxore ac liberis, Comitesque ac nobiles gentis suæ sustulit, vt Imperium firmaret suum: immo & sectæ suæ Patriarcham locundum cremari viuum iussit, & multos Presbyteros ac diaconos Arianos aut incendit, aut bestiis

Hunericus sauire incipit.

obiecit; quæ fuit prænunciata, & mox secutura
persecutionis quasi velitatio.

MVNDI CHRISTI

4535.

482.

*Calendio
& Petrus
Mogus
Episcopi.*

Celebris est annus iste morte duorum Pa-
triarcharum, Stephani Antiocheni, cui succeſ-
sit Calendio catholicus, & Timothei Solofa-
cioli, cui ſucceſſus eſt Ioannes Talaida, item
catholicus: ſed cum expulit Zeno Imperator,
adnitente Acacio, atque in eius locum Petrum
Mogum reſtituit, Oaſi quàm hâc ſede dignio-
rem.

*Coniura-
tio in
Zenonem.*

Hoc anno Illus Patricius, cum Leontio, Pam-
prepe ſeu Pampretio Γολύτις, & aliis in Zenonem
conſpirarunt in caſtro Papyrio, vnde Verinam
Auguſtam eduxerunt, quæ Tarſi Leontium Au-
guſtum coronauit, & ſacram, hoc eſt, Impe-
ratoriam Epiſtolam ad Antiochenos, omneſque
Præfectos Orientis idedit; adeò grauis Zeno
non tantum ſuis inimicis, ſed & ſuis familiari-
bus erat.

*Zeno Im-
perium ne
gligit.*

Theodoricus, cognomento Valamer, Mace-
doniâ ac Theſſaliâ depopulatis, Lariffam eius
metropolim cepit atque diripuit, dum Zeno
omiſſis ciuilibus negotiis, Eccleſiaſticis ineptè
vacaret.

*Ενωτικόν
Zenonis.*

Enimuero tum edidit Zeno Imperator ſuam
Ενωτικόν, ſeu *unitium*, vt diſſidentes coniun-
geret, quo tacitè Chalcedonenſis Synodus dam-
nabatur; idque vt vigeret, omni arte perfecit;
quod tamen poſtea euauit, & ad Eccleſiæ pe-
tram allifum, de more, concidit.

*Mors S.
Seuerini.*

Obiit tum S. Seuerinus, Noricorum Apoſtolus,
vir & viuus & mortuus magnæ apud omnes ve-
nerationis.

MVNDI

CHRISTI

4536.

483.

*Mortuus
Simplici-
us Pa-
pa.*

Mortuus eſt hoc anno Simplicius Papa,
cùm ſediſſet annos xv. meſes 5. dies decem;
quando Baſilius Præfectus prætorio, nomine
Odoa-

Odoacris Clerum coëgit, impulitque statuere
 ut Romanus Episcopus non crearetur absque
 consensu Principis, & aliquaedam sponte abo-
 lita. Electus est Felix III. 8. Kal. Martij, qui
 statim Zenonis *ἐναντίον* damnauit; coëgit-
 que Concilium, ex quo missi legati in O-
 rientem Vitalis Troentinus, & Misenus Cu-
 manus, cum Felice Romanæ Ecclesiæ Defen-
 sore, ad Petrum Mogum sede pellendum, &
 citandum Acacium; quæ legatio infelicissimè
 cessit. In eâ quoque Synodo exauthoratus Pe-
 trus Gnapheus; declaratus hæreticus Eutychia-
 nus, Apollinarista, Sabellianus, Theopaschita,
 propter additas illas voces *Trisagio qui passus*
est pro nobis, &c. Vnde instituit S. Sabas, ut
 cum reliquæ preces aliâ linguâ canerentur,
 Trisagion semper Græcè occineretur; quod
 Oriens deinceps & Occidens accuratè retinuit,
 propter eximij viri sapientiam atque sancti-
 tatem.

*Succedit
 ei Felix
 III.*

Trisagion

Petrus Mogus *ἐναντίον* subscribit; mox ta-
 men incertus fluctuat, modo probatâ, modo
 damnatâ Synodo Chalcedonensi. Ob hanc cau-
 sam Acephali sunt exorti, qui neque Catholi-
 ci essent, neque cum suo Episcopo conuenirent.
 Scio Liberatum Acephalorum originem altiùs
 repetere, ex S. Cyrilli Alex. & Ioannis Antio-
 cheni dissidio, Ephesinâ Synodo absolutâ; sic-
 que dictos, quod neutri adhærerent, Certè hæc
 secta non satis tardè enasci debuit, multarum
 causa in Oriente turbarum.

*Acephali
 exorti.*

Orientales Præfetti Verinæ litteris excitati,
 Leontium Augustum agnoscunt; paratusque ho-
 stis Zenoni, ut omissis Ecclesiæ rebus, suis va-
 caret fructuosius.

*Leontiu
 dictus Au-
 gustus.*

MVNDI

CHRISTI

4537.

484.

Longinum, Zenonis fratrem, & matrem ip-
 sius post decennalem carcerem Illus & Leon-
 tius à Castro Isauriæ liberant. Hic ad fratrem

*Rebelle
 in Zeno-
 nem.*

C 5

Con,

Constantinopolin pergit : Leontius Antiochiam ingreditur ; dicitque Præfectum Prætorio, Liliannum, quo maxime indigebat . Missus enim in eum Ioannes Scytha cum ingentibus copiis , à quibus victi Illus & Leontius in Papyrium Castrum se receperunt , cum Pampretio magistro *Γολυτῆς*, cuius artibus ac præstigiis illusi, in hoc castro annis quatuor perseuerarunt , multo labore ac tolerantia pertinaces.

*Legati
Romani
sedunt A.
cario.*

Misenus & Vitalis legati , vexati ab Acacio tandem ei communicarunt . Felix Defensor , cum ob morbum in itinere substitisset , ubi venit in Urbem , quia fortior fuit , in custodiam datus Acacii crudelitati superior fuit.

*Felix Pa-
pa dam-
nat Aca-
cium , &
Fullonem.*

Felix itaque coacta Synodo ; Misenum & Vitalem damnatos Episcopatu dejecit , Acacium & Gnapheum anathemate percellit . Id irridet Acacius , & Felicis nomen expungit è Diptychis . Monachos autem Acœmetas , qui Felicis litteras eius affixerant vesti , atrociter vexat . Cum autem Felix desperaret Ioannis Talaidæ restitutionem , eum Nolanum Episcopum creat , ut tutius hæc , licet minus honorifice , viueret.

*Persecutio
Africana.*

Dira concitata est persecutio Catholicorum in Africâ ; plusquam cccxxxv. Episcopi exulare iussi , multis truncata manus , multis linguæ , sine quibus tamen loquebantur . cuius miraculi fuere testes omni exceptione maiores . Iussi insuper congregari cum Arianis Catholici , sed prius sublati eruditissimis quibusque Catholicorum , cum hi obtulissent libellum fidei suæ Hunnerico , iussit ille omnes eorum claudi Ecclesias , bona Arianis Episcopis adjudicari . Eugenius Episcopus relegatus in cretum Tripolitanam , excrucians traditur Antonio Episcopo vicino , Arianorum sceleratissimo , quod cæcum illuminasset ; cui cum opponere voluisset par miraculum Cyrola Episcopus Arianus , de vidente cæcum fecit,

*Cyrola A-
riani fal-
sum mira-
culum.*

fecit, cum magnâ ignominia, atque furore Hunnerici atque Arianorum.

Mortui sunt hoc anno Ecclesiæ persecutores duo; Euaricus Rex Gothorum, Gallicanæ; & Hunericus, Africanæ. Hic velâ Dæmone correptus se ipse moribus laniauit, aut instar Iudæ proditoris eiecit per alium intestina, aut, quod probabilius, vermibus è corpore ebullientibus corrosus miserabiliter interiit; cùm annis 7. mensibus 10. non tam regnasset, quàm debacchatus esset. Reliquit successorem Gundabundum, Gentonis seu Genzonis fratris filium, (hunc Victor Godagisum vocat) crudeli antea exilio mulctatum. Euaricum etiam constat ultione diuinâ periisse, quidquid contrâ asserat Io: Magnus, amantior gentis suæ, quam veritatis, habuitque successorem Alaricum, qui suo & patris nomine Clodouæo Franco pœnas dependit.

*Hunnericus
mori-
tur.*

*Euaricus
mori-
tur.*

MVNDI

CHRISTI.

4538.

485.

Felix Papa lapidem mouet omnem vt Acacium ad sanam mentem reducat; frustra; Zenonis enim potentia fretus Deum ipsum contemnebat. Interim Zenonis filius ad spem Imperij pessimè nutritus interiit, magno Ecclesiæ bono, ne ex tam infelici ouo coruus nasceretur.

*Filius Ze-
noni, mo-
ritur.*

Petrus Gnaphensis iuri suo jam olim detractam insulam Cyprum sibi vindicare postliminio conabatur, cùm Anthemio Episcopo Salaminæ apparens S. Barnabas, vbi lateret corpus suum, atque Euangelium Matchæi suâ descriptum manu pectori applicitum indicauit. Inuenta omnia accuratè descripta sunt ab Alexandro Monacho teste *αὐτοπῆν*; cùmque hoc modo probasset sedem suam esse Apostolicam, litem euicit: Euangelium tamen obtulit Zenoni, quod in oratorio Palatii repositum est; ex quo libro quotannis in Cœna Domini Euangelium in Ecclesiâ canebatur; certissimo argumento aut

*Inuentio
Corporis
S. Barna-
bæ.*

descriptum fuisse Græcè, aut Hebraicè Euangelium in hac æde quotannis semel recitatum esse.

*Iconoma-
chorum
prima ori-
go.*

Xenaias Persa seruus fugitiuus Clericum agens, à Calendione eiectus, à Petro Fullone susceptus est & ordinatus Episcopus Hieropolitanus, dictusque Philoxenus; quamquam ex parentibus seruis Manichæis ortus, & nondum baptizatus. Is Iconoclastarum parens fuit, negauitque imagines Christi, Angelorum, & Sanctorum, venerandas esse. En quibus progenitoribus Nouatores nostri possunt gloriari.

*Clodouæ-
us militem
sacrilegum
cadit.*

Clodouæus Syagrium Ægidij filium Sueffionibus rerum potientem inuadit, ac vincit. Victus confugit ad Alaricum; repetitur interminatione belli, miser deditur, ac interimitur. Tum calix raptus est in Diœcesi Rhemenfi; hunc reposcit Rhemigijs, & reddendum Clodouæus pollicetur. Cum sepositus esset in prædæ diuisione calix, hunc hastâ miles raptor percussit; restitutus tamen est: ast anno recurrente, in lustratione idem miles manu Clodouæi interemptus docuit Reges Franciæ quandoque Ecclesiæ fore tutelares.

M V N D I

C H R I S T I

4539.

486.

*Mors Pe-
tri Gna-
phi.*

Obiit hoc anno Petrus Gnapheus, Orientalis Ecclesiæ magna pestis; cui successit impietate geminus Palladius, amicus Petri Mogi, vt faciliè improbi improbis familiaritate coniunguntur.

*Clodouæus
ducit vxo-
rem Clo-
tildem.*

Clodouæus Crotildem vel Clotildem, filiam Childerici filij Gundicarij Burgundionum Regis, petit vxorem per Aurelianus, & suum à Gondebaldo patruo. Concessa est, eamque duxit Clodouæus, pollicitus se fore Christianum; quod non præstitit, nisi ingratis, & coactus. Iam autem ex concubinâ susceperat nothum filium Theodoricum; tunc autem desultorios illos amores videtur abieciisse.

*Viri Ian-
sitate il-
lustrati.*

Florebant hoc tempore Rhemigijs Rhemenfis, Patricius Sueffionensis, Vedastus postea Atre-

Atrebatensis, Solennis Carnotensis, omnes sanctitate illustres, & quorum precibus concessus videtur esse Clodouæus, & Christianus, & Ecclesiæ tutor.

MVNDI CHRISTI

4540.

487.

Theodoricus Gothorum Rex Thraciam populatur, & ad Melantiada oppidum, nec procul ab vrbe regiâ, omnia igne ferroque delet, inescatus auro Zenonis, quo non semel, & nunquam satis expletus est. His gestis, prædâ diues Mœsiam suam repetit; sed, vti prædones solent, rediturus.

*Theodori-
ci grassa-
tiones.*

MVNDI

CHRISTI

4541.

488.

Concidit hoc anno in Zenonem rebellio, primum Trocundo Illi fratre cæso à Ioanne Scythæ, & Pamprepe Τρόκων ab Illo interempto; denique capris in Papyrio Isauriæ castro Illo atque Leontio, ac mox decollatis; quorum capita Constantinopolin delata, gaudium in Palatium, in Urbem commiserationem intulerunt.

*Rebellio
in Zeno-
nem ex-
crista.*

Theodoricus Amalus cum suis Gothis hoc anno transiit in Italiam, vel incitatus à Zenone, vel ab Odoacre prouocatus, cuius inuidebat gloriæ; aut certè spe illectus prædæ, quâ suos Gothos videbat in dies fieri audentiores.

*Theodori-
cus pergit
in Ita-
liam.*

Moritur Acacius, cuius tandem nomen ex sacris diptychis erasum est, licet in ijs longius, quam par esset, apparuisset. Passus est vir superbitissimus imagines suas in Ecclesiâ dedicari, quibus loca sacra potiùs deturpabantur, quam exornabantur. Successit ei Flauitas, medius inter Hæreticum atque Catholicum; & vtrisque fauere conatus; simulque dedit litteras ad Felicem & ad Petrum Mogum; earum exemplar nactus Felix, Apocryfarios ejus reiecit, ratus eum Catholicum non esse qui sic fluctaret.

*Moritur
Acacius,
cui succe-
dit Fla-
uitas.*

Theo-

MVNDI CHRISTI

4542.

489.

*Theodori-
cus vincit
Odoacrem*

Theodoricus primùm Odoacrum ad Ifontium, mox in Veronensibus campis grandi afficit clade. Tum Epiphanius Ticinensis victori acceptissimus fuit, atque ejus precibus victoriam potiùs, quàm suis armis Rex improbus debuit.

*Euphe-
mius suc-
cessor Fla-
uiae.*

Obiit hoc anno Flautas, cui successit Euphemius. Hic statim Chalcedonense Concilium recepit, Felicis nomen in Diptychis restituit; quia tamen expungere nomen Acacii ex iis noluit, in communionem non est receptus à Felice, quod vehementer optabat, ut se verè Catholicum esset Orbis vniuersus agnosceret: quâ nulla certior vnquam veræ fidei nota fuit.

MVNDI CHRISTI

4543.

490.

*Vitto-
ria de O-
doacre.*

Theodoricus Odoacrem ad Dacam fluuium tertio prælio superat, ac confugientem Rauennam triennio obsidet, auxilia vndequaquè frustra respectantem.

*Fulgentii
vexatio.*

Hoc anno recrudit Vandalica persecutio; in quâ sanctus Fulgentius, postea Ruspensis Episcopus, Senatoriâ familiâ Carthaginiensi ortus, sed Lepti natus, vbi parentes ejus ob Catholicam fidem exulabant, annos natus serè duodecimginta, cum Felice Abbate suo à presbytero Ariano dirè vexatus ostendit se à Religione parentum nihil degenerasse.

*De Fau-
sto Rhe-
giensi.*

Celebrata sunt hoc anno duo Concilia, Arelatense & Lugdunense. In illo prolata Epistola Fausti Rhegiensis Episcopi ad Lucidum prædestinatianum, cui Episcopi XI. subscripserant, ac ipse Lucidus. In hoc addita sunt aliqua capita ad superiorem Synodum, idemque Faustus significat à viginti septem illis Episcopis prouinciam sibi commissam esse scribendi de Gratiâ; sed errores Semipelagianono-

norum suis scriptis immiscuit, quidquid aliqui
reclament amantiores huius magni viri, quam
veritatis.

Moritur detestabilis ille Petrus Mogus, cui
successit Athanasius, cognomento Herniosus; *Mor, Pe-
tri Mogi.*
ne hoc nomine, multo minùs sede, dignus.

Euphemius Patriarcha Constantinopolitanus
Anastasium Silentiarium, postea Augustum,
tanquam Eutychianum eiecit ab Ecclesiâ, extre-
mam huic interminatus ignominiam, nisi do-
cere turbas cessaret. Liberè etiam Zenonem
redarguit; quod & prestitit Arcadius præfectus
Vrbis, qui tamen confugere coactus est ad Ec-
clesiam, ne jugularetur. Et verò hoc tempore
Pelagius Patricius Silentarius interfectus est,
quòd Zeno à Marciano Comite, futurorum
præscio, acceperat huic successurum quondam
Silentiarum. Is autem Pelagius Poëticis facul-
tatibus exultissimis, vir prudens ac iustus,
sæpeque increpans Zenonis homicidia, rapi-
nas, sacrilegia, Longinum etiam fratrem, Ze-
noni simillimum nequitia & sordibus, Cæsa-
rem fieri prohibens, iussu Imperatoris perdidit
caput, manibus elatis prius ad Deum testem
innocentiæ, & vindicem flagitiorum; qui
vindex paulò post severissimus apparuit.

Vtrum autem duo viri fuerint Pelagius & Pa-
tricius, amboque cæsi iussu Zenonis, non au-
deo pronunciare, cum videam magnos viros eâ
de redubitasse. *Pelagii
Patricii
cædes.*

Clodouæus Thuringos deuincit, regni sui
anno decimo. Quid autem hoc bello contige-
rit, incompertum; quia tum Franci bellare
quam scribere malebant, & materiam histori-
cis dare, quam historias edere. *Clodouæi
bellum
Thuringi-
cum.*

CAPVT X.

DECAS VLTIMA.

Ab anno Christi 490. ad 500.

MVNDI CHRISTI

4544.

491.

*Zenonis
Imperator.
mors.*

Zeno cùm imperasset annis 17. mensibus sex, vti scribit Theophanes; identidem inclamans nomen Pelagij, quem anno superiori peremerat, Epilepsia, quam ex crapulâ & ebrietate contraxerat, turpem euomuit animam. Cedrenus tradit hunc viuum tumulo inclusum esse; & cùm inde suorum imploraret opem, Ariadnam amore Anastasij correptam illum reserari vetuisse, sicque voratis sibi laceratis ac caligis miserum fame expirasse. Neque enim hîc moramur fabulam de collo illi per diuinam iustitiam resecto, quod somnium est nescio cuius viri pii vigilantis: hoc certum, à Deo grauitè mulctatum esse, & pœnas huius temporis graues maioribus atque æternis præluxisse.

*Succedit
ei Ana-
stasius.*

Succedit huic, ope Ariadnæ, Anastasius Dyrrhachinus, nondum Senator, sed ex scholâ Silentiariorum, hoc est, qui in Palatio quæta curant, cùm prius ab eo Euphemius Patriarcha veram fidei formulam expressisset, & coronatus ab Ariadnâ, quam statim duxit uxorem. Triumpharunt Manichæi, quod ejus mater esset Manichæa, item & Ariani, quod Clearchus ejus auunculus Arij dogma sectaretur; sic tamen exorsus est Imperium, vt de ejus inauguratione etiam Catholici lætarentur. Longinus autem frater ejus, qui jam spe deuorarat Imperium, remissus est ab

Ana-

Anastasio in Isauriam suam, locum suis moribus ac stoliditate suâ dignissimum.

Anastasius antiquum tributum Chrysargyrum, quod ab omnibus etiam infimæ fortis hominibus, meretricibus, exoletis, & de animalibus etiam vilissimis immo *ὕπν' p' οὐρὰ καὶ κοπρὰς*, de urina, & fimo, atrociter exigebatur, singulis quadrienniis in fiscum referri solitum, penitus abolet; Magistratus, sub Zenone venales, donat; & alia ejusdemmodi, quæ huic Pontifex gratulatus est. Sed sibi vim faciebat homo improbus; quæ diu durare non solet.

*Initia letæ
Anastasijs.*

Bellum intestinum inter ciues Constantinopolitanos exortum; unde incendium quo Circi maxima pars, Nisocomium S. Sampsonis, & S. Sophiæ ædes deflagrarunt; quod & majora mala prænunciauit.

*Incendium
Constanti-
nopolitanū*

Odoacer cum Erulis noctu Rauennâ egressus, ad Pontem Candidium prælio memorabili rejectus est; quando & Vvandali impetratâ pace Siciliam infestare desierunt, jam suorum tuendorum, quàm alienorum inuadendorum magis solliciti.

*Odoacer
repulsus.*

MVNDI

CHRISTI

4545.

492.

Longinus, Zenonis frater, rebellat; sed captus Alexandriam relegatur, vbi creatur Presbyter. Exautoratus quoque Longinus, alter militum magister, & cum suis Isauris patriam repetere jubetur; sed occupatis Zenonis thesauris, in Isauriâ copias conficit, quibus Ninilingin seu Lilingin, Isauriæ Præfectum, præficit. Alij quoque se huic conjungere; omnes victi per Ioannem Scytham ad Cotyæum Phrygiæ; Ninilingis cæsus; & nisi spoliis colligendis occupatus victor, passus esset Isauros effugere; bellum profligatum erat, quod quinque aut sex annis tenuit; adeo difficile est, bonis etiam Imperatoribus, vti victoriâ.

*Rebelles
victi à Io-
anne Scy-
thâ.*

Felix

Felix III Felix III. Papa , atauus S. Gregorij Magni ,
Moritur 50. Kal. Mart. obijt, cū sedisset ferè annis no-
successit uem. Successit ei Gelasius 60. Non. Martias, vir
Gelasius gnauus, ac diligens, & funestis hisce temporibus
 Ecclesiæ expectatus .

Anastasi Anastasius iussit quemlibet sentire de Conci-
impietas lio Chalcedonenſi secundū consuetudinem loci
 in quo viueret: quo factō neque se Eutyichianum,
 neque se Catholicum exhibuit : Reuera autem
 secutus est *Hæſitantium* sectam; qui & *Acephali*
 sunt appellati , & meritō, cū aliunde pu-
 gnantia loquerentur .

MVNDI

CHRISTI

4546.

493.

Odoacer Odoacer jam triennio obsessus Rauennæ à
pacem iniit Theodorico, per Legatos ita cum eo paciscitur ,
& cadi- vt ambo in Italiâ pari jure regnarent : sed paulò
tur . post eum Theodoricus conuiuiū exceptum , per-
 fidiosè interemit , cū in Italiâ annis 17. re-
 gnasset ; verū post annos 13. rebus ejus prola-
 hentibus , vtī monuerat S. Seuerinus . Theodo-
 ricus ergo , vnus Italiæ dominus , regnum com-
 ponit suum, maxime vsus operâ Aurelij Cassio-
 dori , qui ei ab Epistolis fuit , & quem Patri-
 cium creauit. Inijt ergo cum Anastasio ac Vvan-
 dalis pacem ; Clodouæi Franci Audeſſendam fi-
 liam duxit vxorem ; filiarum quas ex concubinâ
 suscepserat vnā Alarico Gotho , alteram Sigis-
 mundo Burgundioni dedit vxores. Aliunde , li-
 cèt Arianus , in Catholicos benè affectus fuit ,
 hominemque sibi charum capite multauit, tan-
 tū quod ejus gratiâ factus esset Arianus , ne-
 gans huic à Principe fidem adhibendam , qui
 fregisset Deo . Reos præterea quamplurimos re-
 laxauit , captiuos redemit ; denique ita se ges-
 sit , vt quod fortitudine regnum peperat , hu-
 manitate suæ familiæ atque genti faceret hære-
 ditarium .

Apparicio Hoc anno inuenta est in Gargano monte ,
S. Mi per miraculum , crypta S. Michaëlis , magnæ
 dein-

deinceps in Occidente venerationis : cujus Archangeli dum fieri mentionem reliquiarum audis in Historiâ , mappas intelliges ejus altari subterni solitas ; neque te Novatorum cauillationibus indoctis impeti fines , atque derideri .

Chaelis in Monte Gargano .

MVNDI CHRISTI

4547.

494.

Anastasius in Euphemium capitale concepit odium , tum quòd ab eò olim priuatus malè acceptus esset , tum quòd Isauris fauisse videretur , tum denique quòd Fidei veram formulam ab eo extorsisset , vti crearetur Augustus . Eam autem tum ex manibus ejusdem Antistitis per vim retraxit , ne scripto conuinci posset , jam in deteriora lapsus prauaricator .

Anastasi in Euphemium odiu

Romæ celebrata Synodus à Gelasio 70. Episcoporum , in quâ Canonici Scripturæ libri , Oecumenica Concilia , scripta SS. Patrum excussa , & apocrypha à cæteris separata , Apostolico sunt decreto roborata , magno Ecclesiæ commodo , & legentium vtilitate .

Synodus Romæ Gelasio .

Gundebaldum Regem Burgundionum S. Alci- mus Viennensis Episcopus dedocet Arianam hæresim ; sed ille fidem publicè profiteri recusans , nec hæreticus , neque fidelis fuit .

Gundebaldus Catholicus .

S. Benedictus hoc anno , annos quatuordecim natus , cum nutrice suâ in eremum secessit , vitam auspicatus acceptissimam cælo , vtilissimam terris . Nequetamen primus Monachorum in Occidente fuit : quod dum ignorare se finxit Trithemius , multa ipse absurdissimè confinxit ; ei que geminus ejusque congerro Caicatanus , vir illiteratissimæ temeritatis , accinuit .

S. Benedictus secedit in eremum .

MVNDI

CHRISTI

4548.

495.

*Euphemia
sufficitur
Macedo-
nius.*

Euphemia ab Anastasio in ordinem redactus insuper relegatur ; felix , qui religionis causâ pateretur , si capiti suo conjunctus extitisset . Ei successor intrusus est Macedonius , qui statim *ἐν τῷ* subscripsit ; & sedes ista pro schismatico , hæreticum Antistitem nata est.

*Tras-
mundus
succedit
Gunda-
bundo.*

Trasimundus Vvandalus fratri Gundabundo succedit , in Catholicos mitior : volunt certè quidam hunc Catholicos non pœnis sed præmiis pertentasse ; quo tempore in ciuitate Albigeni S. Eugenius Episcopus Carthaginensis in eam relegatus obiit , & laborum suorum ac patientiæ fructum percepit.

*Clodouai
ad Tolbiacum
victoria , &
Baptis-
mus.*

Clodouæus promissa Clotildi de suâ Christianitate facta , putabat esse amantis perjuriam , ac sæpe ab eâ monitus , in Idolorum cultu perdurabat . Cùm ergo pugnaret in Vbiis ad Tolbiacum aduersus Alemannos , deleto peditatu suo , Equitatu cui ipse præerat jam in fugam inclinante , inuocato Clotildis suæ Deo , votoque Baptismi nuncupato , illustrem victoriam contra expectationem suam retulit . Rhemosigitur a Clotilde deductus , à sancto Rhemigio , cum tribus suorum millibus , & sorore Albofede , sacris aquis intinctus est , ac sancto inunctus oleo . Altera quoque ejus soror Lantildis ejurauit Arium . De sacra Ampullâ cœlitus delapsâ , insignibus Liliorum pro Diadematis vel Bufonibus , & Aurisflammâ , nihil hîc statuimus , quia majoris est operis controuersia , & quid de ijs sentiamus , nec hujus libri breuitas , nec conditionis nostræ ratio dicere patitur.

MVNDI

CHRISTI

4549.

496.

*Gelasius
cessor
Anastasius
II.*

Obiit hoc anno XI. Kal. Decembris Gelasius Papa , cùm sedisset annos 4. mense 8. diebus vnde viginti . Vir sanè doctissimus extitit,

titit, ut testatur eius liber *de duabus naturis*,
adversus Eutychetem & Nestorium, quem ei
 tollere Baronius conatus est frustra, repugnan-
 te Sancto Fulgentio, qui eiusdē Gelasij *συγγραφεύς*
 fuit. Successit ei Anastasius II. patriā Romanus,
 4. Kal. Decembris; nec enim diutiùs Petri Se-
 des tum vacua fuit.

Mortuus est quoque tum Epiphanius Ticinen-
 sis, cœlo terrisque vir acceptissimus, Palladius
 item Antiochenus Episcopus, cuius locum im-
 pleuit Flavianus Iunior, vir Catholicus & for-
 tis, ideoque dignus exilio visus, ut se verum
 Antisitem præberet.

Clodouæus permotus precibus vxoris suæ,
 eiusque fratris Godegifili, Gundobaldo Burgun-
 dioni bellum infert, qui jam suos fratres duos,
 ac Godegifili, Godomarum & Chilpericum pa-
 trem Clotildis, eiusque matrem sustulerat. Vi-
 ctus est Gundobaldus, eiusque ditio Godegifilo
 concessa; sed abscedente Clodouæo, Gundo-
 baldus rediit, ac Godegifilum Viennæ obses-
 sum, ac captum interemit; ab eâ expeditione
 Franci plus doloris, quàm gloriæ retulere.

*Epiphani
Ticinenfis
mors.*

*Clodouæus
Gundobal-
dum vincis
sine fructu*

MVNDI

CHRISTI.

4550.

497.

Terminatum est hoc anno bellum Isauricum,
 Athenodoro Isaurorum præcipuo capto, atque
 decollato. Caput eius hastili præfixum Tharsum
 delatum ibidem contabuit, cùm diu Isauris at-
 que Cilicibus terriculum extitisset.

*Isaurici
belli finis.*

Legationem misit in Orientem Anastasius Ro-
 pontifex, S. Germanum Episcopum Capuanum,
 & Cresconium Tudertinum, cum litteris qui-
 bus optabat expungi ex diptychis Acacii nomen
 sed non erat sub Impiæ Imperatore hoc causa
 pacis expectanda.

*Legatio
S. Ger-
mani Ca-
puani.*

MVNDI

CHRISTI

4551.

498.

Hoc anno Longinus Isaurus, cognomento
 Scli-

*Longini
Isauri ca-
ps.*

Selinunteus, captus Antiochiæ in Isauriâ à Prisco Comite, Constantinopolin perductus, atque in vinculis per urbem circumductus, Anastasio atque populo gratum spectaculum exhibuit; inde translatus Nicæam Bithyniæ variis cruciatibus excarnificatus interiit. Porro nolle hunc Longinum cum Zenonis Imp. fratre confundere, etiamsi vterque rebellis, vterque Isaurus extiterit. Longinum enim fratrem Theophanes scribit in Episcopatu mortuum esse; Euagrius autem eundem Longinum à Ioanne Scythæ victum esse tradit, eiusque ac Theodori caput missum esse ad Anastasium, atque exinde quinque milia librarum Isauris pendisse. Quæ diuersitas obseruari debuit, ne tenebræ huius temporis rebus offundantur; quas maximè fugandas hoc opere suscepimus.

*Populi se-
ditio sedan-
sa.*

Ingens populi seditio contra Imperatorem concitata, quæ multis vitâ stetit. Vt deliniret populum Anastasius Nummis suo nomine figuratis, quos Terentianos Romani vocant, (aliter legitur Teruncianos) Græci Follares, permutauit: quod autem mutatio ea pecuniæ plebi aliquid afferret utilitatis, creditur tumultus extinctus esse. Ita populus exiguo pulueris jactu (maximè si aureus est) vt apes dimitigatur.

*Chalcedo-
nense Cō-
cilium à
Fæminis
defenditur*

Multi Constantinopoli fortiter resistunt Henotico Zenonis, & Chalcedonense Concilium fortiter propugnant. Enituerunt maximè duæ fæminæ, Matrona & Sophia cum suis quæque virginibus, ac multi Monachi. Itaque suavit Imperatori Macedonius Episcopus Constantino-
polititanus, vt quæ in Chalcedonensi Synodo ritè sancita erant, ab Episcopis, qui tum Constantinopoli versabantur, confirmarentur suis subscriptionibus; sed id neque consultori, neque consulenti profuit.

*Festus Le-
gatio.*

Festus Senator Romanus à Theodorico missus Constantinopolin, ciuiliu negotiorum causâ, iis confectis priuatim Anastasio pollicitus est effectum.

fecturum se vt Pontifex Romanus $\pi\omega\ \epsilon\gamma\omega\tau\iota\kappa\omega$
 subscriberet. Sed reuersus Romam inuenit Ana-
 stasium mortuum; obierat enim hic 160. Kal.
 Decemb. sui Pontificatus anno secundo scilicet ex-
 plecto, Itaque Festus, promissi memor, tenta-
 uit omnia vt Pontifex eligeretur qui eius polli-
 citationes impleteret. Cùm ergo die 40. ab obitu
 Anastasij Papæ, Cleri pars sanior, & major,
 Symmachum Pontificem elegeret in Basilicâ
 Constantinianâ, ipse eodem die in Basilicâ S.
 Mariæ effusus, pronuntiatisque pecuniis Cæ-
 lium Laurentium, Archipresbyterum S. Praxe-
 dis, deligendum curauit. Quare ingentibus in-
 ter Populum, Clerum, ipsumque Senatum di-
 uisus, exortis discordiis, non sine cæde & san-
 guine ambæ partes ad Theodoricum Rauennam
 confugerunt. Pronunciavit Rex sedere hunc de-
 bere qui prior electus esset; sic visus adjudicare
 litem Symmacho. Itaque hic sedit Pontifex non
 sine grandi tumultu, qui vix tribus annis sub-
 latus est; Ecclesia & veritas de Festo, de pecu-
 niis, de turbis hisce triumpharunt.

*Chrys. Ana-
 stasius Pa-
 pæ.*

*Symma-
 chus es sub-
 stituitur cū
 tumultu &
 Schismate*

M V N D I

C H R I S T I

4552.

429.

Bulgari Thracias depopulantur; quibus oc-
 currens Aristius, Dux Illyricianæ militiæ, ad
 Zortam fluium turpiter victus quatuor suorum
 millia perdidit; populationem auro redimere
 coactus est Anastasius. Contigit & tum ingens
 terræ motus in Ponto, quo Neocæsarea magnâ
 ex parte concidit. Stetit tamen ædes sacra, quâ
 S. Gregorij Thaumaturgi lipsana continebantur;
 semper, vt tanti viri fides, inconcussa.

*Bulgarorū
 grassatio.*

Romana Synodus, Consule Ioanne Gibbo,
 celebratur, seu post Consulatum Paulini, Kal.
 Martij apud S. Petrum, in quâ actum est de co-
 mitiis Pontificalibus & eligendo Pontifice. Se-
 dere in hoc Concilio 72. Episcopi ex variis Ita-
 liæ partibus, Romani Presbyteri 77. Diaconi
 quinque. Presbyterorum loco primus scripsit

*Romanæ
 Synodus.*

Lau-

Laurentius, electus in schismate, qui in eodem Concilio creatus est Nucernus Episcopus; non quia id æquitas, sed tempora & miseratio postulabant.

MVNDI

CHRISTI.

4553.

500.

*Saraceno-
rum popu-
lationes.*


Saraceni Syriam & Phœnicem incurfant, ac fœdè depopulantur; jampridem enim ex tenuibus initiis & parvâ gente in magnam coaluerant, adscitis in nominis & armorum communionem vicinis gentibus deuiâs; quibus postea Romanum Orbem terruerunt, & tantum non deleuerunt.

*Theodori-
ci Româ
Introitus.*

Venit hoc anno Romam omnium votis expectitus Theodoricus, ut turbas componeret; cum ab eo missus Visitator in causâ Symmachi, in partes Laurentij inclinare visus esset. Rex autem modis omnibus de S. P. Q. Romano bene mereri conatus est, assignatâ etiam pecuniâ ad muros Urbis reparandos. Vicissim Roma eum excepit eâ magnificentiâ, quæ S. Fulgentium ad contemplandas Cœli diuitias excitauit. Tum enim hic Sanctus ad limina Apostolorum venerat, nec dedignatus videre hunc Regis introitum; quo tamen plus mentis, quàm corporis oculos refecit.

*S. Fulgẽ-
stium
Roma.*





LIBER VI.

Ab anno Christi 500. ad 600.

CAPVT PRIMVM.

DECAS PRIMA.

Ab Anno Christi 500. ad 510.

MVNDI
4554.

CHRISTI:
501.



Cenitis Arabibus per Anastasium Imperatorem conciliatis, reddita pax est Orienti; non item Constantinopoli, in quâ bellum ciuile ac domesticum sæuiit. Anastasius enim populi diſſeriis vt hæreticus appetitus, eum de more ad ſpectacula inuitatum per ſatellites ſuos immiſſos trucidauit, ac tria eius ferme millia obruncauit; ſælices, niſi à capite ſuo, ſchiſmate diuulſi eſſent, quibus tum non deſuit cauſa martyrij. Quare ſibi deinceps Imperator à populo metuens iuſſit vt Litanias & ſupplicationes Eparchus cum militibus armatis ſequeretur, ad tumultum arcendum populi, quo tamen maximè eius improbum caput appetebatur.

*Populus
caſus iuſſu
Anaſtaſij.*

Synodi hoc anno, Coſſ Pompeio & Auieno, Romæ factæ ſunt duæ, ſecunda & tertia ſub Symmacho & in eius cauſâ: Secunda quidem in Baſilicâ Iulij ex Episcopis Ligu-

*Symmacho Ponti-
ficatus ad-
iudicatur.*

Tom. II. Pars II.

D

ria,

riæ, Æmiliæ, & Venetiæ, in quâ tamen nihil actum, Patribus Synodum haberi Rauennæ ad vitandum tumultum, Theodorico Romæ fieri exoptantibus. Tandem Theodoricus euicit vt Romæ celebraretur, missis eò Comitibus à Palatio suo, qui vim arcerent. Ita Tertia Synodus habita in Basilica Hierosolymitana Sessoriani, ad quam Symmachus causam dicturus accessit sponte, ac volens, prout fuerat à Theodorico significatum. Verùm irrumpentibus Laurentianis, ægrè ex eorum manibus Pontifex per Comites substractus est. Quâ de re admonitus Theodoricus Synodum hic terminari iussit. Itaque X. Kal. Nouemb. damnatus est Laurentius cum suis fautoribus, adiudicatus Symmacho Pontificatus; & huic, quem modestia & sanctitas præferendum ambizioso & crudeli æmulo significabat.

MVNDI

4555.

CHRISTI

502.

Hoc anno, Coss. Probo & Auieno Iuniore, iterum Thraciam Bulgari, nullo inhibente, depopulati sunt. Sed maior extitit ab Oriente & Persis clades: Barri enim, populi truces, Pontum inuasere ac diripere. Aliunde cum Cabades, Rex Persarum, mutuas ab Anastasio pecunias postulasset, hic dare recusasset, Cabades sædus initum à tempore Theodosij Iunioris abruptit, ac primò incurfatâ Armeniâ Theodosiopolin cepit, à Constantino quodam proditam. Inde conuersis in Mesopotamiam grassationibus, Amidam tribus aut sex mensibus obsedit, quam ei prodidère Monachi quidam, ab eo interfecti, ne hos quoque suo damno vicissim proditores vtique experiretur; hostâ tamen alij ignauos malunt, vitio in monachis vtcunque tolerando.

Hoc anno Quarta Synodus Romæ celebrata in causâ Symmachi 8. Idus Nouembr dicta

Pal.

*Cabades
Persæ
Orientem
vexat.*

Palmaris à porticu Basilicæ S. Petri, quæ *Palmaria* dicebatur; vbi Conuentus habitus, & in eo confirmata Symmachi electio, abolita Odoacris Heruli sanctio ne crearetur Pontifex sine Regis consensu. Additum decretum de non alienandis Ecclesiæ bonis, dictum in Anastasium Imperatorem Anathema, acclamatus Theodoricus *Piissimus* vel *Sanctus*, licet hæreticus; cuius operâ non tantum Ecclesiæ tranquillitas, sed & libertas fuisset restituta.

Romana Synodus IV.

Theodoricus dictus piissimus, vel sanctus.

MVNDI
4556.

CHRISTI
503.

Ingentem parat exercitum aduersus Persas Anastasius, quem imprudenter tribus ducibus committit Patricio, Hypatio, & Areobinda, qui concordēs prosperè inchoarunt bellum, Duce Persarum cæso, Rege fugato; discordes malè terminarunt, coacti cum Barbaris turpem non tam inire pacem, quàm emere.

bellum Persicum bene inchoatum, malè finitur.

Constantinopoli ortâ in spectaculis equestribus seditione inter factiones, plurimi cæsi, inter reliquos Anastasij nothus filius ex pellice, cuius manibus crudelis Imperator multorum sanguine ac lacrymis lætauit.

Cædes Constantinopoli.

Romæ habitâ est Quinta Synodus sub Symmacho in obloquentes Concilio *Palmaris* cuius actis insertus libellus Ennodij quo diluit Schismaticorum obiectiones; sicque seruatus incolumis, ad posteros transit.

Romana Synodus V.

MVNDI
4557.

CHRISTI
504.

Celer, Officiorum magister, aduersus Persas missus rem meliùs gessit, & ostendit belia vni, quàm multis committi prudentiùs.

Bellum Persicum meliùs gestura.

Florebat hoc tempore S. Equitius Abbas, de cuius ordine S. Gregorius Magnus ait, quantumuis Benedictini reclament, magni Illustrum virorum plagiarij.

D 2 Ordi-

*S. Fulgentius fr
Ruspensis
Episcopus.*

Ordinati sunt hoc anno aliquot Episcopi Africani, inter quos S. Fulgentius Ruspinae seu Ruspensis Episcopus, qui cum alijs, Trasimundo persecutionem excitante, in Sardiniam relegatus est, ut esset utilis patientiâ & exemplo, qui tantum eruditione atque eloquentiâ profuisset.

MVNDI

CHRISTI

4558.

505.

*Theodorus
Consul fr
Mona.
ebus.*

Sabinianus, huius anni Consul, cum Theodoro collegâ aduersus Mundonem Getam dimicans, turpiter deuictus, nec honori suo, neque Romanorum rebus consuluit. Eius collega sæculum sanctius vixit, cui nuncium remisit cum vxore suâ, ac Monasticam vitam amplexus est: cui S. Fulgentius Epistolâ gratulatus est; longè clarior spreto Consulatu, quàm parto.

*Pax
Persis.*

Cabades Rex Persarum multis præliis à Celebre victus, pressus insuper rebellione Cadessiorum, pacem cum Anastasio turpem icere compulsus est, eique tanto labore ac sanguine partam Amidam in Mesopotamiâ restituere.

MVNDI

CRISTI

4559.

506.

*Anastasius
vexur
Macedo-
nium.*

Anastasius Imperator Macedonium Episcopum Constantinopolitanum sibi repugnantem perdere instituit. Ac primò Xenaiam seu Philoxenum illum impij Manichæum ei opponit: at populus in hunc insurrexit, immo & in Imperatorem, paratus pro Episcopo suo mori. Itaque Imperator Xenaiam noctu subducit; sed & Acholium quemdam percussorem subornandum curat: at Macedonius, ut lenitatem profiteretur, menstruamannonam huic sicario dari iussit; quo facto in eius caput carbonēs coniecit, qui demùm in Anastasij diadema reciderunt.

Clodouus

Clodouus Alaricum bello apperit; eius copiis

piis deletis, eundem etiam singulari certamine enecat, non tamen sine suo periculo, in Campo Vocladensi. Sic Obijt Alaricus cūm XX IJ. annis totis regnasset. Eius ditionem inuasit Theodoricus filius Clodouæi, hoc est, Ruthenos, Cadurcos, & Aruernos; atque ad patrem Burdegala hyemantem rediit. Ita desijt Gothorum Imperium Tholosanum: nam filius Alarici Amalaricus in Hispaniam transiit, vt eam sibi retineret, fassus se Francis, & Clodouæo minimè parem.

*Alaricum
vincit, &
cadit.*

Viuere desijt hoc anno celebris virgo S. Genouefa, sepulta in æde SS. Petri ac Pauli; quam anno superiori, petente Clotilde, Clodouæus statuerat. Huic autem postea Basilicæ reliquit suum nomen, quā nulla est in toto regno Francico etiamnum celebratio; atque virginis rusticanz nomen ipsis Apostolorum nominibus præualuit.

*S. Genouefa
victoria.*

MVNDI
4560.

CHRISTI
507.

Clodouæus Tholosam obtinet, & in eā latentes Alarici thesaturos. Inculismam deinde oppugnare parat; sed parato ad inuadendam urbem exercitu, muri eius Hiericontinorum instar corruerunt. Inde Turonas reuersus, equum suum offert sancto Martino; quem dum redimere à Monachis sordidioribus parat, expertus est (vt ipse iocatus fuit) sibi Martinum charum extitisse.

*Clodouæi
victoria.*

Ibidem Turonibus Clodouæus ab Anastasio insignia Consulatus accepit, eaque die vt Consul & Augustus salutatus, in æde S. Martini indutus tunicā Blatteā, ac Chlamyde, & diademate redimitus: neque enim, quod aliqui volunt, solum Patriciatum accepit. Inde Parisios venit, fecitque eam regni sui sedem; urbem, quā nulla est in toto orbe feliciori situ constituta.

*Clodouæus
accipit
insignia
Imperij.*

*Anastasio-
polis clui-
sai.*

Anastasius contra Persas munitionem excita-
tam, Daras nomine, reparat, & de suo nomine
Anastasiopolin nominat. Ex eâ quoque efferri
passus est reliquias S. Bartholomæi; quare noctu
monuit eum S. Apostolus, custodiam urbis abla-
tam esse; quod ut somnium spreuit homo Mani-
chæus, reliquiarum osor; postea Romani à Deo
venisse sunt experti.

*Gisalarici-
us Nar-
bonam oc-
cupat.*

Gisalaricus, filius nothus Alarici, Narbonæ
Princeps effectus, quasi ex naufragio regni pa-
terni hanc tabulam feliciter arripuit.

MVNDI
4561.

CHRISTI
508.

*Victi
Franci à
Theodori-
co.*

Victi sunt hoc anno Franci per Hibbam Co-
mitem, Theodorici ducem, ac triginta armato-
rum millia in acie perdiderunt. Quare soluta ob-
sidio Carcassona, & omissa Narbona; Aquitania
Clodouæo cessit, Narbonensis Theodorico, quam
pupilli Amalarici nomine regendam suscepit,
cum ditione Hispanicâ, quas per suos præfe-
ctos rexit, utramque si posset nunquam reddi-
turus.

*Franci
obhdens
Arela-
tam.*

Ita tamen superati sunt Franci, ut non des-
ponderent animos. Arelatem enim fortiter ag-
gressi sunt, fortiùs à Gothis propugnatam. In quâ
S. Cæsarij luxit in pauperes amor, & aduersus
inimicos patientia, accusati falsò proditionis à
Iudæis & hæreticis. Quare primùm à Gothis de-
trusus est in carcerem; inde missus Rauennam ad
Theodoricum, à quo remissus est cum magnis
muneribus, quæ ad pauperes alendos; & redi-
mendo captiuos impendit; ipse vasa sacra fran-
gere solitus, quæ famis & publicæ egestatis tem-
pore meliùs in pauperum manu, quàm in Altari-
bus & Basilicis, nitent.

*Clodo-
meus sana-
tur à S.
Seuerino.*

Clodouæus febre vehementi confictatus
Tranquillini illustris Archiatri iussu S. Seueri-
num Monasterij Agaunensis Abbatem accersit,
qui

qui cum tactu casulæ suæ sanauit . Hic Dei monitu in Nantonienſe caſtrum ſe contulit , vbi & ſpiritum reddidit ; quare in eo loco , vbi expirarat vir ſanctus , Childebertus Clodouæi filius nobile conſtruxit monaſterium , ſanati patris ac grati ſui animi nobile monimentum .

Xenaias ſeu Philoxenus armatus authoritate Anaſtaſij , ab Flauiano extorquet damnationem Dioſcori, Theodori Mopſueſteni, Ibae , & Theodreti : vt damnaret Chalcedonenſem Synodum obtinere non potuit. Elias firmus obſtitit, & Imperatoris minas ſpreuit . Eò prorupit vaſaniæ Xenaias, vt Leonem Papam cum Synodo Chalcedonenſi percelleret anathemate ; hoc eſt, rabidus canis allatrauit lunam .

*Xenaias
audacia.*

Franci cum Gothis in Gundebaldum conſpirant ; moram de indiſtriâ neſtunt Gothi , ſoli Franci vincunt , vtrique tamen veniunt in partem prædæ. Pulſus vndique Gundebaldus fugit in Italiam, vbi miſerè periit, ac quatuor ſuorum fratrum manibus dependit pœnas & approbatæ monomachia. Sigismundus eius filius reliquias regni paterni collegit, ac fidem catholicam edocuit à S. Auito Vienneniſi Epilcopo , terreſtri regno deperdito cœleſte fructuoſius inuenit .

*Bargundorum
clades.*

Epaunneſe Concilium celebratum eſt , cui præfuit Alcimus Auitus ; de quo loco jam dubitatur inter eruditos . Quidam Neuidunum obtrudunt, quæ & Equeſtris colonia, hicque Eponam Deam interiiciunt : melius eſt *Xenne* ad Rhodanum Fl. locus ſelectus ab Alcimo, vt ad eum facile conuenirent Epilcopi ; & locum fuiſſe celebrem arguunt hic refoſſa, vt audio , antiquitatis monimenta .

*Concilium
Epaunneſe .*

MVNDI

CHRISTI

4562 .

509 .

Sæuit in propinquos hoc anno Clodouæus , tollitque Chararicum , Sigebertum , & Ragnam .

*Clodouæus
ſauisſia.*

D 4

ricum

ricum Cameraci regnantem, atque eorum ditio-
nes occupat, neque pius, nec æquus satis.

*Oppugna-
tur & de-
fenditur
Concilium
Chalcedo-
nense.*

Monachi 200. ex Oriente cum Seuero hæreti-
co profecti, ab Anastasio benignè suscipiuntur,
Chalcedonensem Synodum oppugnaturi. Ioannes
quoque Alexandrinus Patriarcha duo millia li-
brarum pollicetur Anastasio Imperatori, si Quar-
tæ Synodi memoriâ extinguat. Obfistit Impe-
ratori Macedonius; ille priuilegia τῆς αὐτοῦ
adimit Catholicis Ecclesiis, quæ tribuit conuen-
tibus heterodoxis. Quibus auditis Palæstinæ
monachi Catholici accurrunt quoque Constan-
tinopolin pro fide morituri. Eorum vnus Doro-
theus Alexandrinus, quod librum apologeticum
scripsisset inscriptum, τραχὺ δὲ αἱ τοὶ Προφη-
τὶα τῆς νῦν κατὰ τὰς αἰῶνας, relegatur in Oasim.
Macedonius anathemate percellit omnes qui in
Chalcedonense Concilium insurgerent; atque
tot aduersariis par vnus fuit Episcopus, populo
suo ac veritate defensâ potentissimus.

MVNDI
4563.

CHRISTI
510.

*Anastasius
cedere co-
gitur mo-
nachis.*

Anastasius per Pseudomonachos Trisagium
cani curat in Palatio in æde S. Michaëlis cum
impiâ appendice *Qui passus est pro nobis, &c.*
Sequenti Dominicâ, cum idem tentasset, reiectus
est à populo & monachis paratis pro fide mori.
Itaque destitit Imperator, & pavidus accersit
Macedonium, quem nunquam visurum se, deie-
rauerat. Ab eo grauitè increpitus patienter tu-
lit, metu damni grauioris. Flavianus quoque
Antiochenus, & maximè Elias constantissimè
repugnarunt, quidquid aliqui scriptores contrâ
sentiant, quibus non est semper adhibenda fides,
cùm ipsi scriberent ex eorum relatione qui es-
sent in partibus.

*Clodouæus
moritur.*

Obiit eodem anno Clodouæus, annos 45.
natus, cum triginta regnasset; ac sepultus est
in Æde SS. Petri ac Pauli; vir Ecclesiæ Con-
stan-

stantinus alter, ei virtutibus ac vitiis propè
par, ac geminus, Diuisere regnum Francicum
eius filij, Theodoricus Metis, Clodomirus
Aureliis, Clotarius Sueffionibus, Childebertus
Parisijs regnorum suorum fixere sedes; quæ
mox magno Franciæ bono ad vnum Princi-
pem rediere.

CAPVT II.

DECAS SECVNDA.

Ab anno Christi 510. ad 520.

MVNDI

CHRISTI

4564.

511.

Macedonium Anastasius Imperator fraude
circumuenit; idè creditur esse Nesto-
rianus ac Eutychianus, & monachi eius com-
munionem exsecrantur; sed iis satisfacit Mac-
edonius. Non poterat recipere Imperator formu-
lam Fidei quam Euphemio inaugurandus dede-
rat; nam seruabatur ea apud Macedonium.
Hunc ergo relegat, & in eius locum Timothe-
um Presbyterum vasorum custodem sufficit, ho-
minem improbum, idè dictum Κη'λωα &
Λη'ροβο υ'λω. Hic statim imaginem Anteces-
soris sui disjicit, & in eius ignominiam per
singulas Synaxes Nicænum Symbolum canen-
dum curat, eum tantùm semel in sanctâ Para-
scoe quotannis occineretur; quasi id non reci-
peretur à Macedonio, Sed satis erant notæ, &
patientis sanctimonia, & hæresis Tyranni pœ-
nam infligentis.

*Macedo-
nius ex-
pellitur.*

Ad hæc Anastasius Dominico die occini ju-
bet Theopaschitarum additamentum per Ma-
rinum & Platonem ex pulpito; quos cùm
arguerent Catholici quidam, in Ecclesiâ cæsi

*Constan-
tino poli-
tano papa
lus resistit
Anastasio.*

sunt ; quod & alterâ die factum . Itaque in Imperatorem populus exarsit. 8. Id. Nouembris, eius disjiciuntur statux, Arcobinda Augustus postulat, domus Marini ; & Pompeij, quos authores prauitatis putabant, combustæ . Celer, & Patritius, dum eum placare volunt, lapidatione summoventur . Immo, & vniuersa plebs, prælatis cruce atque Euangelio, Imperatorem adit, coram illo Catholicam formam occinit ; Cantoresque duos feris obici iubet Monachum quoque ; & monacham Imperatori charos enecat, eorumque cadauera raptat & comburit, veciferans: *Isti sunt amici hostis sanctissima Trinitatis* . Eam agrè placuit Anastasius, & non nisi periuriis, ei vt digiti vnguesque sui familiaribus ; sed intellexit quàm bene in fidem populus affectus esset ; frænum Tyranno meticulofo potentissimum .

*Concilium
Sidonen-
se.*

Conciliabulum Sidonenſe ex 80. pseudo-Episcopis celebratum est ; in quo damnata Synodus Chalcedonenſis nihil plus damni paſſa eſt, quàm ſi contra eam in palude Ranz coaxaſſent .

*Amalaricus
Fran-
ci recon-
ciliatur .*

Eodem denique anno Amalaricus Alarici filius Clotildem Clodouæi Regis filiam uxorem accepit ; pacis inter eos initæ certum argumentum .

MVNDI

4565.

CHRISTI.

512.

*Flavianus
obiit .*

Flavianus Antiochiâ pulſus, non ſine tumultu ac cæde Monachorum quos Xenaias Hierapolitanus immiſerat, in caſtellum Petram in finibus Palæſtinæ relegatus eſt, atque ibidem obiit, meliorem ob confeſſionem ſuam conſecutus ſedem .

*Heruli re-
cepti .*

Herulos in agro ac vrbibus Romanis collocaſt Anastasius imprudenter, non ſatis recolens non eſſe tutum Barbaros in ſuis agris ; neque viperas in ſinum admitti .

Da-

Dani cum Rege suo Choclilaico Theodorigi Franci regnum infestant; sed ab ejus filio Theodeberto refulsi, & Regem suum & classem perdiderunt; meliores piratæ quàm milites.

Dani à Francis deuicti.

MVNDI

4566.

CHRISTI

513.

Seuerus hæreticus, à quo Seueriani, & caput Acephalorum, Sozopoli in Pisidiâ natus, primum versatus in foro, deinde Monachus ex mago & venefico factus, inter Gazam & Majumam; inde pulsus ob hæresin, in gratiam Anastasij Imperatoris ita se insinuauit, vt ad sedem Antiochenam eucheretur. Statim Chalcedonense Concilium damnat; & qui ei restiterat Elias Hierosolymitanus exautoratur, ac substituitur Ioannes vnus è S. crucis custodibus, pollicitus à fide præuarcationem. Operâ tamen S. Sabæ idem Ioannes damnauit Nestorium, Eutychetem, Seuerum, & Soterichum, ideoque missus in carcerem à Duce Palæstinæ, ex quo callidè effugiens huic Duci restitit. Sic publicè professus est fidem Catholicam, factus præuarcationis promissæ bonus præuarcicator.

Seuerus turbas Orientem.

Alamundarus Saracenorum Phylarchus conuersus ad fidem, duos ad se missos à Seuero prudenter elusit, fingens ad se datas litteras de morte S. Michaëlis; quas cum irriderent Seueriani, Deum secundum eos mortuum majori risu dignum esse sapienter ostendit.

Alamundarus Seuerianos irridet.

S. Sabas iterum adire compulsus Anastasium, vt oppressa Palæstina tributis, vt cumque leuaretur ob famem quam annis quinque experta est, benignè receptus est ab Imperatore, qui virum pium hæcenus ferre non potuerat.

S. Sabas bene recipitur.

Cabades thesaurum quærens in castro quod à Dæmonibus seruabatur, eos frustra per magos & ludæos depellere conatus est, quos Episcopus

Dæmones Britanni no, siment.

Christianus facillè fugauit ; quare Christianis Rex conciliatus potestatem suis fecit hujus religionis , quam mali genij adedò metuerent ; Iudæis & Magis verberibus malè multatis , & plagas suas ostentantibus ignominiosè.

MVNDI

CHRISTI

4567.

514.

*Vitallianus
rebel-
lat in A-
nastasio.*

Vitallianus Scythæ, sæderatorum Comes , incitatus ab Orthodoxis professus se Catholicæ fidei , & Macedonii exulis defensorem , contrà Anastasium , interceptis pecuniis ejus , armat 60. hominum millia in Hebdomo ; sed periuriis , de more illusos , octauo quam venerat die recedit , atque Odyssum Mætiæ urbem occupat , Cyrillum ducem inter duas pellices dormientem enecat , hostemque se Anastasii denuncia- rum profitetur . Ferunt tum cæsa 65. millia , & Hypatium ducem captum . Aliunde per Imperatorem , & Timotheum Episcopum multi oppressi , multi in Oasin relegati . Resistere tamen aliqui fortiter ; inter ceteros Iuliana , quæ templum S. Virginis in Honoratis condiderat . Hæc autem Timotheo numquam communicare voluit : ideo multa ab Imperatore passa , constantior hæc patiendo , quàm ille pertinacior sæuiendo fuit .

*Anastasius
latere co-
gitur exci-
ta sedâ.
niono .*

Tertia , ob Trisagij deprauationem , orta est Constantinopoli seditio ; in quâ latere coactus est Anastasius in suburbio ; atque his latebris vitam suam debuit : quibus permota ipsa Ariadna eum grauitè increpuit , eique exprobrauit impietatem , quâ Imperium à se datum pessumdabat ; sed canebat surdo , & sulminibus non tam deterrendo , quàm perdendo :

*Symma-
cho succe-
dit Hor-
misdas .*

Symmachus Papa obiit 14. Kal. August. se- dis suæ anno decimo quinto cum 8. ferè mensibus . Successor ei datus post dies 7. Hormisdas Campanus ; ac sublata vel ipsa ymbra Schismatis .

Vital-

MVNDI

4568.

CHRISTI.

515.

Vitallianus rursus admouet Vrbi exercitum; mittit ad eum Imperator Senatores, qui leges pacis componerent, hoc est, reuocarentur exules, cogeretur Synodus, cui ipse Romanus Pontifex interesset. Sed Euagrius meminit hinc naturalis prælij, quo Vitalianus victus est à Marino Syro, Anastasij duce, eius clasís incensa speculis æris à Proclo nobili mathematico fabricatis, vti scribit Cedrenus. Nihilominus pax coaluit, ingens pecuniæ vis Vitalliano numerata. Misit & in Orientem legatos suos Hormisdas, hortante Theodorico Vitalliani amico, pollicitus & se venturum in Orientem; sed hæc omnia Anastasijtergiuersationibus, & periuriis elusa sunt.

Vitallianus fœdus iniis cum Anastasio.

Moriturum Ariadna Augusta, quæ annis 60. vixerat in Palatio. Moritur & Macedonius exul, ob Hunnorum in Cappadociam irruptionem Gangram migrare compulsus, vbi & miraculis fertur inclaruísse, conditus in sepulchro sancti Callinici Martyris; cuius familiaris à Deo admonitus est in somnis, vt Anastasium ad diuinum tribunal comparare se juberet; quod somnium vanum non fuisse mox ostenditeuentus.

Ariadna moritur, & Macedonius.

Theodoricus filiam suam Amalasuintam cum Eutharico Cillicâ nuptiis copulauit; cui simul regnum dotale offerebat, magnâ recipientis gloriâ, non minori vtilitate concedentis.

Amalasuinta nupsit Eutharico.

MVNDI

4569.

CHRISTI.

516.

Anastasius Legatos ad Hormisdam mittit laicos homines, & Eutyechianos, ideo re infectâ remissos. Interim ille populi gratiam sibi conciliat, eoque pacto Vitallianum in ordinem redigit, dato ei successore Rufino; quare promissa retractat, & Hormisdæ significat ne se

Anastasius periurus.

Ro-

Româ moueat. Quod cùm illi populus exprobraret, respondit Manichæorum more licitum esse Imperatori periurium, hinc in Episcopos Catholicos sœuit, quorum plurimos damnauit exilio. In suo tum mortuus est Elias Hierosolymitanus Antistes, vir fortis ac sanctus, & dignissimus martyrio.

*Turba
Alexan-
drina.*

Obiit tum Alexandria Patriarcha Ioannes Nicæota, cui successit Dioscorus Iunior, Timothæi Æluri consobrinus: quando, & magni tumultus Alexandria concitati sunt, in quibus filius præfecti Augustalis interfectus est. Quamobrem multi è ciuibus cæsi, in hanc Urbem Anastasius vehementi furore inflammatus est. Eum vt restingeret accessit, Dioscorus; sed à plebe Constantinopolitanâ conuiciis exceptus vt hæreticus, factisque ac nomine odiosus, ex Vrbe fugere compulsus est.

MVNDI CHRISTI

4570.

517.

*Anastasi-
us
crudelis.*

Getæ utramque Macedoniam, ac veterem Epirum vallant. Mille librarum auri denarios mittit Anastasius Ioanni præfecto Illyrici ad captiuos redimendos: cùm hæc summa ad omnes recuperandos non esset satis, multi trucidati, Imperatoris sordes populo vehementer displicuere.

*Hormis-
das Ana-
stasium ed-
monet.*

Hormisdas Papa Legatos mittit ad Anastasium, Ennodium Ticinensem & Peregrinum Misenatem Episcopos. Hos frustra tentatos remittit in fragilem nauem, vetatque ad vllum portum accedere; at hi per fideles Monachos litteras Pontificis per Urbem dispersere, quibus respondit aliis atrocibus Anastasius; quid enim aliud à fanatico Imperatore speraretur?

*Persecutio
Syriaca.*

Grauis excitatur aduersus Syriæ monachos persecutio à Seuero Antiochiæ, & Petro Apamæ Episcopis; quibus lubenter accinuisset Ana-

Anastasius Constantinopoli, nisi hunc populi metus inhibuisset.

Tum S. Fulgentius scripsit opus de Fide ad Petrum, dignum tanti viri ingenio atque pietate.

S. Fulgentius scribit de Fide.

MVNDI CHRISTI

4571.

518.

Quarta ob Trifagion deprauatum coorta seditio Constantinopoli; in qua Anastasius positus ornamentis Imperii populum flexit ad commiserationem, iussusque est insignia recipere, quibus indignus erat. Tum quoque obiit Timotheus Episcopus Constantinopolitanus, cui successit Ioannes Cappadox, Catholicæ fidei fautor, meliora tempora visus est præcinere.

Anastasius periclitatur.

Viditum in somniis Anastasius virum terribilem, qui ex codice quem tenebat manu annos 14. de eius vitâ expungere minitaretur; quos & statim deleuit. Nec mora 3. Idus Aprilis ser. 5. Majoris Hebdomadæ tonante Cælo, dum subinde cubicula mutat, fulmine afflatus interiit, octogenario maior. Imperauit annos 27. menses tres; dignius cælesti fulmine percellit, quem Apostolica fulmina nequaquam ad sanam mentem reuocassent.

Anastasius fulminatus moritur.

Iustinus, genere Thrax, ignobili loco natus, & primò operarius, aut etiam armentarius, vel subulcus, virescens Catholicus, & fortis, 7. Idus Iulii occupauit Imperium. Amantius spado id Theocrito parare moliebatur, ideoque pecuniam militibus numerandam commiserat Iustino: at hic eam suo nomine largitus & militi & populo, sibi & serere & metere maluit. Statim Lupiciam coniugem suam dixit & Augustam & Euphemiam, ne infausto nomine populus offenderetur.

Succedit ei Iustinus.

Noua igitur illic inducitur in Ecclesiam facies; Ioannes Constantinopol. Synodum coëgit, in qua Chalcedonense Concilium in sacras tabu-

Pax Ecclesia redita.

tabulas relatum; sancti Leonis Papæ & Macedonij nomina in diptychis scripta; Seuerus damnatus, cui obtinuit Vitallianus, magister tum militiæ factus à Iustino, vt lingua amputaretur, sed fugit in Ægyptum cum Iuliano Halicarnassensi, eamque suâ hæresi infecit; cuius loco creatus est Paulus; Dioscoro mortuo suffectus Timotheus; Xenaias Hierapoleos & Petrus Apameæ Pseudo-Episcopi ejeti; Chalcedonensis Synodus edictio Imperatorio recepta: vnus viri morte atrocissimâ, & vnus ad Imperium dignâ promotiue pax Ecclesiæ ac orbi reddita est.

*Mulctati
seditiosi.*

Amantius cubicularius spado, cum aliis eiusmodi Eunuchis, & Theocrito cui Imperium affectatum erat, de medio sublatis; ne turbarent pacem tot laboribus comparatam quam promeruerant suis sceleribus mortem subierunt.

MVNDI CHRISTI

*Embærie-
Consul.*

Consulatum hoc anno gessere Iustinus Imperator, & Eutharicus Theodorici gener qui dignitatem suam illustribus spectaculis & largitionibus celebravit, ne Barbarico nomine annus iste scdaretur

*Plena vi-
soria Ca-
tholicorum
de heresi-
ci.*

Hormisdæ Legati; cuius princeps S. Germanus Capuanus obtinuit à Iustino vt damnarentur hæretici Nestorius, Eutyches, Dioscorus Alex. Timotheus Ælurus, Petrus Mogus, Acacius, expungerentur nomina Flauitæ, Euphemij, Macedonæi Timothei, immo Zenonis & Anastasij Imperatorum, datæque operâ, vt idem fieret in aliis prouinciis & ciuitatibus; plenæ victoriæ à Catholicis monumentum.

*Scytharum mona-
chorum con-
trouersia.*

Orta Constantinopoli controuersia inter Victorem Diaconum, & Leontium monachum asfinem Vitalliani, & Scythas monachos, vtrum dicendum esset vnum de Trinitate passum esse, quæ Romam delata est; cuius occasione

S Ful.

S. Fulgentius librum scripsit de Incarnatione Verbi hoc tumultu redimendum.

Alexandriæ diuisi hæretici; Seuerus corpus Christi corruptibile dicebat, Ioannes Halicarn. incorruptibile. Timotheus Alexandrinus stetit à Seuero, ideò Themistius ab eo defecit, & condidit sectam Agnoëtarum, vt ex Ioanne nata incorruptibilium seu phantastarum, ex Seuero Corrupticolarum; omnes ex Seuero progenitz pestes, Hydræ pares ac geminæ.

*Seueria-
norum va-
ria secta.*

Hermenifredus, Thuringorum rex, Bertarium fratrem patrem S. Radegundis sustulit, Badericum alterum fratrem appetiit bello, euocato in auxilium Theodorico filio Clodouæi, quem postea prædâ priuauit; ingratus in amicis, qui perfidus in fratres extiterat.

*Bellâ in
Thuringia*

MVNDI CHRISTI

4573. 520.

Vitallianus huius anni Consul occiditur, aut ab iis quorum affines interemerat, aut curante Iustino, quoniam ei volebat imperare. Iustiniano data est militum præfectura; quo etiam suadente creditur sublatus Vitallianus. Tunc autem Veneta factio Prasinæ facta superior vbique in eam sauiit, bello domestico imprudenter tolerato.

*Vitalliani
caedes.*

Ioanni Cappadoci mortuo successit Epiphanius Episc. Constantinopolitanus, qui statim ad Hormisdam scripsit, & impetrauit vt eorum nomina exautorarentur qui Acacio communicarent, quòd ea obstinatius quædam ciuitates retinerent. Fecit etiam satis suis litteris ob eandem Thessalonicensem Dorotheus; omnia ad pacem inclinarunt.

*Pax Ec-
clesiæ om-
nino con-
fiscitur.*

Nestoriani solenni ritu Theodoretæ effigiem curru inuexere Cyrum; quod improbauit Iustinus, & facti autores multauit; id enim sapiebat nouitatem, in hæreticis semper reformidandam.

*Theodore-
tæ Effigies
Cyrum in
ducta.*

CAPVT III.

DECAS TERTIA.

Ab anno Christi 520. ad 530.

MVNDI

CHRISTI

4574.

521.

*Iustiniani
Consula-
tus.*

Celeberrimus hic est annus Iustiniani Con-
sulatu, quem magnificè iniiit 238000. so-
lidorum in populum & spectaculorum appara-
tum effusis; quibus ad Imperium jam eniti vi-
debatur.

*S. Brigi-
da Scota
mortua.*

Mortua est hoc anno S. Brigida Scota vel Hi-
berna virgo; de eius enim natalibus populi duo
isti, sui juris tenaces, acriter disputant. Hæc
miraculis clara ante & post obitum extitit, hoc
celeberrimum, quodd lignum ex quo conflatum
erat altare, emisit folia ad eius contactum;
signum certissimum Illibatae eius castitatis.

*Episcopi
Catholici
Hæretici
subsistunt.*

Paulo Antiocheno mortuo successit Euphra-
sius, ausus è sacris dipychis Chalcedonensem
Synodum, & nomen Hormisdæ expungere. Ad
se reuersus tamen, ex metu quatuor Synodos ap-
probauit, & spontè palinodiam occinuit ante-
quam cogeretur. Ejecto quoque Timotheo Alex.
hæretico, ordinatus est Catholicus Asterius,
quo plurimum Ægyptus jamdiu ab heterodoxis
detenta indigebat.

MVNDI

CHRISTI

4575.

522.

*Bellum
Persicum
Iustini &
Cabadis,
& pax.*

Consules huius anni fuere Symmachus &
Boëtius, quo bellum inter Iustinum & Caba-
dem Persarum Regem exortum est ob Tza-
thium (Paulus Diaconus Zarum Lazorum ap-
pellat) regem, à Persis deficientem, recep-
tum à Iustino, & Christianis sacris initiatum,
du

ductâ Valerianâ sœminâ Christianâ Cabades
Ziligbin (Paulo Diacono Zelioben) Hunnorum
regem immisit; sed is corruptus à Iustiniâno,
& accusatus ab eo apud Cabadem, interfectus;
deletis copiis, pœnâs ancipitis fidei suæ dedit.
Perses igitur amicitiam cum Romanis instaura-
uit. Voluit & filium Cosrhoem suum minimum,
designatum successorem suum, à Iustino adopta-
ri; sed hanc petitionem sapienter dissuasit Pro-
clus quæstor, fortiter repulit Iustinus. At Zo-
naras scribit petiisse tantum Cabadem, ut Iu-
stinus filij Cosrhois pueri tutor esset; quod est
similius vero.

Dunaan Rex Homeritarum ex Christiano
factus Hebræus obtinuit urbem Nagran, diu
armis tentatam, in quâ contra fidem datam
multos interemit Christo renuciare nolentes,
inter quos Aretam primum civitatis virum,
& genere quidem, sed adhuc virtutibus illu-
striorem. Hos omnes colit Ecclesiâ Martyres,
in odium Christi à Prosclyto Iudæo immaniter
interemptos.

Thrasimundus Rex Vandalorum annis 27. &
amplius, moriens hoc anno regnum Africæ
reliquit Hilderico Hunerici filio ex Placidia
nato; sed adactò prius per iusjurandum se nun-
quam Ecclesias redditurum Catholicis quandiu
regnaret. Et verò suam hâc prudenter servavit
fidem: antequam enim regnum adiret, resti-
tuit omnes Ecclesias Fidelibus, atque Episcopos
reuocavit ab exilio; inter quos rediit S. Ful-
gentius. Tum quoque creatus est Episcopus
Carthaginensis Bonifacius, pax Africanæ Ec-
clesiæ reddita, quando & à quo minus expe-
ctabatur.

*Dunaan
Rex Ho-
meritarum.*

*Thrasimu-
dus mori-
tur.*

*Succedit
ei Hunne-
ricus, qui
pacem red-
dit Ec-
clesiæ.*

MUNDI ET REI CHRISTI 4576. 523.

Hormisdæ Papæ mortuo, sedis suæ anno 9.
cum diebus decem, 8. Idus Aug. post dies 7.
suc-

*Hormis-
dæ Papa
mortuus;
succedit
Ioannes.*

successit Ioannes Etruscus, etiam suâ fortitudine, quàm summo Pontificatu illustrior.

Manichæi ubiq; exagitantur. Iustinus Manichæos capite puniri iussit, ex iisque plurimos sustulit. Cabades quoque in eos seuerè animaduertit. Cùm enim nefarij isti Phtasuarsam seu Phartuarsamejus filium ad hæresin suam pollicitatione regni pertraxissent, hos priùs sibi callidè conciliatos, & in vnum locum cum Episcopo suo coactos, coram Magorum principe, & Antistite Christianorum medico optimo, immisso milite trucidauit; gratum cælo, inferisque spectaculum.

Improbi à Iustino coerciti. Mortuâ Euphemiâ Iustinus Theodoram duxit uxorem, atque coronauit. Tum quoque multos improbos lapidatores, percussores, depopulatores, incendiarios, igni, ferro, suspendio sustulit; & paucorum supplicio publicæ tranquillitati sapienter propidit.

Elsebaan Æthiops Dunaanâ vincit & necat. Hoc anno excitatus à Iustino ad vltionem Homeritarum Elsebaan Rex Æthiopum, partâ diuinitius nobili victoriâ Dunaanum cum suis omnibus interemit, ac stabilito ciuili atque Ecclesiastico statu Homeritarum, missoque diademate Hierosolymam, & relicta Æthiopiz administratione, cilicio indutus in monte quodam asperrimam vitam exegit, in se seueriùs & diutiùs quàm in ipsos Christi hostes animaduertens.

MVNDI CHRISTI

4577.

524.

Prodigia huius anni Anazarbus metropolis Ciliciæ concidit terræ motu; quam reparatam de suo nomine Iustinopolin Imperator dixit. Vastata quoque Edessa Scirti fluuij, quo alluitur, eluie, quando & in eâ inuentus lapis sic inscriptus, *Σκίρτος ποταμός σκίρτην τὴν κατὰ σκίρτην ἔατα πόλιν αὐτοῖς.* Hoc quoque tempore adducta est Gygas fœmina ex Ciliciâ, quæ procerissimum quemque cubito vno excedebat, pectore & humeris latissimis.

mis, cæteris partibus non inuenistis, & quæ
fœminam decerent, sed proceram.

Iustinus hæreticorum ac potissimum Ariano-
rum Ecclesias consecrari iussit; qui nuncius
Theodoricum Amalam in magnum furorem egit,
idem Catholicorum Ecclesiis in suâ ditione in-
terminantem.

*Iustini
pistat,
Theodori-
ci furor.*

MUNDI

CHRISTI

4578.

525.

Theodoricus ut suis Arianis consuleret Ioan-
nem Pontificem in Orientem proficisci jubet.
Hic editis in itinere aliquot miraculis Constan-
tinopolin ingressus est multo cum honorè, hæc
que sacrum Paschatis diem Romanis precibus
celebrauit. Iustinus coram Ioanne se prostra-
uit, atque ab eo coronari voluit. Quid à tri-
bus aliis Legatis factum ignoratur, & utrum
aliquid Arianis impetrarint; certè Ioannes mul-
tas Arianis ereptas Ecclesias consecrauit, & re-
deuntes legati in carcerem sunt coniecti; signum
certissimum legationem hanc Arianis Orientali-
bus non satis utilem extitisse.

*Ioannes
Papa per-
git Con-
stantinopo-
lin.*

Tum mense Octobri Antiœchiæ totis sex men-
sibus incendium sauiit, quo plurimi sunt ab-
sumpti. Causa malinunquam detecta fuit, cum
ab imbricibus & summis tegulis exortum, per
totam domum descenderet atque spargeretur;
quod diuinitus immissum esse nemo dubitare po-
test.

*Incendium
Antioche-
num.*

Priscianus Cæsariensis Grammaticus hoc an-
no Constantinopoli docebat; magnus magister,
ac ferè princeps artis hujus tam necessariæ,
quàm contemptæ.

*Priscia-
nus Græ-
maticus.*

MUNDI

CHRISTI.

4579.

526.

Contigit hoc anno terræ motus, qui Antio-
chiam tantum non perdidit, at totum ferè an-
num tenuit; adjunctum quoque huic incen-
dium

*Terræ
motus An-
tiochenus
annus.*

dium ad majus damnum & terrorem. Iustinus auditam hanc calamitatem sublato diademate & depositâ purpura in sacco luxit. Eo obrutus est Euphrasius Episcopus, cui successus est Ephraemius Comes Orienti præfectus, quod insigni liberalitate ac prouidentia vrbi afflictæ prouidisset; dignus iudicatus præesse animis, qui sic corporibus consulisset. Hanc vastitatem eodem momento sentiebat monachus Zosimus, vt huic suis precibus ac votis vir sanctus mederetur, cui Leo Aſini, quem vorauerat, partes explebat.

*Ioannes
Papa
moritur.*

Ioannes Papa detentus in vinculis Rauennæ à Theodorico, confectus ærumnis obiit 6. Kal. Iunias, cum sedisset annos 2. menses 9. dies 14. cui post dies 58. successus est Felix IV. nominatus à Theodorico; & dignissimus qui eligeretur; vt hoc sibi ius rex impius arrogaret dum seligit dignum. Ioannis corpus translatum Romanam honorificè sepultum est in Basilicâ S. Petri, & Martyr colitur ab Ecclesiâ quam suo pædore ac carcere consecrauit.

*Symma-
chus &
Boetius
mors.*

Theodoricus Seuerinum Boëtium & Symmachum illius socerum, accusatus falso restituere velle Rom. Rempubicam, capite truncari iubet; & Boëtium quidem longo carcere Ticini maceratum. Ferunt Boëtium capite truncato locutum esse, & Spiculatori impietatem exprobrasse, atque caput ad vicinam Ecclesiam detulisse. Fuerunt duo illi viri facili Orbis Romani principes, seu generis nobilitatem; seu doctrinam spectes. Non ita multò post cum Theodorico discumbenti appositum esset ingentis piscis caput, visus est sibi videre Rex fanaticus Symmachi caput; quo territus ostento, paulò post inter suorum manus expirauit, morte quæ ab hæretico, tyranno, & atheo expectanda videretur. Ejus certè animam à Ioanne Pontifice & Symmacho in voraginem igneam præcipitari Monachus quidam in L. parâ insulâ vidit;

*Theodori-
ci mors.*

vidit; nec esse vanum somnium solitarij hujus,
hominis teterrimi crudelitas innuit.

Huic successit nepos Atalaricus Amala-
suiinthæ filius octennis, à matrè optimè edu-
candus nisi Gothorum ferias obstitisset, negan-
rium hunc fortem fore quem ferula terruis-
set.

*Atthala-
ricus ei
succedit.*

Sigismundus Burgundionum rex, filius
Gundebaldi, amissâ priori conjugè filiâ
Theodorici Italiæ Regis, aliam induxit, cu-
jus artibus Sigyricum innocentissimum juvenem
ex Gothâ vxore susceptum interemit. Mox tã-
men suam agnoscit culpam, & in Agannensi,
monasterio quod extruxerat, multis lacrymis
& jejuniis obtinuit à Deo vt in hac vitâ potiùs
quàm in alterâ criminis hujus pœnas depende-
ret; nec vanas fuisse preces mox ostendit euen-
tus.

*Sigismū-
dus Sigy-
ricum fi-
liū necat.*

MVNDI CHRISTI.
4580. 527.

Mauortio solo Consule Kal. April. Iustinus
Imperator Iustintanum sororis suæ filium, jam-
dudum Nobilissimatus titulo exornatum, in
consoitium vocat Imperij, annos natum 45. at-
que hujus capiti suis manibus imponit diademâ.
Statim vxor ejus Theodora Eutychiana, aut
certè Eutychianis fauens, dicitur Augusta.
Paulò pòst, hoc est Kal. Augusti, moritur Iu-
stinus ex vlcere pedis in bello sagittâ sauciati,
anno ætatis 77. cùm annis IX. & insuper men-
sem vnum Imperasset. Quo mortuo Iustinia-
nus statim bona sua legauit Ecclesiæ, multa-
que in ejus commodâ sanxit, de se pius, ab vxō-
re tantùm nequissimâ fœminâ irreligiosus &
fœuus.

*Iustinia-
nus filio Col-
lega Iustini.*

*Iustinus
moritur.*

Clotildis Clodouzi relicta efficit vt filij pa-
tris sui Chilperici necem vlciscerentur bello
Burgundionibus indicto. Clodomirus Gundo-
marum fratrem Sigismundi fugat, ipsum Si-
gismundum.

*Bellum
Burgūdi-
cum, quo
capit Sig-
gismundus*

gismundum cum liberis & vxore capit, ac in Aurelianensi castro detinet. Interim collectis copiis Gondomarus Burgundionum recuperat regnum, nullo opere pretio Francorum, nisi quod in vinculis haberent Sigismundum eorum furori victimam à Deo præparatam.

MVNDI CHRISTI

4581.

528.

Iustinianus felix.

Hic annus, celebris tertio Iustiniani solius Consulatu, utilis fuit Imperio & Ecclesiæ. Lazorus enim Rex à Romanis restitutus, re prius malè ex trium ducum discordiâ, postea ab vno prospere gestâ, Armenia *Στρατηλάτης* primùm datus cum valido præsidio ad Orientis tutelam. Boazer vxor Balachi Hunnorum Saberorum *Σαβσι'ραν* cum centum millibus suorum se Romanis adiunxit, & duos alios Hunnorum reges à Cabade excitatos concidit, vno jugulato in acie, altero Constantinopolin misso. Denique Hunni alij qui Bosphorum occupant, & Tribunum Dalmatiæ cum copiis ceciderant, à Iohanne Exconsule repressi; Iustinianus se Imperio dignissimum ostendit.

*Antiochiæ
civitas motus
impeditus.*

Antiochia ingenti terræ motu iterum quassata, cælo interim vehementer infremente, ædificia omnia corruerunt, ferè hominum quinque millia perierunt, aliis ciuibus per montes & vicinas vrbes dissipatis. Tandem admoniti de cælo vt hæc verba suis domibus inscriberent, *Χριστὸς μὲν ἡμῶν ἡγήταις*, paucis hisce verbis malo remedium inuenerunt.

*Sigismundus nece-
ritus.*

Clodomirus adscito in belli societatem Theodorico Metarum Rege, Gundomarum Burgundionem aggreditur. Sed antequam egrederetur Aureliis, Sigismundum cum vxore ac liberis in Aurelianensi vico, Columnâ, jacet in puteum, nequicquam impediante S. Auito Miriacensi Abbate, & de cælo minas intentante. Sigismundus post obitum, multis miraculis clarus, in sanctorum numerum est relatus,

relatus, festus ei assignatus dies Kal. Maij: Auitus autem statim agnitus est veridicus vates. Clodomirus enim cum fratre Burgundiones aggressus, eos quidem egit in fugam, sed dum palantes longiùs insequitur, cæsus est, præscisum ei caput ad terriculum Francorum, Gundomarus regnum recepit. Relictam Clodomiri Guntheucam duxit Clotarius; Theodoualdum, Guntharium, Chlodoualdum, eiusdem Clodomiri liberos, Clotildis secum duxit; miserum tantæ cladis solatium, postea & maioris tristitiæ causam atque materiam.

Clodomirus victor caditur.

Theodoricus Metarum Rex accito fratre Clotario mouet in Hermenifridum; victi magnâ clade Thoringi, eorum tota regio subacta. Clotarius Bertarij filiam Rhadegundem abduxit, nondum nubilem; idè aliquot annis educatam ad regias nuptias. Interea duo fratres Franci mutuis sese insidiis appetunt, ac simulatâ demum pace redeunt in gratiam; Hermenifrido tamen per Theodoricum proditoriè cæso. Childebertus falso rumore sparso de morte Theodorici, eius ditionem & Aruernos inuaserat; sed audito fratris reditu, statim quoque ad sua reuersus est: sic inter fratres maximè potentes concordia rara est.

Franci fratres parum concordet.

MVNDI

CHRISTI

4582.

529.

Coss. Lampadio & Oreste Iustinianus instaurat desolatam Antiochiam, ac Theopolin vocat; cuius Christus Deus patrociniū & tutelam ipse suscepisset.

Antiochia dista Theopolis. Belisarius in Persas mouet.

Belisarius cum copiis in Persidem missus: tentata tamen pax est ab Hermogene Scythâ, Vitaliani amico, viro prudente; quæ tamen reiecta propter Samaritanorum prodicionem.

Enimuero Iudæi atque Samaritani constituto sibi Rege Iuliano rebellarunt, ac sædè in Christianos sauerunt; sed omnes capti cum suo Principe Iuliano exterminati sunt. Samaritani

Rebellio Iudeorum, & Samaritanorum.

Tom. II, Pars II.

E

Leg.

Legatos ad Persas miserant, eis polliciti Palestinam: hi intercepti à Belisario, atque torti crimen confessi, id morte suâ eluerunt.

*Alamundarus vi-
fuit.*

Alamundarus Saracenus Syriam Primam populatur, repulsus statim à Romanis; iterum rediit, iterum fugatus prædam reliquit ingentem, & in Indiam se recipere coactus est: sed quid sit hæc India facillè pronounciari non potest, nisi dixeris Æthiopiam.

*Codex Iu-
stinianus
promulga-
tus.*

Codex Iustinianus absolutus, & promulgatus est 16. Kal. Maij; liber iustitiæ sacrarium, & rerum omnium publicarum Thesaurus; cui inter viros maximè laboravit Trebonianus quaestor, omnium sui temporis eruditissimus, & avarissimus.

*Conci-
lium 2.
Arausicanum.*

Concilium Arausicanum secundum habitum est in Galliâ, de Gratiâ & libero Arbitrio, contra Pelagianos & Semipelagianos; & sub idem tempus ibidem Carpentoraetense & Valsense, Ecclesiæ pernecessaria.

*S. Ful-
gentius
moritur.*

Obit Kal. Ianuarij S. Fulgentius Ruspenfis Episcopus, sanctitate ac scriptis illustris; cuius discipulus Ferrandus huius temporis ornamentum fuit: mortuus est autem Fulgentius, hæc verba sæpius iterans: *Domine, da mihi modò patientiam, postea indulgentiam*: digna quæ morituris Christianis omnibus inculcentur.

*S. Bene-
dictus
Cassinum petit.*

Tum S. Benedictus montes Sublacenses reliquit, Dei monitu, & Casinum montem petiit, illustre sacrarium sanctitatis effectum, ex Demonum atque idololatriæ receptaculo.

*Felix IV.
moritur,
succedit
Bonifacius.*

Mortuus denique hoc anno Felix, cum sedisset annis circiter 5., locum suum Bonifacio reliquit; cuius nomen, quàm vita, melius fuit.

MVNDI CHRISTI

4583.

530

*Persa bis
visita à
Romanis.*

Persa bis hoc anno visi, primùm Duce Belisario ad Duras, cui Perozes Mirrhanes Persa mandauerat ut eo die sibi pararet balneum; deinde

deinde per Sittam ducem, à quo superatus cum suis Hunnis Sabiris Mermers. Tentauit nihilominus pacem Iustinianus per Rufinum legatum; sed hæc coalescere non potuit, Persis nondum satis domitis, Romanis nondum plenè victoribus.

Narses, qui tam egregiam Iustiniano in Italiâ postea nauauit operam, eiusque frater Aratius & mater, omnes Persarum Principes, hoc anno ad Romanos accessere, defectione utique his utili, illis necessaria.

*Narses
Persa ad
Ro. confu-
gis.*

Hildericus Rex Vandalorum à Gilimere consobрино, Genserici nepote, exuitur regno, & datur in vincula, cum annis 7. regnasset. Sufficitur idem Gilimer, à quo reposcitur Hildericus à Iustiniano: deneganti indicitur bellum, Africæ expetendum.

*Gilimer
Hilderi-
cum exuit
regno.*

S. Sabbas Legationem obit ad Iustinianum pro Catholicis subleuandis, & quæcumque voluit obtinuit: sicut enim petentis sanctitas, sic æquitas rogati postulabant.

*S. Sabbas
Legatio
ad Imper-
rat.*

CAPVT IV.

DECAS QVARTA.

Ab anno Christi 530. ad 540.

MVNDI CHRISTI
4584. 531.

Alamundarus Saracenus Cabadem in Romanos excitat, & cum Persis per Comageneam in Syriam irrumpit; sed repellitur à Belisario; & vicisset eos sine certamine Belisarius, nisi à suis ad prælium compulsus esset. Persæ retulere victoriam, sed cadmæam, ideo Azarethem ducem suum Cabades notauit ignominiâ. Iustinianus

*Cadmæa
Persarum
victoria.*

E a alios

alios Saracenos, & Homeritas conciliare conatus est. Relictus in Oriente dux Sippha, Belisarius in Vandalos missus, & ad faciliorem, ac certiore[m] victoriam.

*Bonifacius sibi
destinat
male suc-
cessorem.*

*Succedit
ei Ioannes
II.*

*Amalaricus Clo-
di idem
male tra-
stat, &
caditur.*

*S. Sabbas
nascitur.*

*Cyclus
Dionysij.*

Bonifacius Ro. Pontifex, coactâ Romæ Synodo, contra Canones sibi successorem destinat Vigilium Diaconum, hanc dignitatem prensantem; at postea idem Pontifex passus errorem, in aliâ Synodo chirographum suum rescidit, ac paulò post obiit 17. Kal. Nouembr. Cui eodem anno post duos menses, vt aliqui volunt, datus est successor Ioannes II. cognomento Mercurius, patriâ Romanus.

Amalaricus duxerat Clotildem filiam Clodouæi Francorum Regis, eamque ignominiosè ac crudeliter vir Arianus Catholicam tractabat. Misit hæc ad fratrem Childebertum sudarium suo infectum sanguine; hic armatus Hispaniam subit; dum fugere parat Amalaricus, occiditur. De loco ambigitur, sicut & de victoriâ Childeberti; certum hoc, spoliis diuitem in Galliam rediisse cum Clotilde, quæ in itinere obiit. Amalarico successit Theudes Gothustutor, missus à Theodorico, & nobili Hispanâ fretus coniuge, Tyrannus effectus; vir sortis & industrius, vt electio Theodorici satis innuit.

Obiit hoc anno S. Sabbas, ætatis anno 92. vir notissimæ, & Imperatoribus etiam charæ sanctitatis.

Incipit hoc anno Cyclus Dionysij Exigui Scythæ, annorum nonaginta quinque seriem temporis digerens, non per Olympiadas aut indictiones, sed per annum Christi nati. Compegit & ille in vnum corpus Canonas; & Latinos fecit, aut verius emendauit; vir parui corporis, & magni laboris.

MVNDI

CHRISTI

4585.

532.

*Seditio
vixit*

Famosus est hic annus seditione Constantinop-

tinopolitanâ , cui tessera fuit *vina* , vnde ei nomen ; quæ inter Prasinos & Venetos orta totam urbem distraxit , & Iustinianum in discrimen adduxit : cùm enim Præfecti tres seditiosos curripuissent , Monachi S. Cononis eos viceripuerunt , & lembo impositos in S. Laurentij templum Asylumque deportarunt . Valatus statim locus à militibus , quos populus iugulauit , subditis etiam Prætorio facibus , quibus multa ædificia sacra & prophana , multique mortales assumpti sunt . Sed Belisarius cum Gothis irruens , multos ex seditiosis occidit ; tum seditio recrudit , cæsis qui reliquias ferebant ad sedandum populum : mulieres è tectis pugnarunt , quare iis subiectæ faces . Acclamato à seditiosis Imperatore Hypatio , Iustinianus de fugâ cogitabat ; sed impeditus à Theodorâ , Palatium suum muniit . Demum à Narsete , Mundo , & Belisario multis cæsis , (adeò vt vno die triginta aut 35. millia interfecti esse perhibeantur) & pecuniâ in Venetos effusâ , sicque distractis coniuratis , captus Hypatius cum Pompeio , & Probo consobrinis , nepotibus Anastasij , & cum iisdem interfectus pacem Vrbi ac Imperatori reddidit . Tum Eulogij historia contigit , qui , orante viro sancto , ex pio & inope latomo diues & impius effectus , secundum preces eiusdem sancti viri , quod fouisset seditionem , & stetisset ab Hypatio , spoliatus bonis omnibus ad lapidationem ac pietatem rediit . Iustinianus pacatâ seditione , ad instaurandam Urbem , quæ tum magnâ ex parte inflammata fuerat , & maximè S. Sophiae maximum templum , adiecit animum ; periculi , quò defunctus erat in hac clade , illustre monumentum .

Constantinopoli .

Eulogius Latomus .

Cabades , Zonaræ Euadus , Paulo Diacono Chnudes & Casbades , missis copiis cum tribus Ducibus Martyropolin obsidet , ac paulò post moritur , Cosroë iuniore filio hærede ex te-

Cabades moritur .

stamento relicto , cui semper benè voluerat.

Childeberti , & Clotarii crudelitas.

Childebertus & Clotarius Francorum reges iterum expeditionem in Gundemarum suscipiunt, atque eius fugati totâ ditione potiuntur . Theodoricus , qui inuitatus à fratre comes expeditionis huius esse noluerat , Aruernos popularus plus prædæ quàm gloriæ retulit . Iidem duo fratres Clotarius & Childebertus , consentiente Theodorico, Theodoualdum x. annorum , & Guntharium 7 , Clodomiri filios , manu suâ enecant . Tertius Clodoaldus subductus , clericus effectus mirabili sanctitate floruit , & Nouigento oppido 4. passuum millibus à Lutetiâ , vbi Sequana ponte iungitur , suum imposuit nomen . Clotildis cæsorū auia , cædentium mater , magnum dolorem hausit de nepotum nece, maius de filiorum improbitate .

De S. Dionysij Areopagite scriptis .

Hoc denique anno inter Seuerianos , seu Acephalos , & Catholicos , Iustiniani iussu , habitata Collatio Constantinopoli , Episcopis & Presbyteris vtriusque disceptantibus . Secundâ die respondent Catholici Hæreticis , tum primùm proferentibus scripta S. Dionysij Areopagitæ , hos libros non esse Dionysij , quia non potuissent latere S. Cyrillum , immo nec S. Athanasium , & sic concludunt : *Si autem nullus ex antiquis recordatus esset ea , vndenam potestis ostendere quia illius sint ?* Hæc autem scripta primùm citata sunt vt Areopagitæ à S. Gregorio , Sophronio Hierosol & 6. Synodo , non ab Origene & Athanasio , vt malè quidam putauere . Quod autem Dionysij Areopagitæ non esse videantur , hæc dicuntur euincere ; primò , quod hæc dedicentur Timotheo , non Presbytero alicui , sed *ἱεραρχῷ* , cùm tamen in iis citetur dictum à S. Ignatio ad Romanos ; at ex eodem Ignatio ad Ephesios constat Timotheum Episcopum mortuum esse , cùm Ignatius scripsit ad Romanos ; ergo Dionysius nuncupat librum Timotheo

motheo jam demortuo. Deinde meminit Monachorum, quos vocat *diuinos praeceptores nostros*: at monachi longè tardiùs florere, nec ante annum Christi 250. quomodo enim Athanasius & Hieronymus dum de Paulo & Antonio scriberent, se delineare primorum Monachorum vitas assererent? Ad hæc meminit *origenistas*, & *invasarios*; at hæc voces non sunt receptæ nisi in Concilio Alexandrino anno Christi 362. Præterea hi libri videntur esse scripti post quatuor prima Concilia, cum in iis Arii, Macedonij, Nestorij, Eutychetis & aliorum ejusdemmodi refutati esse videantur errores. Denique dum loquitur de Baptismo infantium: *Tametsi hoc quoque de hac re dicimus, quod diuini nostri Pontifices ab antiqua traditione mysticè edocti ad nos usque produxerunt*; Quia enim illi Pontifices respectu Dionysij, nisi Apostoli? at si Apostoli, quomodo edocti traditione? aliaque ejusdemmodi quæ viri eruditi proponunt; quibus tamen longè plures aduersantur, iique viri non infimæ notæ: huius operis non est, neque *nostri*, *tantas componere lites*.

Origenistæ rursus in Palæstinâ apparent, præsertim inter Pseudomonachos, ducibus Nonno & Leontio, impuris nebulonibus, qui multa acerbè & crudeliter egerunt, modis omnibus prostratum parentem suum conantes erigere, & Theodorum Mopsuestenum; postea in 5a. Synodo proterendus.

MVNDI CHRISTI

4586.

533.

Pax hoc anno, Iustiniani 70., per Rufinum Patricium, & Hermogenem Magistrum officiorum Persas inter & Romanos coaluit; quam hi non refugiebant, illi ducebant esse nouo suo Principi necessariam.

Inchoatum est hoc anno bellum Vandalicum à Belisario contra Gilimerem, classe

*Origenista
in Syria.*

*Pax Ro.
inter G.
Persas.*

*Bellum
Vandalicum à Be-
lisario.*

quingentarum nauium magnarum, & nonaginta Dromonum. Hæc appellit Carthaginem; educit exercitum Belisarius ipsâ S. Cypriani vigiliâ 7 Kal Octobr. prælium committit, in quo casus Ammatas Gilimeris frater; quo casu territus Gilimer fugit Carthaginem, cuius portæ statim Belisario patuerunt. Resumittam enim animos Gilimer, collectisque vndequaque suis Vvandalis, & Zanzone altero fratre ex Sardinia euocato, Carthaginem obsidere parat: sed utrique occurrit Belisarius; commisso prælio Zanzonem cedit, ac Vvandalarum castra expugnat, Gilimere fugâ dilapso. Eius insequendi cura cum esset commissa Ioanni Armeno, hic à milite quodam per imprudentiam interfestus est. Sic recepta Carthago à Romanis; anno nonagesimo quinto ex quo occupata fuerat à Vvandalis, anno Christi 438. impletumque oraculum in Africâ jactari solitum ὡς τὸ γ' δὴ ἔστι β', τὸ β' αὖτ' παλιν δὴ ἔστι τὸ γ'. de Genferico, Bonifacio, Belisario, atque Gilimere.

*Carthago
à Ro. oc-
cupata.*

*Disputa-
tur de his
verbis,
Vnus de
Trinitate
passus.*

Legatos misere Romam Constantinopolitanum Monachi Accemetæ, ut damnetur à Romano Pontifice hæc sententia, *Vnus est de Trinitate passus*, quam Hormisdas Papa proscripserat, non quasi heterodoxam, sed nouam atque suspectam, contra Monachos Scythas. Contra verò alios misere legatos Epiphanius Episcopus & Iustinianus, ut illa retineretur, quia hæc Hormisdæ iussione abutebantur, Nestoriani atque Origenistæ. Ioannes Pontifex è re esse iudicauit *ἓν τὸν δὴν ἑξ ἑαυτοῦ*, & sententiam sapienter distulit, tempore ipso atque disceptationibus concoquendam.

*Theodori-
cus mori-
tur, ei suc-
cedit
Theode-
bertus.*

Mortuus est hoc anno regni sui 23. Theodoricus Metensium Rex, addictissimus pietati, sed multis vitijs adiunctæ. Successit ei filius Theodebertus, qui cum malè regnare cœpisset, S. Nicetij Treuirensis Episcopi, quem multum colue-

coluerat ejus pater, monitis, & objurigatione melior euasit; raro in juniore Principe demissionis exemplo.

Ad hunc annum Christi 533. Chronicon suum texuit vir artis huius scientissimus Dionysius Petavius, in quo nihil desiderari potest, nisi quòd citius desierit.

*Chronicon
Petavij, -*

MVNDI

CHRISTI

4587.

534.

Gilimer recedit in montem Numidiæ Papuam dictum, vbi obsessus à Phara duce Belisarij tribus mensibus, se dedit, mittiturque Constantinopolin. Hic, veterum more, Belisarius inuidiæ hostiumque victor, triumphauit; Gilimer cum suis propinquis triumphatus, qui in Hippodromo videns Imperatorem, & populum exclamauit: *Vanitas vanitatum, & omnia vanitas.* Inde data ei loca quædam in Galaria, in quibus cum propinquis degeret: Patricium non creauit eum Iustinianus, quia Arianam hæresim noluit eiurare; Hilderici verò filij & nepotes opibus aucti atque honoribus. Belisarius in annum sequentem Consul designatus, hominibus atque Deo ab Imperatore factum satis.

*Belisarij
de Gilimer
re triumphus.*

Athalaricus, moribus corruptissimis adolescens, moritur: in eius locum, consilio Amalasuntæ, eligitur Theodatus (vel ut legunt veteres nummi, Theodahatus) filius Amalasfredæ sororis Theodorici, vir doctior quàm bellicosior, & in quo literarum & pecuniarum amor respondebant. Sed & sordibus accessit ingrati animi labes, perpetua auaritiæ comes. Hic enim Amalasuntam de se optimè meritam in carcere detinuit in insulâ Vulsinij lacus, ac postea cædi iussit, magno Gothicæ feritatis specimine, quam literæ emollire nequaquam potuerunt.

*Theodatus
succedit
Athalarico.*

*Amalasuntæ
cæditur*

Conuocatâ Romæ Synodo respondit Ioannes Papa rectè dici vnum, de Trinitate possum;

*Ioannis
solus quæ
stionem
de vno*

in Trinitate passio.

cùm Christus vnus de Trinitate dici posset ; contra sentientes Monachi damnati ; res ita definita, vt qui eam non admitterent vt hæretici anathemate ferirentur.

MVNDI

CHRISTI

4588.

355.

Ioanni 2. succedit Agapetus.

Ioannes 2. Papa moritur ; sed quo die non liquet, licet Anastasius 6. Kal. Iulias proponat. Sexto ab eius obitu die substitutus est Agapetus, patriâ Romanus ; quem vide ne confundas cum eo Diacono qui Epistolam paræneticam de administrando rectè Imperio ad Iustinianum initio sui Imperij scripsit, quæ à Græcis *Regia Scheda* dicitur ; cùm hæc sapiat hominem Græcum, etiam viris minùs emundæ paris.

Novi aliquos Epif.

Epiphanio Episcopo Constantinopolitano mortuo intruditur Anthimus Episcopus Trapezuntinus, occultis artibus Theodoræ Augustæ, cùm hic occultus esset Eutychianus. Alexandria item obiit Timotheus hæreticus, cuius locum occuparunt duo Acephali, Theodosius corruptibilium, atque Seueri, à pluribus electus, & Gaianus discipulus Iuliani & incorruptibilium, Clero & Monachis charus, à quibus aliæ duæ sectæ prodierunt, & aliæ plurimæ, vt mirum sit ex monstro sine capite tot belluas erupisse. Ioannes autem Philoponus Grammaticus dum eos refutare conatus est, incidit in errorum Tristheistarum, quia *sutor ultra crepidam* processit.

Ioannes Philoponus.

Regnum Yuetotij.

Ad hoc tempus pertinet Regnum fabulosum Yuetotij in Normanniâ conflatum ex 17. pagis, in gratiam vt creditur Guakteri nobilis viri, quem redeuntem ex bello Saracenico, & instructum litteris Agapeti Pontificis Clotarius in die Parasceues suâ manu dicitur interemisse : commenti cuius primus author Gaguinus bonus Monachus, qui sub Carolo 8. vixit, & Nicolaüs Ægidius qui sub Ludouico XII scripsit,

psit, hoc est 900. annis à re gestâ. Quæ autem proponunt pro se Domini d'Yuetot, probant tantum hanc terram sui iuris esse; & ætate nostrâ legitimi Principes, quàm ridiculi Reges esse maluerunt.

MVNDI CHRISTI

4589.

536.

Agapetus Pontifex, jussu Theodati legationem suscipit ad Iustinianum, ut cum ab inuadendâ Italiâ Gothis auerteret. In itinere mutum & claudum à natiuitate sanauit. Hic tamen nihil egit Pontifex; Gothi enim in Dalmatiâ cæso Mundo eiusque filio Mauritio, receptisque Salonis, superiores fuerunt; Belisarius è Siciliâ in Italiam transire iussus est, ab utroque reiecta pax; bellum expetitur.

*Agapeti
Pape Legatio
Constantinopoli.*

Mortuo Constantinopoli Agapeto, Romæ electus est Syluerius Campanus, Hormisdæ Papæ filius; sed non sine vi à Theodato adhibitâ, pecuniâ autem emptum à Gothis Pontificatum nemo sapiens hactenus credidit, cum id suo successori Vigilio tam acriter exprobrarit. Interim Constantinopoli Vigilius Diaconus Agapeti, pollicetur Theodora se, si fieret Pontifex, damnaturum Synodum Calcedonensem, & Antimum atque Seuerum restitutum. Scribit itaque Theodora ad Belisarium, ut Vigilium Pontificem creandum curet, septemque ei Auricentaria sufficiant: sed Syluerio jam sedente nihil factum, quàm ut Vigilius ambitiosior fuisse videretur.

*Mortuo
Agapeto
succedit
Syluerius.*

*Eius com-
pessio
Vigilii.*

Ratio conficiendi Sericum tum allata est ex Indiâ per Monachos, inclusis in arundine Bombycum ouis, quæ mirabili fæturâ deinceps totum pæne orbem impleuere; nobilium pompa, vermium & insectorum pulchræ sordes, atque egestionis optandæ.

*Serici con-
ficiendi
ratio.*

MVNDI

CHRISTI

4590.

537.

Belisarius viginti diebus obsessam Neapolin

Belisarius

E 6

*Neapol in
& Rom.
capit.*

lin capit. Alii humanitèr tractasse ~~propugato-~~ res, alij crudeliùs, ideoque à Syluerio increpitum esse volunt. Quâ clade auditâ Gothi Theodatum vti ignaum interimunt, cùm 3. annis regnasset, accersuntque Vitigem Ducem è Dalmatiâ, virum militiâ clarum ac fortem, & constituunt regem. Sed is deferere cogitur Romam, relictis in eâ 4. Gothorum millibus sub Duce Leudere. Pergit ergo Rauennam vt copias paret, vbi vxorem ducit filiam Amalasuintæ, repugnantem licèt, vt natalium suorum vililitatem hoc sanguine illustraret. Mittit & ad Francos, vt eos auxiliores haberet, cedens ijs Galliæ partem, & pecuniam iis debitam accuratè persoluens. At Romani veriti furorem Belisarij, 4. aut 5. Id. Decembr. huic Asinariam aperiunt portam, suadente Syluerio; Gothi per aliam fugiunt Rauennam, Leuderes capi maluit quàm fugere, itaque missus est vinctus Constantinopolin, Romæ receptæ nobile monumentum.

*Paul. A.
ex. exau-
oratur.*

Paulus Episc. Alexandrinus, vsus potestate sibi ab Imperatore datâ deponendi in Ægypto Duces & præfectos hæreticos, eorum artibus accusatus est necis illatæ Oeconômo Ecclesiæ, atque iniustè depositus à Pelagio S. R. E. Diacono & Apocryfario, atque euocatis Episcopis Antiocheno, Hierosolymitano, Ephesino, ad Gazam relegatus. In eius locum substitutus Zoilus item catholicus, Paulus agnouit seriùs hæreticos armatos ferro & autoritate esse plurimùm etiam bonis & innocentibus reformi-

MVNDI

CHRISTI

4591.

538.

*Roma de-
fenditur.*

Vitiges cum exercitu centum quinquaginta armatorum, euocatis vndequâque Gothis, contra Belisarium mouet, ac Romam obsidet: hæc fortiter oppugnata est, fortiter defensa; Belisarius se in vrbibus defendendis cum præstitit,

qui

qui fuerat in hostibus acie debellandis : Romam tamen Apostolorum Petri & Pauli patrocinium magis , quàm Belisarij virtus seruauit incolumen.

Syluerius , quia sic iusserat Theodora , per Belisarium ejicitur , ac mittitur in exilium Pataram , quasi Gothis faueret ; ideoque confictæ ad hoc illius litteræ . Vigilus pactus Belisario duo auri centenaria , & commendatus ab Imperatrice , in eius locum intruditur ; Episcopus tamen Pataræ efficit apud Iustinianum vt Syluerius reduceretur Romam , eiuſque litteræ excuterentur ; ac si veræ , alterius ciuitatis Episcopus crearetur ; si falsæ , suæ restitueretur sedi . Quod veritus Vigilus effecit vt sibi à Belisario Syluerius traderetur , qui & eum in insulâ Palmariâ exulem crudeliter detinuit . In quibus licet se sceleratum Vigilus ostenderit , hæreticum tamen eum dixere tantùm , qui de illo ex odio , non ex veritate scripsere . Interea ergo Pontificem egit Vigilus ; & vt alia multa præteream , Theodeberti Francorum Regis , ob incestas nuptias , crimén aboleri posse pœnitentiâ ad Cæsarium Arelatensem rescripsit , atque ita respondit plerisque difficultatibus quali verè Pontificatum obtinuisset , cùm tamen verus esset Papa Syluerius .

Constantinopoli errores Origenis damnati sunt ab Episcopis conuenientibus , frustrâ regitante Theodoro Cæsareæ Cappadociæ Episcopo , Augustis charissimo , quare cum suis ille aliam excogitauit machinam , videlicet se subscripturum Concilio Calcedonensi asseruit , si damnarentur Theodorus Mopsuestenus , Ibas Edessenus , & Theodoretus Cyri Episcopi laudati ab hac Synodo ; qui quidem dolus effecit Tria illa Capitula in Concilio Generali Quinto excutienda .

*Syluerius
Papa exul.*

*Vigilius
intrudens.*

Origo Trium capitulorum.

MVNDI CHRISTI

4592.

539.

*Syluerius
damnat
Vigilius.*

Syluerius in Palmariâ insulâ & conuentu quatuor Episcoporum 8. Kal. Iulii damnat Vigilium intrusum ac Simoniacum; quare acriori custodia deinceps detentus, inediâque mâceratus, vitam ad annum sequentem extendit, omni morte diriores.

*Romani
Imp. tetra
facies.*

Huuni Istrum transgressi Constantinopolim vsque excurrerant; vnde prædam ingentem, & 110. millia captiuorum abegerunt, promissâ insuper sibi ab Imperatore pecuniâ, sicut & Saracenis Syriam populantibus. Cosrho es quoque à Vitige sollicitatus pacem cum Romanis abrupt. Soluta quidem Romæ obsidio quæ totum annum tenuerat; sed tanta inde fames in Italiâ sauiit, vt mulieres stabulariæ 17. hospites ceciderint, & vorarint; à decimo octauo, cui parabant necem, interfecit. Multæ etiam matres filiorum artus in sua viscera rejecere: Famem excepit pestis, quæ superstites messuit, illius racematrix.

*Mediol. à
Gothi. exci-
sum.*

Mediolanum à Gothis excisum, cæsa in hac vrbe trecenta millia sine ætatis discrimine; femina Burgundionibus datæ pro inita secum belli societate; Reparatus defectionis author, minutatim concisus voratus est à canibus. Dacius Episcopus fugâ elapsus fugit Constantinopolim; Gothi se in Italico cælo nequaquam posuisse feritatem docuerunt.

MVNDI CHRISTI

4593.

540.

*Syluerij
Pape
mors.*

Syluerius 12. Kal. Iulij in insulâ Palmariâ obiit, inediâ ac pædore confectus, anno sedis 4. & 5. inchoato, Martyr agnitus ab Ecclesiâ; cuius Tyrannus Pseudopontifex fuit. Vigilius vbi hunc mortuum esse audiit, & miraculis inclarescere, sponte reliquit quam inuaserat sedem; Clerus autem Romanus veritus schisma, cum elegit, satis intelligens Theodo-

ra fraudibus, & Belisarij vi se non esse pa-
rem. Legitimè autem electus Vigilius, statim
in alium virum mutatus est, non jam Theodo-
ræ assecla, nec fautor Anthimi; sed hunc per-
cutiens anathemate, illius minas & furorem
aspernatus.

*Ei sufficit
tu Vigili-
us.*

Theodebertus Rex Francorum filius Theo-
doric i ingentem in Italiam deduxit exercitum,
quo ad Picenum vsque penetrauit; sed peste,
quæ hîc grassabatur, infectis copiis, plus mili-
tum hîc reliquit, quàm abstulit prædæ.

*Italica
Franco-
rum expe-
ditio.*

Hec anno Rauenna ciuitas cum Vitige mira-
biliter Belisario dedita est. Paucitamen Gothi
inde fugientes Theodebaldum regem elegerunt;
qui Principatûs initio, vix mille Gothis stipa-
tus, postea Romanis metuendus euasit, eisque
tantum non excussit Italiam.

*Theode-
baldus, suc-
cedit Viti-
gi.*

Syriam hoc anno inuasit Cosrhoës, vbi mul-
tas vrbes dirui, Antiochiam quoque cepit, ci-
ues omnes occidit, domos omnes incendit, præ-
ter maiorem Basilicam, precio redemptam, vt
hæc sanguine & igne de tot hæresibus in eâ na-
tis purgaretur.

*Cosrhoë
in Syriam
grassatio-
nes.*

CAPVT V.

DE CASQVINTA.

Ab anno Christi 540. ad 550.

MVNDI

4594.

CHRISTI

541.

HOc anno Consul fuit vltimus Basilus
Iunior sine collegâ; quare deinceps Indi-
ctiones receptæ, Imperatorum anni notati, ho-
nor ille non priuatus, sed publicus fuit.

*Basilus
vltimus
Consul.*

Reuocatur ex Italiâ Belisarius, Iustinianum
stimulante inuidiâ ob res præclare gestas;
qui

*Belisarius
reuectur
ab Italia.*

qui secum Vitigem, Principes Gothos ferè omnes, atque ingentem vim pecuniæ detulit; bellum Gothicum confecturus sine dubio, nisi in eo maiorem Gothis hostem Imperator reueritus esset.

*Adadus
Æthiops
vincit
Homeritis*

Adadus Auximitarum Æthiopum Rex vouit se Christianum fore, si victoriam referret de Homeritis atque eorum Rege Damiano Iudæo. Hic fuerat cum suis Christianus, sed à Fide defecerat; victor Adadus cum suis salutaribus tinctus aquis majorem de se quam de hostibus victoriam retulit.

*S. Placi-
di Mar-
tyrium.*

S. Placidus discipulus S. Benedicti, prope Messanam, duoque eius fratres & soror qui cum inuiserant, cum multis monachis à Manuchâ piratâ interfecti 3. Non. Octobris Martyrium longius contraxere.

MVNDI

CHRISTI.

4595.

542.

*Totilas
succedit
Theodebal-
do-*

Occiso Theodebaldo Regi, Gothi sufficiunt Araricum; eidem post aliquot menses sublato, Totilam Theodebaldi nepotem, ingenio & corpore præstantem, & Gothico Imperio restituendo parem, sublegunt. Bis hic collatis signis cum Romano exercitu, eundem deuicit; & ut suis animos fecit, sic hostibus abstulit.

*Antiochia
reparata.*

Reparata est hoc anno Antiochia, pace de Cosrhoë prius redemptâ; & sic à Iustiniano exornata, ut eam incensam esse ægrè nemo ferret.

*Bellum
Francorū
in Hispani-
a.*

Childebertus & Clotarius Francorum Reges in Theudem Gothorum in Hispaniâ Principem bellum gessere, & Cæsaraugustam usque peruenere: unde nihil præter sanctorum reliquias attulere, & inter cæteras S. Vincentij tunicam, in templo cognomine repositas, quod postea sancti Germani dictum est; adeo ut bellum hoc in Arianum susceptum piè inchoatum sit, atque terminatum religiosius.

Toti

MVNDI CHRISTI

4599.

543.

Totilas multis potitus prouinciis Neapolin obsidet, & capit. Tunc adiit S. Benedictum, quem afflatum prophetico spiritu deprehendit; eiusque montis & mitior, & continentior redditus est. Nec ita multò post abiisse creditur è viuis Benedictus, de cuius morte tam incertum tempus, quàm hujus certa & illustris sanctorum monia.

*Totilas
ad S.
Benedictum.*

Remissus est in Orientem aduersus Cosroem Belisarius cum copiis, sed absque fortunâ suâ: vnum enim duntaxat castrum cepit, ac perdidit; sed plures è suis lue consumptos; cum reliquis inglorius rediit; sicque vtcumque sedauit inuidiam, quâ nullus inter mortales magis, & magis immeritò vexatus est.

*Belisarius
bellum gerit, in
Persas
infeliciter*

MVNDI CHRISTI

4597.

544.

Totilas Romanam Urbem prius litteris, deinde armis tentat. Ideo, uti petiit Vigilius, remissus est in Italiam Belisarius, nunquam ab eâ retrahendus, si mens læua Iustiniano non fuisset.

*Totilas
Romam
obsidet.*

Arator S. R. E. subdiaconus, Apostolorum Acta Vigilio nuncupauit carminibus expressa; neque inter tot bellorum tumultus Musæ sacræ siluerunt.

*Arator
Poeta.*

Pestis ingens in Oriente sæuit orta ab vrbe Pelusio, sparsa per Genios malos, sedata Constantinopoli B. Virginis patrocino; vnde 2. Februarij dies festus Hypapantes exortus est, magnæ deinceps totâ in Ecclesiâ celebritatis.

*Festus Hy-
papantes.*

MVNDI CHRISTI

4598.

545.

Hoc anno Cosroës Edessam obsedit, in quâ Christi imago ad Abgarum missa seruabatur: sed re infectâ, succentismachinis, deletoque exercitu recedere compulsus est Persa;

*Edessa
obsidetur;
soluitur.*

Auri

Auri tamen ab Imperatore recepit aliquid , vt quinquennio quiesceret , & ignominiam vtcumque leuaret suam .

*Arrobin
dus Tyrā-
nus .*

Missus in Africam Arcobindus , maritus filix sororis Iustiniani ; necatus est à Guntharide , Vvandalorum contra Mauros quondam duce ; quod magnos inuexit in hæc loca tumultus , dum hic pœnam reformidans ex perduelli factus est Tyrannus .

MVNDI

CHRISTI .

459.

546.

*Totilas
inusus ob-
sidet Ro-
mam .*

Totilas ferociam resumit , quam ad monitum S. Benedicti deposuerat , sæuitque in Episcopos Herculanium Perusix Episcopum , cùm 7 mensibus hanc urbem obsedisset , & S. Cerbonium Populonij , quem obiecit Vrso , leui de causâ Deinde Urbem Romam obsidet , mitius agens in agricolas , crudeliter in ciues : eos enim modis omnibus , ac potissimum fame perdere decreuit , quos Gothi toties erant rebelles experti .

*Vigilius
in uigat
Constanti-
nopolin .*

Scriptis Theodorus , Cæsareæ Cappadociæ Episcopus , libellum contra Tria Capitula , quem sub edicti titulo Iustinianus suo nomine vulgandum curauit . Et quamquam postea Ecclesia secuta sit iudicium Imperatoris , multi tamen inter Orthodoxos , & Vigilius ipse , quasi fautores Concilij Chalcedonensis in eum insurrexere . Edicto Imperatoris subscribere aliqui Episcopi ; sed alij fortiter restiterunt , atque inter cæteros Vigilius , qui Constantinopolin accersitus est . Venit ergo in Siciliam , vnde multas naues frumento onustas misit , quæ tamen cùm ad portum Romanum appulissent in Gothorum venerè manus , victores cæsi , Valentinus Episcopus Sylux Candida vtrâque truncatus manu ; Vigilius tantùm quam bene esset animatus in Romanus ostendit .

ROMA

MVNDI CHRISTI

4600.

547.

*Roma ad-
pra à Go-
this.*

Roma obsessa ; tam ingenti fame premitur ,
ut à nullâ re eduli quamvis turpissimâ parce-
retur , multi sibi inferrent ex desperatione ma-
nus . Tandem Isauri quidam milites , pecuniâ
labefactati ; Gothos per portam Asinariam im-
miserunt . Vrbs direpta , pauci cæsi , omnibus
ad Ecclesias confugientibus quæ tum Asyla
fuerunt . Misera tamen fuit Urbis facies , ditis-
simis quibusque Senatoribus ac matronis ino-
pibus , & mendicare coactis . Hinc Totila in
Belisarium progressus bis vario euentu pugna-
uit . Sed Belisarius occurrit ad Urbem , eamque
ingressus sic muniit , ut venientem Totilam re-
pulerit .

*Recipitur
Belisario.**Vigilius
recepit
Constantia
nopolis .*

Pethonorificè susceptus est Constantino-
poli Vigilius , occidente populo *Ecce aduenit
Dominator Dominus , &c.* Interim pro Tri-
bus Capitulis & contrâ fortiter disceptatum . Fa-
cundus Hermianensis Episcopus in Africâ pro
ijs scripsit , libellumque obtulit Imperatori .
Vigilius inter utrumque fluitavit , mox ap-
probavit Edictum Iustiniani , mox suspendit
sententiam suam , ac tandem animis in con-
trarias factiones acerbis distractis , sapienter
huius quæstionis solutionem ad Concilium
Oecumenicum Quintum rejecit ; quæ vix ab
utriusque Imperij ac totius Orbis Episcopister-
minata est .

MVNDI CHRISTI

4601.

548.

*Sclavo-
nia .*

Romanus exercitus varias clades accepit in
Italiâ ; quando & Sclauini seu Sclavi Istro
transmisso Illyricum sic occuparunt , ut oi indi-
derint nomen , quod annis mille non potuit obli-
terari .

*Theode-
& Theo-
degisilus
reges , cæsi .*

Theudes cum S. Laurianum interimendum
Massiliæ curasset , regnassetque in Hispaniâ
annis XVI. cum mensibus quinque , ibidem
occi-

occisus Martyri pœnas dependit. Successit ei Theodegislus, post vnum annum ac menses 7. occisus, quod curiosius de Fonte Baptismatis in Lusitaniâ inquisisset; vt ei derogaret fidem: vtriusque crudelitas & curiositas magni tumultus in Hispaniâ causa fuit.

Macarius Episc. Hierosolymitanus, dono prophetiæ clarus, eiectus est quasi fautor Origenis, eique substitutus Eustochius. Mox tamen eiurato Origene recepit Sedem, in quâ iterum ei successit Eustochius. Sub eo vixere Barsanuphius, prope Gazam in ædiculâ per annos 50. nulli visus, nihil comedens, miraculis clarus; quæ pæne vitam huic Eustochio abstulere. Floruit & Simeon Emisenus cognomento *Salus* id est *Stultus* quod amentiam simularet, miraculis tamen rebusque gestis clarissimus; eò vsque gratia viros Deo acceptissimos deprimit.

Theodora Augusta moritur, non multò post quàm anathemate perculsa esset à Vigilio. Contigit eodem anno Ioannis Cappadocis exitus, qui Consul quondam & Præfectus prætorio, ob suspicionem magistratu & bonis exutus, Cizycum relegatus sumere Sacerdotium coactus est. Sed cùm factus esset reus quod Episcopum suum interemisset, primùm coniectus est in custodiam, deinde in Ægyptum deductus, vsque ad Antinoiam urbem stipem ab obuiis emendicare compulsus est. Neque tum spem Imperij posuit, quod ei à nescio quo prænunciatum esset eum Augusti habitu induendum. Infœlix, qui nesciebat jam impletum esse vaticinium: cùm enim Sacerdos fieret, deficientibus vestibus Ecclesiasticis, ei oblata est vestis quæ Sacerdotis cuiusdam fuerat, Augusti nomine: Sicque miser sperauit diu, vt vili veste Sacerdotis amiceretur.

Barsanuphius & Simeon Salus.

Theodora Augusta obitus.

Ioannis Cappadocis exitus.

MVNDI CHRISTI.

4602.

549.

Reuocatur vxoris suæ precibus Belisarius ex Italiâ, vbi non pugnare, sed fugere postremis illis temporibus videbatur. Ita deinceps vitam Constantinopoli egit inglorius, & ab eo valdè dissimilis qui quondam Orientem, Africam, Italiam suis armis terruisset.

Belisarius reuocatur ex Italia.

Longobardi ex sedibus supra Istrum vbi fuerant collocati, in Dalmatiam & Illiricum transferunt, vnde prædâ diuites postea in Italiam, eâ potituri, descenderunt; & tum ad Gothos excindendos sunt à Deo præparati.

Longobardi celebrantur.

Franci hoc anno Arelatem, Massiliam & totam in Galliis ditionem Gothorum obtinuerunt, sibi à Gothis concessam, à Iustiniano confirmatam; atque exinde nummos aureos Principum suorum imagine notatos percussere primi, cum id nec Persarum Reges, nec alij Barbari Principes attentassent, sed id juris Imperatori Romano reliquissent; certum futuri mox maximi Principatus Francis Regibus argumentum.

Franci Aureos nummos signant.

MVNDI CHRISTI.

4603.

550.

Gothi rursus Româ potiuntur proditione Isaurorum; cuius destruendæ penitus consilium init Totilas: sed ab hac mente eum auertit S. Aurelianus Episcopus Arelatensis, cujus filiam sibi in vxorem dari postulabat, & fortè Childebertus Rex Francorum, quem offendere Gothi verebantur.

Romæ recepta à Gothis.

Vigilius in Rusticum & Sebastianum diaconos S. R. E., quorum operâ conflatum erat schisma quod Eutychianus audiret, eiusque ventilatorem Felicem Gillitanum Africæ Abbatem dicit anathema; quod nihil profecit, sed magis tumultum auxit. Itaque serfò de Concilio vniuersali cogitatum. Quare Mopsuestiæ coactum est Concilium, misso huc

Via aperitur ad Quintum Conciliū.

Mar.

Martanio Comite domesticorum à Iustiniano, videretur vtrum Theodorus Mopsuestenus fuisset vnquam in sacris Diptychis inter Catholicos adscriptus ; quòd cùm eius loco semper nomen Cyrilli adscriptum fuisse renunciatum esset Vigilio & Imperatori , sic aperta est via , vt is quoque à Concilio Generali damnaretur , eiusque publicâ damnatione Catholicis omnibus pax redderetur.

C A P V T VI.

D E C A S S E X T A .

Ab anno Christi 550. ad 560.

MVNDI CHRISTI
4604. 551.

*Romanū
imperium
varijs
ciuitatibus
acitur.*

Missus in Italiam ab Imperatore cum magnis copiis Germanus, morte suâ turbauit omnia ; sed accessit quoque tempestas , in faucibus Hadriani maris concitata , quâ classis miserum in modum lacerata spem recipiendæ Italiæ prorsus elisit. Accessit & Slauinorum eruptio ; qui vt anno superiore Istrum transgressi , etiam Thracias depopulati sunt , hoc quoque ad Hadrianopolin Romanum fuderant exercitum ; atque agrè , Constantinopoleos mœnibus submoti sunt , Deo contra Imperatorem pugnantem , dum hic Ecclesiam imprudenter expugnat.

*Iustinianus
edictū
emittit in
Tria capitula.*

Hoc enim anno Iustinianus , impellente Theodoro Cæsariensi , Edictum emittit contra Tria capitula , cùm tamen conuentum esset , vt de ijs vsque ad Concilium Generale taceretur : Zoilum quoque Alexandrinum , quod Tria Capitula damnare noluiisset , deponi iussit , substituto huic Apollinari . Quare Vigilius in
pro-

proximam Ecclesiam S. Petri confugiens, hic vocatis aliquot Episcopis, in Theodorum & Mennam excommunicationis & depositionis sententiam protulit; quam tamen non vulgavit, ut hi ejus metu ad officium revocarentur; quod tantum Pontifex optabat, eos territos sanare contentus.

MVNDI

4605.

CHRISTI

552.

Vigilius sibi veritus ab Imperatore, Chalcedonem se recipit in Basilicam S. Euphemie, ut in ea tutior esset. Eo fugiens, a nescio quo percussus est alapâ, & homicida Silnerij vocatus; quæ probra paulò post magno honore diluta sunt. Statim enim ad eum milit perhonorificam legationem ex proceribus suis Imperator, quâ in Urbem revocaretur; at hic redire noluit, nisi contrario edicto, recens edictum contra Triâ Capitula rescinderetur. Quod & factum: ac pœnitens Imperator cum Theodoro & Mennâ admissi in communionem à Vigilio, pacem Ecclesie, Romano Imperio gloriam reddidere.

*Vigilius
obtinere ut
edictum
aboleretur*

Enimuero qui potiti fuerant hoc anno Corsicâ & Sardinia Gothi, præter omnium expectationem navali prælio victi Siciliam perdidere: ac missus in Italiam Narses eunuchus & semiuir, dux egregius, ita eosdem retudit Gothos, uti jam pæne de eâ retinendâ desperarent: ita cum pietate res Principum regnorumque secundæ conjunctæ sunt.

*Gothi &
Narsese
victi.*

Contigit circa hæc tempora miraculum de puero Hebræo, qui cum sumpsisset particulas Mysteriorum cum pueris Catholicis, ideo à patre Vitriaro in fornacem ardentem conjectus; à B. Virgine in eâ triduo servatus est; puer cum matre baptizatus, pater pertinax laqueo tentati parricidij pœnas luit.

*Puer Iu-
dæus in
fornace
servatus.*

MVNDI

CHRISTI

4606.

553.

*Ecclesia
in dies ro-
boratur.*

Mortuo anno superiore Mennâ Episcopo Constantinop. Eutychius Monachus vir doctus & sanctus ei substituitur, qui statim à Vigilio in communionem assumptus est, sicut & Apollinaris Alexandrinus mortuo Zoilo, cuius in locum ab Imperatore intrusus erat editâ Catholicæ fidei professione. Sic in dies Ecclesiæ tranquillitas prudenti Vigilij roborabatur, & extendebatur.

*Gothi vi-
si à
Narfete.*

Hoc anno Gothorum classis, ad depopulandum Orientem missa, cum dedecore redire compulsæ est. Tarentum Romanis redditum. Narfes incolumis inter infinita pericula Ravennam peruenit; indeque fortiter superato Rubicone in Tusciâ, Totilam cum vniuerso exercitu conscidit, ope S. Dei Genitricis, cui addictissimus erat. Omnes pæne Italiæ ciuitates atque ipsa Roma huius victoriæ præmium fuere. Thejas vir fortissimus Totilæ suffectus Romanorum impressionem non nihil sustinuit; sed demum ipse cæsus plenam Narseti reliquit victoriam, iustam Gothis desperationem.

*Iustinia-
nus acque-
scere co-
gitur Vi-
gilio.*

Actum est hoc anno seriò de cogendo Concilio in causâ Trium Capitulorum, quâ Oriens vniuersus distractus erat, & diuisus in *Hesitantes* quicquid defendebant, & *Synoditas* quicquid damnabant; quibus Eutychiani atque Nestoriani se immiscebant. Volebat Iustinianus causæ huius solos esse iudices Episcopos Orientales, quos ad suam opinionem sperabat pellicere; obsistebat Vigilius, & publicum tumultum totius orbis Episcoporum autoritate tollendum volebat; eiecit tandem summus Pontifex; Iustinianus coactus est acquiescere: nec autoritas & potentia rationi atque iustitiæ præualuerunt.

QVINTVM CONCILIVM GENERALE,
feu
 SECVNDVM CONSTANTINOP.

QVIN-
 TVM
 CONCI-
 LIVM.

Hic interfuere Eutychius Constantinopol. Apollinaris Alexandr. Domnus Antioch. per legatos suos Eustochius Hierosol. Vigilus ægrotabat, Occidentales expectati non sunt; quare deinceps Vigilus interesse noluit. Actionibus octo terminatum est, damnata Tria Capitula, hoc est, Theodorus Mopsuestenus, Epistola Ibae Edesseni, & Theodoreti Capitula contra Cyrillum Alexandrinum. Dammati quoque Origenes, ac fautores eius Didymus, & Euagrius cum omnibus eorum erroribus. Sed reclamavit Vigilus; idèd fune ad collum tractus est in carcerem, atque inde in exilium missus cum suo Clero; alique omnes malè habiti qui huic sententiæ subscribere noluerunt. Sed cùm deinceps approbata Synodus fuisset à Rom. Pontificibus, inter Oecumenicas relata est, uti prima Constantinopolitana. Non tamen eiusdem autoritatis cum quatuor prioribus, quia in his de fide, in illâ tantùm de personis actum esset. Observabis tamen acta huius Concilii mutilata fuisse, nec integra ad nos pervenisse; maximè cùm iis hæretici manum iniecerint, ex quibus sincerum nihil exire potest.

Mortua est denique hoc anno Clotildis vxor Magni Clodouæi, quæ reliquum vitæ tempus ab obitu mariti ad tumulum S. Martini transégit; translata Parisios in templum SS. Petri & Pauli, seu S. Genouefæ, & ad latus Clodouæi sepulta à filiis Childeberto, & Clotario Regibus, merita referri in Sanctorum album 3. Non. Iunias; cui maximè Franci debent post Deum, quòd sint Christiani.

Clotildia
 Regina
 obiit.

MVNDI

4607.

CRISTI

554.

*Vigilius
subleuatur
Synodo.*

Vigilius hoc anno ab exilio liberatus precibus Narsetis, a quo id postularat Clerus omnis Romanus; sed cum prius Trium Capitulorum damnationi; & Quintæ Synodo subscripsisset, non coactus, sed quoniam id rationi consentaneum iudicabat, ne gratis ac sine fructu aliquid pateretur.

*Cosroes
victoria
de Ro.*

Cosroes aduersus Romanos pugnavit in Colchide, ubi eorum copia turpiter victæ & dissipatæ sunt, cum magno detrimento Lazorum.

MVNDI

4608.

CHRISTI

555.

*Vigilius
moritur.*

Vigilius Papa rediens Romam, in Siciliâ Syracusis ex morbo calculi extinctus est, cum Pontificatum multis exercitum curis gessisset, ac tandem didicisset prentatos magistratus sacros, nunquam ambitiosis hominibus bene celsisse.

*Succedit
ei Pela-
gius.*

Ei post tres menses & dies quinque, assensiente Iustiniano, datus est successor Pelagius, qui ob suspicionem illatæ mortis Vigilio, ab omnibus desertus est, vix inuenti duo Episcopi qui eum consecrarent; sed postea ab omnibus receptus, cum se coram Narsete ac toto Populo, Euangelio & cruce supra caput positis, purgasset, ac simoniacos anathemate perculisset; hoc factum, ei Pontificatum tranquillum & amorem populi reddidit.

*Franci
in
Italiam
irruptio.*

Franci & Germani inuadentes Italiam; ducibus Leuthare & Bucelino ducibus Germanis, malè accepti sunt, & 72. milia perdiderunt. Cæsus in acie Bucelinus ad Capuam à Narsete. Leuthares onustus sacris spoliis in patriam rediens, in agro Veneto se propriis morsibus laceravit, morte sacrilego dignissimâ. Rem paulò aliter Gregorius memorat; sed in suos Francos, quàm in veritatem fortè propensior.

Fuga-

Fugatus est hoc anno in Perside Ro. exercitus quinquaginta millium armatorum à tribus millibus Persarum, veriùs à Deo ultore. Huius enim duces Rusticus & Ioannes, Regem Colchidis Christianum & pientissimum dolosè interemerant; eorum perfidia multorum sanguine, & Imperij summo dedecore vindicata est.

*Romani
in Perside
fugati.*

MVNDI CHRISTI
4609. 556.

Pelagius Pontifex Quintam Synodum probavit, & Tria Capitula damnauit, ac Occidentales Episcopos vt idem facerent inuitauit; quare in suspicionem hæreseos vocatus est apud Francos, de quâ se purgauit & apud omnes Christianos, ne suspitione læsi capitis, Orbis vniuersus offenderetur.

*Pelagius
Synodum
probat.*

Inter Childebertum & Clotarium exortum est ciuile bellum, ob diuisionem bonorum Theodebaldi nepotis, eò grauius quòd plusquam ciuile esset. Accessit & aliud atrocius filij in patrem. Chamnus enim nõthus in patrem Clotarium pugnantem, in Saxonas rebelles insurrexit. Consultis ille Prophetis, Apostolis, Euangelistis Diuione, veridicas sortes accepit, quas tum minaces præuidit, postea sæuientes sensit.

*Bellum
ciuile in-
ter Fran-
cos.*

Iustinus Dux, Iustiniani Imp. consanguineus, in Colchide profectus in templum sanctissimum mysteriorum causâ, & rediens cum in hostes incidisset tantum cum mille equitibus, eosdem cecidit fugauitque, Dei potiùs auxilio, quàm armis.

*Iustini vi.
floria.*

MVNDI CHRISTI
4510. 557.

Adeò ingens terræ motus Constantinopolin concussit, vt mundi finis timeretur; inde plerique ad meliorem vitam rediere, sed quæ tandiu tenuit, quandiu durauit metus: cessante enim periculo iidem ad sua scelera re-

*Terræ mo-
tus Con-
stantino-
peli.*

uersi sunt, quæ tantum timor inhibuerat, non diuturnæ virtutis magister.

*Templum
S. Sophie*

S. Sophie perfectum est templum mirabilis structuræ, ab Ignatio Architecto statutum, ac Salomonico ferè par, in cuius mensâ omnes orbis diuitiæ confluisse videbantur; digna ædes Dei veneratione, digna magni Imperatoris Romani magnificentiâ.

MVNDI CHRISTI

4611.

558.

*Hunorum
irruptio.*

Hunni Cottaguri dicti, duce Zabergâ vastatis Scythiâ atque Mœsiâ, in Thraciam se atq; Græciam infuderunt, atque omnia aut detulerunt, aut corruerunt. Eos ut arceret Constantinopoli, etiam induit arma Belisarius, quæ parum eius senectam decebant; & hos quidem inhibuit; sed appendendum insuper fuit Aurum Barbaris, ut in patriam redirent; quod sapientiùs in fortem militiam impensus esset.

*Iustiniani
soliditas.*

Circi factionibus fauet Imperator, & Prasinis contra Venetos, quos passus est inimicos suos impune cadere, diripere ditiorum domos, & in obuios quoque debacchari; ut dementem factum esse meritò suspiceris Imperatorem, aut stolidum, quem tanta crimina non excitarent ad ultionem.

MVNDI CHRISTI

4612.

559.

*Pelagius
succedit
Ioan. III.*

Mortuus est hoc anno Pelagius Papa, cum sedisset fere annos 5. Suffectus est ei post menses quatuor, dies 25. 6. Kal. Augusti, Ioannes Tertius, cognomento Catellinus, patriâ Romanus.

*SS. Epi-
scopi in
Gallia.*

Florebant hoc tempore in Galliis Euphronius Turonensis, Regi ausus obsistere: Sanctus Germanus ex Abbate Sancti Symphoriani factus Parisiensis Episcopus: Prætextatus Rothomagensis Præsul, postea martyrio coronatus; & alii plures, quorum dies festos Ecclesia recolit, eorumque precibus potiùs, quàm armis res Francorum viguere.

Iusti.

MVNDI CHRISTI

4613.

560.

Iustinianus Imperator graui conflictatus est morbo, adeo vt à plerisque mortuus crederetur; inde magna seditio excitata Constantino-
poli, direpta mercatorum ædes, quasi in urbem captam traxitum. Sed miraculo sanatus est; & cum valetudine Imperatoris, tranquillitas quoque in Urbem rediit.

*Iustinianus
obitus.*

Theodomirus Sueuorum in Hispaniâ Rex A-
rium ejurauit, filio restituto sanitati, auxilio
S. Martini Turonensis, cuius duplex beneficium
fuit, in patrem & filium; sed majus in patrem,
animo sanatum.

*Rex Theo-
domirus fuit
Catholicus.*

CAPVT VII.

DECA SEPTIMA.

Ab anno Christi 560. ad 570.

MVNDI CHRISTI

4614.

561.

DEfecta est hoc anno in Iustinianum conju-
ratio, cui implicitus est Belisarius, quem
Latini, immo aliqui Græci, excæcatum volunt,
& eò infelicitatis, atque inopiæ deductum, vt
mendicare cogeretur his verbis, *date obolum
Belisario, quem fortuna clarum fecit, excæ-
cauit inuidia.* Alii volunt tantum exutum bo-
nis, & dignitatibus; sed anno sequenti restitu-
tum, post biennium obiisse; alii, & plures, de-
jectum ex inuidiâ, de restitutione tacent. Hoc
certum, nec eò feliciorum priuatum quemquam,
neque miseriorem extitisse.

*Belisarius
calamitas*

MVNDI

CHRISTI

4615.

562.

*Clotarius
succedit
Childeri-
co.*

Hoc anno Childericus Rex Francorum, regni sui quadagesimo nono, è viuis abiit, sepultus in Basilicâ S. Vincentij, hodie S. Germani. Hic cum non reliquisset masculam prolem sed tantum filias, Clotarius eius hæreditatem adiit. Porro idem Parisios veniens, cum non satis coluisset sanctum Germanum, in grauem incidit morbum, atque eius tantum tantâ veste sanatus est; quare eum deinceps uti patrem reueritus est. S. quoque Maurum, eiusque monasteria multis cumulauit bonis; sed vicissim ab illis sanctissimis viris maiora percepit.

*Aurelij
Cassiodori
secessus.*

Aurelius Cassiodorus cum egregiam Gothis operam nauasset, usque ad Vitigem Regem, euerfis eorum rebus Viuariense, aliter Castellense, monasterium ædificauit juxta Scyllæum in magnâ Graciâ, quod omnibus rebus instruxit, ac præcipuè luculentâ Bibliothecâ, & annuis redditibus amplissimis, ut hic Deo sibi que vacaret, & libros conficeret. Porro centum & amplius annos vixisse creditur, cum de Orthographiâ tractatum, non vltimum suorum operum, se anno ætatis nonagesimo tertio composuisse profiteatur; vir sine dubio magnus, vnde & nomen tulit, dignusque qui non Barbarorum sed Romanorum Imperatorum litteras scriberet, & quas nemo Principis vnquam Gothi putaret, nisi ipse à secretis fuisset Theodorico.

MVNDI

CHRISTI

4616.

563.

Iustinianus hæreticus.

Iustinianus Imperator labitur in hæresin Aphthardocitarum, seu Incorruptibilium, ex quâ nati Monothelitæ, corruptus à Theodoro Cæsariensi multorum malorum architecto. Cum ad eam inuitaret omnes Episcopos, responderunt illi se expectare sententiam Anastasij

flafij Sinaitæ Epifcopi Antiocheni; quem nullis pollicitationibus neque minis ad fuas partes pellicere potuit; ficque plurimos in rectâ fide fimul atque constantiâ hic retinuit.

Hoc anno Synodus Braccarenfis eft in Hifpaniâ celebrata, fub Theodomiro, in quâ repressi Prifcillianiftæ, statutumquæ vt Clerici ad vitandam fufpicionem huius hærefis olera carne concocta præguftarent; non quòd id Ecclefia, fed tempora exigèrent.

Prifcillianiftæ repressi.

MVNDI

4617.

CHRISTI

564.

Iuftinianus in Catholicos fœuit, eiusque primum impetum proximus fentit Eutychius Epifc. Constantinopolitanus, quem de falſis & inanibus criminibus accusatum de fuâ per milites traxit Ecclefia, mutatoque sæpe exilij loco Amafeam ad Monasterium deportandum curauit; quod vir ſanctus pluris fuâ fede faciebat. Subſtitutus eſt Ioannes, Scholaſticus cognomento, moribus diſſimillimis, adulator aulicus, & quodlibet patii aut facere paratus vt magnus eſſet. En quibus Heterodexi confidere ſolent.

Iuftinianus in Catholicos fœuit.

Hoc anno Charamnus finem rebellandi in patrem, v iue ndique fecit. Cùm enim ſubnixus Britannii cuiusdam Comitii auxilio, cum patre conſigere auſus eſſet, victus atque captus cum vxore, ac filiabus, à quibus ad rebellionem incitabatur, in tuguriolo ruſtico juſſu patris viuus combuſtus eſt, ſupplicio indigno Principe, & indigniore quoniam à patre imperabatur.

Charamnus viuus exuſtur.

Obiit hoc anno S. Medardus Neuiomienſis Epifcopus, cuius corpus Sueſſionas tranſtulit Clotarius, ipſe pheretro ſubſiciens humeros. Fuit hic frater S. Gildardi Epifcopi Rothomagenſis, quos eodem die natos, Epifcopos ſecratos, & mortuos S. Audoënuſ cecinit, quamquam non eodem anno; quod qui non obſeruauere, in plurima abſurda ſtolidiùs incidere.

Obitus S. Medardi.

MVNDI

4618.

CHRISTI

565.

*Iustinia.
mus mori-
tur.*

Iustinianus Imperij sui anno 38. cum mensibus octo, I. lib. Nouemb. mediâ nocte extinctus est, cum in lix sset exilium Anastasio Sinaitæ. Impœnitentem mortuum esse antiqui scribunt, recentiores pœnitentem; id Dei iudicio reseruemus, neque tantum arrogemus nobis, vt in Dei Tribunal ascendamus. Porro caue iis adhibeas fidem quæ de eo ac Belisario, & eorum vxoribus scripsit Procopius *ὁ τοῦ ἀνδρόντος* in quibus se denunciatum calumniatorem ostendit, & Silentum alterum, ex eodem ore calorem & frigus, laudes & conuicia egerentem.

*Iustinus
II. ei suc-
cedis.*

Successit ei, optante & vrgente Senatu, Iustinus secundus Dulcissimi filius ex Vigilantiâ sorore Iustiniani; qui Sophiam duxerat vxorem Theodoræ neptem. Creatus jam fuerat ab auunculo suo Curopalates; quæ dignitas ei ad Imperium gradus fuit: Huic Imperium longè antea præcinuerat Eutychius tunc exul, erga quem se præbuit qualis fuit in Iosephum pincerna; eius minùs recordatus, nisi cùm Ioannes è viuis abiisset. Eius porro laudes cecinit Corippus Africanus Grammaticus poësi, quæ pro tempore vendibilis est.

*Corippus
Poeta.*

*Clotarij
mors.*

Clotarius Rex Francorum annis 51. ab obitu Clodouæi patris, post aditum sepulchrum S. Martini, & hic peccatis ritè expiatis, correptus febre in venatione obiit Compendij. Delatus est à filijs Sueffionas, sepultus in æde S. Medardi, quam postea Sigebertus filius eius Rex ædificauit. Regnum in quatuor Tetrarchias diuisum, Charibertus Parisijs, Chilpericus Sueffionibus, Guntheramnus Aurelijs, Sigebertus Rhemis fixere sedem; sic iterum diuisa Francia, peritura sine dubio, nisi hanc singulari tutelâ Deus ipse texisset, atque ad vnum Principem reuocasset.

*Regni
Francici
diuisio.*

Iu-

MVNDI CHRISTI

4619.

566.

Iustinus hoc anno Consul creari voluit, quo Ecclesiæ etiam sollicitior quàm Imperij fuit, sed Deo huic allaborante, dum ipse Deo & Ecclesiæ suas consecraret curas. Cùm enim venissent Auares, à Chagano Rege annuam pensionem recepturi, quæ ijs à Iustiniano numerabatur, reiecti sunt; iisdem indictum bellum, nisi quiescerent. Adfuere & Turcæ cum muneribus, Auarum hostes, petituri ne hi reciperentur, cum ijs committendi, si se mouerent. Turbæ quoque Alexandrinæ sedatæ per Photinum Belisarij præuignum, pax externa atque domestica viguit, seuerè inhibitis disceptationibus, quæ prius animos, deinde & corpora disungunt.

*Iustina Iu-
stini felici-
cia.*

Bonus ergo fuit Imperator Iustinus, cuius malus, mollis, obscænus, avarus, si Euagrio fides; ut mirum si tot vitia cum tot virtutibus esse copulata.

*Iustinus
viciosus.*

MVNDI CHRISTI

4620.

567.

Iustinus Æthereum & Addæum, Senatores magnæ authoritatis sub Iustiniano, de medio sustulit, reos conturbationis in Principem aliorumque criminum, quibus aulici mulctandi nunquam carent. Sublatus & Iustinus cognatus Imperatoris, vir fortis, & bellicis artibus clarus, primum deportatus Alexandriam, deinde ibidem necatus in lectulo, non ob aliam ut creditur causam, quàm quia fortis esset, ac militi charus, cuius allatum caput Augustus & Sophia pedibus contriuere, maiori proterentium, quam protriti dedecore.

*Varia cō-
des sub Iu-
stino.*

Narses malè acceptus à Sophia, & quia Eunuchus lanam in palatio cum puellis nere iussus, interminatus est Augustæ relam, quam nec ipsa nec eius maritus retexerunt. Aibdi:

*Narse
enocat
Larobato-
dos.*

num Regem Longobardorum ergo ex Pannoniâ euocat in Italiam ; quâ potiti sunt annos supra ducentos : Longinus in Narsetis locum missus est , homo ad accipiendam quàm ad inferendam cladem paratior. Hic autem obserua duos Narsetes à quibusdam assignari , & huius criminis suspicionem a plerisque à primo rejici propter summam viri huius sanctimoniam , sed vtrumque est adhuc sub iudice . Hoc certissimum , parasse hoc anno expeditionem Longobardos , diuinitus prenunciatam multis signis & ostentis , quæ magnam calamitatem , ac propè mundi finem præcinerent .

*Athana-
gildis filia.*

Athanagildus Gothorum Rex hoc anno moritur in Hispaniâ , cui successit Liuba . Athanagildo duæ fuerunt filiæ , Galsuintha quæ Chilperico nupsit , & minor Brunecildis quæ Sigeberto , ambæ catholicæ licèt Ariano patre natæ , sed qui in Catholicos benè animatus esset .

*Galsuin-
tha , &
Brunecil-
dis .*

Galsuintha per Chilpericum , suadente Fredegunde , necata , quam hic deperibat , felicior fuit post vitam quàm in vitâ : Brunecildis scæmina nequam tandem grauissimas pœnas dedit ; plus laudata à Sanctis viris quàm ejus vita mereretur , quibus plerumque facilius à facinorosis hominibus imponitur .

MVNDI

CHRISTI

4621.

568.

*Longobardorum ir-
ruptio.*

Alboinus Longobardorum Rex , Francorum amicitiam fretus , Hunnorum societate potens , & à Gepidis Saxonibus , Bulgaris , aliisque Barbaris adiutus irrumpit in Italiam , non eam occupaturus , sed desolaturus ; tantumque formidinis omnibus iniecit , vt de vitâ potiùs omnes , quàm de bello cogitarent , maximè eùm huic præfset Longinus hâc præfecturâ indignissimus , neque alio etiam tempore tolerandus .

Sophia Augusta auditis pauperum clamoribus, omnes ære alieno impeditos ad se acciuit, eorumque nomina dissoluit. Imperator quoque aduocatis præfectis suis denunciauit, vt abstinerent ab omni iniuriâ, vel alterum eligerent Imperatorem, sibi ratum esse deinceps iniustis & rapacibus non imperare. Sed tum Principis ad exemplum Orbis compositus non est.

*Iustini, &
Sophia
charitas.*

M V N D I

C H R I S T I

4622

569

Liuba Gothorum Hispanorum Rex Collegam sibi acciuit Leuugildum fratrem, cui & cessit Hispanicam suam ditionem, Gallicâ suâ parte contentus, vt quiëtus viueret, ratus magna Regna magnas sollicitudines esse.

*Leuugildus præst
Hispanie.*

Tiberius excubitorum Comes hoc anno nobilem de Auaribus retulit victoriam, ostenditque Iustino bellicosam hanc gentem non esse Romanis metuendam, quoties hi à bono duce regerentur.

*Tiberij
victoria
de Auaribus.*

M V N D I

C H R I S T I.

4623.

570.

Longobardi Mediolanum occupant, & Ticinum seu Papiam obsident, omniaque castra obtinent & vrbes vsque ad Tusciam; Roma & Rauennatantum eorum furorem vitarunt, quod instar incendij decurrerent, omniaque depauperantes; adeo vt ad interitum gentis euocati esse viderentur.

*Longobardorum ex
cursionibus.*

Mortuus est hoc anno Paulinus Aquileiæ Patriarcha, non tantùm sic dictus quia Metropolitani esset; (quem sic aliquando dictum esse ex multis liquet) sed quia schismatici sic principem suæ sectæ vocare soliti essent. Cum autem Episcopi Venetiæ, Istriæ ac Liguriæ reuulsi essent à Summo Pontifice in causâ Trium Capitulorum, ac Paulinus his omnibus præmineret, ideo Patriarcha nuncupatus est; ac deinceps pacis causâ; hoc ei nomen à Summis

*Patriar.
chatus A-
quileiensis*

Pontificibus relictum; titulus veriùs præteritæ culpæ, quàm dignitatis.

*Charibertus
Rex ex
communis
catus.*

*Leuigildus
regnat
in Hispania.*

Rex Charibertus ob incestas nuptias à S. Germano Parisiensi Episcopo anathemate percussus est, nec ab hoc Ecclesiæ fulmine cum sua corona ac tanta dignitas texit.

Liubæ Regi mortuo in Hispaniâ successit Leuigildus eius frater, qui Theodosiam scæminam valde catholicam duxerat, sororem S. Leandri, ex cuius tamen consortio non profecit, Ario vsque ad insaniam additus. Obijt quoque Theodominus ibidem Sueuorum Rex, huic admodum dispar; qui filio suo Ariamiro, à S. Martino ex graui morbo sanato, cum regno pietatem reliquit hæreditariam.

CAPVT VIII.

DECAS OCTAUA.

Ab anno Christi 570. ad 580.

MVNDI

4624.

CHRISTI

571.

*Alboinus
necatur
à uxore.*

Alboinus Ticinum seu Papiam capit, post trium annorum serè obsidionem; quam ne diriperet insigni miraculo deterritus est. Nec ita multò post Kal. Octob. interfectus est operâ coniugis suæ Rosimundæ, cui in conuiuio Veronæ vinum in cranio patris eius Cunimundi Regis propinarat. Hæc furore correpta Helmingem armigerum mariti sui, & Peredecum incitat ad eum cædendum, etiam eis copiâ sui corporis factâ. Peractâ cæde fugit illa cum suo Helminge Rauennam ad Longinum, vbi & illi suadente Longino nupsit: sed cum illa marito suo medicatum poculum dedi-

dedisset, hic venenum suspicatus eam reliquum poculi haurire coëgit: sic ambo paulò post mortui pœnas libidinis & crudelitatis ab se invicem exegere. In locum Alboini successus est Clephis non diu regnatus.

Succedit ei Clephis.

MUNDI

CHRISTI

4625.

572.

Mortuus est hoc anno Ioannes 3. Pontifex cum sedisset annos ferè 13. 3. Id. Iulii; cuius sedes vacavit mensibus decem, diebus tribus, cessatione his maximè temporibus perniciosâ.

Ioan. III. moritur.

Obit quoque Parisiis Charibertus Francorum Rex, regni sui anno 8. excommunicatus à sancto Germano, & alio feriendus anathemate, quod villam sancto Martino vi eripuisset, sed hunc sanctus Martinus alio telo, & quod magis credebatur, perculit. Successit ei frater Sigebertus Rhemorum rex, suâ indole, & fratris pœnâ melior effectus.

Charibertus obiit.

Incolæ Maioris Armeniæ in ditione Persarum, à tempore Philipphorum Imperatorum malè vexati propter fidem à Cosrhoë, missis ad Iustinum Legatis huic se dedunt, & Persas præfectos trucidant. De hoc facto quæritur Cosrhoës, sed nihil obtinet, quia induciarum tempus elapsum erat, & de Christi causâ agebatur, omnibus præferendâ.

Armenii se Ro. dedunt.

MUNDI

CHRISTI

4626.

573.

Creatus est in Ioannis locum Benedictus cognomento Bonofus, patriâ Romanus, suo tantum cognomine cognitus Græcis.

Benedictus Papa.

Clephis seu Clepho Rex Longobardorum, cum regnasset anno vno; & mensibus quinque, à seruo suo interfectus est; post quem fuit interregnum decem annorum, Ducibus 30. Italici civitates quæ sibi obtigerant miserè depopulantibus, dum quisque sibi parare capit unde sibi vindicet regnum: quando etiam Eccle-

Clephis moritur.

30. Tyranni domantur.

sia

ſia magnopere vexata eſt , plerisque ex ijs præfectis aut Gentilibus aut Arianis , aut certè malis Catholicis ; omnibus nihil præter pecuniã exquirentibus .

MVNDI CHRISTI

4627.

574.

Auares & Perſæ Syriam vaſtauere , occupatã ciuitate Darã ; ac nihil propiùs fuit quàm vt ipſa Antiochia caperetur . Quod cùm didiciſſet Iuſtinus æger (vertigine enim plerumque laborabat) incidit in phreneſin , dilucidis tantùm interuallis ſanus , iſque breuiſſimis . Itaque Sophia à Coſrhe Ë inducias triennales multis precibus obtinuit . Sanatus autem eſt Imperator appoſito capiti Conſtantine ſreno , in quo vnus è Chriſti clauis inſertus erat ; quod beneficium in totum Imperium redundauit .

Iuſtinus æger ſanatur .

Simeon Styrita, Junior.

Samaritæ hæretici in Syriã debacchantur in imagines Chriſti , & Sanctorum ; quã de re eſt admonitus Iuſtinus à ſancto Simeone Styrita Iuniore , qui in Columnã quoque magna miracula edidit , ipſe quoque aliud miraculum grandius .

Gregor. Turonenſis Epif.

Mortuo ſancto Euphronio Epifcopo ſucceſſit Gregorius Turonenſis , genere quidem , ſed & ſanctitate ac ſuis ſcriptis illuſtrior . Hic menſe altero ab inauguratione ſuã , fruſtra tentatis aliis remediis , hauſtu pulueris S. Martini repente ſanatus eſt , aliiſque plurimi , inter quos Venantius Fortunatus patriã Taruiſanus , Poëta bonus , nec ingratus in medicum ſuum , cuius miracula quatuor libris cecinit , poſtea factus Piſtauienſis Epifcopus ; nec minùs ſanctitate quàm liberalibus diſciplinis ornatus . Florebat tum Merlinus vates hoc tempore , de quo multa ſui Britanni fabulantur , quæ tu ignorare poteſ ſine doctrinæ diſpendio .

Merlinus vates.

MVNDI CHRISTI.

4628.

575.

Iustinus nactus aliquod sanæ mentis interual-
lum, suadente vxore Sophiâ Tiberium gene-
re Thracem, Excubitorum Comitem, Cæsa-
rem creat; huicque Imperium commendat,
cui regendo par erat propter egregias animi
corporisque dotes, quas religio magna con-
diebat; quo aptiorem Iustinus eligere potuit
neminem, & tum se planè sapere demonstra-
uit.

*Tiberius
fit Cæsar.*

Longobardi hoc anno irrumpunt in Gallias,
& Nicæam aliasque vrbes capiunt, & euertunt;
aggrediuntur quoque Burgundiones: sed tan-
dem à Mummulo Patricio duce Gutheramni ad
internecionem deleti sunt; quibus præliis Epi-
scopi fratres duo, Salonius & Sagittarius, pu-
gnauere fortiùs & generosiùs, quàm eorum di-
gnitas & conditio patiebatur.

*Longobar-
di in Gal-
lia vieti.*

MVNDI CHRISTI

4629.

576.

Bellum ciuile inter Guntheramnum, Zige-
bertum, & Chilpericum Denatum multo san-
guine, multaque crudelitate gestum est, vti
multis ostentis prænunciatum erat: nam circa
Parisios sanguine pluisse perhibetur; & visa
passim in cælo tela ignea, aciesque infestis
inter se telis depugnantes. Frustra Franci
Pontifices eos conciliare conati sunt; reserua-
tum hoc erat sancto Martino, cuius suffragijs in-
ter se conuenere fratres, quando minùs spera-
batur.

*Bellum
Ciuile in
Gallia.*

MVNDI CHRISTI

4630.

577.

Benedictus cum sedisset annis 4. Menses 2.
dies 15. post menses tres, & dies decem, sedis
vacantis 4. Idus Nouemb. successorem habuit
Pelagium secundum, patriâ Romanum, filium
Vvinigildi; vnde cum fuisse genere Gothum non
imprudenter suspicabere.

*Benedicto
succedit
Pelagius
secundus.*

Tum

*Italia va-
glata.*

Tum vihs Roma obsidebatur à Longobardis, tota Italia cædibus flammisque sumabat: quare Pontifex creatus est inconsulto Imperatore; aut ejus Exarcho; in hoc Italiæ vastitas, utilis Ecclesiæ fuit.

MVNDI CHRISTI

4631.

578.

*S. Euty-
chius sue
restituatur
sedi.*

Defuncto Ioanne Episcopo Constantinopolitano, cum sedisset annos 12. & 7. menses, recordatus est Tiberius beneficiorum quæ à sancto Eutychio receperat. Nam & huic pollicitus erat Imperium, & apud Iustinum primò eum Notarium collocarat. Itaque eum sedi suæ restituendum curavit, cum magno populi gaudio, exceptusque est ab ipso Iustino cum singulari honore 5. Non. Octobris, in vitâ & post mortem miraculis clarus, ideo casibus variis exercendus.

MVNDI

CHRISTI

4632.

579.

*Iustino II.
succedis
Tiberius.*

Mortuus est hoc anno Iustinus II. Imperator, cum Orientem rexisset annis tredecim & novem mensibus, relicto successore suo Tiberio Constantino. Hic statim redegit in ordinem Sophiam Augustam, quodd hæc Iustinianum Iustini nepotem ad Imperium attollere conata esset, quoniam Tiberium viderat salutasse Anastasiam Augustam uxorem suam, sed occultam. Credebat enim Sophia hunc cœlibem esse, ideoque eum promouerat, spe nuptiarum; sed & his & dignitate propter animi impotentiam excidit. Tiberius autem increpauit duntaxat Iustinianum, eumque deinceps dilexit, ac copiis Persicis præfecit, quia admonitus erat diuinitus in somnis, in eius Imperio tyrannos nequaquam emersuros; idque concessisse Deum magnâ gratiâ: maior etiam fortè prænucciassè fuit.

Francica pax hoc anno iterum turbata est, Guntheramno & Chilperico in Sigebertum con-

conspirantibus . In atrocissimo prælio Theodebertus filius Childerici victus, & cæsus est. Obsedit statim Rothomagum Sigebertus, Chilpericum certus perdere, licet dissuadente sancto Germano Antistite Parisiensi : & verò hic anno vitæ quadragesimo artibus Fredegundis vxoris Chilperici, per sicarios, cum secretò fingentes alloqui, gladiis veneno illitis cæsus obiit. Successit ei statim filius Childebertus, paternam necem dissimulare compulsus.

*Sigilertus
cadi-*

Merouæus filius Chilperici ex coniuge Audouera, Brunichildem relictam patrui sui Sigeberti ducit vxorem; & inçestas nuptias etiam contra patrem armis defendere voluit: sed victus atque captus attonso crine presbyter ordinatus est, atque relegatus in monasterium: unde fugit ad Ecclesiam S. Martini, vbi & communionem à Gregorio Turonensi extorsit, & asylo defensus est: sed misso milite à Childerico cum sibi reformidaret, & monitus esset sortibus sacris sibi perniciem imminere, fugit ad suam Brunechildem; sed non receptus ab Austrasijs, & Princeps infelix, & malus presbyter fuit.

*Merouæus
Brune-
childem
ducis.*

Obiit denique hoc anno illustris Antistes S. Germanus, nactus vitæ suæ illustrem scriptorem Venantium Fortunatum, Epitaphij autem sui Regem Chilpericum, & meliorem Poëtam quam principem.

*S. Germanus,
mon-*

M V N D I

C H R I S T I

4633.

580.

Prætextatus Episcopus Rothomagensis de tribus criminibus accusatus à Fredegunde confectis, & spe veniæ ea confessus turpiter, vt declinaret pœnas, post dira verbera in insulam relegatus est: quando, & Merouæus volens à suo familiari cæsus est, ne veniret in manus inimicorum, eò nequissimæ Fredegundis artibus inductus. Sic mortali furia inter

*Fredegunda
furor.*

Fran-

Francostum impune sæuiebat.

*Boiarii
conuersi.*

Hoc anno, Childeberti alterius secundo, cum præisset Boiariæ Theodo nominis huius tertius, Boiorarij ad Christum conuersi sunt à Ruperto Episcopo Vormatiensi, qui gentis huius Apostolus audiit: hæc regio cum tardiùs religionem recepisset, pietate suâ sarcinè tempus, multosque sanctos intulit cælo.

CAPVT IX.

DECAS NONA.

Ab anno Christi 580. ad 590.

MVNDI
4634.

CHRISTI
581.

*Mors Cos-
rhois, cui
succedit
Hormis-
das.*

Cosrhoes Rex Persarum tam fortiter est repressus à Iustiniano & Mauritio ducibus, eiusque ditio tam sædè vastata, vt ex concepto mœrore Rex superbus interierit, decreto priùs emissione Persæ vnquam Romanos bello lacefferent: quidam & Baptismate tinctum ante mortem fuisse volunt; neque tantum regnasse diu, sed & religiosè obiisse. Successit ei filius Hormisdas, quem patris iussiones in officio continere.

*Gregorius
præfatus
vrbis.*

Gerebat hoc anno Vrbanam præfecturam Gregorius, qui postea & Pontifex, & Magnus fuit. Quem qui Benedictinum fingit, ad Ioannem Diaconum amandandus est, vt nugas suas aliquâ autoritate tueatur. Erat autem Gregorius patriâ Romanus, cuius atauus fuit Felix non quartus origine Samnis, sed tertius, pater Gordianus, Syluia mater. Fuit autem Monachus ex ordine S. Equitij sub Valentino seu Valentione Abbate; & vix monasterium ingressus, factus est S. R. E. Diaconus à Pelagio II. moxque mis-
sus

fus Apocryfarius Constantinopolin; neque enim tanta lux diu latere potuit.

M V N D I CHRISTI.

4635.

582.

In Concilio Cabillonensi accusati Episcopi duo illi milites, Salonius & Sagittarius, homicidij, adulter j & perduellionis, depositi sunt; nec eorum superior vita malè damnatos fuisse arguit.

*Episcopi
milites de
positi.*

Eutychius Constantinopolitanus librum edidit de resurrectione mortuorum contra Gentiles & hæreticos, cui tamen errorem Origenis interseruit, negans eam futuram cum carne palpabili. Obstitit ei fortiter S. Gregorius, tum Constantinopoli Apocryfarius, & coram Tiberio cum erroris conuicit; quare liber Imperatoris jussu flammis exustus est: quam tamen injuriam tulit Eutychius, ut viri sancti solent qui ex ignoratione peccauerunt, maluitque perdere famam quam fidem.

*Eutychius
à S. Gre-
gorio con-
uictus.*

M V N D I CHRISTI.

4636.

583.

Mortuus est hoc anno Eutychius mense Aprili post Pascha, cum sedisset iterum in sede sua annis quatuor, & mensibus sex; vere pœnitens, & publicè tum etiam professus se in carne quam tangebatur resurrecturum: itaque apud Græcos habetur inter sanctos, eiusque cultus anniuersariâ die quotannis recolitur. Succēssit ei Ioannes cognomento Ieiunator, homo hypocrita, & ventre flaccido, superbiâ tumens, ut ante præiudicauerat Eustathius; & verò ex simulatione fugit, ne Episcopus fieret, sed summo opere timens ne excideret hæc sede, quam omni spe vorauerat, sicque latens, ut videri vellet.

*Eutychij
mors.*

*Ioannes
Ieiunator
ei succedit*

Tum quoque obiit Tiberius, cum solus regnasset annis 4. ac moriturus tradidit Imperium Mauritio, quem antea Cæsarem dixerat ob res præclarè gestas, eique simul suum impertiit nomen: quare deinceps dictus Mauritius

*Tiberio
succedit
Mauritius*

tius Tiberius, eique filiam suam junxit vxorem Constantinam, dictam Augustam. Mauritius oriunduserat ex Arabisso vrbe Cappadociæ, vir fortis & religiosus, & quo Tiberius eligere non poterat Imperio & Ecclesiæ meliorem ac vtiliorem rectorem.

*Fredegū.
dis suis.*

Fredegundis tunc temporis sæuebat, Franciæ furia; cuius operâ nihil propius factum est, quàm vt Gregorius Turonensis excideret Episcopatu, in Synodo Brennacensi; in quâ tamen absolutus est, excommunicati eius accusatores. Hanc autem vt Deus reuocaret ad officium, sicut & maritum eius Chilpericum nequaquam vxore meliorem, ei duos abstulit filios Clodobertum & Dagobertum, peste tum grassante elatos; quos vt seruaret mater omnia iniusta nomina sua publicè combussit: sed iis sublati, rediit ad vitia sua; immo Clodouæum filium Chilperici ex Audouerâ, in carcerem detrusum quasi sibi infidiantem interimendum curauit, vulgatâ famâ eum sibi manus intulisse, vt vitam simul & honorem perderet.

*Ingundis
uxor H. r.
menegildi
malè ba-
tira.*

Contigittum grauis in Hispaniâ à Leuigildo Ariano in Catholicos persecutio; quâ Ingundis Giseberti, & Brunehildis filia se fortem præstitit, calcibus etiam vsque ad sanguinem appetita ab auia suâ Gotsuinthâ olim Athaglagildi vxore matre Brunichildis, quæ postea Leuigildo nupserat; sed Ingundis non tantum fortis, sed & felix fuit, maritum suum Hermenegildum filium Leuigildi lucrata Christo. Hic autem pugnare parans in patrem, euocatis in auxilium Græcis, legatione per S. Leandrum Hispalensem initâ, didicit Catholicam fidem meliùs patientiâ quàm armis conseruari.

MVNDI

CHRISTI.

4637.

584.

*Longo-
bardis Rō.
exagitat;
in ad
Francos
confugit.*

Pelagius auxilium aduersus Longobardos petit ab Imperatore Mauritio, qui ad Childebertum pecunias misit vt inuaderet sædifragos; recon-

reconciliati enim erant per Igidium Rhemen-
sem Episcopum Childebertus & Chilpericus ,
eâ lege vt ille huius hæres esset : sed ducibus
missis in Italiam parum concordibus negotium
discussum est , Longobardi in Rom. Pontificem
& Romanos furere perrexerunt omni ope desti-
tutos .

Gregorius Romam reuertitur , misso ad no-
uum Imperatorem nouo Apocrisario ; vbi &
scripsit in schismaticos ob Tria Capitula , iussu
Pelagij Papæ ; qui liber missus est ad Eliam Pau-
li Aquileiensis Episcopi successorem , sed eo
fructu qui obstinatis potest expectari .

*S. Grego-
rius scri-
bit de 3.
capitulis.*

MVNDI CHRISTI

4638.

585.

Longobardi à cæde Regis sui Clephis decen-
nio toto carentes Principe , filium eiusdem
Clephis dictum Autharith Regem eligunt : hic
vt nomen suum molliret se Flauium dixit , quo
prænomine omnes deinceps Longobardorum
Principes vsi sunt . Tum autem Præfecti dimi-
dium bonorum suorum in Regios vsus ac fiscum
contulere , ne totum perderent , si distracti id
possidere vellent .

*Rex Lō.
gobard.
Autharith*

MVNDI CHRISTI

4639.

586.

Philippicus Præfectus Orientis , cui sororem
suam Gordiam Mauritius dederat vxorem , con-
secutus est nobilem de Persis victoriam beneficio
imaginis *αρχοποιου* à Christo ad Abgarum
Edesiennum missa ; quâ clade nontantum Persæ,
sed & eorum Magi sunt repressi , polliciti suis vi-
ctoriam : hi vani & mendaces , illi ignaui &
fugaces deprehensi .

*Victa de
Persi per
ima ginem
Abgari .*

Pelagius confugit ad Smaragdum Exarchum
Rauennatem vt schismaticos Istrios retunderet ;
hic Rauennam deductos vi compulit commu-
nicare cum Ioanne huius vrbs Episcopo , qui
Tria Capitula damnauerat . Sed ij redeuntes
ad suas sedes , & ab alijs Episcopis , & populo

*Istorum
schisma .*

exagitati, redierunt ad suum schisma, quod tantum metu mali posuerant.

MVNDI CHRISTI

4640.

587.

*Ioan. Cō-
stantinop.
arrogat
sibi nomen
Oecumē-
nici.*

Ioannes Constantinopolitanus (in eâ Synodo quâ absolutus est Gregorius Antiochenus factione Asterij Comititis Orientis, accusatus de multis criminibus à suis Antiochenis) sibi titulum Patriarchæ Oecumenici arrogavit; sed statim repressus est à Pelagio, omnia huius Concilij Acta, præter absolutionem Gregorij, irritata. Quare si antea quisquam Antistes Constantinopolitanus dicitur Occumenicus, ut in Actis v. Synodi; certum est dolo Græcorum id in codices irrepsisse; quos in hac arte falsariorum peritissimos fuisse postea videbimus.

*Tertiu mo-
tus Antio-
chie*

Contigit terræ motus ingens Antiochiæ, quo Deus ultus est Gregorium; Asterius virginem uxorem ducens oppressus est, cum multis in celebritate harum nuptiarum exultantibus; Gregorius, licet caderet eius domus, incolumis emerfit; docuitque Deus rebelles in Antistitem suum, non tantum in deserto, sed & in ciuitate perituros.

*Va cones
in Fran-
ciam trā-
seant.*

Vascones, Hispanus populus, Pyrenæum montem tum accolens, descendit in Aquitaniam, & in eâ hæsit tam tenaciter, ut ad hoc vsque tempus in eâ nomen, sedemque defixerit.

*Fredegū-
dis adul-
tera pe-
dit
Chilper-
ici.*

Fredegundis cum Landerico Majore domus turpiter volutata, & imprudenti vocolâ detectâ, Chilpericum, inito consilio cum adultero suo, perdere parat. Quod factum; & dum enim ex venatione nocte jam obscurâ redit, à sicariis confossus impiam reddidit animam, Rex sui seculi Nero, vel Herodes, cui sua Herodias non defuit. Reliquit puerulum 4. mensium, Clotarium postea dictum; Fredegundis in præmium sui facinoris verè Regina fuit, sola regnum administravit.

Her-

MVNDI

CHRISTI

4641.

588.

Hermenigildus pugnaturus in patrem Leuigildum, desertus à Græcis auxiliatoribus, quos hic corruerat pecuniâ, fugit in Ecclesiâ, ex qua fide datâ retractus coniectus est in carcerem, in quo dum recusat ex Arianæ manu communionem capere ipsâ nocte Paschatis, iussu parentis securi percussus est: Ingundis eius vxor cum filio paruulo à Græcis erepta, vt deduceretur ad Imperatorem, in Africa obiit, ab marito nequaquam diuulsa, & cum eo inter martyres computanda. Inde recruduit in Hispaniâ persecutio aduersus Catholicos, S. Leander & Fulgentius Episcopi fratres relegati, multi interempti; quorum sanguine & exiliis breuî pax empta est Ecclesiæ.

S. Hermenigildus caditur iussu patris.

Extensa quoque persecutio in Sueuos, in Clericorum ordinem relegato Audicâ, qui Eburicum Ariamiri filium, regniq; hæredem incluserat monasterio; Sueui ad Arianam sectam compulsi, à quâ mox tamen per Reccaredum reuocati sunt, fratris potius sancti, quàm impij parentis imitatore.

Persecutio in Sueuorum.

Magnus est tumultus hoc anno excitus in exercitu Persico Romanorum, qui exautoratis ducibus suis alios sibi delegerant: tandem oratione, lacrymis, prostratoque ad terram corpore, eos Philippico reconciliauit Gregorius Episcopus Antiochenus, & ad vincendos hostes paratiores reddidit & alacriores.

Tumultus Ro. exercitus.

MVNDI

CHRISTI

4642.

589.

Guntheramnus ulturus Hermenigildum & Ingundem, grandem conflauit exercitum, quem immisit in Septimaniam. Sed eius milites inter eundem multa nefanda etiam in Ecclesias perpetrarunt. Quare cum iis occurrisset Claudius Lusitaniæ dux cum 300. viris, eorum

Sacrilegi Franci deuili.

eorum sexaginta millia fugauit aut trucidauit: neque Deus martyres suos à militibus vltos esse voluit, multò minus à grassatoribus, atque sacrilegis.

*S. Prætextati
Martyriū*

Prætextatus Rothomagensis Episcopus Fredigundem Francicam Iezabelem fortiter reprehendens, eius iussu in Ecclesiâ suâ orans persicarium trucidatus martyr esse meruit, ac morte suâ præteritam eluitignauit.

*Restagnatio
Tiberis &
Athesis
Flumij.*

Contigit hoc anno Romæ ingens Tiberis exundatio supra muros Urbis restagnantis, & secum ad mare vim incredibilem serpentium deuehens, inter quos instar trabis inuentus est vnus. Eas bestias cum ad littus mare reiecisset, ibique feræ computruissent, inde ingens coorta est pestis, quâ tota est afflicta Italia. Nec Tiberis tantum sed & fluuius Athesis in Italiâ creuit, cuius aqua cum ascendisset vsque ad templum S. Zenonis Veronæ, illud tamen patentibus portis non subiit, inclusis etiam ex flumine aquam petentibus; quod vix crederetur nisi huic miraculo fidem faceret testis Papa Gregorius.

MVNDI CHRISTI

4643.

590.

*Pelagius II
S. Gregorius
vini
ius sufficit.*

Pestis Romæ in Italiâ sæuiens, inter alios Pelagium II. extulit, quando homines sagittæ quasi de cælo ferire videbantur, qui statim inguinariâ lue afflabantur. Obiit autem S. Idus Febr. cum sedisset annos 12. menses. 2. dies. 27. cessauit eius Episcopatus menses 6. & dies 25. electusque S. Gregorius totius Cleri consensu, ob nobilitatem, doctrinam, & sanctitatem; non tamen sedit, nisi assentiente Mauritio; quod ne hic faceret, Gregorius datis litteris impedire conatus est. Sed pios eius conatus elusit Germanus Præfectus Urbis; atque electio Imperatori vehementer placuit, qui à viro sancto filium suum ex Baptismi fonte suscipi voluerat, tanti compatriis affinitate latatus. Cum autem litteræ Imperatoris venissent Romam, latebras captauit Gregorius;

sed

sed indicio columnæ lucidæ pendentis è cœlo detectus, in Basilicam Sancti Petri deductus est tanto mœrore, quanto nunc gaudio Præsules in suis sedibus collocantur. Persoluit tamen pecuniam Imperatori pendì solitam, non uti Pontificatum emeret, sed ne ab Imperatoris præfatis impediretur obire munus suum; sicque hæc pensitatio non dignitatis, sed vexationis redemptio fuit.

Tum Gregorius ad pestem auertendam Litanias septiformes excogitavit ex Clericis, viris Laicis, Monachis, ancillis Dei, sæminis coniugatis, viduis, pauperibus, & infantibus. Quando & supra molem Hadriani idem Gregorius vidit Angelum in vaginâ recondere gladium, dum imago B. Virginis deferretur. Ridiculè autem quidam salutationem sternutantium ad id tempus referunt, quòd tum sternutantes morerentur cum ea longè antea esset in usu apud Gentiles; cuius & Plinius Veronensis meminit, & tum tradit Deos inuocatos: quam consuetudinem retinuimus, & Idolorum loco verum Deum substituimus.

Guntheramnus multis precibus, jeuniis, & eleemosynis populum suum exemit lue; dignus cuius contactu etiam miracula fierent. Appetitus etiam à sicario, vulnerari non potuit; quem morte multari noluit, sed tantum verberibus, quòd in Ecclesiâ captus esset; etiam in iusticiâ suâ Rex pientissimus.

Obiit & hoc anno S. Radegundis miraculis clara, & cui natales nihil profuerunt, nisi ut miserior esset. Reliquit monasterium magnæ ob illam venerationis, quod Episcopis commendauit, certius in cœlo patrociniū eius susceptura.

Suscepta est hoc anno à Francis incitatis à Maurizio Imper. in Longobardos expeditio, ex quâ nihil præter prædas retulere, & morbis consumpti in patriam rediere, cum eis præsto

*Pestis
Romæ
cessat*

*Gunthera.
mni pietas*

*S. Radegundis
gandis
bisus.*

*Franci in
Longobardos
monchs.*

non fuissent Orientales, fide Gracā eis auxilium polliciti. Obiit autem Antarith Rex Longobardorum, à S. Gregorio & aliis dictus Apatharius; diuinæ ultionis monumentum.

Reccaredus regnat

Reccaredus hoc anno successit Leuigildo, in Arianā suā hæreſi mortuo, cū annis decem & octo regnasset ab obitu Liubæ fratris Reccaredus statim est Catholicus factus, immo & omnes suos ad veram perduxit fidem, auxilio Hermenigildi nobilius regnantis in cælo.

Turba Persica.

Hormisdas Persarum Rex à Varamē rebellante in custodiam datus, & excæcatus, eius loco filius Cosrhoēs regnare iussus. Qui cū ad patrem cibos mitteret, ille eos conculcasset, Cosrhoēs fustibus cæsum patrem mori compulit. Sed cū Cosrhoēs exemplo patris non saperet, à Varamē appetitus bello, suis ad rebellem confugientibus, sugere coactus est ad Mauritium, à quo magnificè exceptus, etiam regno restitutus est; sicque intellexit se diuinā ope, potiùs ad Christianos, quàm ad Turcas confugisse, & à Deo fugam eius esse directam.

CAPVT X.

DECAS VLTIMA.

Ab anno Christi 590. ad 600.

MVNDI CHRISTI

4544.

591.

Cosrhoes restitutus regno.

Cosrhoēs hoc anno restitutus est Regno per Narsetem incruentā potitum victoriā: quando in exercitu rebellium Persarum Turci inuenti sunt in fronte signati cruce ferro candenti, ut à se luem abigerent. Mansit tamen Gentilis Cosrhoēs: sed Naamenes Saracē-

dus

nus Princeps cum suis omnibus ad fidem conuersus mœrorem Mauritii demulsit.

Sanctus Gregorius dignum se suo nomine præstat Ecclesiæ vigilantissimum pastorem. Apagè porro hinc fabulam de sex millibus capitum, qui suffocati fuissent infantium, quæ piscatores attulere ad S. Pontificem prohibentem Sacerdotibus nuptias; quæ dum iactant heterodoxi, ostendunt se mentem cum fide perdidisse.

*S. Gregor.
vigilantia.*

Creatus est tum Rex Longobardorum, mortuo Autharicho, Agilulphus seu Agon. Duxerat hic uxorem Theolindam, per quam ab Arianâ sectâ reuocatus est cum suis à Gentilium erroribus: totâque Italiâ potitus, præter Romam & Rauennam cum adiacentibus locis; in baptismo vocatus est Paulus; sicque uxori suæ & regnum, & victorias, & veram fidem debuit.

*Agilulphus Rex
Longobardorum.*

MVNDI

CHRISTI

4645.

592.

Mauritius Imperator Legem Iuliani Apostatæ renouauit, ne quis miles, nondum expleto militiæ tempore, fieret monachus. Obstitit fortiter huic edicto Gregorius, & emendari voluit, exemplis iis qui verè pœnitentes essent; & cum Mauritio adeo sapienter egit, vt neque Cæsari quidquam, neque Deo detraheret.

*Greg. obstitit
Mauritio.*

Vexatus est hoc anno graui morbo Gregorius, sed mœrore multo magis, de Italiâ vastata per Arnulphum Longobardorum ducem. Quare egit cum Ioanne Episcopo Rauennatè vt sibi impetraret à Romano patricio Exarcho licentiam contrahendæ cum Longobardo pacis honestis conditionibus; sicque prouideret Romanis suis, quibus defendendis Græci pares non erant.

Longobardi præuallentes.

MVNDI

CHRISTI

4646.

593.

S. Gregorius hoc anno suos Dialogos scripsit, natus aliquid otij, quod non inutile fuisse Eccle-

*S. Greg.
Dialogi.*

Ecclesia sensit. Conuersi sunt Græcè à Zachariâ Papâ, id optantibus Græcis, à quibustamen eorum posterî non abstinerunt manus.

*Turke in
monast. S.
Rodegud.*

Duæ Moniales, Chrodielidis filia Chariberti Regis, & Basina filia Chilperici, sub S. Rade-gundæ professæ, eâ mortuâ jugum Leuboueræ Abbatisæ excusserunt, in ipsam ac Episcopos per sceleratos satellites suos sauerunt; quare excommunicatæ sunt, eaque sententia anathe-matis sæpe in Synodis confirmata. Basina tan-dem veniam petiit, & Abbatisæ se subiecit; Chrodielidis communionem obtinuit, sed extra monasterium vixit, piis illis virginibus indigna connumerari.

*Hunni
Thracias
populâtes*

Chaganus seu Caianus, Hunnorum rex, cum Auaribus & Sclauinis Istro traiecto Thraciam depopulantur: sed multis certaminibus initis tandem repressi sunt à Prisco duce, quem Mauritijs depositum, præfecturæ restituere compul-sus est, isque se tali munere bis dato dignissi-mum præbuit. Profuit etiam plurimum Theo-dori Medici ad Chasanum profectio, cuius ora-tione factum ut Rex ille Thraciam relinqueret; sicque eloquentia armis coniuncta stabilem ac plenam pacem reddidit.

MVNDI

4547.

CRISTI

594.

*Anastasijs
Synaita
restituatur.*

Mortuo Gregorio Episcopo Antiocheno, post annos tres & viginti restitutus est Anastasius Sinaita, magnâ Orientis & Occidentis gratula-tione.

*De catenis
S. Pauli.*

Constantina Mauritijs Imper. vxor petiit à S. Gregorio caput S. Pauli Apostoli, in Ecclesiâ quam nuper ædificarat collocandum; quod negauit Pontifex, veritus miracula in illiusmodi translationibus fieri solita. Pollicitus est tamen de catenis aliquid, quibus Paulus vinctus fuerat; ex quibus cum limâ quotidie aliquid abradere-tur, non imminuebantur tamen, factæ quodam modo

modo ex tanti viri contactu immortales, atque rediuiuæ.

MVNDI

4648.

CHRISTI

595.

Hoc anno Gregorius Papa Ioannis Ieiunatoris repressit audaciam, & superbiam, qui se in litteris *Vniuersalem*, seu *Oecumenicum* Patriarcham appellabat, idque dicere, esse perdere fidem asseruit: & Sabinianum Apocrisarium suum cum eo communicare vetuit, ne eius arrogantia fauisset videretur. Cur autem Gregorius etiam ab hoc nomine abstinuerit; ex eius Epistolis intelliges, & variam vocis huius notionem esse obseruabis, ne te Heterodoxorum argutie impliceant.

*S. Greg.
Io: Ieiunatori
olst.*

Romanus Exarchus Rauennæ, aliquas vrbes eripuit Longobardis, quas statim Agilulphus recepit, agrumque Romanum sædè vastauit. Volebat Gregorius pacem fieri cum Agilulpho, eumque à pace non alienum putabat; at Mauritius simpliciorum credebat Gregorium: eius tamen precibus factum, & SS. Apostolorum patrocinio, vt Roma intacta seruarietur, & suis viribus, sine copiis Græcis, Longobardorum potentiam bonus ille Pontifex irrideret.

*Roma
seruatur.*

Scriptit & hoc anno S. Gregorius ad Brunichildem, eiusque filium Charibertum, Epistolas quibus eximie laudes gentis Francicæ continentur, eorum laudatur pietas, & dicitur Francicæ Reges tantum superare reliquos Principes, quantum Reges priuatis antecellunt. Quæ cum magnæ sint, & veræ, fiunt ex calamo tam sancti Pontificis maiores, atque veriores.

*Laus exi-
mita Frã-
corum à S.
Gregorio.*

Tum etiam cogitauit Gregorius de Anglis ad fidem conuertendis, curauitque cmi ex iis plurimos adolescentes qui in monasteriis instituerentur, quod propter dignitatem & elegantiam vultus & corporis essent An-

*Anglorum
conuersio.*

gelis quàm hominibus similiores, etiam non multùm abludente vocabulo.

MVNDI CHRISTI

4649.

596.

Io: Ieiunator moritur.

Ioannes Ieiunator Episcopus Constantinopolitanus cùm sedisset annis tredecim obiit creditus à suis sanctus ob hypocrisin, partemque cum Angelis superbis sortitus. Successit ei vir optimus Cyriacus, qui statim ad Gregorium Pontificem scripsit, & ad eum Gregorius: vetuit tamen Sabiniano ne adesset huic sacra facienti, donec Oecumenici nomen ex suis titulis expunxisset; adeo hoc nomine vir sanctissimus pungebatur. Tunc etiam damnauit eos qui putarent Christum descendentem ad inferos, omnes eum confessos liberasse; idque SS. Patribus & Ecclesiæ placitis minùs consonum esse docuit.

Gregorius Oecumen. nom. ferre non potest.

Augustin. Anglia Apostolus.

Augustinus mittitur cum sociis in Angliam, & respondens animos reuersusque Romam ob rei difficultatem iterum remittitur rectè animatus à Pontifice; cui Deus hanc gentem conuertendam suis auspiciis promississe videbatur.

MVNDI CHRISTI

4550.

597.

Oecumen. nom. Gregorius exagitat.

Missi à Cyriaco Constantinopolitano Episcopo Responsales cum professione Fidei, & litteris quibus petebat tam ipse, quàm Mauritius, vt illi in communionem admitterentur. Admisit Gregorius, sed vetuit Apocrisarium suum Cyriaci, assistere sacris, nisi priùs Oecumenici nomen ex suis titulis expunxisset; & rescripsit ad Cyriacum & Imperatorem concordiam plenam fieri non posse nisi hoc fatale nomen tolleretur; perpetua rixarum inter vtramque Ecclesiam materies, & seminarium.

Anglorum conuersio.

Augustinus cum sociis bene receptus est ab Edilberto Anglorum in Cantio Rege, & in eius Metropoli Dorouernâ, quæ postea Cantuaria dicta

dicta est : duxit Rex ille vxorem Bertham ex regio Francorum sanguine Christianam, quæ Christianitatem non parum prouexit. Rex conuersus ad eorum prædicationem, & miracula, decem millia in die Christi Natali, sacris aquis elutos vidit; Augustinus, jam antea factus à Gregorio Episcopus, luculentum fortitus est gregem.

MVNDI

CHRISTI

4651

598.

Gregorius pace diutiùs sine fructu tractatâ, ac sæpe per Exarchos impeditâ, fœdus cum Longobardis ad tempus inuit, prouidens interea ne fœdifragi homines eius fide abuterentur; atque ita minoribus magis præcauens, vt maioribus prouideret.

*Gregorij
prudencia*

Mauritius Tiberius grauissimo laborans morbo, ac propè in extremis, testamentum suum condidit, quo Theodosio filiorum maximo, jam Augusto, Constantinopolim cum Oriente, relinquebat, Romam cum Italiâ & insulis Tyrrheni maris Tiberio, alias ceteris liberis suis, quibus impuberibus tutorem præficiebat Domitianum cognatum suum Melitinæ Præfulem, cui negotia omnia magni momenti communicabat; At enim ita magis suæ familiæ, quam Imperio sic distracto consulebat.

*Mauritius
malè dicitur
dis I per
vium.*

Hoc denique anno 4. Kal. April. mortuus est Guntheramnus Francorum rex piissimus; cum annis 33. regnasset, relicta vnâ filiâ Clorilde; & adoptato Childeberto. Hic statim excitatus à Brunechilde matre appetiit bello Clotarium II. Tutore suo destitutum: sed fortiter obstitit Fredegundis, hætenus callida, nunc etiam fortis; hæc enim in exercitum portauit filium suum, cumque tam sæpe, & oratione tam aptâ Francis ostentauit, vt pro puero mori illi non dubitarent. Addidit, & fortitudini suorum, stratagema Landericus, quo victi Austrasij, eo turpiùs quòd sub auspiciis sceminæ, eius adulteri consilio & manu essent superati.

*Gunthera
mini obitu*

*Fredegunda
dis fortis
suo.*

MVNDI

CHRISTI

4652.

599.

*Anastasi
Synaita
mors.*

Mortuus est hoc anno Antiochenus Antistes Anastasius Synaita, cum sex annis iterum sedi suæ præfuisse; vir suâ eruditione ac sanctimoniâ de Ecclesiâ optimè meritus, & S. Gregorio charus. Successit ei alter eiusdem nominis Anastasius, quem mors à Iudæis illata magis quam vita commendauit.

*S. Grego-
rii Anthri-
tis.*

Hoc anno Gregorius laborare podagrâ cœpit, adeoque ab eo tempore ferè affixus est lectulo, vnde tamen allaborabat grauiter Ecclesiæ, atque in infirmo corpore valere sanam mentem sapienter ostendit.

*Brunechil-
dis, &
Fredegun-
dis regnât*

Mortuus est hoc anno Childebrandus Austriæ Rex, & hæres Guntheramni, anno ætatis 25. cum uxore Faleubâ, non sine suspitione veneni utriusque à Brunechilde propinati. Huius sub tutelâ relictum est regnum Theodorico, & Theodeberto; sic Franciæ vniuersæ Regnum duabus non tam sceminis, quam mortalibus furiis subiectum est. Harum altera Fredegundis non diu superstes fuit, iterum enim victrix operâ sui admissarij Landericici obiit, graues in alterâ vitâ scelerum suorum pœnas depensura.

MVNDI

CHRISTI

4653.

600.

*Chaganus
Auarum
Rex Vc-
netam re-
gionem po-
pulat.*

Chaganus seu Giganus Auarum Rex cum Slauinis Italiam ingressus Venetam prouinciam depopulatus est; quo in bello Agilulphus dux Fori Iulij periit; eius relicta Romilda spe nuptiarum cum Rege, ei Forum Iulium prodidit: sed ab eo palo infixâ publicè pœnas impudiciæ, ac superbiæ dedit. Eius filiæ castiores adhibuere sibi ad mamillas pullorum carnes, quibus computrescentibus, dum Auares putant eas sic à naturâ malè olere, eas intactas reliquere; quæ postea per varias regiones venditæ, pudiciæ

citiz suæ recepere præmia, vnaque Alemanno-
rum Regi, altera Principi Boioariorum nupsit;
ambæ formâ & virtutibus illustres.

Inde transiit in Pannoniam ac Thraciam Cha-
ganus, tantumque terroris Constantinopoli-
tanis iniecit, vt ij jam de deserendâ Europâ cogi-
tarent. Sed calamitas Chagani consilium hoc ti-
midum impediit. Cùm enim S. Alexandri Mar-
tyris templum incendisset, eiusque reliquias af-
fecisset contumeliâ, inguinaria lues sic inuasit
eius exercitum, vt eum panè deleteret, eius filios
septem vnâ die extingueret; itaque in patriam
suam malè mulctatus rediit. Cùm autem priùs
obtulisset Mauritio singulos captiuos redimendos
vno nummo, postea quatuor siliquis, & condi-
tionem recusasset sordidus Imperator, omnes
interemit; ob quas sordes postea Mauritius gra-
ues pœnas dependit.

Missa est tum quoque legatio ab exercitu Per-
sico ad Mauritium contra Priscum ducem, in quâ
cùm Phocas Centurio liberius Imperatorem al-
locutus à Patricio recepisset alapam, pilis etiam
euulsis è barbâ, ille occasionem inde turbarum
arripuit, quibus sibi Imperium peperit glorio-
so dedecore.

*Mauritij,
Imp. ana-
ritia.*

*Phoca
inijcia.*





LIBER VII.

Ab anno Christi 600. ad 700.

CAPVT PRIMVM.

DECAS PRIMA.

Ab Anno Christi 600. ad 610.

MVNDI
4654.

CHRISTI.
601.

*Anglica.
na flores
Ecclesia.*



Anglicanæ Ecclesiæ res hoc anno
latissimum cursum tenuerunt,
templa Idolorum in Ecclesias
consecrata meliores in vsus adhi-
bita sunt, curante hæc Gregorio,
impigrè laborante Augustino,
qui primus Dorouernensis seu Cantuariensis An-
tistes, gentis Anglicanæ dictus est Apostolus.

*Bellum
inter Frân-
cie Re-
ges.*

Bellum conflatum inter Theodebertum ac
Theodoricum Austrasiæ Reges atque Clotarium
II. Pugnatum acriter; victus Clotarius Parisios
fugit, ubi & obsidione cinctus est; tandem
composita pax victo inhonora, victoribus uti-
lis, eorum extensis dirionibus. Tumque intel-
lexit Clotarius se Fredegunde matre suâ, quan-
tumuis iniqua, nimis citò caruisse.

MVNDI

CHRISTI

*Vidi Ro-
mani &
Longobar-
di.*

4655.

602.

Victi per Paganum ducem Spoleti Longo-
bardum Romani; qui tamen eodem anno su-
bla-

blatus est vir Ethnicus; & cùm ejus operâ in plestendis filiis suis Deus nequaquam indigeret.

Aquileiensis Patriarcha deinceps dictus est Gradenſis, incensâ Aquileiâ: & quanquam noua eſſet Aquileiâ reſtituta, perſtitit tamen nomen, vt idem Præſul modò Gradenſis, modò Aquileienſis appellaretur.

Patriarcha Aquileienſis.

Mauritius anno Imperij ſui vigefimo, deſpici cœpit à ſuis, adeo vt Maurum quemdam Mauritio ſimilem aliiſ coronatum imponerent aſſino, ac per urbem circumducerent. Prænunciatum quoque fuit Imperatori cum interſiciendum eſſe, ab eo cuius nomen inciperet à littera Φ , aut PH; & Philippicus tantum periculum euafit, quia integrum nomen percufforis eidem Imperatori reuelatum eſt. Et verò miſerat ad omnes viros pios Mauritius vt à Deo obtinerent, ne in alterâ, ſed in hac potiùs vitâ puniretur, ob necatos à Barbaris Auaribus ejus culpâ captiuos. Itaque cùm juſſus eſſet Romanus miles vltra Iſtrum hyemare, rebellauit in Imperatorem, atque impoſitum clypeo ſeditioſum Centurionem Phocam dixit Auguſtum. Hic ſtatim alacritate ſuorum uſus, venit ad Hebdomum, fugiente in ſuis nauibus cum vxore & liberis Mauritio. Statim receptus à Senatu Phocas, & à Cyriaco inſignibus Imperij exornatus. Cùm autem ventus contrarius in portum Mauritium repuliſſet, in conſpectum noui Imperatoris attractus vidit in ſuis oculis trucidari liberos ſuos, id tantum Davidis repetens ad ſingulas neces *Iuſtus es Domine, & reſtū iudicium tuum.* Immo nutrice filium pro Imperatorio obtrudente, verum repreſentari juſſit, cuius ex vulnere lac cum ſanguine exiit; ac demum ipſe vltima tantæ lanienz viſtima caſus eſt. Obiecta ſunt publicè hæc capita ex contis uſque ad ſceterem, tumque ſepeliri conceſſa. Vir alia fortunâ

*Mauritio calanitas intenta-
tur.*

*Phocas ſe
Impe at.*

*Mauritius
cum fami-
lia exter-
minatur.*

dignior visus, humana tantum mortali oculo spectantibus; sed quam ipse exoptarat, ut æternum felix esse posset; & Imperium caducum perdere, ne celesti regno priuaretur. Huic ergo successit Phocas, corpore deformis, animo turpior, & in quem omnia vitia confluxere, si hæresin excipias; quare à Deo Constantinopolitanis in vindictam datus, quia eo nequior non poterat reperiri.

*Frigus in
gens, &
pestis.*

Tum autem tanta frigora sæuierunt, ut congelato mari perierint pisces, pestisque ac fames insuper grassatæ sunt; quò intelligeretur quam iratus esset Deus, qui Tyranno Phocâ, tam atroci, contentus non esset.

MVNDI CHRISTI

4656.

603.

*Theodosius
caditur.*

Theodosius primogenitus Mauritij, prefectus ad Chosroën petiturus auxilia, interceptus Nicææ à Phocâ interfectus est. Iactatum tamen alium eius loco similem suppositum esse; unde Tyranno quieto esse non licuit, Theodosium ubique adesse reformidanti. Cosrhoës quoque Legationem Phocæ repulit, ulturus acerrimo bello Mauritij necem, à quo in regnum restitutus fuerat: neque vanæ fuerunt Persarum minæ; ab iis enim Imperium Romanum in vltimum discrimen venit, cuius ruinam tantum impietas, & fastus Cosrhois impediit.

*Cosrhoës
desistit
Mauri-
tium.*

*Gregorius
resistit Lon-
gobardis.*

Arnulphus Longobardus Dux Spoletinus Romam obsidere parat; huic fortiter restitit Gregorius, etiam copiis comparatis, reque militari diligenter curatâ, ne quid omisisse videretur. Et verò huic magno animo paruerunt bellatores viri; tanti Pontificis pietate, quam armistutiores.

MVNDI

CHRISTI

4657.

604.

*Gregorius
pax cum
Agilul-
pho.*

Gregorius hoc anno pacem iniit cum Agilulpho Longobardorum Rege, cuius infantulo ritu

ritu Catholico à matre Theolindâ baptizato misit Pontifex philacteria, & munera quæ simul & gratum animum, & pietatem testarentur.

Gregorius Magnus, cum sedisset annos 13. menses sex, dies decem, 4. Idus Martias receptus est cælo, *Quem sanctitate Antonium, Eloquentia Cyprianum, sapientia Augustinum* S. Ildephonsus Episcopus Toletanus scripsit; ut mirum non sit, visum esse ei assistere sub columbæ specie Spiritum sanctum, cum aliquid scriberet. Vir tamen tantus calumnias vitare non potuit, & eius scripta tantum non exusta sunt; nec tamen ille minori in pretio fuit, atque ea sunt studio diligentiori custodita. Huic successit Sabinianus, patriâ Volaterranus, eius antea Constantinopoli Apocrisiarius, ideoque pæne jam Gregorij suffragio dignus hac sede iudicatus.

S. Gregorius Magnus.

ei succedit Sabinianus.

Bellum Persicum hoc anno inchoatum est, quando Cosroës irrupit in Romanum Imperium, & Narses Edessam obtinens in Phocam rebellavit. Domitius Magister militum missus in Cosroëm se & exercitum perdidit; Germanus Prætor in Narsetem copias tantum; neque incolumis rediisset, nisi S. Gregorius Martyr patrocinio suo, & S. Theodorus Sicensis Archimandrites precibus ab eo vitæ discrimen depulissent.

Bellum Persicum in Romanos.

MVNDI

4638.

CHRISTI

605.

Aduualdus filius paruulus Agilulphi Rēgis Longobardorum Rex creatus est Mediolani cotam Legatis Theodoberti Francorum Regis, & pax cum ijs firmata. Seuero autem Patriarchâ Aquileiæ mortuo, successus est in eadem vrbe Ioannes, ex consensu Agilulphi; ab ijs verò qui parebant Romanis in Grado insulâ, Candidianus; vnde duo minuti facti Patriarchæ ex vno paruulo, ex vno schismate duplex schis-

Duo Patriarchæ Aquileienses & Gradensis.

schismaticus factus . Mox tamen Candidianus communicauit Ecclesiæ Romanæ : quare ab aduersarijs schismaticis, solito iis more, vocatur hæreticus . Duo ergo dicti de neceps Patriarchæ sunt Gradenſis & Aquileienſis, qui duo antea vnius erant nominis . At cum Aquileienſis sese contuliſſet Forum Iulium, quod in Grado insulâ non satis securus esset, dictus quoque duplici nomine idem Patriarcha Gradenſis & Foro-Iulienſis seu Iulienſis . Quæ controuersia sub Eugenio Papâ terminata est in Concilio Mantuano, tumque sublata est nominum rerumque confusio, Ecclesiæ pernicioſa .

*Sabinianus Papa
non succedit
Bonifacius Ter-
tius .*

Sabinianus Papa, postquam sedisset menses quinque, dies vndeſiginti, mortuus est; cuius funus ignobile fuit, propter sordes, atque in pauperes avaritiam . Sigebertus quoque scribit ter admonitum in somnis à S. Gregorio, & non resipiscentem, quartò in capite grauitè percussum esse; sed fides sit penes authorem sæpe vaniloquum, nonnunquam mendacem. Cumque vacasset sedes mensibus vndecim, ac diebus viginti sex, anno sequenti creatus est Bonifacius Tertius qui missus fuerat ad Phocam Apocrifarius; quæ legatio multis ad primas insulas præiudicium fuit .

*Narſes
viliſſus exi-
ſtus .*

Phocas Narſetem Ducem aliàs rebellem, iteratis iuramentis de securitate perfidiosè reuocatum, vixum exuri iuſſit, priuauitque duce Romanum Imperium, hiſce temporibus contra Perſas à modum neceſſario . Sed quid agas? Tyrannus minùs ſubditos, quàm ſe curare ſolet .

MVNDI CHRISTI
4659. 606.

*Oecumeni-
cè nomen
ablatum
Epiſc
Conſtan-
tinopoli-
tano .*

Simultates inter Phocam & Cyriacum ſunt enatæ, cum Conſtantina relicta Mauritiij, conſilio Germani Patricij ambientis Imperium, cum tribus filiabus in Eccleſiam conſugiſſet . Has enim cum per vim retrahere conatur Pho-

ca,

cas, huic restitit Cyriacus, & fractus populo reiecit Imperatorem. Mox tamen illæ, fide datâ, exeuntes clausæ sunt in monasterio. Itaque Phocas iratus Cyriaco fanciuit edicto suo, nomen Occumenici, seu Vniuersalis, vnum decere Romanum Pontificem, non autem Constantinopolitanum, qui idantea malè vsurparat; quare antiqui scriptores tradunt hoc Bonifacium Tertium ab Imperatore Phocâ obtinuissè, bono hominis improbissimi factò.

Hoc item anno, quo Romæ habita Synodus de Pontificis electione, vetitumque ne de eâ tractaretur, nisi post tertium eius mortis ac depositionis diem, 4. Id. Nouembr. obiit Bonifacius III. cum Petri sedem tenuisset tantùm mensibus 8 diebus 26. vacauitque sedes eadem menses 18. dies sex, longiori morâ proreceptâ temporis huius consuetudine, quo ad Imperatorem recurrendum erat, sine cuius autoritate nemo poterat in Petri sede collocari.

*Moritur
Bonifa-
cius III.*

MVNDI

4662

CHRISTI

607.

Bonifacius IV. natione Marfus 14. Kal. Dec. Romanus Pontifex est creatus, qui statim obtinuit à Phocâ Pantheon, à M. Agrippâ tempore Augusti statutum, vt ab Idolis purgatum Deo dedicaretur. Consecratum est ergo B. Virgini, atque omnibus martyribus, quorum corpora plurima (Baronius ex fidelissimis Manuscriptis currus plenos eorum lippianis elatos esse asserit) eò subuecta sunt vt essent multis daemonibus, inde eiectis, terricula.

*Succedit
ei Boni-
facius IV.*

*Pantheon
consecra-
tum.*

Patefactâ hoc anno coniuratione in Phocam Constantinæ, eiusque filiarum, cum Germano Patricio, spe viuientis Theodosij filij Mauritiij, cuius loco alius ei similimus cæsus esse ferebatur; data Tyranno ingens exercendæ suæ crudelitatis materies. Ac primò Constantina cum filiabus tribus (alijs enim fuere superstitites)

*Coniura-
tio in
Phocam.*

in

in eodem quo Mauritius cæsus erat loco interfecta est. Obruncatus quoque Germanus, & Theodorus Orientis Præfectus, & aliique multi Patricij quorum nece ac sanguine Imperium suum stabilire nequicquam Phocas conatus est.

*Cosrois
victoria.*

Idem Phocas grauissimis manuum pedumque doloribus ægotans sanatus est à S. Theodoro Siceotâ, quem Thomas antistes euocarat, vt portentum de concussis crucibus in Galatiâ enarraret. Interea Cosroës totam Syriam, nullo prohibente, depopulatus est, multo Romanorum sanguine vltus Mauritium à Romanis Tyranno proditum, aut flagitiosè desertum.

MVNDI

4661.

CHRISTI

608.

*Clades
Imperij
externa,
& dome-
stica.*

Sæuere hoc anno in Oriente & Constantino- poli fames atque pestis, itemque Persæ, multis vrbibus captis in Armeniâ, Cappadociâ, Galatiâ, locisque omnibus Chalcedonem vsque atroci populatione vexatis: sed longè magis Tyrannus Phocas multis nobilibus trucidatis; adeo vt Priscus ipsius gener, negans hoc monstrum diutius ferendum esse, Heraclium Prætorem Africæ ad eum tollendum incitarit. Ita Tyrannis corruit cùm deuenit ad summa.

*Episcopi
Const. &
Alex.
mortui.*

Thomæ mortuo successit Episc. Constantino- politanus Sergius, laudatus ab eximio Poëtâ Georgio Pisidâ, magnæ spei tum iuene, sed postea delapso in hæresin Monothelitarum. Obijt quoque Alexandria S. Eulogius, magnus vindex Epistolæ S. Leonis, cui hic in somnis rependit gratias; huicque successit Theodorus Scribon, post duos annos mortuus, Episcopatu vsus neque claro neque diuturno.

MVNDI

4662.

CHRISTI

609.

*Iudæi re-
pressi.*

Iudæi Alexandria in Christianos sæuere, multos occiderunt, aliquos incenderunt. Intru- lere etiam necem Anastasio Episcopo, cuiusque corpus

corpus contumeliosè traxerunt ; ideoque hic Martyr agnoscitur ab Ecclesiâ . Quare missus in eos cum copijs Bonosus Orientis Præfectus, multos occidit , multos mutilatos relegauit ; non tantùm ad pœnam sed ad terrorem .

Phocas à Prasiniis irrisus in circo , multos è populo sustulit;quare Prasini conglobati,in Prætorium miserunt ignem;quo incensa Curia, scripsia,carceres.Iam enim erant duæ custodiæ,cùm à tempore Constantini , vnus in hac Vrbe fuisset carcer . Sed cùm videret pia sœmina vinciorum pædorem , domum suam in carcerem obtulerat , misericordiâ hisce crudelissimis temporibus vtilissimâ .

Seditio in Phocam.

Duo carceres Constantino poli.

M V N D I

4663.

C H R I S T I.

610.

Heraclius in Africâ acclamatus Imperator , cum classe & exercitu Abydum appulit;victis que mox Phocæ copijs Constantinopoli potitus est; quando idem Phocas ad eum victus perductus , manibus pedibusque primùm truncatis , ac demum capite, à militibus combustus est.Egregiam in eo operam nauauit Heraclio Priscus, ideoque factus Cappadociæ Præfectus; sed cùm res nouas moliretur , eiusdem iussu interfectus est ; pœnâ semper proditores insequente .

Heraclius Imperat.

Cæsus Phocas.

Priscus sublat.

Theodoro Alexandrino post duos annos mortuo successit Ioannes , cognomento Eleemosynarius, Cyprius, filius Epiphaniij huius insulæ Præfecti ; quoque sanctiorem & vtiliorem Ecclesiæ suæ Præsulem in omnibus sanctorum actis vix aliquem inuenies .

S. Ioan. Eleemosynarius.

Præerat tum Hispaniæ Rex Gothorum Gundemarus, jam tertius Rex Catholicus à Reccaredo, cui successerat Liuba, huic Vvittericus. Vvitterici seu Bertrici filiam Hermenbergam duxerat Theodoricus , sed eam artibus auæ suæ Brunehildis remisera, seruata dote . Cùm eam iniuriam vltus non esset Bertricus , contemptus est à suis;

Status Hispaniarum sub Gothis.

à suis ; immo eum in palatio suo interemit Gundomarus , & se Francis submisit , vt ab iis defenderetur . Sub hoc Gundomaro autem habitum est Toletanum Concilium in quo huius vrbis Episcopus renunciatus est Metropolitanus non tantum Carpetaniæ , sed & Carthaginensis prouinciarum : quando autem & à quibus idem factus sit totius Hispaniæ , non est huius loci , neque authoris .

CAPVT II.

DECAS SECVNDA.

Ab anno Christi 610. ad 620.

MVNDI

CHRISTI

4664.

611.

*Nasceitur
filius He-
raeli , mo-
ritur eius
uxor .*

Pergit Cosrhoës populari Cappadociam, vbi & Cæsaream capit; quando Eudocia Augusta peperit Heraclium Minorem, qui & doctus est Constantinus Iunior, quem in Baptismo suscepit patrinus S. Ioh. Eleemosynarius. Paulò post obiit Augusta magnifico elata funere; in cuius fere- trum cum puella Barbara ex fenestrâ sputum im- prudens emisisset , viua combusta, crudelibus in- ferijs Eudociæ parentauit.

MVNDI

CHRISTI

4665.

612.

*Saraceni
Syriam
vastam.*

Heraclius filiam suam Epiphaniam & filiolum Constantinum Augustos coronandos curat. Tum cessantibus Persis, jam prædâ satiatis, Saraceni Syriam vastauerunt, atque omnia flammis, ferroque deleuerunt; maioribus postea malis præ- ludentes .

*Sæculi
Brunc-
childis in
sanctos
viro .*

S. Columbanus Abbas Monasterij Laxouien- sis in pago Bisuntino, charissimus Theodorico, ab eo abalienatus est; & quod eius impudicos

amo-

amores abrumperet, per impiam Brunechildem missus in exilium, benignè susceptus à Clotario, cui præcinit totum Franciæ regnum, & Theodeberto; ac Moguntia aliquandiu commoratus, Sueuorum gentem ab idolorum cultu traduxit. Eadem quoque sceleratissima scæmina Desiderium & Delphinum Episcopos sustulit, & martyrum cætibz adscripsit, ipsa postea Tyrannorum sortem consecutura.

MVNDI CHRISTI.

4666.

613.

Heraclius Martinam neptem suam ducit uxorem; quam Augustam impiè coronauit Sergius. Persæ tum irruerunt iterum in Syriam, acceperunt Damascum; quando Cosrhoi Heraclius tributum obtulit, sed reiectus est à Persis, qui totum Rom. Imperium jam spe vorauerant; quod contigisset, si belli finis initio respondisset.

*Heraclius
pacem petiit à Persis.*

Brunechildis nepotes suos Theodebertum & Theodoricum inter se commisit. Victus ille adductusque ad auiam, Clericus ordinatus, vt postea magis impiè caderetur. Eius quoque duo filij, hac furia spectante, sublatis; quæ & tertium Meroueam juniorem ad pauimentum allisit; ne quæ oculis crudelis fuerat, manu innocens videretur.

*Brunechildis
crudelitas.*

MVNDI CHRISTI.

4667.

614.

Bonifacius IV. obiit sedis suæ anno sexto cum mensibus 8. diebus tredecim; & cum vacua fuisset Petri Sedes menses 5. dies. 12. Idib. Nouemb. creatus est Pontifex Deus dedit, suo nomine dignissimus.

*Deus dedit
succedere
Bonifacio IV.*

Laurentius Dorouernensis Episcopus, cum statuisset relinquere turbatam Angliam, noctu egregiè à S. Petro vapulauit: quare mane Regem adiens, & vibices ostentans, eum ita terruit, vt & idola, & uxorem suam relinqueret, factusque Christianus, exules Episcopos regni sui ex Galliâ reuocaret. Sic plus suis plagis Lauren-

*Americana
Ecclesia
reparatur.*

Laurentius, quàm suis verbis profecit.

*Theodoricus
eius perit.*

Theodoricus Franciæ rex, hoc anno fulmine afflatus obiit, aut potius veneno quod ei Brunehildis propinarat; hanc enim paulò antè pæne suo ferro necauerat. Eius filium Sigebertum in patris locum substituit. Erat ille Nothus ex concubinâ cum quinque aliis fratribus susceptus, & satis pius, utpote qui Frideburgam Gunzonis Ducis filiam sibi desponsatam, quia Deo virginitatem vouerat, liberatam à Dæmonibus ope S. Galli, sponsam Christi maluerit esse, quàm suam. Sed auix improbitas eum perdidit; cum enim hæc Vvarnerium perdere per Alboinum seu Albinum voluisset, idque Vvarnerius intellexisset, copias Austrasianas prodidit Clotario. Quare victus Sigebertus, & captus, cum suis fratribus cæsus est. Capta quoque Brunehildis, & tribus diebus quasi maga omnibus tormentis excarnificata, tandem alligata ad caudam pulli indomiti, per vepres atque saxa raptata & lacerata animam reddidit, indigno necis genere in filiâ, vxore, & matre Regum; sed quàm pæne legitimam eius horrenda scelera atque flagitia effecere.

*Brunehildis
crudeliter necatur.*

*S. Columbanus
obitus.*

Clotarius S. Columbanum ex Bobiensi monasterio prope Mediolanum reuocare conatus: sed hic eo in loco mori maluit; quod contigit 9. Kal. Sept. Clotarius autem eruditus, misericors, & amans Clericorum, optimè affectus est in S. Arnulphum Metensem Episcopum (cui filium suum Dagobertum erudiendum tradidit) & Lupum Senonensem; à quo veniam petiit, genibus flexis, quòd eum in exilium imprudenter repulisset: quorum precibus in administratione regni, quàm suis consiliis & armis confidebat magis.

*Clotarius
pietas.*

*Capti
Hierosolyma
um S.
Crucis.*

Cosroës hoc anno Hierosolymam cepit, unde Zachariam cum ligno S. Crucis in Persidem transtulit: Christianorum quoque 90. millia Iudæis vendidit, quos hi crudeliter excarnificatos

catos interemerunt; reliquis prouidit S. Ioannes Eleemosynarius, tum amplum suæ liberalitati campum sortitus.

Viuebat hoc tempore S. Antiochus in Palæstinâ Abbas Lauræ S. Sabbæ; cuius Homilias habemus, in quibus Hierosolymitanam cladem, & S. Crucis captiuitatem deplorat. Porro hæc eadem S. Crux tantum terroris Persis incussit, ut eam ex suâ Thecâ mouere non sine ausu, & causa fuerit cur S. Anastasius Persa ad Christum conuerteretur. Saraceni quoque Syriam depopulantes, multis miraculis aut repressi sunt aut sublatti, victore semper Deo etiam inter hostium triumphos & suorum clades.

MVNDI CHRISTI

4668.

615.

Cosrhoës hoc anno inuasit Ægyptum, Lybiam, & Africam Propriam, ubi Carthaginensem frustra tentauit. Tum autem eluxit S. Ioannis Eleemosynarij charitas & in Deum fiducia, quâ mirâ perpetravit; sicut & facient qui Deum potius, quàm humanam prudentiam sectabuntur, in pauperes liberales.

S. Crux
Persis incus-
tenda.

S. Io.
Eleemosynarij libe-
ralitas.

In Italiâ turbæ concitatae sunt Io. Compfino cæso, Ioanne Neopolitano Exarcho Tyrannidem arripiente; qui mox per Eleutherium Exarchum ab Heraclio missum bello captus, & necatus est. Eadem quoque Regio terræ motibus concussa est, & elephantiasi morbo, ex quo ægrotantem vnum Deus dedit Pontifex exosculatus reddit sanum; sic morbi huius turpissimi pietas amuletum fuit.

MVNDI

CHRISTI

4669.

616.

Mortuus est hoc anno Agilulphus Rex Longob. relicto successore filio Adalualdo sub tutela matris Theolindæ, sœminæ pientissimæ: ut Ecclesia S. Ioan. Bap. in Modoëtiâ, 12. mille pass. à Mediolano, satis edocet.

Agilul-
phus mori-
tur.

Capta

*Heraclius
de suis tã-
rũ libe-
ris sollici-
tus.*

Capta est hoc anno diu obsessa Carthago, dum oblitus Imperij Heraclius, de suis tantum liberis sollicitus esset. Certè Constantinum juniorem Cæsarem tum dixit; sicut & Constantinum ex Martinâ genitum, dum eorum patrimonium impune laceraretur.

MVNDI

CHRISTI

4670.

617.

*Deus de-
dit mori-
tur, succe-
dit ei Bo-
nifacius
Quintus.*

v. Id. Nouemb. moritur Deusdedit, vbi annis ferè tribus sedisset. Cùmque vacasset eius sedes mensem vnum, dies 16. successit Bonifacius V. 19. vel 9. Kal. Ian. quando Eleutherius Exarchus assumptâ Tyrannide, & nomine Regis Italia, cæsus est à militibus Rauennatibus, eius caput Constantinop. missum est, vt populi metum abstergeret.

*Heraclius
revertitur à
Cosphoë.*

Heraclius mittit Legationem ad Cosrhoëm, pacem quibus suis conditionibus, licet iniquis, exorans: proponitur vna, vt Christum eiuret; sumit hinc animos Heraclius, & ab eo sperat auxilium, qui magis, quàm Imperator Romanus impetebatur.

MVNDI

CHRISTI

4671.

618.

*Chagani
grassatio-
nes.*

Chaganus vel Caianus, Rex Auarum, pacis nomine Nouæ Romæ suburbia depopulatur; videlicet in vltimam infamiam deprimendus erat Heraclius, vt erigeretur.

MVNDI

CHRISTI

4672.

619.

*Sisebutus
succedit
Recare-
dus filius*

Præfuit tum Synodo Hispalensi S. Isidorus, huius vrbis antistes; quando & mortuus est Sisebutus, vir ex æquo fortis, prudens, & pius. Reliquit filium paruulum Recaredum, qui post sex menses obiit, habuitque successorem Suinthillam, qui pulsis reliquis Imperatoriis Hispaniam vniuersam sibi asseruit, & iactam à Sisebuto messem collegit.

Hera-

MVNDI

4673.

CHRISTI

620.

Heraclius ad bellum Persicum & sacrum ab Ecclesiis mutuas pecunias accipit, & vasa sacra confregit ut S. Crux recuperaretur, omnibus thesauris anteponenda. Missus autem ad colligendam pecuniam Nicetas Alexandriam, quid posset S. Ioan. Eleemosynarius intellexit quare ei arctissime conciliatus est, repositis omnibus quæ sustulerat. Optabat autem Heraclius ab eo benedici; itaque vir sanctus in Cyprum profectus, patriam suam ibidem mortuus est 10. Kal. Febr. Hic cum Deo de liberalitate visus est decertare, plures pecunias recipiens, quam effunderet, & factus semper dando locupletior. Successit ei Georgius, fortè eius consobrinus, in quo Sanctum Episcopum suum p'ebis Alexandria voluit honorare.

*Heraclius
bellum
Persicum
aggreditur*

*S. Ioannes
Eleemosy-
nari; obi-
tus.*

CAPVT III.

DECAS TERTIA.

Ab anno Christi 620. ad 630.

MVNDI

4674.

CHRISTI

621.

Heraclius mouet in Persas, relicto in vrbe filio suo, auspicatus eam expeditionem à rebus sacris, & plus Deo, quam militi suo confidens, quem & factis & verbis accendit. Ei occurrit Saës Dux Persa, Oriente vastato Chalcedonem vsque; qui cum Heraclium spe pacis ad colloquium pertraxisset, receptos ab eo septuaginta proceras victos misit ad Cosroëm. Sed huic vivo Rex eum detrahi iussit; quod vidisset Heraclium, nec retinisset; ipse Legatos retinuit, & tractauit acerbius susceptus est

*Heraclius
de Persis
victoria.*

est dux alter Sarbaras , quem ludificatus Hera-
clius retractum in Persidem vicit , eius copias
penitus deleuit , relictoque in Armeniâ exerci-
tu , victor Byzantium rediit; sed cum spe maio-
ris victoriæ , bellique profligandi .

M V N D I

4675.

C H R I S T I

622.

Heraclius offert pacem Cosrhoi , quam hic
recusat : itaque Persidem ingreditur , & Ga-
zacotem peruenit , vbi Cosrhoës ipse cum 40.
millibus electissimorum posuerat castra ; leui
hic accepto à Saracenis Heraclianis damno se
turpem dedit in fugam ; vrbes multæ à Ro.
captæ , templum Ignis incensum , Gaza Persi-
ca direpta ; consultisque Euangelij codicibus
hyemauit Rom. exercitus in Albaniâ , per
Crucem captiuam effectus victor , & redditam
ipsis detinentibus perniciosam . Tum autem
videns Heraclius captiuorum 50. millia , quos
habebat in castris , rigere frigore , solutos om-
nes vinculis remisit ad sua ; vt non tantum
armis , sed & liberalitate hostes expugnasse vi-
deretur .

*Heraclius
pergit pro-
spere pu-
gare.*

*Ægira
Mahumeti
& Sebi.*

Pertinet ad hunc annum Ægira Mahumeti ,
Iulij 16. quando hic Impostor ob excogitatam
falsam religionem fugit ex vrbe suâ ; est
enim Ægira Arabibus *Fuga* . Hic autem opi-
tio , vel camelorum curator fuit , qui heræ
suæ diuitis factus coniux , Iudæis atque Chri-
stianis interiectus , adnitente Sergio Mona-
cho , quem religiosus lapidibus sustulit , sectam
instituit ex omnibus sectis conflatam , vt pla-
ceret omnibus ; quibus voluptates corporis
adiunxit ; & arma , vt reluctantes malè mul-
taret . Reliquerat tantum schedas ex qui-
bus conflatum Alcoranum . Errores eius ex
aliis repetere , heu ! nimium notos ; si quidem
se jam in medium Christianitatis infuderunt ,
& nefa-

& nefarij huius hominis sectatores possident jam loca in quibus alias maximè Christi religio floruit.

MVNDI CHRISTI

4676.

623.

Rursus Persidem ingressus Heraclius, Sarabaciam, Sarbaram, Sain cum tribus validissimis exercitibus, variis stratagematis debellavit; licet destitutus à Lazis, & Absagis in patriam suam, Persarum metu, redeuntibus, & exercitu sæpe periclitante. Sarabaciam autem interemit, Sarbaram nudum effugere compulit, tantà hostium factà strage, ut hæc non Romanorum manibus, sed Dei virtute edita esse crederetur.

*Heraclii
alia pa-
gina, &
victoria.*

MVNDI CHRISTI

4677.

624.

Heraclius hoc anno monte Tauro superato, superavit & Tigrim fl., Euphratem vado traiecit, captisque Samosatibus & Tauro iterum superato venit in Ciliciam, ubi Sarbaram vicit; aliquo tamen, imprudentià suorum, accepto damno ad fluviū Sarum, quem ponte Persæ coniunxerant; & maius acceperant, nisi Heraclius suos ex magno periculo vindicasset. Tum etiam ipse Gygantem procerum deturbavit ex eo ponte, & nobilem fugatiū hostibus, victoriam retulit. Quare Sarbaras retrocedere compulsus. Romani Haly fluviū pertransito Sebastia hyemaverunt. Quibus nunciis efferatus Cosrhoes, Ecclesias omnes ditionis suæ spoliavit, & Christianos in Perside degentes Nestorii hæresin profiteri compulit, ut Heraclio stomachum moveret; demens! qui non intelligeret his iniuriis Deum affici, in eius perniciem ultimam incumbentis.

*Cosrhoes
efferatus
aliqua fa-
cit, quibus
sibi perni-
ciem as-
cerit.*

MVNDI CHRISTI

4678.

625.

Furore percitus Cosrhoes, quod ab Heraclio tam sæpe spreto, tam sæpe victus esset, co-
Tom. II. Pars II. H

pias

*Cosrhoes
ratā Per-
sidem in
Heracliu
amat in-
feliciter.*

pias parat, quibus certam sibi pollicebatur vi-
ctorem. Nec tantum in Perside bellare parat,
sed in Romanum quoque solum transferre parat
bellum, liberis omnibus & seruis, vocatis ad
militiam. Mittit ergo Sarbaram cum exercitu
potentissimo, qui Chaganum cum suis Auari-
bus, & sollicitatos, auro Bulgatos, Gepidas,
Slauinos depopulatores in Romanum infundat
Imperium, & Constantinopolim ipsam obsi-
deant. Aliunde Sainum Ducem, cum lectissi-
mis, & numerosissimis copiis opponit Heraclio;
ipse sibi reliquas reseruat. Heraclius autem li-
cet Deo fretus, bellum prudenter administrare
parat. Exercitum enim in tres partes diuidit,
quarum vnam mittit ad custodiam Urbis, aliam
sub Theodoro fratre obicit Saino; tertiam ipse
ducendam retinet, Cosrhoem aggressurus. Ac-
cipit quoque quadraginta Turcarum Orienta-
lium (quos vocant Gazaros) millia ab eorum
duce Ziebil, qui Caspiis portis perfractis, Per-
sidem ferro flammisque vastarat. Et votis ac
prudenter Imperatoris respondit exitus belli:
nam Sainus victus à Theodoro op. B. Virginis,
quæ grandine ingentis ponderis Persas obtri-
uit: Sainus ex mœnore obiit, cuius in cadauere
Cosrhoës multis vulneribus impotenter sauiit.
Auares quoque Constantinopolin obsidentes ex-
perti sunt hanc urbem *Παύση* esse, tem-
pestate, ac mutuis discordiis attriti. Sarbaras
obsedit Chalcedonem, sed biennio toto; qua-
re in suspicionem venit apud suum Regem, à
quo interfici iussus, soluit obsidionem, factâ
pace cum filio Heraclii; rediitque in Persidem,
cùm Cosrhoës vitæ suæ, quam vindictæ sollici-
tior esset. Ita tantus apparatus defluxit, Cosrhoës
hoc anno in suis legatis, infelix fuit, in sequenti
in se calamitosior.

*Bonifac.
V moritur.*

Moritur Bonifacius V. 8. Kalend. Nouemb.
cùm sedisset annos 7. menses decem. Vacauitque
sedes mensibus sex, dies duodeviginti, longio-
rem

rem successori suo, & exercitatio-
nem Pontificatum.

MUNDI CHRISTI
4679. 626.

Succedit Bonifacio Honorius natione Campa-
nus, vir doctissimus, & his temporibus impedi-
tissimis à Deo concessus. *Succedit
ei Honor.*

Heraclius irruit in Persidem hyemis tempore,
cum suis Turcis, qui tamen vi frigoris repressi,
& frequentibus irruptionibus Persarum in pa-
triam redierunt. Neque despondit animos Im-
perator, plus B. Virginis auxilio, quam suis
copiis confusus. Combustis ergo plerisque ciui-
tatibus obuium habuit Razatem, quem aggres-
sus Heraclius, in fronte exercitus depugnans,
propriâ manu interemit, caesisque plurimis Per-
sarum millibus, victoriam illustrem retulit, qua-
draginta tantum suorum in atroci, diuturnoque
certamine desideratis. Quibus auditis, & aduen-
tu Heraclii, fugit Cosroës desertis omnibus:
eius palatia occupata, in quibus inuenta 300. si-
gna militaria Romanorum; cum ingenti prædâ;
quidquid offerri non potuit, igne corruptum: in
mediâ Perside Natalem Domini Romanus reli-
giosissimè celebrauit. *Heraclius
Persidem
ingreditur*

Clotarius II. in societatem regni adsciuit fi-
lium Dagobertum ex Bertrude, quem S. Arnul-
phi institutio immaturo hoc honore dignum
reddiderat. *Clotarius
Dagober-
tum sibi
collegam
facit.*

Adalualdus Rex Longobardorum magicâ po-
tione dementatus, regni sui anno decimo, ex-
clusus est, eique substitutus Arioualdus, maxi-
mè adnitentibus Episcopis Transpadanis. Qua-
re eos obiurgauit Honorius quòd Arianum Ca-
tholico nondum prorsus amenti anteposuis-
sent, rogauitque Exarchum vt eum restitueret; sed res
Persicæ, & Occidentis præfens status aliud exi-
gebant. *Ariouald.
succedit
Adalual-
do.*

MVNDI
4680.CHRISTI
687.*S. Ana-
stasi
Marty-
rium.*

Anastafius Persa filius Magi, olim Magundat dictus, multa passus in Palæstinâ anno superiore, hoc anno remissus ad Cosrhoën nobile martyrium consummauit cum alijs 70. Christianis. Laudatus à Georgio Pifidâ, & tam multis miraculis clarus, vt in Secundâ Synodo meruerit commendari.

*Ceditur
in filio Sy-
roe Cos-
rhoës.*

Fugit Heraclium Cosrhoës, & cum suis thesauris se includit Seleuciâ: hic filium Mardefam ex Syrà coniuge charissimâ sibi destinat successorem. Quod indignè ferens primogenitus Syroës, eum perdere decreuit; & fugientem affecutus, in tetrum carcerem coniecit, modico pane & aquâ paut, omnium procerum iniurijs obiecit, filios omnes in eius oculis interemit, ac tandem fame maceratum acubus vsque ad mortem compunxit. Sic ob superbiam tam crudeliter interfectus Cosrhoës, & ab eo cui dederat vitam, vt quodammodo manu suâ tenebrio crudelissimus interiret.

*Syroës
pacem fa-
cit cum
Heraclio.*

Syroës statim occupat Regnum Persicum, & cum Heraclio paciscitur quibus voluit hic conditionibus. Captiui omnes redditi cum Zachariâ, lignum S. Crucis inuolutum, nec visum à Persis, quod hoc anno Constantinopoli delatum est. Exceptus vbique Imperator multis cum acclamationibus, multâque pietate; cum hoc bellum potius in Deum fiducia, quàm armis & exercitu confectum esset. Pecuniæ autem & gemmæ ex Perside ad Sergium missæ, naufragio perierunt; mutud tamen sumptas ab Ecclesijs ex suo reddi iussit Heraclius, atque hoc naufragium maluit esse Fisco, quàm Deo perniciosum.

MVNDI
4681.CHRISTI
628.*Exalta-
tio S.
Crucis.*

Reportat Heraclius lignum S. Crucis Hierosolymam, magnificè ornatus; sed urbem ingredi non

non potuit , nisi positis vestibus pretiosis , qui Christo crucem tuam portanti dissimilior erat : sic enim Zacharias Patriarcha eum admonuit ; cuius loco Suidas Modestum, eius ex Abbate successorem , & Ecclesiæ eo absente administratorem supponit . Hinc festus dies Exaltationis . S. Crucis 18. Kal. Octob. apud Latinos , quæ apud Græcos 5^o. No. Maij recolitur , & Exaltatio quoque nominatur . Inuentionem autem idem Græci, quam Exaltationem quoque dicunt, celebrant 5. No. Maij; sed vtramque magnificè, & cum magnâ veneratione .

Exinde collapsum est Persicum Imperium, Regibus sæpè mutatis . A Syroë enim ad Hormisdam , sub quo Arabes Persicum Imperium occuparunt , non toto triennio quinque inueniuntur Reges, qui non plus vno anno, aut minùs 7. mensibus regnarunt; ita Regnis vt & Regibus sua duratio à Deo assignata est , quam tamen contrahunt scelus & crimen, vt rectè facta atque virtutes extendunt .

Imperium Persicum labiunt .

Legationes vndique venere ad Heraclium , etiam ex Indiâ , victos Persas gratulaturæ , qui iam toti Orbi ob superbiam cœperant esse graues & intolerandi .

Legationes ad Heraclium .

Hoc anno, Heraclij 18., Mahumetes ex Æthiopia Fœlicis Arabiæ oppido cum suis Saracenis agrum ad inhabitandum armatus petijt, ac obtinuit ; frænum Imperatori datum, & Romanis , ne insolescerent , & à vili hoc agasone sæpe ac turpiter retundendis .

Mahumetis felices ortus .

MVNDI

CHRISTI

4682.

629.

Hoc anno Hæresis Monothelitarum sua fundamenta jecit , cùm Heraclius Hierapoli audisset Athanasium caput Iacobitarum , virum acrem , cui pollicitus est Antiochenum Patriarchatum , si Chalcedonensem Synodum probare vellet . Acquieuit ille, editâ fidei professione in quâ duabus in Christo naturis vnâ voluntatem

Initia hæresis Monothelitarum .

H 3 tem

tem callidè inferuit, rogauitque Imperatorem, vt Sergium Constantinopolitanum, & Cyrum Phasidis Lazorum Metropolitam consuleret; qui eam approbarunt, & à quibus miserè Heraclius in fraudem, & hæresim inductus est, dum non sibi ab hæreticis cauet, quos audire, Dæmonem auscultare est. Quis autem fuerit Monothelitarum scopus, quæ diuersitas, non est huius operis commemorare.

MVNDI

4683.

CHRISTI

630.

Cyrius f. Alexand. Antistes.


Hoc anno mortuo Georgio Episcopo Alexandrino substitutus est Cyrus ille Lazorum & Phasidis Antistes charissimus Heraclio, & cum eo familiarissimè colloqui solitus, ex quo & vepenum hausit; quod magno stetit Ecclesiæ bono.

Patriarche Graden. & Aquil.

Fortunato hæretico Episcopo Gradensi deiecto successus est ab Honorio Primogenius; & verò à Romanis Pontificibus, sicut ab Exarchis defensus est Gradensis, vt à Longobardis Aquileiensis; vnde nata sunt inter duas illas sedes odia, & parum consona nomini Christiano æmulatio.

Venetæ Respubl. exercit. caput.

Vigebat tunc temporis Veneta Respublica, ex tenuibus initiis tempore depopulationis Hunnicæ in paludibus Circumpadanis exorta, quam hoc anno Honorius in suis litteris Christianissimam vocat; quod etiam nomen hisce temporibus maximè promeruit, dissidentibus Principibus Christianis, facta contra Mahumetanos & Turcas murus Christianitatis.



CAPVT IV.

DECAS QVARTA.

Ab anno Christi 630. ad 640.

MVNDI . . . CHRISTI

4684 . . . 631.

Heraclii anno 21. Obiit Impostor Mahumes vel Mahamedes, sepultus non in urbe Mecea, olim Ietrib, sed in oppido Mediana Tanalbi, vbi templum magnificum habet quadringentis columnis suffultum. Sepulchrum autem per magnetes pensile, fabula est: immo nec creditur eius cadaver columnis impostum, sed terrâ obrutum, in vicino: & quod indicatur à Mahumetanjs elatum subnixaque columelis Cenotaphium, verè Cenotaphium est. Mortuus est autem ex crapulâ, & ebrius, ac à porcis voratus; dignissimis hoc helluone

Mahometis mors, & sepulchrum.

Mortuus eodem anno Clotarius Secundus cum annis 44. regnasset, hæredibus relictis filiis Dagoberto & Heriberto, cui frater dedit Aquitaniam & Occitaniam, licet aliud statuisset pater. Dagoberto etiam commendauit præcctum Pippinum Neustriæ Ducem, Majorem domus suæ, virum omnibus virtutibus exornatum, ac regno fulciendo parem, ex quo Pipini alii duo Ecclesiæ propugnacula prodierunt. Dagobertum autem Regem statim reliquit sanctus Arnulphus Metensis Episcopus, qui eum instituerat, petiitque etiam vt vacaret sibi, successore sibi relicto Gotrico, quanquam enixissimè à suo alumno retineretur. Neque tamen Dagoberto magnæ sanctitatis Episcopi familiares defuere, vt Chunibertus Coloniensis, Eligius,

Clotarij succedit Dagobertus.

ex aurifice, Nouiomensis, eique *אוריאל* Audoenus; omnes ætatis suæ lumina, atque Regni.

MVNDI CHRISTI

4685.

632.

*Saracenicæ gra-
fationes.*

Eububezer seu Abubachar, Muhumetis successor, Arabum suorum vsus alacritate, quâ cos Pseudoprophetes armarat, circumpositam Gazz regionem sedè deuastat, cæso Præsede Palæstina, qui ei occurrerat; quo tempore in Australi parte Cæli cometes in gladij formam emicuit, præcinuitque clades à Saracenis in Ro. Imperium inferendas; neque veriùs quàm tum, cœlestes illi ignes vnquam cecinere.

Eodem anno iidem Saraceni Ascatorium, qui aliter Iezdezirdes dicebatur, exuerunt regno atque vitâ, ac sibi Principem ex stirpe Mahumetis delegere, quem appellauere Calyphum. Hinc dicitur *ÆRA* illa celebris, quæ inde dicitur *Iezdixerdîs Persæ*, obitu suo atque clade, quàm vitâ ac morte illustrioris.

*Æ R A
IEZDI
Z E R.
D I S.*

*Dagobertus
ens aliam
onarem
superindu-
cis.*

Dagobertus, coniuge suâ Gomatrude sterili repudiatâ, suadentibus aulicis adulatoribus, Nantildem puellam superinduxit; quare à sancto Amando Traiectensi reprehensus, qui idè in exilium actus est: sed fuit hæc pœna Vasconibus fortunata, quorum plurimos etiamnum idololatrias perduxit ad fidem. Ita viri sancti felices & infelices semper profunt; & aliquando plus calamitosi.

MVNDI CHRISTI

4686.

633.

*Haumarus
de Ro. vi-
flor.*

*Fugit He-
raclius.*

Mortuo Eububezere Saracenorum Hemiro (sic Principem suum vocant) successit Haumarus vir fortis, qui statim ciuitatem Bostrensem inuasit & cepit. Cùm autem ei occurrisset cum exercitu Theodorus Heraclij frater, turpiter victus est. Quibus auditis Imperator, præfectis aliis ducibus exercitui suo, quasi omnia desperans, recessit ex Syriâ Constantinopolin,

in

in quam & lignum S Crucis vt in tutiorem locum detulit: quantum ab illo mutatus, qui supererat Cosrhoem; sed tum confidebat Deo; nunc per hæreticos, quibus addictior erat, eisdem parabat bellum.

Cyrus Alexandria Patriarcha hoc anno indictâ Synodo, nouem Capitulorum expositione probatâ, per Sergium Episcopum Constantinopolitanum Monothelitis vt in Ecclesiam irumperent, aperuit viam. Sed ei acriter restitit Sophronius, tum dunaxat monachus, sed eodem anno datus in sede Hierosolymitanâ Modesto successor, litteris ad Sergium & Honorium datis, quibus conficiebat non esse tantum admitendam vnâ in Christo voluntatem, & operationem Theandricam, sed duas voluntates & operationes, quas tacuerat Cyrus, sub *Theandrica* voce pulcherrimâ, turpe venenum occultans. Sergius ergo ad Honorium scripsit quæcumque in hac causâ acta fuerant coram Imperatore Constantinopoli, addiditque sibi æquum videri, vt suppressis illis vocibus, duarum & vnus voluntatis, pax Ecclesiæ redderetur; quod cum suis litteris probasset Honorius, indenatum vt Monothelita à multis creditus sit, nec adhuc discussa calumnia, etiamsi sanctus Maximus in disputatione contra Pyrrhum, campenitûs disjecisse videretur.

Synodus IV. Toletana hoc anno celebrata est; in quâ inter alia distinctè pronunciatum, Spiritum sanctum à Patre Filioque procedere: Tumque videtur commissum onus sancto Isidoro Hispalensi vt Ecclesiasticum Officium ordinaret per vniuersam Hispaniam celebrandum: quod deinceps Mozarabicum dictum, quasi Mixtarabicum, quia eo non tantum liberi Hispani, sed etiam inter Saracenos viuentes serui, dicti Mixtarabes, vterentur. Nec plura de hac voce, quæ multum hætenus cruditos tor-

Monothelitarum initia.

Cur Honorius crederetur Monothelita

Officium mozarabicum.

MVNDI

CHRISTI

Saraceni

4687.

634.

*Damascū**capiunt**& Ægy-**ptum.*

Hoc anno Saraceni multis præliis Romanos profligarunt, multasque Syriæ ciuitates ceperunt, inter cæteras Damascum, in quâ tuum parentes sancti Io: Damasceni (dicebatur is proprio nomine Mansur) cum magna opinione virtutis debebant, admoti etiam à Saracenis muneribus publicis; neque enim victores illi quidpiam negotij Christianis facessabant, tum Imperii sui quàm Religionis sollicitiores. Capta quoque Ægyptus ab iisdem; eamque Deus maluit esse Saracenam, quàm infici erroribus Monothelitarum.

*Osualdi**Regis An-**gl. victo-**ria, &**pietas.*

Osualdus Anglorum rex, nepos ex sorore Edumdi Regis nuper extincti, Carduellam Tyrannum magis refertum copiis, auxilio crucis deleuit ac interemit; euocatoque ex Scotiâ S. Aidano, Beruiciorum gentem sibi subditam ipse, interpretis functus munere, asseruit Christo; factus ex Rege, Dei præco, ac prope gentis Apostolus. Sed & Deus ipsi rependit vicem, ei que subdidit Britannos, Pictos, Scotos & Anglos, inter quos distributa erat tota Britannia; quia nunquam passus est Deus se à mortalibus liberalitate superari.

MVNDI

CHRISTI

4688.

635.

*Saraceni**totam Sy-**riam occu-**pant.*

Vniuersam Syriam hoc anno occupauere Saraceni, Duce Homaro, profligato cum suis omnibus copiis Sergio Duce Palestinæ, ac obsessâ Hierosolymâ, vt deplorat in oratione Natalis Domini Sophronius: ex quo ediscis miserum Syriæ atque Palestinæ statum per grassatores Saracenos, qui his excursionibus ad longiores præludebant.

MVNDI

CHRISTI

4689.

636.

*Hierosol.**capta.*

Saraceni capiunt Hierosolymam: quorum Rex Homarus templum Salomonis reparari iussit,

justit, quod voluit esse Mesquitam seu Basilicam suæ religionis. Sôphronius obiit ex mœrore, cuius occupavit locum Sergius Ioppensis Episcopus, hæreticus, quid enim aliud, quam hæc vltima sub Saracenis Ecclesiæ desolatio expectaretur?

Obiit hoc anno sanctus Isidorus Episcopus Hispalensis, frater sancti Leandri, filius Seueriani Ducis Carthaginensis, vir æquè doctus, & sanctus, ex Gothorum prosapia, cui successit Theodiscus natione Græcus, qui libros Isidori corrupit. Depositus à Synodo, transiit ad Arabas, factus Mahumetis sectator; vnde qui fuerint eius mores intelliges, cum *nemo repente fiat turpissimus*.

Isid. Hispalensis moritur.

MVNDI

CHRISTI

4690.

637.

Capta est hoc anno à Saracenis Antiochia, quando sancti Ignatii Martyris corpus translatum est Romam, Christianis efferentibus sanctorum lipsana, quæ pluris quàm bona sua faciebant.

Antiochia capta à saracenis

MVNDI

CHRISTI

4691.

638.

Cœcilium Toletanum V. hoc anno celebratum est; in quo statutum etiam ex Regis & procerum sententiâ, vt qui Rex in Hispaniâ præficeret, interposito iuramento polliceretur se nullo modo passurum aliquem in Regno suo viuere, qui non esset Catholicus, & si quis hanc legem reuelleret esset *anathema Maranatha in conspectu Dei, & pabulum efficeretur ignis æterni, &c.* vnde conficit Baronius Catholici nomen Hispaniæ Regibus indictum esse, quod extremis hisce temporibus gloriosissimè conseruauerunt.

Catholici nomen Regi Hispano datum.

Honorius, anno sedis suæ 12. cum mensibus ferè quinque, mortuus est 4. Id. Octobris; vir cui modè debet Ecclesia, quantumuis aliqui scioli reclamant; qui compositi cum sancto Maximo Martyre huius Pontificis defensore pumilio.

Honorius moritur.

miliones cum Hercule videntur esse collati, compositè ac turpiter irridendi.

*Succedit
Honorio
Seuerinus.*

Electus est in eius locum Seuerinus, sed quando, ignoratur; at electum esse constat à Clero, non tamen approbatum ab Heraclio, qui aliquid ab eo iniusti postulabat; immo Palatium Lateranense ab Exarcho Isacio direptum est, & prædæ aliquid Constantinopolin missum; quare intelligendum de eius ordinatione, quod vulgò scribitur vacasse sedem ab obitu Honorij annum vnum, menses 7. & dies 17. cum tamen antea à Clero Rom. Pontifex selectus esset: sed inaugurationem accipere à Principibus Tyrannis prohibebatur: quibus meriti sunt Imperatores Græci, ut deinceps in Italiam & Romam nihil possent.

*Arionualdo
Longobard.
succedit
Rotharis.*

Arionualdo Principe Longobard. mortuo post regni sui annos 12. succedit Rotharis: quo imperante per vrbes huic subiectas visi sunt Episcopi duo, Catholicus vnus, alter Arianus; scriptæ tum quoque Longobardis leges, Edicti nomine, cum antea inter eos consuetudo tantum valeret; quam mirum est supra annos septuaginta Barbarum populum vtrumque in officio continuasse.

MVNDI CHRISTI

4692.

639

*Exstitit
Heraclius.*

Celebris est hic annus Heraclij *Ἡρακλίου*, quam Sergius Constantinopoli in Pseudosynodo confirmavit, laudauit & Cyrus Alexandrinus; sed missa Romam, à Seuerino Cleroque Romano anathemate percussa est. Tum ergo Seuerinus sedebat Summus Pontifex, qui deinceps exagitatus à ministris Imperatoriis, mensibus tantum duobus, & quatuor diebus sedit. Defunctus est enim 4. Non. Augusti: & cum vacasset Pontificatus mensibus 4. diebus 9. pridie Kal. Ian. electus est Ioannes IV. natione Dalmata, non tam ad honorem, quam laborem maximum euectus.

*Io: IV. suc-
cedit Se-
uerino.*

Tum

Tum etiam fato fructus est impius Sergius Episcopus Constantinop. cum huic sedi præfuisset annis 30. & aliquantò plus: cui successit impietate geminus Pyrrhus Chrysopolitanus Monachus electus ab Heraclio, ut ipse ab eo in profundum erroris immergeretur.

*Pyrrhus
Const.
succedit
Sergio.*

Dagobertus hoc anno expulsis pellicibus ad se redijt, atque ex legitimâ vxore Regentude suscepit Sigebertum, quem baptizari voluit à S. Amando, ab exilio reduci, à quo flexis genibus Rex veniam poposcerat. Hic autem puer dum sacro elueretur fonte, diebus ab ortu 40. distinctè respondit *Amen*; cuius miraculi testis fuit omnis Curia, nec eâ de re nisi à stolidis potest dubitari.

*Dagobertus
ad se
redit.*

M V N D I

C H R I S T I

4693.

640.

Ioannes Papa damnat Ectēsin Heraclij, quam damnauēre quoque Episcopi Africani, operâ S. Maximi Martyris viri doctissimi, qui per vim factus à Commentarijs Imperatoris, vbi vidit Monothelitarum hæresin spargi, Palatium reliquit, venitque in Monasterium Chrysopolitanum vbi Abbas creatus est; & relinquens Orientem, quem flagrare videbat, Occidentem petijt, quò malum nondum peruaserat, authorque fuit Africanis Episcopis ut eam impiam Ectēsin sacris fulminibus afflarent. Quod vbi innotuit Heraclio, negauit esse suam, sed Sergij demortui, qui id negare non posset; sed dum eam non proscripsit, asseruit hominibus naris emunctæ suam esse.

*S. Maximus in
Africam
transiit.*

Mortuus est id temporis Cyrus Alex. Patriarcha, cui successit Petrus haud melior. Macedonius quoque successit nequissimo Athanasio in sede Antiochenâ: & deinceps non inueniuntur nominati Antiocheni Præsules vsque ad Macarium tempore Sextæ Synodi, his omnibus nequaquam meliorem.

*Cyrus
Alexand.
succedit
Petrus.*

Hoc tempore florebat S. Richarius Abbas cha-

*S. Richarius
Vni*

*cum Illu-
stris in -
Francia.*

charissimus Dagoberto, & cuius operâ maximè ad meliorem frugem redijt; viuebat & S. Faro, reliâ Regis aulâ factus Clericus; itemque eius soror S. Fara seu Burgundo, Fara Abbatissa, quondam S. Columbani discipula, at sui fratris Magistra; quorum precibus, & sanctis adhortationibus factus est religiosior Dagobertus, simulque fortunatior.

CAPVT V.

DECAS QVINTA.

Ab anno 640. ad 650.

MVNDI

4694.

CHRISTI.

641.

*Heraclio
succedit
Constantinus Im-
per.*

HOc demum tempore, vbi imperasset vno anno supra triginta Heraclius, animi morore, varijsque corporis ægrotationibus, quarum maxima fuit hydropisis, exagitatus, infelici reddidit animam. Successit ei jam designatus Augustus Constantinus eius filius, qui assiduo morbo quatuor menses decurrit, veneno illi, vt creditur, à Martinâ Augustâ propinato: cuius filius Heraclius Iunior seu Heracleonas, Pyrrho Episcopo adnitente, creatus est Imperator. Hic post sex menses à Senatu exauthoratus, relegatus est cum matre, cum hæc linguam, ille nasum perdidisset. Imperator ergo creatus est Constantini filius Constans; quem tamen alij Constantium, alij Constantinum nuncupant. Sic Heraclius impius, non tantum in se, sed in suis liberis infelix fuit.

*Ei succe-
dit Hera-
cli iu-
nior.*

*Ei Con-
stans.*

*Ioanni
IV succe-
dit Theo-
dorus.*

Obijt tum quoque Ioannes IV Papa, cum sedisset annum vnum, menses 9. dies 6. liberalitate in redimendis captiuis celeberrimus. Cui successit post vnum mensem, ac dies 13. 70. Kal. Decemb.

cemb. Theodorus Episcopi cognominis filius, patriâ Hierosolymitanus, qui captâ vrbe suâ fugiens, Romæ Pontificatum inuenit.

MVNDI CHRISTI

4695.

642.

Pyrrhus Episcopus Constantinopolitanus, accusatus conspirationis cum Martinâ Augustâ propinati veneni Constantino Imperatori, veritus aliquid grauius, in exilium sponte protectus est in Africam, cùm sedisset annos duos, menses 9. ac diestotidem. Huic subrogatus est à Constante hæretico Monothelitâ Paulus eiusdem farinae vir nefarius. Sic in Oriente plurimùm patiebatur Ecclesia, quàm hinc hæretici, inde Saraceni vexabant.

*Pyrrhus
exul in
Africa
succedit
ei Paulus.*

Hoc anno, sicut eius antecessor antea fuerat, cæsus est à Pendâ Rege Merciorum pagano Osualdus Rex Nordhumbroꝝ; cuius vita, plena pietatis ac virtutis, indignâ morte terminata est quidem, sed quam Deus multis miraculis illustrauit.

*Mors
Osualdi
Regis.*

MVNDI CHRISTI

4696.

643.

Homarus Princeps Saracenorum, reparans templum Hierosolymitanum Salomonis sibi atque suis opere semper corridente, monitus est id à Cruce contingere, quæ in monte Oliuetano stabat: & verò eâ sublatâ absolutum est ædificium, eleganti opere; quod & multis possessionibus locupletatum: vnde passim à Mahumetanis disiectæ sunt cruces, eorum nefandæ sectæ terricula.

*Cruces à
Saracenis
deiectæ.*

Hoc anno Mauritius Chartularius & Isacius Exarchus, Palatii Lateranensis expilatores, sacrilegi sui pœnas exsoluere: hic enim mox diuinitus ictus interierat: ille sibi Tyrannidem arrogans victus à Dono militum magistro, Romæ fugit in Ecclesiam, vnde retractus, missusque Rauennam, capite mulctatus est; leuioribus in bo supplicijs magnum sacrilegium eluerunt.

*Sacrilegi
multati.*

Sige-

MVNDI CHRISTI
4697. 644.

*S. Sigebertus
Anglus.*

Sigebertus Eastanglorum rex piissimus, cum reliquisset cognato suo Regnum, monasticæ vitæ desiderio, cæsus pariter à Pendâ Rege Merciorum Ethnico longius martyrium breuiori finijt, citiùs etiam quàm sperauerat æternum regnum consecutus. Florebat autem sub eo S. Furseus Hibernus, magnus in Britannia Religionis propagator, & oratione, ac miraculis potens.

*Dagobertus
Francia
Regis.*

Dagobertus Francorum Rex, circumpositis gentibus deuictis, paceque armis gloriôsè partâ anno regni sui 14. multa munera in Ecclesias effudit, vt Deo grates haberet, & quo posset modo in earum largitorem suas diuitias reffunderet: atque vt criminibus præteritis vtcumque faceret satis, in Ecclesijs à se locupletatis ter in hebdomadâ sacrificium *αμυναντων* offerri iussit; quæ non caruisse fructu visiones quædam post eius obitum docuisse putantur, quibus tamen potes derogare fidem sine periculo pietatis.

MVNDI CHRISTI
4697. 645.

*Disputatio
S. Maximi
contra
Pyrrhū.*

Contigit hoc anno in Africâ celebri illa inter Pyrrhū Monothelitam & S. Maximum, curante Gregorio Patricio Africæ præfecto, disputatio; in quâ conuictus Pyrrhus palinodiam recinuit, pœnitensque Romam missus in communionem receptus est, eique restitutus Patriarchatus, Romano Pontifice Theodoro ei omnia magnificè sufficiente. Tum quoque scripsit pro se Apologiam S. Maximus, vocatus in crimen quasi tres in Christo voluntates admitteret: sed multa aduersus se iactata, elegantibus scriptis, & sed & vitâ longè meliùs confutauit.

*Homarus
Ægyptus.*

Homarus cæsus per fraudem à sicario Persâ, finem viuendi, furendique fecit; cui suffectus

factus est Hoamen consanguineus, à Deo quoque aduersus Christianorum scelera concitatus.

MVNDI CHRISTI

4699.

646.

Gregorius præfectus Africæ contra Imperatorem rebellauit hoc anno; quando & eiusdem provincie Episcopi petierunt vt Monothelitæ, & eorum princeps Paulus Constantinop. Episcopus anathemate ferirentur. Quare ad eum acerrimas litteras misit Theodorus Papa, cum formulâ fidei, & anathemate, quo Monothelitæ ferirentur; quibustamen territus non est vir nefarius, plus Imperatori suo confidens, quam reueritus Deum.

*Rebellas
Grego-
rius.*

MVNDI

CHRISTI

4700.

647.

Saraceni hoc anno distractam inter Imperatorem & Georgium præfectum Africam, belloque ciuili sese dilacerantes, inuasērunt. Victum enim Gregorium in eâ potentiozem, expulere, totamque sibi reddidere victigalem, Romanis etiam eorum victorias promouentibus.

*Saraceni
Africa
potiuntur.*

Contigit hoc anno ventus vehementissimus, quo multæ Stylitarum columnæ disturbatæ sunt, in quibus vivebant Anachoretæ plurimi Simeonis magni æmuli, non habitationis tantum sed & virtutis.

*Ventus in-
gens.*

Mortuus est hoc anno Regni sui 16. Dagobertus Rex Francorum; qui graui correptus morbo in oppidum S. Dionysij se referri iussit, vt hic animam essetaret religiosius, vbi maiora pietatis suæ, atque liberalitatis monimenta defixisset. Reliquit filios successores duos, Sigebertum & Clodouæum secundum, hunc Neultriæ, illum Austrasiæ Regem, vt moriens testamento cauerat. Animam autem eius à Dæmonibus raptatam, inter multa verbera, fuisse ad Æolia loca, & liberatam à SS. Dionysio & Mauritio, credes si voles, cum

*Dagobertus mori-
tur.*

*Filii, &
pista de
eo fabula.*

cum ea visio tantum testimonio vnius boni Eremitæ Ioannis nitatur, quâ Ausoaldus Episcopus putatur confinxisse in odium Dagoberti, quia Ecclesiam sancti Hilarij Pictaviensem, spoliarat, vt Sandionysiacam exornaret; eaque postea à Monachis nimium credulis in Ecclesiâ depictâ est perlubenter, ne ijs eueneret quod Pictaviensi Basilicæ contigisset.

MVNDI CHRISTI

4701.

648.

Paulus Constantinopolitanus videns utique damnatam Monothelitarum hæresin, suamque damnationem jam ex Ecclesiarum valuis pendere, author fuit Constanti vt edictum proponeret dictum *Typum*; quo ad conciliandam Ecclesiarum pacem, vtrique parti, Catholicæ & Hæreticæ, silentium indiceretur de vnâ aut duabus in Christo voluntatibus & operationibus. Sed hoc silentium hæreticum erat, & in Ecclesiâ veram religionem proflentis perniciem comparatum. Qui autem scriptor recens *Typum* putauit hominem esse, meliorem se Theologum, quàm historicum exhibuit.

*Typus
proponi
tur.*

*Theodorus
excommu-
nicat
Paulum,
& Pyr-
rhum, et
sanguine
Christi.*

Theodorus autem Papa tum excommunicauit Paulum, sicut & Pyrrhum, operâ Olympij Exarchi ad hæresin reuocatum, collectâ Synodo, in quâ ferunt aliqui Pontificem infudisse de sanguine Christi Domini in atramentum, quo hæc anathemata scripta sunt; sed redditur id suspectum, quod nulla fiat eius in ritibus Ecclesiasticis mentio. Caterum Pyrrhus in Orientem redux, gratiam Imperatoris recuperauit, factus deinceps ei tam charus, quàm Deo inuisus fuit.

*Paulus
insurgit in
Rom Ec-
clesiam.*

Paulus interea Constantinopoli in Romanos Apocrisarios, ijsque adherentes Catholicos, sæuijt, quorum aliquos verberibus subiecit, alios carceri mancipauit. Diripuit etiam eorum Oratorium, vt grassaretur quoque in inani.

inanimam; denique ita se gessit, ut bellum Rom. Ecclesiæ, per quam damnatus erat, indixisse videretur.

Eodem anno Saraceni Cypro Insulâ potiti sunt captamque Constantiam exciderunt, jam à Deo fortes, qui ad castigandum Romanum Imperatorem immittebantur.

Cyprus occupata à Saracenis.

MVNDI CHRISTI

4702.

649.

anni c.

Cum Theodorus sedisset annos septem, menses 5. dies viginti, obiit pridie Id. Maij, locumque post mensem vnum, dies sexdecim, Kal. Iulij reliquit S. Martino patriâ Tudertino, & spem martyrij certissimam.

Theodoro succedit S. Martinus.

Statim ergo Martinus collegit Synodum Lateranensem, cui intersuere 100. Episcopi, invitante potissimum S. Maximo, quicquid interfuit, nec tamen eidem subscripsit, quia id nondum juris Abbatibus Ecclesia concesserat. In eo Concilio, quod ipse Martinus vocat Generale, damnati sunt Sergius, Pyrrhus, & Paulus, & Theodorus Episcopus Pharanites primipilus Monothelitarum, eorumque libri proscripti. Anathemati quoque subiectus Typus, licet gratiæ loco de concessio Pontificatu tantum eius subscriptionem Constans à Martino postularret; sed apud sanctum Pontificem Deus prævaluit, & magis Dei furorem ac minas vir sanctus veritus est, quam Imperatoris.

Synodus Ro. sub Martino.

Nec tantum minis egit Imperator & epistolis, sed re, atque factis, misso Romam qui Typum promulgaret Olympio Exarcho, ob hæc hæretico denunciato. Hic primò excitatâ per milites seditione, cum nihil in Pontificem potuisset, immisit postea in eundem Spatarium suum seu Armigatum, qui eum sacra peragentem ad aram trucidaret: Sed cum sicarius ille à Deo excæcatus esset, territus Olympius, rediit in gratiam cum Martino, quem

Olympius Exarchus in Martinum missus.

quem ipso Imperatore potentiorē experiebatur.

MVNDI

CHRISTI

4703.

650.

Hoc anno missi sunt in exilium à Constante Imperatore sancti Martinus Papa & Maximus Abbas.

*Martinus
Papa exu-
lat.*

Et in Martinum quidem Constans multa crimina confinxit; propter quæ Calliopam Exarchum misit Romam cum exercitu, ut eum expelleret: Is urbem & Ecclesiam ingressus armatus, Martinum extraxit volentem (hic enim suos armis agere impediit) atque podagrâ grauiter ægotantem, noctu imposuit naui, abduxitque Naxum 13. Kal. Iul. vbi annum totum ægotauit, pessimè habitus à custodibus suis, ut malis edomitus Constanti acquiesceret. Sed hæc crudelitas eum firmavit magis, & in eius animo accendit robur, quo par, immo superior factus est Imperatori.

*S. Maxi-
mus rele-
gatur.*

S. Maximus paulò ante Martinum captus, constrictusque vinculis, Constantinopolim perductus est, per vias sine calceis & amictu tractus ignominiosè. Hic autem cum respondisset accurratè calumniis sibi impositis coram Senatu suadente Paulo à Constante relegatus est in Thraciam cum duobus Anastasiis discipulis suis; (quorum vnus erat S. R. E. Apocrisarius) quibus comitibus redditum est exilium viri sancti mitius, ut Imperatoris sæuitia magis eluxit.



CAPVT VI.

DECAS SEXTA.

Ab anno Christi 650. ad 660.

MVNDI

CHRISTI

4704.

651.

O Suuinus Rex Angliæ, amici sui proditi-
one cæsus, terrestre regnum cœlesti per-
mutauit, cuius mors nulli minùs, quàm eam
subeunti, damnosa fuit.

*Osnnini
mors.*

S. Martinus Pontifex ex insulâ Naxo depor-
tatur Constantinopolin ad diriora tormenta su-
beunda. Hic seminudus, & catenis ferreis to-
to corpore vinctus, per Vrbem à carnificibus
tractus est, indeque in tetrum carcerem coniec-
tus, pressurâ vinculorum, frigore & inediâ
maceratus est. Et ferro finiisset vitam, nisi eius
cædem moriens Paulus dissuassisset Imperatori:
(tum enim Episcopus ille nequam obiit indura-
tus in hæresi, sed suam diritatem in Martinum
confessus) itaque carceri mancipatus est dirissi-
mo, sex totis mensibus, & donec Chersonam
ad oram Ponti deduceretur exul; vt esset ille lo-
cus duorum Pontificum Clementis & Martini
exilio atque obitu memorabilis.

*S. Mart-
nus vexa-
tur, &
Chersonâ
mittitur.*

MVNDI

CHRISTI

4705.

652.

Martinus deducitur Chersonam, quò perue-
nit Idibus Maij, vt hæc fame moreretur: locus
enim erat tam asper, vt hæc panis ne quidem au-
diretur nomen, accolæ omnes gentiles essent.
Romæ autem, vrgente Calliopâ Exarcho, Pon-
tifex creatus est a Clero Rom. Eugenius s. Id.
Augusti; vir erga pauperes magnificentissimus,
& di-

*Chersonæ
locus Exi-
lii S.
Martini.*

& dignus qui Martini absentis Vicarius esset.

*Pyrhus in
locū Pauli
restitutus.*

Paulo mortuo restitutus est Pyrrhus, ac præmum Apostasiæ suæ recepit Episcopatum, quo tantum potitus est mensibus quatuor, & diebus viginti tres, quia diutius homo sceleratissimus viuere non debebat.

*S. Emme-
rannus in
Bavaria
martyr.*

Celebris fuit hoc anno Martyr Emmerannus Episcopus Ratisponensis sub Theodone Bauariæ Principe, qui sibi crimen stupri passus est impingi, vt nobilem juvenem liberaret; quod cum fecisset, innocentem se ostendit; nihilominus Principis filius Lambertus, vt Ota sororis suæ stuprum vlcisceretur, eum cædi iussit X. Kal. Oct. prius singulis membris mutilatum, excæcatum, & elinguem, cum tamen sine linguâ multa prophetice prædixerit, multis miraculis post obitum clarus, & factus Christi innocentis peccatores redimentis imago.

MVNDI CHRISTI

4706.

653

*Pyrho
succedit
Petrus.*

Successit Pyrrho Petrus, illi impietate par, qui statim dedit litteras ad Eugenium; reiectas tamen à Clero Romano, propter ambages heterodoxis familiares.

S. Iodocus

Obiit hoc anno in agro Pontino S. Iodocus filius Principis Britonum Regis, qui spretis aulae deliciis diu peregrinatus, hic tandem semper immotus futurus conqueuit.

*Colossus
Rhodius
effrahius.*

Hoc anno, Constantis Imp. 12. Mahuuias Saracenorum Princeps occupatâ Rhodo Colossum illum celebrem, humi iacentem, vendidit cuidam Iudæo Emeseno, qui in partes contrafactum extulit, oneratis eius ære nongentis camelis; is celeberrimi huius operis exitus fuit.

MVNDI CHRISTI

4707.

654.

*S. Marti-
nus mori-
tur.
Succedit
ei Euge-
nius.*

S. Martinus Papa hoc anno Chersonæ in Ponto ex miseriis obiit prid. Id. Nouembr. miraculis clarus & fortitudine suâ instar maximi miraculi. Qui autem erat eius Vicarius

Euge-

Eugenius, accedente Cleri consensu statim factus est Pontifex; quod ne fieret, vita tantum Martini prohibebat, ne Ro. Ecclesia biceps esset.

Constans ad Phœnicem urbem Lyciæ, navali prælio dimicans cum Saracenis, adeo turpiter victus est, ut veste mutatâ, relictis omnibus fugere compulsus sit. Pridie quàm dimicaretur somniarat se versari Thessalonicæ, unde ei ab aulicis promittebatur victoria, sed aliter vocem Thessalonicam intelligi miser deprehendit. *Θὸς ἀλλοτρίων, cede alteri victoriam*, camque à se dimissam, Saraceno esse concedendam.

Mortuus hoc anno Rotharis Longobardus, regnum suum reliquit filio suo Rhodoaldo, cùm regnasset annis sexdecim, mensibus quatuor. Hic licet Arianus, quia in S. Ioannem Prodrum pius extiterat, vindicatus est miraculo à Latrone qui ei mortuo detraxerat ornamenta; adeo in sanctos pietas quantumvis scelerato nocuit nemini.

*Constans à
Saracenis
victus.*

*Rothari
succedit
Rhodoal-
dus.*

MVNDI

CHRISTI

4708.

655.

Mortuus est hoc anno Eugenius Pontifex, cuique post mensem unum & dies 23. successit Vitallianus, patrâ Signinus, quem Constans etiam muneribus prosecutus est, oblato Ecclesiæ S. Petri libro Evangeliorum gemmis exornatissimo. Finxit etiam se Catholicum esse sicut & Petrus; sed huius in 6. Synodo fraus patuit; illius artes, ut sibi Clerum populumque Rom. demereretur, à se exilio ac morte S. Martini abalienatum. Ita nunquam heterodoxis cedendum est, quos res tantum caducæ ad sanam mentem reuocant duntaxat in speciem.

*Vitallia-
nus succe-
dit Enge-
nio.*

MVNDI

CHRISTI

4709

656.

Constans S. Maximum ad suas partes trahere niti-

*S. Maxi-
mus resistit*

Constantini. nititur, Byzia in Thracia exulantem, per tres legatos, Patricios duos, & Episcopum sectæ huius doctissimum. Sed ij à Sancto Abbate adeò conuicti sunt, vt ad fidem recipiendam parati discederent. Reuocatus est itaque Constanti-
 nopolin; sed cùm constantior in verâ fide videretur, relegatus est Perbera, Thraciæ locum deterrimum, vt malis tandem frangeretur; verùm nec blanditiis, nec acerbitate Constans in sanctum virum profecit, quem expertus est se longè constantiorem.

*Annūcia-
 tionis dies
 in Hispania.*

Celebrata est tum Synodus x. Toletana, cui præfuit Eugenius Toletanus, vbi dies Annun-
 ciationis B. Virginis reiecta est in octauum diem ante Natalem Domini, quod tempore Quadra-
 gesimæ & Paschali, commodè celebrari non posset; postea tamen rediit in diem suum, & 8. Kal. Aprilis, plusque rei veritati quàm quo-
 rumdam pietati indultum est. Celebre quoque est illud Concilium publicâ pœnitentiâ Potamij Episcopi Braccaren-
 sis, qui fornicatione pollutus occultâ, crimen fassus est, & pœnitentiam perpetuam egit, lugentibus omnibus, qui de eo statuebant.

MVNDI CHRISTI

4710.

657.

*J. Maxi-
 mus cum
 sociis dire-
 torum.*

S. Maximus cum duobus Anastasiis sociis suis, curante Thomâ Episcopo, Constantino-
 polim reuocati sunt, verbo vt redderent rationem criminum proditoris ac lesæ maiesta-
 tis, reuerâ vt cum Monothelitis communica-
 rent, & verameiurarent fidem; cùm neutrum præstare voluissent, Maximum & Anastasium distentos in Equuleo Præfectus Urbis tam gra-
 uibus verberibus affecit, vt nulla pars esset in eorum corporibus integra; sicque laceros in carcerem coniecit. Sequenti die renouatis iisdem tormentis, verberatis insuper, præcisæ sunt lin-
 guæ, sine quibus nihilominus articulare locuti sunt. Itaque per medium forum ad ludibrium

tradu-

traducti , amputatis dextris in acerbissimum
exilium nudi amandati sunt . Eamdem subiit
vicem alter discipulus Anastasius , S. R. E.
quondam Adocrisarius , nisi quoddam verberibus
laceratus non est ; tres amore vitæque con-
iunctissimi , neque fide neque passione disiun-
cti sunt .

S Eugenius Episc. Toletanus moritur Id.
Nou. cui successit ex monasterij præfæcto S.
Hildephonsus , quem præsentia suâ sibi cha-
rissimum Beata Virgo , & veste candidissimâ
cohonestavit cum eius laudes cecinisset . Vi-
dit autem eam sacro eius Assumptionis die ,
aut certè Expectationis 15. Kal. Ian. in suâ
sede Episcopali sedentem ; quare deinceps in
eâ sedere ausus est Episcoporum nemo , præ-
ter sisibertum , qui eam perdidit , in exi-
lium missus . Fraterrea sanctissima Dei mater
eidem pollicita est æternam felicitatem , quo
nullum mortali homini dari maius benefi-
cium potest , nullum promitti .

Obiit hoc anno ex veneno , vti creditum
est per Grimoaldum propinato , Sigebertus
Francus Austrasiæ Rex pientissimus , etiam in-
ter sanctos relatus Kal. Febr. expeditione vnâ
infelicitè susceptâ aduersus Thuringos , à
quibus superatus est . Eius opus est illustre
monasterium Stabulense in agro Luxembur-
gico . Adoptarat Ildebertum , filium Grimoal-
di Maioris suæ domus , cum prole careret ;
sed cum postea Dagobertum suscepisset , ado-
ptatus naturali prævaluit ; Immo hic traditus
Didoni , seu Dadoni Episcopo Pictaviensi ,
in Monasterium Scotiæ Clericus amandatus
est . Franci Neustrij porro tantum scelus im-
punitum nequaquam reliquere ; (stupidè quies-
cente Clodouæo) irrupere enim in Austras-
iam , Ildebertum in pugna interemere , Gri-
moaldum captiui abduxere Parisios , vbi
tormentis excarnificatus pœnas atrocissimas

*S Euge-
nius Tole-
ranus mo-
ritur.*

*Sigeberto
succedit
Chilperic-
us .*

atrocissimè criminis dedit. In eius locum substitutus est à Francis Chilpericus secundò genitus Clodouxi, adolescens prauæ indolis, & quem ea dignitas non reddidit meliorem.

MVNDI CHRISTI

4711.

658.

*Episcopi
Constantinopolitani.*

Mortuo Thomæ Episcopo Constantinop. successit Petrus Ecclesiæ Syncellus & Vasorum custos, in Actis 6. Synodi dictus Catholicus, non sine suspitione legitimâ corruptelæ, sicut & in eius antecessore.

*Pax cum
Saracenis.*

Mahuuias, Princeps Saracenorum, suorum seditione exagitatus sœdus iniit cum Constante, ei pollicitus in singulos dies mille nummos cum equo, & seruo; sed ea pax tenuit, quandiu domesticus tumultus stetit.

MVNDI CHRISTI

4712.

659.

*Constantinus fratrem
caedit, à
quo reuer-
tur.*

Constantinus Imperator fratrem suum Theodorum, à quo offensus erat, in Diaconum consecrari iubet, & mox interfici, vt bis in eum impius esset. Sed ab eo tempore visus est sibi eum videre in habitu Diaconi poculum offerre cum his verbis *Bibe frater*; quare miser in Siciliam nauigauit, spretâque Constantinopoli, Syracusas elegit Imperij sedem. Cùmque euocasset vxorem ac liberos, eos Constantinopolitani dimittere noluerunt. Mutatione autem loci somnium non mutauit, instar Caini, ad recordationem sui fratricidij semper exhorrescens.

*Pax cum
Saracenis
abrupta.*

Mahuuias jam æmulo Haly sublato pactum tributum eiurat, & aduersus Persas primò, postea aduersus Romanos bellum interruptum suscipit, nec leuioribus successibus rem Saracenicam promouet.

*Monomachia pri-
mò in Ita-
lia.*

Obijt Rex Longobardorum Rhodoaldus, regni sui anno 5. cæsus à subdito suo, cuius vxorem polluerat. Ei successit Aripertus filius Gundibaldi, qui germanus fuerat Regina Theolindæ. Tum autem Monomachia in Italiam inducta est, quod crimen

AB ANNO CHR. 600. ad 700. 195

crimen oblato duello refutabatur, cuius autor fuit primus Carellus, qui reginam Adulterij accusatam, confecto accusatore, purgavit; apologiâ ex æquo plenâ scuitiæ, atque iniquitatis.

M V N D I

C H R I S T I

4713.

660.

Clodouæus, graui fame scuiente, apsidem Argenteam, quâ pater eius Dagobertus sepulchra S. Dionisij & Sociorum eiustexerat, & fregit & pauperibus per Abbatem distribuendam curauit; quod quidam pietati, alij crimini verterunt. Ferunt & os ex corpore S. Dionysij eum fugisse, ideoque deinceps in amentiam versum, & regnum defecisse; quæ somnia sunt otiosorum hominum, historiam ex rebus suis potiùs, quàm ex veritate metientium.

*Clodouæ
in pauperes
pie,
tas.*

C A P V T VII.

D E C A S S E P T I M A.

Ab anno Christi 660. ad 670.

M V N D I

C H R I S T I

4714.

661.

M Ortus hoc anno S. Amandus Traiectensis Episcopus, dictus Apostolus Flandrorum, variè ab hominibus exercitus, vt Dei negotia promoueret.

S. Amandus.

M V N D I

C H R I S T I

4715.

662.

Celebrata sunt hoc anno in Gallijs Concilia Clypiacense & Cabillonense, ac Monasterium S. Dionysium à ditioe Episcopi Parisiensis distinctum, cui hactenus paruerat; vt deinceps ab vno Rege penderet, atque summo Pontifice, Monachi hic præter Abbatem cui obsequerentur haberent neminem.

*Concilia,
& priuilegia in
Gallia.*

MVNDI CHRISTI

4716.

663.

*Constantinus
Romam
venit.*

Constantinus hoc anno Romam venit, magnificè susceptus à Vitalliano, qui ei cum Clero ad sextum lapidem processit. Orthodoxum autem se professus, denaria Ecclesijs obtulit; sed Urbis aliunde & Basilicarum ornamenta sustulit, sinistra donans, dexterâ rapiens: Inde Neapolim profectus, tandem Syracusas venit, quam sibi sedem ærumnosa vitæ miser delegerat.

*Ariperto
succedit
Grimoaldus.*

Ariperto Longobardorum Regi defuncto successit Grimoaldus, vir bellicosus, & fortis; qui ex Arij fautores Catholicus est factus à S. Ioanne Episcopo Bergomate; ideoque S. Ambrosio Mediolani nobilem Ecclesiam statuit, ut se Arianis inimicum fateretur, quorum fortissimum aduersarium veneraretur ac coleret.

MVNDI CHRISTI

4617.

664.

*Constantinus
Ioann.
Successor
in Episc.
Const.
Clodouai
II obitus.*

Io. Episcopo Constantinopolitano defuncto successit Constantinus, quem fuisse Catholicum nihil prohibet, quòd ab Urbe abisset acerrimus Catholicæ fidei oppugnator.

Obiit hoc anno Clodouus II. cùm regnasset annis circiter duodeuiginti, reli&tribus liberis, Clotario, Childerico, & Theodorico ex S. Bathilde, quæ statuit egregia monasteria Scalarum, propè Parisios, sœminarum, & S. Petri Corbeiensis, propè Ambianum, virorum, & utriusque sexus haberet semper ad Deum deprecatores.

S. Bathildis.

*S. Aigulphus
mar-
tyr.*

S. Aigulphus è præfecturâ Floriacensi translatus in Lerinensem ut disciplinam religiosam restitueret, ab exlegibus Monachis primùm deiectus in carcerem, mox in desertam insulam inter Corsiram & Sardiniam, post erutos oculos, abscissamque linguam, capite abscisso martyrium subiit; sceleris autem auctores, iubente Rege Francorum, cæsi sunt. Hic est Aigulphus qui missa Mummulo, Abbate Floriacensi, Cassinum, inde S. Benedicti reliquias in Franciam tran-

*S. Benedicti reli-
quias
ubi?*

tran-

transluisse dicitur, addunt aliqui S. Scholasticæ; cum tamen Cassinenses habuisse se eiusdem S. Patris reliquias gloriati sint. Hanc controuersiam dirimere conatus est Paulus Diaconus, qui in Monasterio Cassinate obiit, putauitque carnes in puluerem redactas Cassini, ossa verò in Galliam translata esse; & lis adhuc pendet sub iudice: nunquē semper temerè pro akerutrâ parte iudex pronuntiabit.

Hoc etiam anno 16. Kal. April. S. Gertrudis filia Pipini Ducis, cuius mater fuit S. Yduberga; Itta cognominata, quæ mortuo marito facta est Religiosa, vt sanctissimis illius stirpis hominibus, nobilis Francorum Regum familia inniteretur.

S. Gertrudis.

MVNDI

CHRISTI.

4718.

665.

Obiit hoc anno S. Eligius Nouiomensis Episcopus, Apostolus quoque Flandrorum dictus, Miraculis in vitâ & post obitum illustris, nactus rerum suarum illustrem scriptorem S. Audouenum Episcopum Rothomagensē, sibi sanctimoniâ parem. Cum autem S. Bathildis corpus S. Eligij palam transferre veliet, dum nullo modo à Parisiensibus leuari potuit, faciliè à Nouiomensibus, à suis diuibus pronunciauit, quas etiam mortuus deferendas non putauit. Eius autem admonitu S. Bathildis monilia & gemmas posuit, & pauperibus erogauit; in quorum manibus religiosius ad tempus nituere.

S. Eligius mortuus.

S. Bathildis.

MVNDI

CHRISTI

4719.

666.

Constantinus Episcopus Constantinop. moriens reliquit locum suum Theodoro omnium Monothelitarum callidissimo, & improbissimo, atque huius hæreseos magno propugnatori.

Theodorus successit Constantino.

Huius quoque anni est Concilium Emeritense: in quo imperatum vt pro Rege pugnante quotidie augustum Sacrificium in singulis Ec-

Oratio pro Regibus.

clesijs offerretur; quia eius salus, Ecclesia tranquillitas est.

MVNDI

CHRISTI

4720.

667.

*Saporius
rebellas,
& peris.*

Saporius Armeniæ Præfectus rebellat in Constantem, cui suppetias mittit Rex Saracenorum, spretâ Legatione Ro. Imperatoris. Respondet Legatus venturum in auxilium Constantis Deum. Nec ita multò post Saporius Hadriano polim intrans, cum verberasset flagello equum quo ferebatur, hic elatus in calces, domini caput in superliminare portæ allisit, & huic ademittit vitam, vt Legatus a Deo loquutus esse videretur.

*S. Hildephonsus
Toletanus.*

Obijt hoc anno S. Hildephonsus Toletanus Archiepiscopus, vir piissimus ac doctissimus, cuius ingenii fœtus periisse meritò luget Ecclesia.

MVNDI

CHRISTI

4721.

668.

*Constantinus
cadit.*

Cæsus est hoc anno Syracussis in Balneo Constantis Imperator, Idib. Iulij, à rebellibus, qui mox ei suffecere Metium quemdam seu Mezentium Armenum; at is paulò post à Constantino, filio Constantis, in Siciliam adueniente, cæsus est, cum suis confortibus. Tumque Catholico Principi suppetias tulit Papa Vitallianus. Constantinus autem Occidentalibus rebus dispositis Constantinopolin rediit, allectis in Imperium fratribus suis, Tiberio & Heraclio collegis, dictusque ipse tum *Pogonatus*; quia cum primâ lanugine egressus Constantinopoli, in eam rediens ex Sicilia plenam barbam retulit; vir in omnibus dissimilis patri, & ab eo perperam facta sapienter emendaturus.

*Succedit
ei Constantinus
Pogonatus.*

*Clotarj
III.
Obitus.*

Mortuus est hoc anno Clotarius III. cui successit Theodoricus, antea parte regni exclusus ab Ebroino Palatij Magistro Clotarj, nunc autem vocatus ad Principatum, quia sic res Ebroini postulabant. Sed cum in odium subditorum vterque incurrisset, ambo sunt attonsi, & in Monasterium

*Theodoricus,
&
Ebroinus.*

rium

rium Sandionysianum, ac Lexouienſe detrufi, vt per vim ſapere compellerentur; Childericus vnus toto Franciæ regno dignus iudicatus eſt; nequaquam tamen ſuis fratribus melior, & dignior.

Childericus vnus regnat.

MVNDI

CHRISTI

4722.

669.

Cum Vitallianus Pontifex ſediſſet annos 13. ferè menſes quinque, obiit ſanctè vt vixerat; ac poſt menſes duos, dies tredecim, in eius locum ſucceſſus eſt Adeodatus, ex Monacho factus Papa, omnibus propter munificentiam ſuam accepiſſimus: à quo Monafterium S. Martini Turo- nenſe, rogante etiam Epifcopo, ab eius iurisdic- tione exemptum eſt, vt hunc ſolus Pontifex no- mine S. Martini regeret.

Adeodatus Papa ſuccedit Vitalliano.

Hoc anno poſt diſceſſum Conſtantini, Sicilia à Saracenis vaſtata eſt: cum autem ſcribunt Mona- chi Benedictini ſe tum in Sicilia octoginta ciui- tates aut villas poſſediſſe, loquuntur vt qui om- nia perdiderunt, vt faciant commiſerationem.

Sicilia vaſtata.

Martyrium denique hoc anno abſoluit S. Ma- ximus relegatus in Caſtellum Alaniæ Schima- rin Idib. Auguſti; cuius monumentum diu tres de cælo faces illuſtrauerunt, eius indices gloriæ. Duo quoque Anaſtaſii in duo diuerſa loca Abaſgorum amandati interiøre; ſed quo tempore neſcitur; certum hoc, ab eo, cui tam arctè adhæſerant, non eſſe gloriâ ſeparatos.

Martyrium S. Maximi, & Socio- rum.

MVNDI

CHRISTI

4723.

670.

Cæſus eſt hoc anno S. Proiectus Aruernorum Epifcopus ab amicis & conſanguineis Heſtoris Maſſilienſis Patricii; quod cum is Proiectus apud Childericum quæſtus eſſet de hoc Heſtore, de multis damnis Eccleſiæ Aruernenſi illatis, hic iuſſu Childerici gladio cecidiſſet; poſt obitum multis miraculis clariuit; quæ adhuc perſeue- rant, & illuſtrem fuiſſe Martyris huius ſancti- moniam declarant.

S. Proiecti Martyrium.

*Osius suc-
cedit Ec-
gfidus.*

Mortuus & tum Osius Rex Nordhumbro-
rum in Angliâ vir piissimus, & de Ecclesiâ optimè
meritus; cui successit filius Ecgfidus, qui iam vi-
uo patre se rerum Ecclesiasticarum egregium
propugnatorem gesserat, non tantum hæres pa-
terni regni, sed & pietatis.

CAPVT VIII.

DECAS OCTAVA.

Ab anno Christi 670. ad 680.

MVNDI CHRISTI

4724.

671.

*Sarace-
norum vi-
ctoria.*

TVM variis signis aded perterrefactus Or-
bis, vt eius interitus crederetur ab omni-
bus imminere. Saraceni Lyciam & Ciliciam oc-
cupauere; & iam maiora cogitantes apparatus
instruxere ad oppugnandam Constantinopolin,
inquâ totius Orientis dominatum latere puta-
bant.

*Childeri-
cus à Ro-
dilone ca-
ditur.*

Childericus hoc anno cæsus est à nobili auli-
co Bodilone, quem ex innatâ sibi impotentiâ ad
palum religatum verberibus subiecerat. Hic
enim furore percitus, coniuratione cum aliis no-
bilibus initâ, Principem cum paucis venantem,
in Calensi siluâ occidit; inde Palatium Regium
ingressus Blitildem Reginam prægnantem ob-
truncavit, ignominiam sibi illatam sceleratè vl-
tustripli parricidio.

*Theodori-
cus ei suc-
cedit, sub
Ebroino.*

Theodoricus Monachus statim retrahitur à
Francis ex Abbatia S. Dionysij, Ebroinus sponte
euolat ex Monasterio Luxouienfi, occupatisque
Thesauris Regiis, & collecto exercitu venit ad
Theod-

Theodoricum, cuius fit Magister Palatii, ex eâ dignitate in multos viros sanctos crudeliter sæuiturus, adeo vt ex monasterio nihil prope nisi furorem, & impietatem extulisse videretur.

MVNDI

CHRISTI

4725.

672.

Saraceni Constantinopolin obsident, contra quos Romani sæpe dimicant ab Aprili mense ad Septembrem, cùmque hyemassent Cyzici, anno sequenti iterum eam obsederunt, semper repulsi ope B. Virginis: cui vrbs sacra erat, magna clade, redeuntisque ad Scyllæum Promontorium tempestate iactati periere. Eodem quoque anno dux Saracenorum alter contra tres Ro. duces dimicans, triginta suorum millia perdidit; quando inuentus est ignis, quem *Marinum* siue vulgo *Gracum* vocabant, in aquis ardescens, quo Arabum naues exarserunt; sed plus profuit ad illas victorias Constantini pietas, omnibus copiis & machinis longè potentior.

Saraceni Constantinopolin obsidens frustra.

Ignis Græcus.

Obiit hoc anno Kal. Sept. Regni sui 22. cum dimidio Reccesuinthus Hispaniarum Rex, vir piissimus & religiosissimus, cui sine filiis mortuo, immo sine nepotibus idoneis ad regnum, per vim, & inuitus successit Vamba, cuius electio dum inungitur miraculo firmata est: nihil antecessori pietate dissimilis fuit, prudentiâ & fortitudine etiam superior.

Reccesvintho succedit Vamba.

MVNDI

CHRISTI

4726

673.

Mortuus est hoc anno Longobardorum Rex Grimoaldus, relict. filio impubere Gariberto, qui mox sublatus est. Bertaridus autem filius Ariperti regis ex cæde fugiens hæsit apud Francos, immo & in Britannia, vbi voce diuina monitus est de morte Grimoaldi. Itaque rediens in patriam, tertio mense à Regis morte, ab omnibus Longobardis Rex agnitus est; vir

Grimoaldo succedit Gariberto, huius Bertaridus.

valde pius, vt ex eius, ac vxoris operibus intelligitur.

*Rebeller
in Vābam*

Tyranni duo contra Vambam rebellant Ildericus Gothus Præfectus Galliæ Narbonensis, & contra eum missus Paulus Græcus, non tantum sceleratus, sed & impius, ideoque breuī ex-terminandus.

MVNDI

CHRISTI

4727.

674

*Vamba re-
beller pro-
fligat.*

Vamba in Tyrannos mouet, fultus Vasconum & Francorum auxilio; sed potentiori ipse subnixus Angelorum custodiā, lustrato exercitu, & adulterijs omnibus exsertis, in eos progreditur, & intra sex menses omnino profligat. Paulus sacrilegus ductus in triumphum ignominiosē, ac deinde crudeliter interfectus; Vasa sacra Ecclesiis restituta; sic administratum bellum, vt non regni causā, sed Dei susceptum putaretur.

MVNDI

CHRISTI

4728.

675.

*Saraceni
deleti in
Hispania*

Hoc anno, quo celebrata sunt in Hispaniā Concilia Toletanum XI. & Braccarense II. Saraceni cum nauibus ducentis septuaginta Hispanias aggressi sunt; sed hos Vamba deleuit, eorumque exussit classem; non tantum terrestribus præliis, sed & maritimis felix.

MVNDI

CHRISTI

4729.

676.

*Domusue-
cedit
Adeodato*

Adeodatus cum sedisset annis 7. mensibus 2. diebus 17. obiit: & cum vacasset sedes eius menses 4. dies 6. Kal. Nouembr. creatus est Donus, aliter Domnus, & Dominio.

*Saraceni
petunt pa-
cem a Cō-
stantino.*

Saraceni Mardaitarum seu Maronitarum metu qui eorum ditionem in Syriā, ac Palæstinā inuaserant, redimunt a Constantino pacem, tributo annuo trium milium librarum Auri, virorum captiuorum quinquaginta, & totidem nobiliorum equorum. Quo audito

Aua-

Auares pacem quoque postularunt; sic pax diu optata pietatis Imperatoris premium fuit; Constantinus allaborans Deo, sibi quoque expertus est Deum allaborantem.

MVNDI

4730.

CHRISTI

677.

Constantinus pacem Ecclesie reddere conatur; sed expertus est aduersarios acerrimos Monothelitas, Theodorum Constantinop. & Macarium Antiochenum Episcopos, qui Ro. Pontificum neminem præter Honorium, quem mentiebantur suum, volebant in sacris Diptychis recitari, vnde & clam inuito Imperatore Vi-
talliani nomen expunxerunt. Sed postea idem Imperator de iis impiis, fretus quoque Deo, victoriam retulit.

*Monothelitas ob-
stant Imp.*

Mortuus est hoc anno sanctus Audoenus Rothomagensis Antistes, confectus senio, cum pacem inter Neustrios, & Austrasios ad villam Clypiacum composuisset, dignissimus qui in pacis gremio moreretur.

*S. Audo-
nus mori-
tur.*

MVNDI

4731.

CHRISTI

678.

Cum sedisset Donus Pontifex annum vnum, menses 5. dies decem, obiit 3. Id. April. vacauitque sedes eius supra duos menses, & fortè pluribus, cum litteræ ad Donum ab Imperatore datæ sint pridie Idus Augusti. Eæ receptæ sunt ab eius successore Agathone, natione Siculo, qui ex Monacho Pontifex creatus erat. Tum autem Synodus petebatur vniuersalis, ad componendas Ecclesie lites, & ad eam Legati Pontificis: cura demandata Theodoro Exarcho vt nihil Occidentalibus Episcopis, ac Monachis deesset. Et ne hoc Concilium bellum exortum in Bulgaro turbaret, cum eistributo pactus est Imperator, maluit se quietum minus posse videri, quàm Ecclesie tranquillitati defuisse.

*Dono suc-
cedit Aga-
tho Papa*

*Concilium
petitur.*

*Grægorius
succedit
Theodoro.*

Ad hæc Theodorum Constantinopolitanum expulit sede, quia ausus erat Vitalliani nomen ex diptychis sacris obliterare, eique suffecit Georgium Catholicum, sicque magnum obicem pacis fortiter sustulit.

*Mabuia
succedit
Gigides.*

Mabuia inuentum sudarium Christi Seruatoris probauit igne, sicque ortam de eo controuersiam diremit: nec ita multo post obiit, reliquitque successorem Gigidem filium regni hæredem atque impietatis.

MVNDI

CHRISTI

4732.

674.

*Synodi
varie.*

Multæ Synodi in Occidente celebratæ magnæ Sextæ præambulæ in Italia, Gallia, Anglia, quarum celeberrima Mediolanensis, & Anglicana; vt paratiores accederent Episcopi, rebus jam priuatim accuratè discussis.

*Pax in
Anglia.*

Pax quoque in Angliâ composita est inter Northumbrorum & Mercie Reges, per Theodorum Angliæ primatem, composito bello, in quo captus iuuenis, pro quo faciebat sacerdos tanquam de mortuo, nunquam vinciri potuit; sic hoc inuentum sacrificium ad hunc hominem corpore redimendum valuit.

MVNDI

CHRISTI

4731.

680.

*Synodus
Romana.*

Agatho Romanus Pontifex Romæ Synodum celebrauit, generalem dictam, 25. Episcoporum, in qua legatio decretæ est Constantino-
polin, camque obire nomine Concilij tres Episcopi. Sed Legati Agathonis priuatim fuisse Theodorus, & Georgius Presbyteri, Ioannes Diaconus, & Constantinus Subdiaconus S. R. E. qui non disputarent, sed docerent quanam esset Apostolica traditio. In professione autem fidei cum scriptum esset Spiritum sanctum ex Patre Filioque procedere, Græci nomen *Filius* turpiter expunxere; facile crediti librorum corruptores.

SYNODVS OECVMENICA SEXTA

seu Tertia Constantinopolitana contra

MONOTHELITAS.

INchoata est 7. Idus Nouembris cum jam Legati Romani Pontificis accessissent. In eâ sedere, vt Annales Græcorum tradunt, 280. alij pauciores volunt, in Secretario sacri Palatii, quod cognominatum est *Trullus*. Hoc porro anno sex Actiones seu Sessiones celebratæ sunt, reliquæ pertinent ad annum sequentem; in quem hæc Synodus producta est; quia de more hæretici tergiversati sunt, atque illorum fuere dissuadenda mendacia.

Romæ & in Italiâ, post Solis & Lunæ Eclipses, ingens contigit pestis, tumque visos fuerunt per Urbem discurrere Genios bonum & malum, & hunc ad illius iussione[m] domorum ostia toties percussisse quoties ex iis essent effrendi; nec antè remedium allatum malo, quàm sancto Sebastiano, eius reuelatione, in Basilicâ sancti Petri ad Vincula ara poneretur; vnde tempore pestis in hunc sanctum pietas extitit multis deinceps profutura.

Vvamba Hispaniarum Rex, anno Regni sui nono inchoato, lethiferâ potione sibi per Erui- gium Comitem, natione Græcum, datâ, alienatus à sensibus, ab Episcopis & proceribus Hispaniæ monastico habitu, & clericali tonsurâ initatus est, quod remedium aliàs multis eodem afflictis morbo profuisse cognouerant. Sed ipse ad se reuersus, vestem deponere noluit, & monasterio volens se inclusit, atque vt se verè Christianum profiteretur eundem Erui- gium sibi successorem dixit; cuius operâ, dum nocere putâret, tantum bonum, tamque salutare consecutus esset.

SYNO-
DVS VI.

*Deuotio
in sanctum
Sebastia-
num tem-
pore pestis.*

*Vvamba
casus, cui
succedit
Eruigius.*

CAPVT IX.

DECAS NONA.

Ab anno Christi 680. ad 690.

MVNDI

4734.

CHRISTI

681.

*Damnati
Monotheli-
tae.**An Hono-
rius fuerit
Monotheli-
ta.**Pensatio
penuriae à
nouo Pon-
tificis sulla
ta.*

Absolutum est hoc anno Concilium septem aliis Sessionibus, in quibus tandem Monothelitarum error damnatus est, & nominatim anathemate perculsi Macarius Antiochenus eiusque discipulus Stephanus Abbas pertinaces hæretici, iidem exauthorati; quando in populum Arapearum telæ visæ sunt decidere de cælo, signa hæreseos detergere atque sublata; denique ceteri Monothelita iidem afflati fulminibus, Sergius, Phyrrius, Petrus, Paulus, Episcopi omnes Constantinopolitani, Cyrus Alexandrinus & Theodorus Pharanites; quibus etiam permixtus legitur in actis vulgari- bus Honorius summus Pontifex, quasi sententiæ Sergij de vnâ in Christo voluntate subscripsisset. Vtrum autem tum verè damnatus sit Honorius, aut etiam fuerit Monothelita, etiam- num hodie exagitur in scholis quæstio, magno vtrunque ardore propugnata: de quâ cum accuratè scripserint Melchior-Canus lib. 6. de locis Theolog. cap. vltimo pro parte aiente, Baronius ad hunc Christi annum, & Bellarminus de Summo Pontifice, pro negante, ad eos lector remittetur prudentius, quàm hic strictim & pertransennam erudietur.

Tum autem liberata est Romana sedes à pensatione pecuniæ, quam nouus Pontifex Imperatori pendere solitus erat, imperatam pri-

primùm à Gothis Arianis impie , atque à Catholicis non minori sacrilegio exactam , sicque per optimum Imperatorem magno Ecclesiæ commodo verè hæc *Auri sacra fames* penitus sublata est .

MVNDI

CHRISTI

4735

682.

Hoc etiam anno Agatho Pontifex Romæ Synodum collegit 100. Episcoporum , indeque dedit Epistolam pridie Kal. Mart. nam eius vita ad annum sequentem propagata ; qui longè tardiùs debuit mori .

*Synodus
Ro. sub
Agathone*

Constantinopoli Georgio mortuo , Theodorus Syncellus , antea Patriarcha , eiurato Monothelitarum errore restitutus est ; à quo crasa sunt omnia quæ ad eius ignominiam spectabant ex actis Sextæ Synodi , forsitan annuente ipso Imperatore , ne hominem infamem donasse Episcopatu videretur ; quare & diutiùs Legati Pontificis retenti sunt Constantinopoli ; exemplo Principibus , & Episcopis dato illiusmodi hæreticis ad Episcopatus non esse facilè viam aperiendam , quos ambitiosè semper , nunquam religiosè prensauerunt , raròque hæresin ex animo posuerunt , honoris , & gloriæ , quàm fidei , & pietatis amantiores .

*Theodorus
Constan.
tinop. res-
titutus.*

MVNDI

CHRISTI

4736.

683.

Agathon Pontifici mortuo hoc anno 4. Id. Iunij successit Leo II. natione Siculus , vir eruditissimus , 18 Kal. August. cùm tantùm vacasset sedes menses duos , dies 5. vnde corruunt quæ de vtriusque Pontificis morte , vel electione scripsit Anastasius , hinc eruditè per doctissimum Baronium vt aliàs sæpe emendatus . Ab hoc Leone Acta 6. Synodi ex Græco in Latinum conuersa ; sed à Theodoro corrupta . Epistolæ autem eius duæ ad Constantinum Imperatorem , vt ad Eruigium Regem Hispaniæ , in quibusdam .

*Moritur
Agatho ,
& succe-
dit S. Leo
II.*

damnatus legitur Honorius, spuria sunt; quare ex iis deprompta contra Honorium argumenta corruunt, adulterinis scriptis innixa.

*Pax Ec-
cles. firma
ta.*

Macarius Antiochenus, alique Monothelitz, ex 6. Synodo Romam missi, in errore pertinaces per diuersa Monasteria sparsi sunt; ceteri qui ad sanam mentem rediere, in communionem recepti; pax Ecclesiæ sic restituta, vt ab iis nebulonibus turbari non posset.

MVNDI CHRISTI.

4737.

684.

*S. Lemi
II. suc-
cedit Bene-
dict. II.*

Leo Secundus obiit 4 Kal. Iul. inter sanctos adscriptus, cum sedisset menses decem dies 14. cuius tempore ordinatio Rauennatis Episcopi, à Romano Pontifice fieri solita, renouata est, horum Episcoporum ambitione interrupta, atque turbata; quibus Exarchorum præsentia faciebat animos. nunc Imperatoris pietate, & æquitate repressa. Leoni autem, cum vacasset sedes mensem vnum, & dies 22. 3. Kal. Septembris successit Benedictus II. vir ex aquo nobilis, pius, & doctus; cuius tempore Ecclesia plenam libertatem consecuta est; cum ei tribuisset Constantinus, vt huic Pontifex non expectatâ Imperatoris voluntate sufficeretur, quo pacto, & temporis iacturæ, & turbarum periculo cautum est, atque prouisum.

*Benedictio
filii Imp-
rat. com-
mendatur*

Constantinus Imperator misit hoc anno ad Benedictum Pontificem filiorum suorum Iustiniani & Heraclij mallones seu cyrrios capillorum, quibus se eius filios profiterentur, sic factus est peculiari ratione eorum pater, qui iam erat totius Orbis terrarum.

MVNDI CHRISTI

4738.

685.

*Constanti-
no succedit
filius Iu-
stinianus.*

Constantinus Pogonatus cum imperasset annis 17. Imperium suum reliquit filio suo Iustiniano II seu Iuniori, pæne puero; cuius

ta.

tamen Deus rector & administer fuit. 'Abimelech enim Saracénorum Princeps cum eo initam à parente concordiam renouauit, aucto etiam tributo. Leontius autem cum exercitu missus, Armeniam, Albaniam, Iberiam, Hyrcaniam, Mediam, cæsis aut expulsis indidem Saracenis, Romano acquisiuit Imperio; cælo pietatem patris etiam in filio remunerante.

S. Benedictus Papa huius nominis II. obiit Non. Maij. Cui datus est successor post menses 2. & dies 15. Ioannes V natione Syrus. 12. Kal. Augu. vnus ex legatis Sextæ Synodi; vnde conficiet necei pietatem, neque prudentiam, nec cruditionem defuisse.

Habita est hoc anno, iussu Theodorici, aut potius Ebroini, Tyrannica Synodus in Galliis, in quâ relegandos curauit Lambertum Traiectensem; Amatium Senonensem; Leodegarium Augustodunensem, & hunc quidem sapientissimum sub Childerico Rege administrum, in quem exulem impotentissimè sa-
 uijt; huic enim longo carcere, ac diuturnâ fame edomito oculos eruit, plantas exscidit, linguam ac labia secuit, ac post multa atrocía tormenta eidem caput præscindi iussit; quibus pœnis sanctorum cultum meruit, 6. Non. Octobr. inter martyres adscriptus; in morte & post obitum multis miraculis clatus. Guarinus quoque huius sancti frater ad palum alligatus lapidibus obrutus est. Ita seuiit impius Luxouiensis iste excucullatus Monachus, vt non ex claustro, sed ab inferis Dæmon eruisse videretur.

*S. Bened.
dicto II.
succedit
Ioannes V*

*Ebroini
in sanctos
crudelitas*

M V N D I C H R I S T I

4739.

686.

Ioannes V. Papa, cum sedisset annum vnum, dies vndecim; obiit 4. Non. Augusti. Quo mortuo cum diuisus esset cletus, aliis Theodorum, aliis Petrum Presbyteros eligentibus, tan-

*Ioanni V.
succedit
Conon.*

tandem concordibus suffragiis , post menses duos , & dies octodecim , electus est Conon natione Thrax , educatus in Sicilia , & factus S. R. E. presbyter . Hic statim ad Exarchum Theodorum legatos misit ; sic enim de suo jure Imperatores remiserant in Electione Romani Pontificis , ut ad evicinum Exarchum recurrendum esset , imminutâ duntaxat , non penitus sublata causâ turbarum , & ambitus .

Iustinianus pacem Ecclesiæ turbas .

Iustinianus Imperator sancitam Ecclesiæ pacem non nihilturbavit , ac Cononi restitit , eiusque Legatos Constantinopolin missos prauaricari coëgit ; adeo Imperatores illi Orientis parum in officio suo constantes extitere , ac pæne semper filij parentibus dissimiles .

S. Iulianus Toletanus Episcopus .

Hoc tempore S. Iulianus , Toletanus Episcopus , aduersus Iudæos , jussu Ervigij Regis Hispaniarum , scripsit ; malè confusus cum Iuliano Pometio Mauro Presbytero in Galliis tempore Gelasij Papæ , quod vterque librum suum *Prognosticon* inscripserit : sed neque stylo , nec tempore , nec dignitate conueniunt .

MVNDI CHRISTI

4740.

687.

Sergius succedit Cononi .

Mortuus est hoc anno , sedis suæ mense vndecimo cum diebus viginti tribus , Conon 3. Id. Octobris , eiusque morte constat est Schisma inter Theodorum Presbyterum & Paschalem , populo in duas factiones diuiso : tandem conuenientibus inter se clero , optimatibus & iudicibus , iis antepositus Sergius natione Syrus 7. Kal Ian. cui statim cessit Theodorus Archipresbyter (quamquam alij hunc Pontificem sediisse velint , nec Sergium Pontificem fuisse , nisi eo mortuo) Paschalis autem ad Ioannem Exarchum accessit , promissis ei centum auri libris . Qui cum Romam venisset , agnouissetque Sergium legitimè electum , Paschalem quidem omisit , sed à Sergio alias auri libras centum extorsit ab Ecclesiâ sancti Petri . Pas-

Turba in Ecclesiâ

chalis

chalis autem detectus fortilegus & idololatra, Archidiaconatu depulsus, ac reclusus in monasterium ibidem obiit, neque Pontifex, neque Archidiaconus, sed impœnitens monachus.

Eruigio Regi Hispaniarum mortuo successit Egica, seu Egicanes, Vvambæ consobrinus, vel filius, Eruigij gener; in regnum ascitus ob Vvambæ memoriam; præteritis demortui Regis liberis, quos Patri quàm Auo similiores meritò Hispani futuros suspicabantur.

*Eruigio
succedit.
Egica.*

Hoc denique anno impius Ebrouinus magister Palatij Theodorici interfectus est ab Hermenfride nobili viro, cui bonorum omnium iacturam interminatus erat; hic eo cæso statim ad Pipinum fugit, Austrasiam sanctæ administrantem; boni omnes de hominis scelerati morte ingentem voluptatem recepere.

*Ebrouini
cædes.*

MVNDI CHRISTI

4741.

688.

Theodoricus, regni sui anno vndecimo, claustro quàm Palatio aptior, cum sub Ebrouini Tyrannide vixisset, obiit Atrebat, sepultus in Æde S. Vedasti. Reliquit ex Regina Clodoilde, seu Dodâ aliter & Solindâ, Clodouaum, & Childebertum; quorum ille successit patri dictus Clodouæus III. Rex Francorum 16. hæres regni paterni atque inertia.

*Clodouæus
III. suc-
cedit
Theod i-
co.*

MVNDI CHRISTI

4742.

689.

S. Kilianus Hibernus, hoc anno in Franco- niâ Herbiopolitanam sedem martyrio suo consecrauit, cum duobus sociis suis, cæsus a Geisâ Gosberti Franconiæ Ducis vxore, quam ante Baptismum eripuerat suo fratri. Eorum corpora diu latuere, nec nisi percussorum pœnâ detecta. Gosbertus cæsus, filij & cognati expulsi, Geisia a Dæmone correpta, pœnas pio sanguini graues persolvere.

*S. Kiliani
Mar-
tyrium.*

S. Cca-

S. Ceadulla Rex Anglus. S. Ceadulla Rex Orientalium Saxonum Romanam venit, ex voto relicto diademate, ibique à Sergio Baptizatus, adhuc in albis, terrestre regnum cœlesti gloriôsè permutauit.

MVNDI

CHRISTI

4743.

690.

Pax abrupra inter Ro. & Saracenos

Hic annus celebris extitit pace inter Iustinianum Iuniorem & Saracenos ruptâ, leuissimâ de causâ. Hi enim auri massam offerebant tributum nomine; Imperator exigebat pecuniam imagine suâ signatam; inde bellum erupit toti Orienti fatale; & hoc facto Iustinianus se imprudentiâ & moribus magis quàm nomine Iuniorem præstitit.

CAPVT X.

DECAS VLTIMA.

Ab anno Christi 690. ad 700.

MVNDI

CHRISTI

4744.

691.

Cunipertus successit Bertharido.

Alacbis Tyrannus casus.

Mortuus est hoc anno Bertheridus Longobardorum Rex, cum decem annis regnasset, cui successit filius Cunipertus, jam ab anno cum patre regnans. Hic Tridentinum Ducem Alachin, hominem impium & Ecclesiasticis perinensum appetiit bello. Alachis autem ab Ecclesiasticis frustra tentatus erat bello, & parum religiosè, Zenone duce Diacono Ticinensi, qui in prælio occubuerat. Vouerat Tyrannus sacrilegè se impleturum puteum ex testiculis Clericorum si Cunipertum vinceret; Sed prouocatus ad singulare certamen à Cuniperto congrredi non est ausus, quòd inter eius contos vidisset, in somnis imaginem S. Michaëlis, ad quam ei iurauerat fidem.

fidem . Sed miser commisso prælio interemptus , se turpi voto suo exsolutum esse , in inferis confictum Dæmonis vnguibus intellexit .

Paulo Constantinopolitano mortuo successit Callinicus , homo nouarum rerum cupidissimus , vt sequens annus ostendit .

*Callinicus
succedit
Paulo .*

MVNDI CHRISTI

4745.

692.

Iustiniani Iunioris anno 8. Sergij Pontificis 5. celebrata est Constantinopoli Synodus ER-
RATICA dicta , in quâ conditi centum & tres Canônes , quasi ad Synodum Sextam , ante duodecim annos habitam , Appendices . Dicta quoque est QVINI-SEXTA , quia cùm non editi essent Canones in Quintâ & Sextâ Synodo , Appendix ista inepta duo hæc Concilia absoluisse videretur . Sed huic constantissimè obstitit Sergius , repugnauere & tres alij Orientales Patriarchæ : & si nonnunquam citati sint eius Canones à Pontificibus Romanis , appellabantur hi contra Græcos , vt suis ipsi armis conficerentur .

*QVINI-
SEXTA
Synodus,
sen Erra-
tica eius-
que Cano-
nes .*

Iustinianus vbi vidit hos Canones à Sergio improbari , mittit Romam Protospatharium suum Zachariam , vti Papam deportaret Constantinopolin . Sed Italica militia eum tutum præstitit , & Zachariam tam contumeliosè & acerbè excepit , vt & in Pontificis cubiculum se recipere coactus sit , immo & in eius se lecto abdere , vbi & *λειποτοιμίαν* passus dicitur ; quare paulò post reliquit Urbem , vitæ suæ seruandæ , quàm Pontificis abducendi sollicitior .

*Sergius
resistit Iu-
stiniano .*

Armenia à Ducibus prodita hoc anno Imperio Romano perit : sicque Imperator intelligere potuit Romanam fortunam ex parentis pietate , calamitatem ex suâ improbitate pendere .

*Armenia
Ro. perit .*

Mortuus est hoc anno Clodouæus III.

anno

*Clodouæo
III suc-*

*cedis Clil
debertus.*

anno regni sui 4 cui successit frater Childebertus indolis bonæ ; sed vt frater sub Ebroino , sic ille sub Pipino Crasso , Magistris Palatij , Iuris alieni : tum enim hi Franci Principes vti nobiles bestia à suis Magistris Palatij regebantur.

MVNDI

4745.

CRISTI

693.

*Pipinus
Crassus
Magister
Palatij.*

Pipinus de Herstallo , cognomento Crassus , restituit Lambertum Traiectensem ad Mosam in exilium depulsum ab Ebroino , atque ita de omnibus nobilibus bene meretur , vt eum Regis instar omnes colerent , huicque nihil præter Regis nomen deesset ; tumque strauit viam suis posteris , humanitate suâ , ad regiam dignitatem.

*Sisbertus
exautoratus.*

Eodem denique anno Sisbertus Toletanus Episcopus , coniurationis in Regem Egicanem reus , perdidit Episcopatum & bona , in Concilio Toletanano 160. amandatus in exilium ; neque enim ultra Ecclesiæ potestas , & Regis facilitas processere.

MVNDI

4747.

CHRISTI

694.

*Iustinianus à Leo-
no expellitur.*

Leontius olim præfectus Orientis , jam triennio ob calumniam detentus in carcere , & Imperatoris jussu emissus , vt præficeretur Græciæ , amicorum hortatu seditionem in Iustinianum concitauit , & Imperator acclamatus est . Iustinianus inuisus populo ob sacra contempta , & sævitiam , quâ hunc ducibus suis cædendum obiecerat , captus , ac præcisus naribus (vnde *Π'ivo' τυντος* dictus) Chersonam in exilium relegatus est ; Theodorus Monachus , & Stephanus Sacellarius , præcipui eius crudelitatis administri , funibus ad pedes religatis in forum pertracti , ibidem viui combusti sunt ; Theophanes non tantum ei præcisum nasum , sed & linguam , quod falsum ; cum postea eum constet & locutum , & sapius quàm eius inimici voluissent .

Obiit

MVNDI CHRISTI.

4748.

695.

Obiit hoc anno S. Audomarus Morinorum Episcopus, & eorum dictus Apostolus, quod hâc renascentes Idololatriæ fibras excidisset, pastorum incuriâ succrescentes; quando & in Frisiâ fides egregiè propagata est, ob martyres istic cæsos, quorum sanguis semen Christianorum semper fuit Frisiis itaque anno sequenti datus est Episcopus S. Vvilbrodus sub nomine Clementis à Sergio, cui Pipinus Traiectum, olim Vvittemburgum dictum, sedem assignauit, pietate suâ rem suam magis quàm armis promoturus.

Ecclesiæ res acta.

MVNDI CHRISTI

4749.

696.

Leontij Imperatoris anno tertio Arabes Africam inuadunt; vnde ees expulit Ioannes Patricius ab Imperatore missus: ac illi redeuntes cum maiori classe Ioannem depulere: quo casu turbati Romani milites, & Constantinopolin ad Leontium redire veriti, Absimarum Imperatorem creant, cumque Tiberium vocant. Hic eorum audaciâ & scelere vsus, properat Constantinopolin, & Leontium captum præcisis naribus in monasterium Dalmatiæ relegat; Iustinianum vltus fructuosè.

*Leontius exantora-
tur à Ti-
berio Absimaro.*

MVNDI CHRISTI

4750.

697.

Frisia, Batavia, iisque proximæ Germaniæ partes ad veram fidem accessere, operâ S. Vvilbrodi Traiectensis ad Rhenum Episcopi, & Suuiberti Verdensis; qui cum non tantum verbo, sed & vitâ & miraculis potentes essent, iis gentibus veram religionem potentiùs & faciliùs inspirauere, tum à verâ religione alienissimis propter feritatem.

Frisia, Batavia conuertuntur ad fidem.

MVNDI CHRISTI

4751

698.

Cæsus est hoc anno S. Lambertus Tungrensis

S. Lambertus Tungrensis.

*fi. Episc.
caditur.*

sis Episcopus à Dodone fratre Alpaidis, quæ Pipini pellex erat, quòd sæpe Pipinum de adulterio arguisset, cùm hic haberet uxorem Pletrudem. Mortui autem sancti corpus nullæ pellices osculari potuerunt; quod translatum in Legiam vicum, peregrinorum concursu eam urbem nobilem reddidit, hodie Leodium *Liege* ad Mosam. Dodo miserè periit. Pipinus magno dolore affectus ex S. viri morte, pellicem seruauit, quòd ex eâ genuisset Carolum Martellum, quem impensè diligebat ob egregias animi dotes, & qui eius familiæ, Nothus licet, egregius propagator extitit.

*Carolus
Martellus
Pipini fi.
lius No-
thus.
Saraceni
in Syria
vexati.*

Romanus exercitus ab Imperatore Absimaro missus in Syriam, vt eam deprædaretur, ducenta Saracenorum millia cecidit, ac copiosam retulit prædam. Iam enim prope in immensum hæc gens creuerat, ac totum pæne implebat Orbem ad Orbis vltiorem nata, atque à Deo ipso visa propagari.

MVNDI

CHRISTI

4752

699.

*S. Huber-
tus Episc.
p. s. Leo-
diensis.*

S. Hubertus, filius Bertrandi Aquitanix Ducis, per Sergium Papam diuino monitu consecratus Episcopus Leodiensis, seu Tungrentis. Ideo hæc ciuitas peculiari affectu vnita Ecclesiæ Romanæ, & in sigillo suo se filiam Romanæ Ecclesiæ scribit: tota Regio, tanti viri virtute, in gregem Dominicum transit.

*S. Althel-
mus An-
glus Episcopus.*

Venit & hoc anno Romam ad limina Apostolorum S. Althelmus siue Aldhelmus Schireburgensis in Angliâ Episcopus, quem aiunt purgasse ab adulterij suspitione Sergium Papam, elicita pueri nouem dierum, qui ei tribuebatur, excusatione; quod cùm tantum legatur in eius Sancti vitâ, nusquam aliàs, non caret fæctionis suspitione.

S. Vulfra-

MVNDI

CHRISTI


4753.

700.

S. Vulfraunus Episcopus Senonensis diuino
admonitu ad Frisios transiit, vbi Christi fidem
valde promouit: quando dux regionis huius
Radbodus jam Baptizandus recessit ex sacro la-
uacro, ne à suis maioribus in alterâ vitâ miser
reuelleretur. Hic vir sanctus obiit in Monaste-
rio Fontanellæ multis miraculis clarus, hodie-
que eius corpus seruatur magnâ cum religione
Abbauillæ, vbi magnificè colitur, factus vr-
bis huiusce Patronus, atque hisce temporibus
magnus in Picardiâ Thaumaturgus.

*S Vulfra-
nus Abba-
villa Pa-
tronus.*





LIBER VIII.

Ab anno Christi 700. ad 800.

CAPVT PRIMVM.

DECAS PRIMA.

Ab Anno Christi 700. ad 710.

MVNDI
4754.

CHRISTI
701.

*Sergius
Papa
moritur.*



Sanctus Sergius Pontifex, cum sedisset annos 13. mentes 8. dies 14. Obiit 5. Id. Sept. Cæterum ex eius Epitaphio constat eum ab Vrbe pulsum per Ioannem quemdam Sedis inuasorem, septem annis exulem vixisse, quod nemo scriptorum tradit, eiusque calamitatis euauisset memoria, nisi eam veteres inscriptiones Romanæ repræsentassent. Vtrum autem idem Pontifex Bedam ad se euocarit, scribunt Angli, eâ de re tacuit ipse Bedâ, factâ nihilominus sæpe Sergij memoriâ; quod tamen eius modestiæ, sine veritatis historicæ dispendio, potest adscribi. Successit Sergio post mensem vnum ac dies 20. Ioannes VI. natione Græcus; aduersus quem cum venisset Theophylactus Exarchus à Sicilia, fortè aliquid pecuniæ extorturus, in eum milites insurrexere, ex quorum manibus & furore fuerat per Ioannem eripiendus, mili-

*Sergio
succedit
Ioannes
VI.*

ribus

tribus deinceps in Pontifices melius quam suos Exarchos affectis; quod aliquid contulisse diuitias Romanæ Sedis non est absimile vero; eo tempore Ecclesiæ valde necessarias.

Egicani Regi Hispaniarum mortuo successit filius Vvitiza, qui cum patre iam quinquennio regnauerat: hic in omnia vitia se effudit, & ut idem facerent sui Duces ac milites author fuit; irreuerens in Episcopos suos, immo & in Romanum Pontificem: denique sic turbauit omnia sacra prophanaque, ut à Saracenis occupanda ac delenda eius potissimum causâ fuisse videatur Hispania.

*Egicano
succedit
filius
Vvitiza.*

MVNDI CHRISTI

4755.

703.

Iustinianus Rhinotmetus exul Chersonæ sorore Caiani ductâ, eius auxilio arma & feditum parat. In nauigatione exortâ tempestate cum moneretur ab amicis ut votum ederet se inimicis parciturum, si ab eâ incolumis abscederet; Immo, inquit, *statim demergar, si eorum cuiquam parciturus sum* tandem euadens, euocato Trebellio Bulgarorum Rege, conflauit exercitum, suis aduersarijs metuendum.

*Iustinianus parat
redium.*

MVNDI CHRISTI

4756.

703.

Trebellius Bulgarorum Rex, clam per aqueductum ingressus Constantinopolin, Iustinianum in solio collocat. Capti fugientes Apfimarum & frater eius Heraclius cum multis Patriciis; quos Iustinianus in muro cadi iussit; Apfimarum reseruato, quem cum Leontio per Vibem traduxit, eorumque ceruices pede pressit in Circo, cum his Prophetæ verbis, *Super Aspidem ambulabis, & conculcabis Leonem & Draconem*, tandem utrique caput demeti iussit. Multos etiam perdidit saccis inclusos, ac proiectos in mare: Callinicum autem Patriarcham excatum in exilium misit, Cyro Amastridis monacho, qui ei restitutionem prædixerat, subrogato.

*Restituitur Iustinianus
vindictæ
aptetensissimus.*

Filium denique suum Tiberium vxoremque Theodoram coronauit Augustos, remisitque muneribus ornatum Trebellium; vir vsque ad furem vindictæ appetentissimus.

Luithbertus successit Guntherto. Obiit hoc anno Cunipertus Rex Longobardorum, relicto filiolo Luithberto sub tutelâ Aſprandi, viri magni; vnde multi consecuti sunt tumultus, in hac ætate Principum soliti contingere.

MVNDI CHRISTI

4757.

704.

Aripertus pietas.

Ciuiles motus hoc anno Longobardos exerceuerunt, qui terminati sunt victoriâ Ariperti, sublatis amulis, pacificè rerum potientis. Is potitus victoriâ præcibus S. Boniti Aruernensis Episcopi ad limina Apostolorum proficiscens, relicto Episcopatu, sanctæ Sedi ereptas Alpes Gotias reddidit, sicque res suas pietate partas, pietate firmavit.

Edilredus Rex Merciorum.

Florebat his temporibus Anglicana Ecclesia, in quâ duo Reges Merciorum, pater & filius Edilredus & Coënnredus, positâ purpurâ Monachi saccum induerunt. Sub Coënnredo contigit mors Aulici huius famosa, qui pœnitentiam procrastinans, sibi crastinum diem esse denegatum æternis lacrymis dolebit.

MVNDI CHRISTI

4758.

705.

Ioannes VII. succedit Sexto.

Ioannes VI. Sedis suæ mense tertio cum diebus 12. mortuus est 4 Id. Ian. cùmque vacasset sedes mense, ac diebus 18. Kal. Mart substitutus ei Ioannes VII. item natione Græcus, qui rogatus honorificâ legatione ab Imperatore, vt reciperet Canones Synodi Quini-Sextæ, & quos vellet probaret, aut reijceret, fortiter recusauit, ne erraticam Synodum vtcumque probasse videretur.

Iusti.

MVNDI

CHRISTI

4759.

706.

Iustinianus Bulgaros , à quibus restitutus erat , armis aggressus est ; sed ab iis turpiter victus , cum paucis Constantinopolin fugit , nec fortis hostis , nec bonus ac gratus amicus .

Iustinianus victus à Bulgaris .

MVNDI

CHRISTI

4760.

707.

Ioannes VII. cum Petri Sedem tenuisset annos 2. menses 7. dies 17. 15. Kal. Nouemb. excessit è viuis ; eius Sedes vacua tribus mensibus fuit ; & diuriùs , vt breuissimi spatij Præsulem acciperet .

Ioanni VII. Papae .

MVNDI

CHRISTI

4761.

708.

Sisinnius , natione Syrus , Pontifex electus est 15. Kal. Febr. atque ex dirissimâ podagrâ , diebus 20. dumtaxat Papa , 7. Id. Febr. morte subitâ extinctus Nonis Martiis , reliquit locum suum Constantino , item Syro ; sede eodem anno bis vacuâ , bis repletâ .

Succedit Sisinnius .

ei Constantinus .

Felix Rauennas Episcopus , consecratus à Constantino , eique pollicitus obsequium , cum rediisset ad suos iterum schismate pollutus est , ciuibus id exigentibus . Itaque misit Imperator Theodorum Patricium cum exercitu , qui captâ ciuitate rebelles spoliauit , ac misit Constantinopolin : Felix excæcatus relegatus est in Pontum ; qui tamen mortuo Iustiniano quantumuis cæcus dicitur fuisse restitutus , immo & post mortem miraculis claruisse ; si qua Rubeo fides , in gratiam Rauennatum suorum sæpe nimis credulo .

Felix Rauennas excæcatus .

MVNDI

CHRISTI

4762.

709.

Iustinianus Constantinum Papam aecerit Constantinopolin . Soluit ergo , bene stipatus Ecclesiasticis , è Romano portu ; sed hyemare Hydrunti compulsus est . Inde nauigans , vbique magnificè , vt Imperator ipse , susceptus est (sic

Constantinus pergit Constantinopolin .

enim Iustinianus iusserat) occurrensque ei in Siciliam venienti Theodorus Patricius graui infirmitate vexatus, eumque veneratus, statim sanatus est. Interea Ioannes Rizocopus Exarchus Romam venit; vbi aliquot viros nobiles interemit, pergensque Rauennam occubuit, non diu dilato crudelitatis supplicio.

Childebertus III. Rex Francorum, regni sui hoc anno reliquit regnum suo Dagoberto II. aut verius imaginem regni, cum Regnum ipsum Pipinus administraret, eiusque filius Grimoaldus Magister domus; cui hanc dignitatem concesserat hæreditariam, & aditum simul ad regnum.

MVNDI

CHRISTI

4763.

710.

Susceptus est magnificentissimè Constantinopoli Constantinus Pontifex à Tiberio filio Iustiniani Augusto, Cyro Patriarchâ, totoque Senatu, ac populo. Iustinianus autem, tum Nicææ degens, occurrit ei Nicomediam, pedesque eius osculatus, in eius ruit amplexus. Quid inter eos actum sit, ignoratur; suspicio est agitados esse Canones Synodi Quini-Sextæ; sed restituisse fortiter Constantinum operâ Gregorij Diaconi, qui ei successit; & qui tum nominis sui, in causâ tanti momenti, oblitus non est.

Rebellauere tum populi Bosphori atque Chersonesii in quos atrociter sæuit Imperator, interfectis etiam infantibus, & hominum 73. millibus variis in locis immaniter trucidatis; quâ crudelitate neque sibi, neque Imperio Romano consuluit.

Mortuo in Hispaniâ Vvitizæ impiissimo Regi successit Rodericus, vir quidem fortis, sed improbitate par antecessori suo, aut etiam deterior, qui iam præcipitantem Hispaniam in vltimum exitium impulit, eius fax atque bustum.

Childebertus III. succedit Dagoberto II.

Constantinus magnifice susceptus Constantinopoli.

Iustiniani crudelitas.

Rodericus successit Vvitizæ.

CAPVT II.

DECAS SECVNDA.

Ab anno Christi 710. ad 720.

MVNDI CHRISTI

4764.

711.

Redit Romam ex Oriente Constantinus, nullo alio opere pretio, quàm vt Imperatorem vidisse, & ab eo honoratus esse gloriaretur. *Papa
Romam
redit.*

Chersonesii à Iustiniano grauiter afflicti, & diriora expectantes, cum ipse aduersus eos nouam parasset classem, petunt auxilium à Chaiano Rege Lazorum. Iam potentes, & parati resistere, quosdam Imperatoris Duces dolo admissos Chersonam, obtruncant, ac renunciant Imperatorem Břdanem Philippicum, qui olim à Tiberio Apsimaro relegatus in Cephaloniam insulam, postea reuocatus liberat à Iustiniano vt bellum contra Chersonesios perceret, rursusque ob tumultum excitatum, ad Chaianum confugerat. Cum autem alij quoque Duces ab Imperatore missi aduersus rebelles, nihil profecissent, veriti redire Constantinopolin se Philippico coniungere. Quare hic iam auctus magno exercitu, Constantinopolin properat, premissoque Mauro Patricio cum copiis aduersus Tiberium, & Eliam, contra Iustinianum, ipse cum omnibus copiis assumpto Imperatoris nomine sequitur. Maurus Tiberium interceptum ad Blachernas, in ade B. Virginis, altare prensantem vnâ manu, alterâ lignum S Crucis, cum reliquiis SS. è collo suspensis, per vim extractum (auiâ Anastasiâ ad Mauri pedes nequicquam pervolutâ) interfecit. Elias autem, Philippici in exilio comes, & cuius filium in sinu matris

*Philippicus rebel
lat in Iu
stinianum.*

*Iustinia-
nus cedi-
tur.*

Iustinianus jugularat , eiusque coniugem Indo-
coquo dederat vxorem , aduersus Imperatorem
progressus, pollicitus omnibus impunitatem, ma-
gnam copiarum partem ad se attraxit , mox fu-
riosè in reliquas irruens, dissipauit, & Iustinia-
num interemit, cuius caput ad Philippicum mi-
sit, inde Romam vsque translatus, vt vir crude-
lissimus, vbique timeri desineretur. Hic finis fuit
hominis vindictæ appetentissimi , quem ultio
tandem aliquando perdidit, nulli neque viuo,
neque mortuo profutura .

MVNDI CHRISTI

4765.

712.

*Philip-
picus
Monathe-
lita .*

Philippicus, vir moribusturpissimus, & Mo-
nohelitarum fautor , pollicitus cuidam Pseudo-
monacho incluso mago & Monothelitæ , à quo
promissum ei fuerat Imperium, se sextam Syno-
dum aboliturum, hoc anno stare pactis aggredi-
tur . Cyrum ergo Catholicum Episcopum sede
deturbat , eiusque loco Ioannem Pseudomona-
chum Monothelitam substituit; alter enim Mo-
nachus ille Imperij vates, destinatus ad Episco-
patum, oculos perdiderat. Ille factus Episcopus ,
statim Synodum conuocat, in quâ Sextum Conci-
lium abolet, quæcumque in eo fuerant constituta
impudentissimè damnat; eaque mittit ad Roma-
num Pontificem, professionis fidei loco , vt se
non Monothelitam modò , sed & impudentem
hæreticum profiteretur .

*In Phi-
lippicum
rebellio .*

Ea sunt recepta à Romano Pontifice populo-
que Ro. cum execratione; vbi, neque suscepta
est Imperatoris Imago, neque pecunia eius si-
gnata effigie, ac nomine; tacitum quoque no-
men eius in Mysterijs , & ab eo missus Dux
Vrbis quidam Petrus exclusus, armato aduersus
eum veteri Duce Christophoro , qui ad interi-
tum vsque Philippici, inter se magno tumultu
contenderunt. Sic impij Principis Imperium
nutare cæpit.

*Vari Re-
ges Lon-
gobardi .*

Aripertus Longobardus , regni sui anno 12.
mori-

moritur; cui successit tribus tantum mensibus Ansprandus; huic filius Luitprandus (in inscriptionibus Leutbrandus) qui statim Alpium Cotiarum in quibus erat ciuitas Ianuensis, seu Genuensis, donationem ab Ariperto Romanæ Ecclesiæ factam confirmauit, sapienter regnum suum à pietate auspicatus.

M V N D I

C H R I S T I

4766.

713.

Philippicus 6. Imperij sui mense, vigiliâ Pentecostes, post magnum conuiuium primoribus ciuitatis exhibitum, quiescens, à Patriciis quibusdam interceptus excæcatus est, & missus in exilium. Sequenti die Pentecostes, quicui fuerat à secretis Arthemius in magnâ Ecclesiâ coronatus est Imperator, dictusque Anastasius Secundus. Hic statim veram synceramque fidei professionem ad Constantinum Pontificem misit; ipse vicissim Apocrisarium, qui pœnitentes nomine Apostolicæ Sedis reciperet. Itaque Philippi exauratione huic Ecclesiæ atque Orienti pax est restituta.

*Anastasius
2. sufficiens
Philippico ex-
auratione.*

Celebris est hic annus Saracenorum in Hispaniam transitu, cuius proxima causa fuit Rodericus in Vvitiæ familiam defecuiens, expulsus ignominiosè eius filiis Fumalo, & Erpulsiono. Confugere illi ad Iulianum Tingitanæ Præsidentem, cuius filiam Cauam Rodericus vitiat, & pellicis seruabat loco. Hi cum Francis coniurantes, vt Galliam Narbonensem inuaderent, fauente intus Oppâ filio Vvitiæ, Archiepiscopo simul Hispanensi, & Toletano, sollicitant Vlt Saracenorum in Africâ Regem, qui cum iis præmisit in Hispaniam 25. millia fortissimorum militum, ducemque Tarissam Strabonem, experientissimum ducem. Hi nullo negotio vrbes, quas tribus exceptis, Vvitiæ muris spoliatur, occupant. Sed restitit initio, rapim collecto exercitu, Rodericus, & aliquot hostium millia cecidit; Verum superueniente cum infinitis peditum

*Saraceni
in Hispaniam
transierunt,
dux e
Iuliano.*

*Rodericus
Rex pe-
rit.*

K 5

Equi-

Equitumque copiis Muzâ Duce Saraceno, Gothi interneçione deleti sunt. Rodericus aut in prælio, aut in flumine periit, Gothi insuper in provinciâ Narbonensi exterminatis. Sic pæne periit Hispania Christianitati, data Saracenis, quæ ex Principum suorum contaminatissimâ vitâ Arabum, & Mahumetanorum, jam mores induerat.

MVNDI CHRISTI

4767.

714.

Constantino successit Gregorius II.

Mortuus est hoc anno, cùm sedisset annos sex, & mensem vnum, Constantinus Papa 4. Id. Aprilis; vir in quonihil ad magnum Pontificem defuit; enituit tamen eius in pauperes cura, cùm eo sedente Urbem penuria vexasset. Huic post dies 42. suffectus est 13. Kal. Iunias Gregorius, huius nominis secundus, Diaconus S. R. E. Bibliothecarius, eruditione ac sanctimoniam, rebusque Constantinopoli cum suo Pontifice gestis, illustris, & omnium vno consensu summâ hac dignitate dignissimus.

Mortuus Pipinus Crassus.

Pippinus de Herstallo, cognomento Crassus, diu administratâ sub titulo Majoris Domus Franciâ, ac verè Principum suorum Tutor ac Magister, fato defunctus est. Susceperat duos filios ex Plestrude legitimâ coniuge, Brogonem Campaniæ Ducem, & Grimoaldum, quem Maiorem Domus Childerici, ac deinde Dagoberti, constituerat; sed hoc cæso per Rangarium, à socero suo Roberto inuitatum, substitutus ei fuerat Theodandus eius filius Nothus. Ex Alpaide verò pellice genuerat idem Pipinus Carolum Martellum, &c, vt jam pleriq; putant, fratrem eius Childerandum, ynde Capetiana familia creditur profluxisse: sed hic remansit incognitus diu. Carolus Martellus creatus à patre Dux Austrasiz, atque à Plestrude Coloniæ detentus in carcere, dignum se Pipino præstitit, atque familiæ suæ ad Regium Franciæ thronum proximum gradum subtrauit, cui alios Pipinus supposuerat.

Eius filij legitimi, & Nothi.

Ana-

MVNDI

CHRISTI

4768.

715.

Anastasius Secundus Imper. Ioanni Constantinopolitano deposito sufficit Kal. Aug. sanctum Germanum Patriarcam, ex ciuitate Cyzicenâ, Senatui, populoque, ac Romanæ sedis Apocrifario Michaëli gratissimum. Huius viri sancti & eruditi patrem enecarat Constantinus Pogonatus, ipsumque castrari iusserat. Hic ergo genere & scientiâ, virtuteque magnus, ostendit calamitates magnis viris Illustribus sæpe ad magna gerenda gradus esse, neque aduersis fortunæ casibus ingenia sublimia deprimi, sed attolli plerumque ac nobilitari.

S. Germanus sufficitur Ioan.

Saraceni classem mittunt in Phœnicem ad excindenda ligna, vt fabricarent naues. Iis classem suam opposuit Anastasius, cuius duces parum concordēs expeditionem discutere. Ortâ ergo seditione, quæ pars præualuit, rediit Adramittum, vbi verita Imperatorem, Theodosium quemdam Tributorum publicum exactorem, inuitum, & captantem latebras, amicit purpurâ. Hic Constantinopolin statim obsedit; eâque post sex mensium obsidionem potius proditione, Anastasium inclusit monasterio. Caterùm hic Catholicus fuit, statimque restituit imagines sex Synodorum, in Ecclesiâ à Philippico oblitteratas; quo factò Catholicis spem, Monothelitis occultis metum iniecit.

Theodosiu, Anastasium aci eis Imperio.

Gregorius Vrbi à Longobardis metuens, eam mœnibus circumuallare aggreditur. Sed discussit opus Cumanum castrum, à Luitprando occupatum; quod tandem magnis sumptibus per Neapolitanos recepit. Quare rex Alpes Cottias ademit Ecclesiæ, quas tamen mox restituit; inter bonum malumque Principem fluitans.

Greg. II. Vrbi prouidet.

Moritur hoc anno, regni sui v. Dagobertus Secundus Rex Francorum duodeuigesimus,

Dagoberto 2. succedit

Chilperi-
cus 2.

relictō filio Theodorico, qui tamen attonsus oblat⁹ erat Ecclesiæ. Hoc ergo om. sso impube-
re, Franci ex monasterio retrahunt Danie-
lem quemdam monachum, etiam sacris ordi-
nibus initiatum, è sanguine regio, & for-
tè Dagoberti Nothum fratrem, qui eis præ-
esset, quem dixere Chilpericum Secundum sic-
que Clerico puero ad tollendos ciuiles motus
Clericum virum, injustè, non imprudenter,
anteposuerunt.

MVNDI

CHRISTI

4769.

716.

Cassinum
monasteriū
reparatur.

Petronax Brixianus ciuis, suadente Grego-
rio, Cassinum monasterium, jam ab annis cen-
tum quadraginta per Longobardos excisum,
reparat, & Monachis implet, quibus ipse
præficitur; idque efficit sanctitatis, eruditio-
nis, & Præsulum Ecclesiæ nobile ac locuples
seminarium.

Saraceni
totā Hi-
spania po-
siuntur.

Saraceni Christianis eripiunt duas reliquas
vrbes, Legionem vi, Toletum proditiōe Iu-
dæorum, & ambabusexcisis, jam magnæ hu-
ius regionis domini, regni sui sedem consti-
tuunt Cordubam. Passi sunt tamen inter se vi-
uere Christianos, & habere templa, modò
pensitarent menstrua tributa, & iis cederent
templorum oblationes: pecuniæ quàm religio-
nis sollicitiores.

MVNDI

CHRISTI

4770.

717.

Theodosius
deponit
Imperium
Leone crea-
to Imp.

8. Kal. August. Theodosius Imperator, quie-
tis, & otij poti⁹ quàm Imperij cupidus, ad-
hibito in Concilium Germano Patriarchâ, &
Senatu, Leonem Isaurum eius nominis ter-
tium, cognomento Cononem, creat Impe-
ratorem. Id jampridem sperabat Leo, ad-
monitus à Iudæis in posteribus, quibus &
promiserat se quidquid postularent concessu-
rum, si id contingeret. Theodosius autem cum
filio Clericus factus, Ephesi sanctè obisse-
cre-

creditur, & post obitum miraculis coruscasse. Suro tumulo inscribi curauit hanc vocem SANITAS, quâ profitebatur solâ morte prauostantùm animi motus extingui, factus ex Imperatore Philosophus.

Masalmas Saracenorum Princeps Pergamum capit, horribili à suis ciuibus Diaboli sacrificio, suadente Mago, pollutum. Mox idem Princeps Constantinopolin obsedit arctissimâ obsidione, quæ in annum sequentem producta est. Sicque eluxit B. Virginis in hanc ciuitatem amor, quæ tum etiam voluit esse suam, non Saracenicam.

*Constantinopolin
obsidens
Saraceni.*

Pestis & fames Constantinopoli trecenta hominum millia sustulere; quando & Romæ terribilis inundatio contigit, quâ multæ domus euer-
sæ; sic vtraque Roma eodem tempore à Deo, hominibusque premebatur.

*Pestis &
fames.*

MVNDI

CHRISTI

477¹.

718.

Obsidio Constantinopolitana 18. Kal. Augusti soluta est, cum anno superiore 9. Kal. Sept. esset inchoata; & soluta est beneficio S. Virginis, cuius imaginem supra muros solemniter ciues circumtulere; quare a Deo, & ab hominibus malè mulctati Saraceni, neutris se pares asseruere.

*Obsidio
Constant.
soluta.*

Haumar Saracenorum Princeps, hoc anno, expulso Masalmâ, regnare cœpit, qui vt sibi Deum propitium redderet, suis vinum interdixit, Christianos ad deferendam religionem inuitauit, deferentibus tributorum immunitatem pollicitus, detractantibus interminatus mortem; ausus etiam Leonem incitare ad eiurandum Christum; vnde tamen Christianis animus, non metus accessit; creuit in Christum fiducia, qui his artibus impetebatur.

*Haumar
fuit in
Christianos.*

Artemius Imperator creatus est in Sicilia operâ Sergij Protospatarij; sed missus à Leo-

*Rebellio
in Sicilia
extincta.*

ne

ne Paulus Chartularius, & seditiosos sustulit, & incenso nouo Imperatore, rebellionis huius flammæ extinxit.

*Hispania
respirare
incipit.*

Hispanicis rebus hoc anno radius affulgere cœpit. Pelagius enim ab Asturibus Princeps electus Saracenis, ex speluncâ in quâ cum suis degebat, fortiter restitit, ac primùm Oppâ Episcopo Toletano reiecto, deinde octoginta millibus Saracenorum appetitus, eorum ducem cum viginti millibus cecidit, Oppam cepit, reliquos egit in fugam, quorum plerique aut præcipitiis elisi, aut inundationibus suffocati perierunt, ope potissimum B. Virginis, cui ideo spelunca dicata est, etiamnum dicta *Sancta Maria de Couadunga*. Quibus auditis, in tantam rabiem efferatus est Saracenorum Princeps, ut Iulianum proditorem Comitem Tingitanum, cum duobus filiis Vitigæ, autoribus expeditionis Saracenicæ, interfici iusserit, & eorum sanguine vltus sit Hispaniam, qui eam prodidissent.

MVNDI

CHRISTI

4772.

719.

*Nascitur
Coprony-
mus.*

Natus est hoc anno Leoni Isauro filius, qui 8. Kal. Ianuar. baptizatus est in magnâ Basilicâ per sanctum Germanum; de quo hic præcœnuie magnas in Ecclesiam sordes, quod tum Baptisterium incassasset: vnde & ei à *ἀρχιεπίσκοπο* Stercore indictum nomen fuit. Quando & Leo Archiepiscopum Thessalonicensem decolari iussit, Artemij conjuratione implicitum, atque perduellum; quod crimen duntaxat Imperatorem excusare potuit.

*Radbodi
Mors.*

Celebris est etiam hic annus Radbodi Frisiorum Ducis morte, de quo superiùs; qui tergiuersatus impiè in recipiendo Baptismate, cum suis fordibus ad Inferos deuolutus est.

*S. Bonif.
Germania
Apost.*

Tum quoque sanctus Bonifacius, antea Vvinnifridus dictus, Apostolatium suum inchoauit, & adiutor primùm accessit S. Villebrodo, Cle.

Clementi dicto, vt Germanas gentes hactenus feroces Euangelij facilitate ambo mitigarent.

MUNDI

CHRISTI

4773.


720.

Leo Imper. Copronymum filium per sanctum Germanum Augustum coronandum curauit ; quando & nuncius allatus est de morte Haumari, quâ pax est Ecclesiis restituta, quas turbare cœperat, non diu toleratus in Christum insurgere.

Haumarus tollitur.

Carolus Martellus, suscepto contra Childe-ricum & Raginfridum eius Majorem domus bello, illi opposuit Clotarium quartum ex sanguine regio, aut filium Theodorici III. aut Childeberti II. fratrem Dagoberti II. aut patrem eiusdem Dagoberti. Raginfridus Eudonem Aquitaniz in auxilium suum euocat ; sed hic quoque vt & Raginfridus à Martello superati sunt. Tandem ambo abiire reges ; Childe-ricus, quem secum Eudo cum suis thesauris in Aquitaniam abduxerat ; extinctus quoque Clotar-ius ; itaque Martellus ei substituit Theodo-ricum IV. Regem Francorum XX. dictus est ille Calentis *de Chelles*. quod in hoc monasterio vixisset monachus, Filius Dagoberti II. & eo quasi larvâ vsus Martellus, Raginfridum Andegavi captum, aut occidit, aut sic excep- pit, vt sibi deinceps nocere non posset, aut vellet.

Carolus Martellus varios re. gescuchis.



CAPVT III.

DECAS TERTIA.

Ab anno Christi 720. ad 730.

MVNDI

4774.

CHRISTI

721.

*Iudæi de-
cepti.*

IN Oriente Impostor quidam Iudæos seduxit, quasi is Messias esset; & tam sæpe delusi isti Sabbatharij, aorum suorum exemplo sapere nequaquam didicerunt.

MVNDI

4775.

CHRISTI

722.

*Iudæi, &
Manichæi
exagitati:*

Leo Imperator exagitat Iudæos, ac Montanos; (videntur hi fuisse Manichæi extorres, & in montibus degentes) & illi quidem finxere se Christianos, sacris aquis non tam eluti, quam fœdati; hi in domibus suis cremauerunt sese; & suis ignibus Stygiis præludere maluerunt.

*Ecclesia
augetur.*

In Occidente à sanctis Bonifacio, & Clemente Christi fides egregiè promota est; his hominibus concredita, quos Dei Spiritus atque Apostolicus impleuisset.

MVNDI

4776.

CHRISTI

723.

*Bonif. fit
Episc.*

Bonifacius hoc anno à Gregorio Secundo Papâ creatus est Episcopus; quæ dignitas in eo labores auxit atque vigilantiam.

*Origo I.
conocla-
starum.*

Dum autem curatur Occidentalis Ecclesia, in Orientali iacta est sementis hæresis Iconoclastarum. Iudæus enim quidam Laodicænus, & Phœnix Sarantapicus seu Sarantapichis, Gizido Haumari successori regni sui annos 30. aut, vt alij volunt, 40. pollicitus est. Itaque Saracenus misit Iudæos, & Arabas

bas qui ditionis suæ omnes imagines frangerent aut lacerarent, & picturas eluerent, aut relinerent. En quibus parentibus nostri Caluiniani gloriari possint.

MVNDI

CHRISTI

4777.

724.

Promovebatur gnaviter per Germaniam Ecclesia à S. Bonifacio; cùm Oriens à Saracenis, imaginum eversoribus, turbabatur. Verùm is turbo statim concidit; qui enim à Sarantapico Gizidus longiorem vitam expectarat, intra se squire annum mortuus est; quare filius eius Vlidus & successor, impostorem Iudæum quasi interfectorem turpissimam affecit morte, atque imaginibus indictum bellum abrupit, per veteratorem Hebræum malitiosè exterminatis.

*Gizidus
moritur.*

MVNDI

CHRISTI

4778.

725.

Luitprandus, Rex Longobardorum, hoc anno S. Augustini corpus ex Sardiniam transtulit Ticinum seu Papiam, magno pretio, à Saracenis huius insulæ possessoribus, redemptum; contigit hoc pridie Kal. Martias, atque in Ecclesia quotannis facti huius memoria religiose celebratur.

*S. Augustini
Lipsana.*

Eudo Dux Aquitaniam, à Carolo Martello malè mulctatus cum suis Aquitanis, in eius perniciem Saracenos invitavit; infelix qui eis per suam ditionem dederit transitum, quem sibi magno stetitisse vidit. Omnia enim loca sacra prophanaque flammis incendere, atque inter ceteras Basilicas in quas potissimum furebant, S. Hilarij Pictaviense templum. Parabant eandem perniciem Basilicæ S. Martini Turonensis, sed hanc Carolus Martellus inhjuit; cui & fuit Eudo ad ultionem Saracenorum paratissimus, quod ditionem eius ferro flammisque perdidissent. Venit ergo Abderamus cum quadringentis hominum milli-

*Carolus
Martellus
Saracenos
ad Turonas
prosequitur.*

millibus in illam planitiem Turonensem , vbi
 ædicula S. Martini de Bello , vulgò corruptè
S. Martin le Bel , & in eâ pedites suos &
 equitatum extendit : disposuit & suorum sexa-
 ginta millia peditum , & duodecim equitum
 Martellus , nihilomittens militaris artis , sed
 longè Deo magis , sanctoque Martino , quàm
 suis copiis subnixus . Vtriusque acerrimè con-
 curritur , Francis pro Religione , ac suis focis ,
 Arabibus pro tanto Regno , suoque Mahumeto
 depugnantibus . Verisque obstinatissimè certan-
 tibus , Eudo cum suis Aquitanis Saracenorum
 inuadit castra , vbi omnia cæde ac flammis com-
 plet ; Ille in alios pugnantes irruens , eos à ter-
 go aggreditur , dum Franci à fronte premerent .
 Fortissimis quibusque cæsis , ceteri se dant in
 effusissimam fugam ; in quâ , vt in campo , tre-
 centa quinquaginta , aut (vt volunt alij) sep-
 tuaginta millia desiderati sunt , cùm ex Francis
 tantum mille , & quingenti occubissent . In-
 ter ceteros Abderamus cecidit ; Franci etiam
 aliquot nobiles , sanguine suo parè marty-
 res , hanc Ecclesiæ peperere victoriam ; Caro-
 lus inde nomen *Martelli* retulit , quòd quasi
 malleo (martellum Franci vocant) Saracenos
 contudisset . Sic prodicionem suam emendauit
 Eudo : à quâ Vascones eum vindicare volunt ;
 in suis scriptis , sicut & colloquiis , gentis suæ ,
 ferè semper quàm veritatis amantiore .

MVNDI

CHRISTI

4779.

726.

*Edictum
 Leonis de
 abolendis
 imaginibus.*

Leonis Imperatoris anno decimo ferale edi-
 ctum exit de imaginibus vbique abolendis ;
 quòd impulsus est miser artibus Iudæorum im-
 postorum ; qui ei polliciti Imperium , extor-
 serant quoque vt eorum causâ faceret quod ma-
 ximè postularent . Vsus autem est operâ præ-
 cipuè Theophili cuiusdam Episcopi Nacoliæ ,
 in

in Phrygiâ , quem fatalem Cæsaris admini-
strum in hâc hæresi disseminandâ Patres Septi-
mæ Synodi clamant , sicut & Beselem tur-
pem Apostatam , de Christiano factum Sara-
cenum .

Neque tamen primùm disiectæ statuæ ; sed
sublatæ tantùm , vt sublimiùs eueherentur , sic-
que obuiis quorùmlibet osculis non paterent , ad
ignominiam . Restitit fortiter Imperatori S.
Germanus , sicut & Leo eundem ad opinionem
suam pertrahere conatus est , ytrimque irritò
conatu ; quia vterque aut nimis bonus , aut ni-
mis malus videbatur .

Obstitit primùm huic edicto populus : quare
qui æneam Christi imaginem ex magnâ portâ
tollebant , ab eo cæsi sunt ; sed in eum sæuitum
mutilatione membrorum , verberibus , exilio ,
bonorum iacturâ . Bibliothecarij quoque dicti ,
quia fortiter obstiterunt Leoni , & exusti sunt
cùm Bibliothecâ trecentorum millium volumi-
num ; inter quæ intestinum visebatur Draconis ,
Iliadem & Odysseam Homeri literulis aureis de-
scriptas continens . Cùm autem magnouissent Le-
gati variorum Principum Leonem sæuissè in sa-
cræ Christi imaginem , eius quoque imaginem ,
probris omnibus , ac contumeliis afficere ;
quoniam aliter non poterant vlcisci factam
summo omnium Principi mortalium iniu-
riam .

Gregorius quoque Pontifex obstitit fortiter
Imperatori ; eius tamen Imperium generosiùs
defendit ; & Rauennam per Luitprandum captam
ei reddendam curauit per Venetos , & Italiæ ar-
matis populos , eius potissimùm adhortationi-
bus ; quibus tamen beneficiis malè respondit
Leo , Legatis eius missis in exilium , (vbi & coë-
giteos mori) & Pontifici non semel procuratâ
nece . Quare hic confugit ad Carolum Martel-
lum , & Francos ; quorum fretus fauore , à Leone
omissus est .

*Leonis
arces .*

*Obstitit
Leoni po-
pulus .*

*Gregorii
in Leonē
virtus .*

*Insula è
mari enata*

Tum in Ionio mari inter Theram & Therasiam erupit ignis è mari, quem secuta ingens vis pumicum, & tanta, vt totam Ægæi maris faciem impleret; ac denique indidem emerfit insula ex terræ congerie facta, quæ Sacræ insulæ tandem copulata est. Qui maris locus semper insulis sæcundus in historiis legitur.

MVNDI CHRISTI

4780.

727.

Naualis exercitus in impium Leonem insurrexit, & Constantinopolin appulit; sed victa elassis, atque cremata, Duces capite luerunt. Felicius cum Imperatore, vt & sanctius, susceperere certamen Ss. Germanus & Damascenus, tum scribere pro imaginibus adorfi. Hic est Damascenus cognomento Chrysothoas, qui post obitum parentis à Principe Saraceno inuitus consilij factus Princeps, non huic tantum, sed & toti Ecclesiæ optimè consuluit.

MVNDI CHRISTI

4781.

728.

*Damasceni manus
curatur.*

Leo Imperator Ioannem Damascenum perdere conatur; nactusque eius manu scriptam epistolam, ita per notarios peritos imitandam curat, vt proditoria epistola eius manu scripta videretur. Hanc mittit Leo ad Principem Saracenum, qui sancto iussit truncari manum; at hæc illi à B. Virgine die sequenti reddita est. Quare eum pristina restituere dignitati Saracenus voluit; quod recusauit Ioannes; sed bonis suis omnibus effusus in pauperes, Hierosolymam primò, deinde in Lauram S. Sabbæ processit, vt hîc sibi redditam manum atque vitam sanctius Deo consecraret.

*S. Huberti
mors.*

Mortuus est eodem anno S. Hubertus Leodiensis antistes; cuius corpus mox inuentum integrum, ac sudore perfusum, eius animi integritatem arguit, & labores in traducendis ad Christum accolis Sylæ Arduenæ, Brabantia, atque Torandriæ toleratos.

Euty-

MVNDI

CHRISTI

4782.

729.

Eutychius Exarchus, cum Luitprando Longobardo pace initâ, Romam capere, & Gregorium tollere conatus est. Ambo itaque cum suis copiis ad Urbem accessere: sed obuiam occurrens Gregorius ita Longobardum flexit, vt ad eius accideret pedes, ac coronam suam & arma S. Petro consecraret; Paceque publicè conciliatâ idem Gregorius suis copiis Exarchum iuuat ad tollendum Tyrannum Tiberium quemdam Perasium, in Tusciâ partibus insurgentem; ostendens se haud Imperatori velle, sed eius erroribus.

*Gregorius
Romam
seruat.*

Signa tum in cælo visa, aduentûs Saracenorum in Galliam Narbonensem prænuncia; qui innumerabili coactio exercitu, eam tum vastare cœperunt, spirantes ultionem de suis ad Turonas casis, ipsimox eandem aleam subituri.

*Saraceni
in Galliâ
irruunt.*

MVNDI

CHRISTI

4783.

730.

Leo S. Germanum Episc. Constantinopolitanum frustra tentatum amicè, deinde crudeliter alapis cæsum, atque depositum ignominiosè mittit in exilium 7. Id. Ian.; & Kal. Febr. ei substituit Anastasium hæreticum Iconoclastam; hunc repulit Gregorius, vt & damnauit Imperatorem, cuius ab obedientiâ Italos populos absoluit, & tributa soluere vetuit, ne iis aduersus Ecclesiam ac Deum vteretur. Mortuus est porro in exilio S. Germanus nonagenarius 40. Idus Maij, vitâ atque senectute feliciter Dei causâ atque Ecclesiæ depositis, ideoque in Martyrum relatus album, quos non facit panna, sed causa.

*Gregorius
in Leonē
insurgit.*

*Mors S.
Germani
in exilio.*

CAPVT IV.

DECAS QVARTA.

*Ab anno Christi 730. ad 740.*MVNDI
4784.CHRISTI
731.*Gregorius
III^{us} suc-
cedit.*

Tertio Id. Febr. obiit Gregorius II. cum Petri sedem tenuisset annis 16. mensibus 8. diebus 20. Sanctorum adscriptus numero, Cùmque vacasset sedes tantum dies 5. electus est Gregorius III. 14. Kal. Martij, natione Syrus; vir pius, eruditus, & fortis (inquit Anastasius) cùm tamen eius eruditionem in eo positam esse putet, quòd memoriter Psalmos omnes teneret; signum certissimum ignari sæculi, & à doctrinà longè seiuncti.

*Venerabilis Beda
moritur.*

Obiit hoc tempore Beda monachus & presbyter Anglus, anno saltem ætatis suæ ex eius scriptis centesimo quinto: Cur autem dictus sit *Venerabilis*, non est facile dicere, cùm de hac voce multa etiam fabulosa dicantur, ut de Angelo hoc ei concedente nomen, aut piscibus vel saxis ad quæ cæcus, ut rideretur, concionatus erat: hoc certum, *Venerabilis* nomen ab Antiquis & ferme huic *σολομῶν* non esse datum, sed *Sanctum presbyterum*, aut *doctorem eximium*, aut *Dominum Bedam* appellatum esse; quibus ediscas quanto in pretio apud omnes extiterit.

*Carolus
Martellus
vincit ier-
um Sa-
racenos.*

Carolus Martellus pergit in Saracenos, qui duce Aucupâ, proditore Mauritio Comite Massiliensi, Auenionem interceperant; unde populationibus totam regionem vastabat: adfuit Carolus, urbemque tam grauitur verberauit tormentis, ut vi eam subierit, omnesque eius propu

propugnatores Arabas ceciderit; quæ oppugnatione ad alias victorias mox viam stravit viro qui rectè nouerat vti victoriâ.

MVNDI

CHRISTI

4785.

732.

Constantinus Copronymus Irenem filiam Chaiani Lazorum Régis ducit vxorem, fœminam egregiè Catholicam, quæ & marito, & socero pro imaginibus constanter obstitit. Leo autem ingentem parauit in Italos & Romanos classem, quæ in Hadriano mari naufragio periit. Hic & Gregorium Apocrisarium Pontificis primò detentum in Siciliâ, deinde in exilium amandatum, denique ignominiosè remisit Romam. Sed Pontifex, ex Concilio anathemate percussit Iconoclastas, & maiori honore Romæ honoratæ sunt imagines, atque sanctorum reliquiæ; Gregorius Deo fretus Imperatoris omnes minas & conatus elusit.

*Leonis
fracti co-
natas.*

MVNDI

CHRISTI

4788.

733.

Leo Imperator legatos à Pontifice missos in carcerem spoliatos detrudit, ac post 8. menses cum dedecore eiecit. Multos Episcopos sibi parere recusantes mittit in exitium; vbi mortui, Sanctorum honores in Ecclesiâ meruerunt.

*Leo fuit
in Catho-
licos.*

Martellus Anthimum Saracenorum Regem Narbonæ cum suis obsidet. Vulgatâ huius obsidionis famâ infinitos propemodum Saracenos ex Hispaniâ exciuit, vt suis suppetias ferrent, duce Amorriâ. Sed iis occurrens Carolus, Amoram occidit, & has copias tantâ interneccione deleuit, vt nullus cladis tantæ nuncius superesset. Sic Saraceni Nemausum, Eliterras, Agatham, Magalonem relinquere sunt coacti, aliasque vrbes flammis incensas, quod Arabibus sese facilius submisissent. Mauritius Massilia Comes,

*Martellus
ad Nar-
bonæ Sa-
racenos
delet.*

qui

qui Barboros euocarat, ex metu fugit, & vitam suam rupibus inaccessis debuit, ipsi manu tortoris eripiendam.

MVNDI

CHRISTI

4787.

734.

*Saraceni
à Francis
& Longo-
bardis re-
puls.*

Saraceni, vt Paulus Diaconus refert, tertiò Gallias subierunt, atque Arelatem vi ceperunt. Petiit auxilium Carolus à Luitprando, qui mox cum suis Longobardis adfuit. At Saraceni veriti horum simul, & Francorum potentiam, statim recesserunt; tumque plus ostentasse bellum, quàm gessisse profuit.

MVNDI

CRISTI

4788.

735.

*Leo seui-
re pergit.*

Leo hoc quonque anno in Catholicos sæuiit, sicut & consequentibus, multis imperans exilium vt productiori supplicio conficerentur. Nonnullis etiam obliuit pice barbam, atque incedit, per Urbem circumductis; quorum postea cadauera canibus obiecit, eorumque cadibus martyrum numerum auxit, ipse in dies magis efferratus.

MVNDI

CHRISTI

4789.

736.

*Georgium
Patriciū
Leo tollit.*

Neque tantum ob religionem Leo, sed & propter iustitiam sæuiit. Tum enim Georgium Patricium perdidit, virum amantissimum æquitatis, quod mulierculas quasdam perperam accusatas quasi Strygas, dimisisset innoxias. Credebantur hæc subire domos spirituum more, infantes cadere, & alia eiusdemmodi præstare, quæ infantibus à nutriculis occini solent, vt eos habeant obsequentiores; quæ quia sapienter irriserat Georgius, malè ab infano Imperatore periit.

MVNDI

CHRISTI

4790.

737.

Ceoluolphus Rex Northvmbro-
rum Anglorum, cui Beda suam inscripsit Historiam, regnum suum filio Eadberto reliquit, vt monachus

nachus fieret: quod multis Angliæ Regibus contigisse Ecclesiastica loquitur Historia. Hic ergo nulli meliores extiterunt reges, nulli deteriores.

*Reges
Angliæ
pij.*

MVNDI

CHRISTI

4791.

738.

Ad hunc usque annum nonnulli Saraceni in Galliâ Narbonensi hæserant; ex quâ tandem eos omnino Martellus expulit, non magno tantum Galliarum, sed & Hispaniarum commodo. Multis enim cladibus attriti Arabes armis Francorum, ad laceffendos Christianos in Hispaniâ fuerunt impariores, immo prouiores ad accipiendum damnum. Hoc enim anno, Pelâgio & filio eius Fauilâ mortuis successit Alphonsus illius gener, qui non modò fortiter defendit, sed & propagauit Imperium; ex genere Reccaredi, & ut hic dictus Catholicus: quod nomen posteriores Hispaniæ reges, quasi inter mortuum, excitarunt, atque eo se factis dignissimos ostenderunt.

*Saraceni
omnino
eiekti è
Gallia.*

*Idem Vi-
cti in
Hispa-
nia.*

MVNDI

CHRISTI

4792.

739.

Trafamundus dux Spoletanus, Longobardorum excusso jugo, pressus à Luitprando Romam fugere compulsus est. Eum cum reddere noluis- sent Gregorius Tertius & Stephanus Dux, ob- sessa à Luitprando Roma: quando Basilica S. Petri in Vaticano extra Urbem spoliata est. Confugit ad Martellum Gregorius, à quo tamen adiutus non est, ne ille ingratus videretur. Sed obsidionem soluere coactus est Luitprandus, captis tamen aliquot urbibus Ducatus Romani; Trafamundus autem cum Romano exercitu Spoletum recepit, factus prope par Regi hæte- nus inuidio, ex quo hic cœperat esse irreligi- osus.

*Luitpran-
dus Ro-
mam obsi-
det.*

MVNDI CHRISTI

4793.

740.

Gregorius Gregorius videns sibi iterum cum grandi
Secundus exercitu imminere Luitprandum, ad Carolum
mittit ad Martellum honorificam legationem mittit, cum
Martellum clauibus S. Petri, & litteris in quibus eum *Chri-*
claves *stianissimum* filium appellat. Sed his permotus
S. Petri. non est Carolus, seu eum gratus in Luitprandum
 animus, seu ditio sua Saracenicis bellis defessa
 impedire; quos obices pietas Francica perrum-
 pere debuerat.

Denarius
S. Petri
in An-
glia.

Hoc anno inter Orientales Saxonas Rex Ina
 & Regina Edilburga regnum dimittentes, vt se
 manciparent cœnobii, singulas domos regni sui
 S. Petro Denarium argenteum quotannis pende-
 re statuerunt; quod tantum persolui desiit, vbi
 hæresis piissimum regnum subiit, & hic religio-
 nem omnem, cum hoc tributo infelice extin-
 xit.

Terra
motus
Constanti-
nopoli.

In Leonem Catholicos exagitantem Deus ipse
 sauiit, eius ditione terræ motu concussâ, quo
 multæ vrbes concidere, multæ etiam Constanti-
 nopoli Basilicæ, atque Palatia: quando eo quo-
 que motu Constantini & Theodosij imagines ce-
 cidere. Neque enim æquum erat Imperatorum
 quantumuis illustrium statuas consistere, vbi
 Christi atque sanctorum furiosè fuerant exter-
 minatæ.

CAPVT V.

DECAS QVINTA.

Ab anno Christi 740. ad 750.

MVNDI CHRISTI

4794.

741.

Leoni
Isauro
secedis.
Cæprony.
u. u. s.

Celebris est hic annus impiâ morte impij
 Leonis Isauro, cum regnasset annos 24.
 menses

mensēs duos; & dies 20. Successit statim ei, qui cum patre annos viginti duos inchoatos imperarat, filius Constantinus; cognomento Copronymus, moribus adhuc quàm nomine turpior, & magis infamis.

Copronymus profectus est aduersus Saracenos, tollere cogitans Artauas dum hominem Catholicum, maritum Annæ sororis suæ, filiæ Leonis, cuius & filijs machinabatur mortem. Quare Imperatoris præuenire furorē hic decreuit; quem ille infecutus, fugere coëgit in Armeniam. Artauas dum rediens Constantinopolin, fingensque Constantinum esse mortuum, Imperator acclamatus est; maximè operâ Theodori Patricij, Urbis præfecti. Anastasius quoque Patriarcha vulgavit secretum Constantini, quod scilicet Christus purus esset homo, & genitus ex S. Virgine, ut ipse ex matre; quibus permota plebs Constantinopolitana, eum probris omnibus incessit, atque Imperio indignum iudicauit, qui Christo in omnes homines regnū eripuisset.

*Artanas-
dus, celel-
lat in Co-
pronimus.*

Obijt etiam hoc anno Gregorius Tertius 40. Kal. Dec. cū sedisset annis decem, mensibus nouem, diebus duodecim. Eius loco post dies 8. creatus est Zacharias, natione Græcus, vir mitissimus, atque piētissimus. Hic videns Urbem tantū non obsessam à Luitprando, ad eum legationem misit, sicque eum demulsit ut redderet postea vrbes Ducatui Romano ereptas. Sed ne mali, eius indulgentiā & facilitate abuterentur, coniunctis copijs suis cum Luitprandi exercitu, Trasamundum Ducem Spoletanum eidem Regi se dedere compulsi, ingratum in sanctam Sedem, ac proinde ita demittendum, ut neutri amplius posset incommodare.

*Zacharias
sue-
cedit
Gregori-
o Tertio.*

Eodem quoque anno mortuus est Carolus Martellus, Iulio Cæsari par, & fortè maior, laudatus à sanctis viris atque Pontificibus; neque enim attendenda reuelatio, quæ dicitur facta esse S. Eucherio Episcopo Aurelianensi de Caroli

*Carolus
Martellus
mortuus.*

damnatione, quod aliqua bona rapuisset Ecclesijs, bello forrè Saracenicò; quamquam enim magnos ad stipulatores habeat, atque etiam Præsules simul coactos, falsa tamen esse conuincitur, quod hic Sanctus antè obierit, quàm Martellus moreretur. Quapropter huiusmodi imaginibus nocturnis plerumque tantumdem adhibendum est fidei, quantum dandum est piis hominibus, qui reuelationes illas, ex suis plerumque rebus ac commodis metiuntur. Hinc succedere filij duo Carolomanus in Regna Austrasie & Thuringie, ac Pipinus, Maior domus, in regnum Francie; hic postea potitus tota hereditate Patris; ille maior spreto Imperio, quàm administrato.

MVNDI CHRISTI.

4795.

742.

Artauasdu Imperator Nicephorum filium suum, creat Augustum; mox aduersus Copronymum in Armeniam proficiscitur; sed magnâ clade acceptâ in Urbem rediit. Postea contractis nouis copiis, filium suum Nicetam natu minorem præfecit, qui nihilo melius quàm pater in Constantinum pugnavit. Quo tempore, & cælum visum est ferreum, nullo emissio imbre, & tantæ terræ motus extiterunt, sicut quibûdam in locis montes æquati campis; castra quoque nonnulla sic terræ hiatus vorata sunt, ut eorum nulla extarent vestigia; quibus ostentis Deus maiora mala denunciabat.

MVNDI CHRISTI.

4796.

743.

Copronymus valido comparato exercitu Constantinopolim venit, eamque obsedit; Artauasdi copias secum congregari ausas deleuit, Exinde penuriam oppressam recepit Urbem, quam militi diripiendam obiecit. Tum capti Artauasdu eius-

que

en dam
natus.filij Mar-
celli.Artauas-
du semel,
& iterum
victus.Coprony-
mus Urbem
occupat,
& in eam
deseruit.

que filij, excecati sunt, cum plerisque eorum amicis, qui mox in Equestribus ludis per Hippodromum traducti sunt, cum Anastasio Patriarchâ, quem publicè cæsum, & Asino vectum, versâ ad caudam facie, populo ridendum proposuit: postea tamen eum restituit sedi, quia eo reperire non poterat nequiorem.

Luithprandus Exarchatum Rauennæ sibi parat armis vindicare. Itaque Zacharias precibus Ioan. Episc. Rauennatis, & Eutychie Exarchi, relicto in Vrbe Stephano duce, pergit Ticinum ad Luithprandum, vbi magnificè receptus est, eumque ad omittendam Rauennam agrè impulit; quod cum accepisset Copronymus, prædia quædam Iuris Imperij Romanæ Ecclesiæ donauit; quem ideo Zacharias ad sanam mentem reducere tentauit: sed facilius erat ei agros extorquere, quàm hæresim, impio animo penitus insidentem.

Zacharias Luithprandus emoluit.

MVNDI CHRISTI

4797.

744.

Mortuus est hoc anno Luithprandus Rex Longobardorum, cum supra 30. annos regnasset; vir ex vitij virtutibusque concretus, quæ in eo semper eminebant. Successit ei nepos Hildebrandus, inhumanus & asper; ideo à suis exautoratus, post menses septem, vt huic Rachis dux Foroiulienfis sufficeretur; vir humanissimus, atque fortissimus; qui statim, rogante Zachariâ Papâ, annos 20. pacis dedit Italiæ: quo munere ab optimo Principe; nullum maius concedi potuit; magisque necessarium.

Hildebrandus succedit Luithprando.

Et huic Rachis.

MVNDI CHRISTI

4798.

745.

S. Bonifacius, adnitentibus Principibus Pipino & Carolomano, creatus est Archiepiscopus.

S. Bonifacius Archiepiscopus.

piscopus Moguntinus, in locum Geruilionis, dediti auiibus, & canibus, ac hominis qui patrem suum, Præsulem quoque Moguntinum, in bello ceciderat; tumque impetratum à Zachariâ, ut Moguntina sedes totius Germaniæ Metropolis esset; non quodd id ea ciuitas, sed magis qui ei præerat sanctitas exegerat.

MVNDI CHRISTI

4799.

746.

*Pestis
Rubenis
d'Ha.*

Pestis, dicta Bubonis, hoc anno orta ex Calabria & Siciliâ, Constantinepolin tam grauitè afflixit, ut iam cadaueribus deesset humus. Qui eâ feriebantur, videbant in suis vestibus impressas manu inuisibili paruas cruces, & horrendis phantasmatis terrebantur. Sed his permotus non est blasphemus Copronymus; potentius ad eum atterendum fulmen exigebatur.

*Rachis
emendas
legas Lon-
gobard.*

Rachis hoc anno leges Longobardorum emendatas & auctas promulgauit; non tantum fortiter, sed & sapienter regnum auspicatus.

MVNDI

CHRISTI

4800.

747.

*Carolus
manni fit
Mona-
chus.*

Carolomanus, filius primogenitus Caroli Martelli, reliquit Principatum suum fratri Pipino, suadente S. Bonifacio; ac Romam se contulit, ubi in monte Soracte construxit Monasterium, ut in eo religiosè viueret; sed interpellatus à Francis peregrinis, ignotus cum socio venit Cassinum, ubi factus monachus pavit greges, & vilibus ministerijs coquinæ addictus, detectus est tandem à socio rapiendo ad verbera, quodd coquum, à quo vapularat Carolomanus, grauitè percussisset; demissione eò maiore quodd in talem virum cecidisset.

MVNDI CHRISTI

480.

748.

Error hoc anno impositus est Virgilio sanctissimo Presbytero, quasi admitteret alium mundum, terram aliam, Solem atque Lunam: unde nugantur aliqui scioli quasi Zacharias damnaret eos qui Antipodas admitterent; sed & concidit Virgilij postea Episcopi accusatio, & Zacharias apud viros eruditos ab hac labe prorsus immunis habitus est.

De Antipodibus.

Idem Pontifex hoc anno Cassinense Monasterium exemit ab omni Episcoporum potestate; voluitque à solo pendere Pontifice, quod postea tot Pontifices daturum erat Ecclesie.

Cassinum exemplum.

MVNDI CHRISTI

4802.

749.

Multa portenta hoc anno in Syria contigerunt, terræ motus horrendi, quibus vrbes haustæ, aut translatae ad sex & amplius milliaria; disrupa in Mesopotamiam terra, unde alia terra candida egesta est, erupitque animal mulo simile, sed humanam loquens voce, & euerfionem gentis Arabibus præcinnens; quibus Imperator nequiequam à criminibus auocabatur.

Prodigia in Syria.

Pipinus, voto accepto in honorem S. Suniberti Verdenfis Episcopi, victoriam de Vestphalis paganis nobilem retulit, sanctique viri sepulchrum discalceatus, cum suis proceribus, inuisit; ei se submittens, qui sibi miraculo hostem subdidisset.

Pipini de Vestphalis victoria.

MVNDI CHRISTI

4803.

750.

Rachis Longobardorum Rex, Principatus sui anno sesquiquinto, Pentapolitanam inuadit provinciam, & Perusiam oblidet. Adeum profectus Zacharias, non tantum à cæptis dimouit, sed monitionibus suis ita profecit, ut is fieret monachus in Cassinensi cænobio, Filiam Rattrudam & uxore Thesiam vicino Monasterio à se condito inclusis; ubi mirabili sanctitate illustres, melius

Rachis factus monacho succedit Aluabius.

regnum consequi post aliquot annos meruerunt. Successit Rachisi frater Aistulphus, consentientibus Principibus Longobardis, in eo fratris virtutes expectantibus.

DECA SEXTA.

CAPVT VI.

Ab anno Christi 750. ad 760.

MVNDI CHRISTI
4804. 751.

PRæerat tum Franciæ Childericus Tertius, inter inertes familiæ Merouingianæ Reges inertissimus: & præerat, seu potius subditus erat Pipino Domus Francicæ Maiori, viro prudenti, atque forti, & cui nihil deerat præter regium nomen. Hoc etiam vt consequeretur, Childerici stupiditas effecit. Celebratis igitur comitiis regni, omnes è re Francicâ iudicarunt Childericum exautorari, Pipinum creari Regem; sed tumultus timebatur, ab ijs maxime, qui fidem Regi datam obtendebant. Iuramentum fidei datum legitimo Regi obex vnus erat, qui rem visam salutarem, & ab omnibus expetitam, moraretur. Visum est ergo perhonorificam legationem ad Zachariam Pontificem mittere, qui Francos absolueret à præstito Principi suo fidei Sacramento, quâ perfuncti sunt Burchardus Episcopus Herbipolitanus, & Vvolcadus seu Eulcadus Abbas S. Dionysij, Pipini summus Capellanus, vt negotium conficerent. Zacharias, qui Pipino & Francis aduersus Longobar-

*Zacharias
Francos
eximit à
Sacramento
fidei dato
Regi suo.*

gobardos indigebat, assensus est populi Francici precibus, & votis, deditque quod rogabatur quantum poterat, & quantum petentes indigerent. Ita sublato conscientia, Deique merito, factum est quod mirabitur sequens atas, sine crimine perduellionis nunquam imitabitur.

— MVNDI — CHRISTI —

4805.

752.

Itaque Sueffionibus à sancto Bonifacio Moguntino Episcopo inunctus est Rex Francorum, Clero, Nobilitate, ac populo assentientibus, Pipinus; Childericus comam, cui pendenda tantum vacabat, cum Regno perdidit, detrusus in monasterium aut Sueffionense, aut Luxoujense; inde in Hemiran ad Ratisponam translatus, ut hinc eius inertia, Pipini ambitus laterent. Monialis quoque facta Gesilea eius vxor; familia Merouingiana, jam potita Franciæ Sceptro, à Rege Pharamundo, trecentis triginta & amplius annis, contigit, exemplo metuendo, & nunquam à Principibus satis vitato, ne vnquam per alios regnum administrarent, neque viris, quantumvis sagacibus, & magnis, eius curam resque difficiles committant, dum ipsi voluptatibus indulgent; cum hæc duo, administratio Regni, & regia vita atque pompa, nonnisi ægerrimè, & semper periculose diuellantur.

Childericus III. exautoratur; Pipinus Rex creatur.

Mortuus est hoc anno Zacharias Pontifex Idibus Martij, cum sedisset annis x. mensibus tribus, ac diebus decem, in sanctorum numerum adscriptus, diu & solemner gestu Pontificatu; cuius opus est Gregorius in suis Dialogis Græcè loquens, ne tam sancto opere Oriens fraudaretur. Ei successus est post dies 11. 6. Kalend. Aprilis, Stephanus Secundus Presbyter, tertio sedis die elatus, dum rem familiarem curat repente alienatus à sensibus, cui statim substitutus Stephanus Tertius,

Steph. succedit Zachar.

tius, ex Diacono Pontifex, patriâ Romanus; sic in pauperes affectus, vt verè inopum parens nominari potuerit; Pontificatum suum ab Xenodochiis instaurandis auspicatus.

*Steph.
III. opem
Francorū
implorat.*

Aistulphus Longobardorum Rex Ducatum Romanum vexabat, eiusque occupabat vrbes: Misit itaque Stephanus ad eum cum muneribus Paulum Diaconum fratrem suum, cuius operâ ad annos 40. inter Longobardos & Romanos pax firmata est: verum ea vix quatuor mensibus tenuit; neque Rex periurus vllis Legationibus Pontificis, aut Imperatoris, potuit ab iniuriâ prohiberi. Cùm ergo Imperator longius distitus nihil aut parum posset, propinquo- ra fuere spectanda auxilia, quæ magno eius commodo, & Ecclesiæ, nequaquam à Francis deluere.

MVNDI CHRISTI

4806.

753.

*Steph. ve-
cipitur à
Pipino.*

Stephanus à Longobardis, tantùm non cum Româ oppressus, confugit ad Pipinum; ad quem, inuito Aistulpho, & iter eius modis omnibus abrumpere conante, per duos Episcopos deducitur. Susceptus est à Pipino Pontifex, vt à Rege Christianissimo Ecclesiæ primogenito; huic enim Rex ipse cum vxore, ac liberis occurrit, ad eius procubuit pedes, vices stratoris obiit; eò maior, quòd se magis coram Dei Vicario demittebat.

*Anastasi-
us
Const. mo-
ratur.*

Mortuus est hoc anno turpis ille Anastasius Episcopus Constantinopolitanus, ex morbo qui Chordaplos dicitur, *Le Miserere, ou Colique de Passion*, atque cum stercore per os animam eggressit sordibus omnibus turpiorem.

MVNDI CHRISTI

4807.

754.

Pipinus cum vxore, ac liberis hoc anno per Stephanum in Abbatia S. Dionysij à Stephano Pontifice inunctus, & coronatus est; quare ab hoc anno in veteribus quibusdam Franciæ

mori-

monimentis anni Principatus Pipini procedunt. Nec mora, Pipinus sollicitum saepe de pace Aistulphum cum exercitu aggreditur, atque in ipso Alpium transitu fortiter devincit, fugatumque Ticini seu Papiæ obsidet. Stephanus tamen obtinuit à Pipino, ut pace cum eo factâ, exactoque juramento de reddendo Exarchatu Ravennæ, & civitatibus Romani Ducatus, rediret cum exercitu in Gallias, sicque sanguini parceretur; cuius servandi, quam dignitatis suæ atque vitæ, bonus Pontifex sollicitior erat.

*Pipinus
vincit Ai-
stulphum
& obsidet.*

Carolomannus ab Abbate suo Cassinate missus erat in Franciam, ut expeditionem Pipini in Italiam abrumperet, Aistulpho minitante excidium monasterii Cassinensis, nisi eam peregrinationem vir sanctus susceperet. Verum is à fratre retentus est, & in monasterio Franciæ collocatus, ubi religiosè, ac sanctè expiravit; eiusque postea corpus seculo aureo inclusum Cassinum remisit Pipinus, ut eo loco conquiesceret, ubi sibi quietem æternam comparasset.

*Carolo-
mannus ve-
nit in
Franciã.*

Constantinus Copronymus pseudoynodum Constantinopolim convocat 338. suæ farinæ Episcoporum in templum Beatæ Virginis ad Blachernas; ubi Ecclesiæ Constantinopolitane præfulem præfecit Constantinum Monachum, Silæi antea Episcopum, hominem impurissimum, atque eligenti simillimum. In hoc Concilio decretum imagines Idola esse; qui eas colerent, Idololatrias; nemo Apostolos, Martyres, &c vocaret Sanctos; denique hæc Synodus *Septimâ Oecumenica* diceretur. Verum hæc statim à Stephano, & Patriarchis Alexandriæ, Antiochiæ, ac Hierosolymitano damnata est. Persecutio tamen gravis in Catholicos, & maxime monachos, exorta est Constantinopoli; disiectæ imagines omnes, & abolitæ; numquam acer-

*Pseudo-
ynodus Co-
stantinop-
olis se se-
cutorio.*

bius in viros sanctos Deoque dicatos verbis factisque scuitum.

MVNDI CHRISTI

4808. 755.

*Pipinus
crepta Ai-
stulpho do-
nat Eccl.*

Aistulphus Romam, cum Stephano Pontifice, obsidet, omnemque Ducatum sedissimè vastat. Scribit itaque litteras sancti Petri nomine ad Pipinum Pontifex, quibus petebat auxilium. Aduit statim cum exercitu Pipinus, qui victum in faucibus Alpium Longobardum Papiæ iterum obsedit; nec ut pacem ei concederet adduci potuit, nisi Exarchatum Rauennæ, omnesque ciuitates Ducatus Romani priori fœdere contentas Romano Pontifici restituisset. Institere Legati Copronymi, ut hæc omnia redderentur Imperio; sed recusauit Pipinus, eaque malè ab Imperatore defensa, peius ab Aistulpho occupata, diplomate suo sanctæ Ecclesiæ possidenda donauit, *Primus amplificanda Ecclesiæ viam aperiens*, ut adhuc Ranennæ in Epigraphe legitur.

*S. Bonif.
martyr.*

Sanctus Bonifacius Moguntinus Episcopus in Frisiâ, cum multis sancti viris, per Barbaros Christi hostes trucidatur. Corpus eius Traiectum Rheni, deinde Moguntiam, postremo in Fuldense monasterium, quod sepulturæ suæ locum delegerat, translatum est; vbi multis miraculis ostendit, mortem suam vitæ sanctissimæ respondisse.

MVNDI CHRISTI

4809. 756.

*Orientur-
batur.*

In Oriente magni contigerunt terræ motus. Theodorus Patriarcha Antiochenus expulsus est ab Hali Saracenorum Principe, quasi res suas Imperatori per litteras proderet; quando ab eodem Arabe multi Christiani interfecti Martyribus annumerati sunt; quos tantum Christi religio Tyranno fecerat odiosos.

Obiit

Obiit hoc anno in venatione diuinitus percussus Aistulphus; quò mortuo de regno duo disceptauere; Desiderius Dux Tusciae, & Rachis monachus Aistulphi frater. Sed cum Desiderius Stephano multa pollicitus esset; effecit auctoritate sua Pontifex; vt relicto exercitu Rachis monasterium repeteret, Desiderius Rex a Longobardis eligeretur. Hic ergo statim Ecclesiae Fauentiam, totumque Ducatum Ferrariensem restituit; felix, si inchoatam perrexisset viam; sed dum quæ donarat vi repetit, & extorquere parat, se atque regnum; Ananiae & Sapphiræ prope similis, perdidit.

*Desiderius
Rex Longobard.*

MVNDI CHRISTI

4810.

757.

Stephanus sedis suæ anno 5. cum diebus 28. obiit, & post dies triginta duos locum fratri suo Paulo, Kal. Iunij reliquit, multis laboribus pro sede Romanâ exanthlatis; quam diuitem, sed nondum securam reliquit.

*Paulus
succedit
Steph. III*

Mortuus est quoque hoc anno Alfonso seu Adelphonso Galliciae Rex, cognomento Catholicus, vir piissimus; cuius in obitu audita diuinæ laudes, in eum iactas criminationes de seueritate, de nece fraternâ, melius quàm codices omnes refutarunt.

*Alfonso
Catholicus
Regis
mors.*

In Oriente vigeat persecutio, ab Imperatore simul & ab Principe Saracenorum Abdalla. Hic grauib; tributis Christianos, etiam Monachos & Eremitas, oppressit; spoliavit Ecclesias; cruces abstulit; omnia ornamenta Iudæis vendidit; eos etiam Vigiliis sacras celebrare vetuit, & litteras ediscere, vt rudes & illiteratos facilius ad Mahumetis sectam pertraheret.

Oriens valde afflictus.

MVNDI CHRISTI

4811.

758.

Monachi ex Græciâ fugientes, linguam suam Romæ hymnos canere permissi sunt: in Occiden-

*Magi in
Perside ex-
stint.*

cidente Reges Northumbrorum duo, pater & filius, se monasterio peder & maiores imitati suos, incluserunt: Habdallas Saracenus in Perside Magorum sectam extinxit: cum ex iis quidam, suadente damone, volare præsumpsissent nudi ex eminentibus locis, vnde ruerunt præcipites, contractis corporibus: irridendi sanè, nisi miseri nimidum extitissent.

MYNDI CHRISTI

4812.

759.

*S. Othmar.
rnt Abbas
sancti Gal-
li.*

S. Othmarus, Abbas S. Galli, quod Ale-
mannicas res administrantes duos accusasset
apud Pipinum sacrilegij, ab iis, vicissim insi-
mulatus luxuriæ, expulsus est ignominiosè, li-
cèt vnus ex accusatoribus à Deo punitus eum ex-
cusaret; tumquæ plus hominum, quam Dei sen-
tentiæ valuit.

MYNDI

CHRISTI

4813.

760.

*Pipinus
fr. damno
pro sapien-
tior.*

Pipinus hoc anno Vvaiphrarium, Aquita-
niæ Ducem Sacrilegum, sacro appetiit bello,
& victum bona Ecclesiæ restituere compulit;
quod cum facere tergiuersaretur, anno insè-
quenti iterum victus est; ac tandem post annos
quinque semper rebellis, ab eodem casus & vi-
tam & diuionem suam perdidit; Pipinus totam
Aquitaniæ pietatis suæ præmium Francico re-
gno adiunxit. Sic factus est ex admonitione &
verberibus sancti Rhemigij Rex Pipinus sapien-
tior, ob villam Lugdunensis Diocesis, quam
sibi parabat retinere: correptus enim à sancto
Episcopo grauibz verbis, ac flagellis, & ip-
se sapuit, & per vim & arma alios sapere com-
pulsit.

ITRNDI 2525

ICVNDI

C A.

CAP. V. T. VII.

DECEMBER SEPTIMA.

Ab anno Christi 760. ad 770.

MVNDI CHRISTI.

4814.

761.

Celebris est hic annus martyrio sancti Andree Calibyæ, qui & a loco sepultura dictus est S. Andreas in Chrysi: Is nullis tormentis adigi potuit, ut cessaret obiurgare Imperatorem; eique tandem vita potuit eripi, non constantia atque fortitudo.

S. Andreas in Chrysi.

In Hispania, a Saracenis excisa Valentia, Christiani S. Vincentii reliquias ad ultimum Lusitanie promontorium deportarunt; quod Sacrum ab antiquis nuncupatum, huius sancti deinceps nomine melius consecratum est.

S. Vincentii reliquia.

Obiit hoc anno in Anglia Egebertus Archiepiscopus Eboracensis, non minus eruditus, quam sanctus, Magister Albini seu Alcuini Flacci; atque ab eo multum, & non satis laudatus.

Egebertus Albini Flacci Magister.

MVNDI

CHRISTI

4815.

762.

Copronymus hoc anno tentavit in suas partes pertrahere sanctum Stephanum, monachum in Auxentiano monte Bithynie, per Callistum Patricium; qui neque blanditiis, neque minis, neque atroci calumnia se vinci passus est, miraculis in vita, & post mortem illustis; ac vivus & mortuus magnus Iconoclastarum impugnator.

S. Steph. Auxentianus.

MVNDI

CHRISTI

4816.

763.

Profectus ad bellum Bulgaricum Constantinus.

*S. Steph.
e sagitat,
& expel-
lis Copro-
nymus.*

tinus, id feliciter conficit, ac triumphans Constantinopolin rediit. Tum victimâ illustri litaturus demoni sanctum Stephanum aggreditur, accusatum turpis consuetudinis cum Annâ sanctissimâ feminâ, corruptis monacho Stephani, & Annæ Ancillâ. Et hanc quidem nihil confessam in tormentis enecauit; sed eam miraculo Deus absoluit. Cum enim accusatrix viro diuiti, in præmium suæ proditionis, nupsisset, ac gemellos peperisset, sub noctem mediam furore turbati insantes matris arripuere mammæ, & crudeliter exedere, atque ubi quærebant vitam, mortem intulere matri, Vipera in ipsis moribus immorientes. Deinde conuersus est Imperator in Stephanum; ad quem immisit quemdam perfidiosum, qui in ejus Auxentiano Monasterio recipi multis præcibus flagitaret; (vetuerat autem quempiam monachum fieri) & verò tandem receptus est: ideo disturbatum monasterium cum templo, relegatus Stephanus in insulam Proconnesum, ubi in columella excitauit ædiculam quâ se conclusit; vt cælo propior, in cælum curas omnes suas, & cogitationes conuerteret.

*Turcæ po-
pulantur
Orientem.*

Armeniam hoc anno innasere Turcæ, & sequenti quoque anno populationes in eandem regionem extendere; ingressi per Caspicas portas; in Saracenorum postea translato nomen, quos & armis, & improbitate superauere.

*Frigus, &
glacies in-
gens.*

In Thraciâ a Kalend. Octobris ad mensem Februarium tantum frigus saeuit, vt Pontus centum millibus passuum congelaretur ad triginta cubitos profundâ glaciæ: cumque nix in hæc glaciem ad viginti cubitos decidisset, facta est crûsta quinquaginta cubitorum, quâ cælo repente in frustra diuisâ instar montium in Urbem, Propontidem, & mare Ægeum belata, nouas quasi Cycladas flui-

tan-

tantes exhibuit. His ostensis non est permotus Copronymus; immo Nestorij sectam propagasset, nisi hanc execratus esset Constantinus Patriarcha, cuius in aurem hoc virus effuderat Imperator. Tunc enim intellexit errorem suum improbandum ab omnibus, quem charissimus Antistes, adeoque bene de se meritis, improbasset.

MVNDI

CHRISTI

4817.

764.

Franci hoc anno misere legatos ad Paulum Pontificem, ut sanctorum corpora, quæ auidissimè quærebant, obtinerent; cum percrebuisset fama multa sanctorum corpora ex cœmeteriis in Urbem esse translata, plus venerationis apud Gallos, ex populorum genio, quàm apud Romanos habitura.

*Sancta
corpora in
Galliam
translata.*

MVNDI

CHRISTI

4818.

765.

Copronymus iterum in S. Stephanum sauiit, ex Proconesso insulâ Constantinopolin euocatum; ubi post longam disputationem, eum in carcerem coniecit cum trecentis quadraginta aliis monachis, mutilatis aliquo membro ob cultum sacrarum imaginum, aut insigni aliquâ infamiâ notatis. Ibi singulis hebdomadis recipiebat sex uncias panis & tria pocula à piâ faminâ; neque enim induci potuit totæ vitæ tempore ut acciperet cibos ab Iconoclastis, quorum contactus etiam fœdari cibaria existimabat.

*S. Stephanus
iterum
vexatur.*

Contigisse hoc anno scribit Sigebeftus (quod alij referunt ad tempora Constantini & Irenes) Beritense miraculum 5. Id. Nouembris, quando Imago Christi à Iudæis illusa, & affixa cruci, lanceâ in pectore vulnerata, tantum sanguinis reddidit, ut diuisus inter omnes Ecclesias Orientis & Occidentis, omnibus satis esset; quo morbi sanabantur omnes quemadmodum hoc die quatuordecim canit Ecclesia.

*Beritense
Christi
sanguis.*

clesia. Quare qui in plerisque jam Ecclesiis populo proponitur adorandus Christi sanguis, nequaquam fluxit ex Christi corpore in Caluario, sed ex eius imagine in vrbe Beryto; sed quid agas cum volentibus falli?

MVNDI CHRISTI

489. 766.

Constantinensis Classis perdidit.

Amisit hoc anno Copronymus, vi tempestatis, duorum millium & sexcentorum navium classem, paratam contra Bulgaros; quando idem Imperator, non iam scire in Catholicos, sed & de bacchari cepisset. Inuentos enim Constantinopoli monachos, singulas mulieres manum prehensas per Hippodromum ducere compulit, à populo probris lacerandos; multos etiam viros illustres, falsorum criminum reos, aut interemit, aut exæcatos eiecit in exilium, quia Iconoclastas detestabantur. Constantinum quoque Patriarcham eiecit, quia eum odisse Nestorium cognouerat, & negasset hæreticam hanc sectam disseminare, substituto ei Eunucho Sclauino. Vetuit denique B. Virginem ac sanctos eoli, si legitque præfectos Iconoclastas, & Catholicis insensibilissimos. Scruuit & in Martyrum corpora, quæ aut occultari iussit, aut projici, inter cetera Sanctæ Euphemie *μυροφόρη*; quod in mare proiectum & inuentum à nauigantibus in Lemnum insulam delatum est, maiore postea cultu Constantinopolin referendum, & honorandum; ita denique se gessit ut verè *αγιομαχης* esset, cælum ad interitum suum prouocare videretur.

Synodus Gentiliacensis.

In Galliâ prope Parisios Synodus Gentiliacensis celebrata est de imaginum cultu (hæresis enim Iconoclastarum cum legatione Copronymi, & eius munere organo musico videbatur ex Oriente allata) & de Trinitate: tum enim an Spiritus Sanctus à Patre & filio procederet disputauere Græci, grauioribus videlicet erroribus, ac criminibus implicati.

Mor-

MVNDI 4820 CHRISTI 767.

Mortuus est Paulus Papa ; cū sedisset annos 10. mensem vnum , 30. Kal. Iulij ; vacauitque Sedes anno vno , ac mense , quia TOTO Dux Nepesina ciuitatis fratrem suum Constantinum laicum per Georgium Prænestinum ordinatum in Rom. sedem intrusit . Sed is mox violentâ ægritudine oppressus ; & manu contractâ , vixit tantisper ; diuinâ iustitiâ in sacrilegos exemplar .

*Paulus
Papa mor-
ritur .*

Hoc quoque anno Copronymus S. Stephanum omnibus suppliciis exagitatum , & per Urbem tractum , omnibus eum torquere iussis , qui inimici Cæsaris nollent esse , capite truncari iussit , anno ætatis 53. 40. Kal. Decembr. quando & multa miracula in eius sanctitatis testimoniū contigere . Addidit illi virtute disparem Constantinum Patriarcham exautoratum ; quem in ridiculâ veste , impositum asino ; versâ ad caudam facie , eandemque ciudam pro freno tinentem , in Circensibus traduci iussit à nepotē suo , præcisīs naribus , ac demum capite truncari ; in hoc miser , quod virnequam à nequiore Imperatore cæsus esset . Exinde idem Imperator horrendas in S. Virginem blasphemias euomit , ob quas maximè vltimum supplicium accelerauit , cū in eam iactæ iniuriæ , grauius quàm in ipsum Deum soleant castigari .

*S. Ste-
phanus ca-
ditur .*

*Idem Cō-
stan-
tinus Pa-
triarcha .*

MVNDI 4821 CHRISTI 768.

Christophorus Primicerius , & Sergius Saccellarius eius filius , collectâ militum manu subeuntes Urbem , TOTUM interimunt , & Constantinum eius fratrem Pseudopontificem ejiciunt , cū sedisset vno anno atque mense . Cū autem aliqui Philippum Præbyterum monachum in eius locum induxissent , idem Christophorus eum in cænobium remisit suum .

*Stepha-
nus 17.
creatur le-
gitimus
Pontifex .*

Itaque

Itaque legitimè creatus est Stèphanus, eius nominis Quartus, (quem tamen ob breuitatem temporis quo sedit, Secundum, Tertium quidam vocant) omnibus gratiis ornatus quæ in summo Pontifice requirerentur. Cùm autem in Episcoporum Concilio Constantinus ritè depositus esset, & in monasterium relegatus: inde paulò pòst, in scio Stephano, à militibus re-tractus, excæcatus est, & mutilatus linguâ cum suis aliquot fautoribus, affectati gestique per vim Pontificatus pœnas luit grauiores, quàm boni omnes exoptassent.

Pipinus
no. ane. Obiit hoc anno Pipinus, cùm regnasset annos 14. vel quindecim ab inauguratione Bonifacii vel Stephani Papæ. Quo die autem mortuus sit, non conueniunt scriptores; hoc certum, annos Caroli Magni coronati Nouiomi, Carolomanni Sueffionibus, à 70. Idus Octobr. procedere. Pipinus autem obitum prauidentium suum, æger S. Martini sepulchrum Turonis inuisit, indeque reuersus Parisios in vrbe Sandionysij spiritum reddidit; vir magnus bello, atque pace, atque ex priuato Rex factus, etiam saluâ religione: quæ duo in Christianum hominem non facillè conueniunt.

MVNDI

CHRISTI

4822.

769.

*Concilium
Romanum.*

Concilium Romæ in Basilicâ Lateranensi celebratum est; quo damnatus Constantinus Pseudopontifex; omnia ab eo facta, irritata, præter Baptismum & Confirmationem. Damnata quoque Pseudosynodus Constantinopolitana contra sacras imagines, probata verò Gallica Gentiliacensis; ac primùm in eâ fuit mentio septem Episcoporum Cardinalium; eorum videlicet qui Vrbi propiores assisterent Ro. Pontifici, S. R. E. Cardini infiti; qui deinceps tam sæpe appellabuntur, quàm antea neglecta est eorum mentio.

Hunaldus

Hunaldus Dux Aquitanix, à Carolo & Carolo-

rolomanno fratribus victus & captus, post
biennium simulans pœnitentiam laxatus & mis-
sus est Romam; appaulò post deficiens ad Lon-
gobardos, lapidibus obrutus ab iis pœnas dedit,
quàm Franci expectarent longè acerbiores.

MVNDI

CHRISTI

4823.

770.

*Dux sus-
ratus &
casus.*

*Ecclesia
Ro. Vin-
dices cap-
ti.*

*Caroli-
Magnus
ducis Her-
mengardē.*

*Aurelius
Rex im-
pius.*

*Episcopi
nupti
scelerata.*

CA.

Christophorus & Sergius agentes apud Desi-
derium, vt is erepta sanctæ Sedi redderet, frau-
de ab eodem Desiderio capti excæcati sunt; obiit
intra triduum ex dolore Christophorus, Sergius
in monasterio inclusus superuixit; ambo Roma-
næ Sedis vindices, digni fato meliore.

Nupsit hoc anno Hermengardis filia Desiderij
Carolo Magno, cuius etiam sororem Bertham
duxit Carolomannus, frustra prohibente Ste-
phano sub Anathematis pœnâ, ne inimicus san-
guis sanctæ Sedi eidem amicissimo malè con-
jungeretur, purissima stirps cum eâ conjugeretur ex
quâ leprosi prodirent; quod vitium ad animum
potius, quàm ad corpus pertinuisse, hîc merito
sapientes abbitrantur.

Aurelius Frisilam Regem Hispaniæ nepotem
suum interemit, ei que successit; quando & in-
fame tributum Christianas virgines Sâracenis
persoluit; immo iniquissimum decretum emisit
vt nobiles scæminæ Hispanienses Arabibus ma-
trimoniò copularentur; factus ex parricidâ irre-
ligiosus.

Hoc anno, Copronymi trigesimo, Præse-
lus Ephesi, vir sceleratus, in campum Mona-
chos omnes, & sacras Deo virgines eduxit;
iussitque inter se jungere nuptias, cœcitate &
exilio renuentibus propositâ: sed plerique mori
maluerunt, quàm scdari; & luminibus carere,
atque exulare virginitatis causâ, præmij loco
duxerunt.

CAPVT VIII.

DE CAS OCTAVA.

Ab anno Christi 770. ad 780.

MVNDI CHRISTI

4824.

771.

*Persecutio
in Oriēte
recrudescit.*

Recruduit hoc anno in Monachos persecutio à Præfecto Thraciæ excitata, vnde in alias provincias Rectoresque peruasit; quando omnia tam viroꝝ quàm feminarum cœnobiaz diruta, bona omnia distracta, excæcati aut faciem cremati atque barbati Monachi, ad ludibrium simul & dolorem.

*Desiderij
in Carolū
M.odium.*

Carolus Magnus Hermengardam Longobardam expellit, probantibus regni sui Episcopis, eiusque loco ducit Hildegardem filiam Hildebrandi Ducis Sueuorum; vnde Desiderij in Carolum furor, quem auxere Hunaldus Aquitanus, ad eum confugiens, & Bertha Carolomanni vxor, ad eum cum liberis & marito mortuo, relictoque Bauaro Thassilone ꝑ recedens; & inde tantum est odium concitatum, vt Regni Longobardici ruinā fuerit restingendum.

*Carolo
manu mo.
vitur.*

Mortuus est etiam hoc anno Carolomanus pridie Non. Decembr. in villā Salmoniaco, sepultus Rhemis magnificē, ꝑ iussu Caroli fratris; qui suadentibus Franciis regnum eius occupauit, in eius manu, quā pueroꝝ & femina Longobardicæ tutius & securius.

MVNDI CHRISTI

4825.

772.

Ægrotante Stephano, factione Asiaticæ, Papæ cubicularij Sergius excæcatus à Desiderio, &

tum

tum seruatus in Cellario Lateranensi; inde extractus, multis vulneribus confossus interiit. Post dies octo obiit Stephanus Pontifex Kal. Febr. Sedis suæ anno tertio cum tribus mensibus ac diebus viginti. Cùmque vacasset Sedes diebus octo. 50. Idus Febr. electus est Hadrianus, patriâ Romanus, vitæ sanctimoniâ, & eruditione perillustris. Hunc tamen statim aggressus est Desiderius, verbo se ei submittens, reuerâ occupans ciuitates Ducatus Romani. Quare Pontifex misit Legationem ad Carolum Magnum, quâ postulabat auxilium; expectans in filio Pipini pietatem coniunctam fortitudini.

Stephanus III. moritur cui succedit Hadrianus.

Hic recurrit ad Carolum M.

Habdallas, Rex Hierosolymorum Saracenus, Christianos omnes & Iudæos in manibus notari inferibique iubet, ut à suis Arabibus distingueretur: quam ignominiam plerique non tulere; sed relictis possessionibus suis, in Romanorum ditio nem confugerent: sicque dum distinctos habere voluit subditos Princeps Barbarus, nullòs habuit, sensitque viros fortes bonis suis plerumque ignominiam anteferre.

Habdallasauit in Iudæos ac Christianos.

MVNDI CHRISTI

4826

773.

Desiderius mittit Legatòs ad Carolum, ut eum à tutelâ Apostolicæ sedis abstraheret, aut impediret quominus transiret in Italiam, asserens se omnes ciuitates Pontifici reddidisse. Quod cùm falsum esse intellexisset Carolus, eumque Romam obsideré voluisse, ac tantum anathemate deterritum, cum exercitu transiit in Italiam, expulsūque ex montis Cenisij faucibus, obsedit Papiæ. Multas quoque Longobardorum vrbes cepit, atque inter ceteras Veronam, ubi nepotes suos cum Berthâ inuentos remisit in Franciam, ne quid turbarent. Saxones quoque, jam tertium rebellantes, ab eius ducibus repressi, aut potius à Deo res Caroli curante, dum ipse Dei rebus & Ecclesiæ adlaboraret,

Carolus M. inuadit Desiderium.

Caro.

MVNDI

CHRISTI

4827.

774.

Carolus Magnus a obsidione Papiæ Romam venit, vt hîc Pascha celebraret. Receptus est vt Ecclesiæ primogenitus; vicissim donationem Ecclesiæ factam à Pipino patre confirmavit diplomate; statimque Papiam regressus eam se dedere compulit, cum Desiderio atque vxore, quos secum in Franciam pertraxit. Desiderij filius Adalgisus fugit ad Copronymum, à quo Patriatus titulo auctus est. Quod autem Sigibertus scribit Carolum iterum Romam rediisse, & in Synodo 153. Episcoporum accepisse jus eligendi Rom. Pontificem, & Episcoporum inuestituram, viri schismatici communum est, propugnatum tam malè à Calvinianis, vt eius sectæ cruditos jam pudeat ineptissimæ defensionis.

*Carolus
Desideriû
caprum in
Galliam
ducit.*

*Paulus
Diaconus
captus à
Carolo,
tandem fit
Monachus
Cassinensis.*

Carolus cum Desiderio Paulum Diaconum secum abduxit in Franciam, quem & impensius dilexit. Sed cum accusatus esset insidiarum ab inuidis, & interrogatus à Carolo non satis modestè respondisset, iussus est ambas perdere manus: mutata tamen à Carolo, secundis curis, sententiâ, ac relegatus est in Insulam; vnde fugit ad Adelpergam filiam Desiderij, vxorem Arichisis Ducis Beneuentani; quo mortuo Monachus factus est in Monasterio Cassinensi, vbi multa scripsit, etiam acceptus Carolo; sic huic calamitas ad bene viuendum, atque moriendum, non inutilis fuit.

MVNDI

CHRISTI

4828.

775.

Constantinus Copronymus dum bellum gerit in Eulgaros, sed atrocis in Dei Genitricem, plagâ diuinitus percussus in crure, quam *εὐλαξία* vocant, yiuus exustus igne inuisibili, ac de blasphemis vocibus in eam iactis poenitens, sed vt Antiochus, impiam dæmoni euomuit animam 18. Kal. Octob. cum regnasset ab obitu patris

Copronymus moritur.

patris annos 34 menses duos, dies vinginti sex; verbo Christianus, re Iudæus, Manichæus, Nestorianus; dignissimus scdissimis nominibus Copronymi, & Caballini, quorum illud accepit à stercore quo insans turpauit Baptistarium, hoc à fimo caballi, quo se inficiebat cum aulicis, hoc odore mirificè delectatus non autem à Cabalâ vrbe, vt quidam malè putarunt. Is exitus fuit magi, malefici, idololatæ, luxuriosi Principis; qui cum in Basilicâ SS. Apostolorum Petri & Pauli sepultus esset Constantinopoli, postea refoffus, in foro publicè crematus est mortuus; quod supplicium viuus propter atrociam crimina promeruerat.

Successit patri Leo IV. qui initio sui Principatus thesaurum à patre relictum pauperibus impertiit; simulauit & pietatem in B. Virginem, & amorem in Monachos, quorum plurimos præfecit Ecclesiis præfules. Obtulit etiam Nicomediensem Episcopatum S. Platoni Olympi montis sanctissimo monacho; cuius ille titulum reiecit, laborem seruauit, factus ouilis Dominici vigilantissimus custos. Sed reliquit Copronymus filiam Anthusam virginem Deo consecratam, quæ bona omnia sua effudit in pauperes, & religiosum induta habitum, in Menco Græcorum meruit locum, parentis atque fratris moribus, vt morte, dissimilima.

*Leo IV.
succedit
patri.*

*S. Anthu-
sa Virgo.*

*Madi
filius
Habdallæ.*

*Occiden-
talis flores
Ecclesiæ.*

Mortuus & hoc anno Habdalla Saracenus regnum atque furorem reliquit hæreditarium filio suo Madi; Copronymo, vt tempore, sic crudelitate coniunctior.

Carolus contra piissimè vixit, ac bis profligauit Saxones. Offa quoque rex Merciorum regnum suum Ecclesiæ reddidit vestigale, renouato in singulas domos S. Petri Denario; tantum Occidens ab Oriente, non solum situ, sed & religione dirimebatur.

Tom II, Pars II.

M

Obije

*Aurelio
succedit
Silo.*

Obijt denique Rex Hispaniæ sceleratus Aurelius, cuius locum melius impleuit Silo, sororis eius filius, regnum suum à pietate auspicatus.

MVNDI CHRISTI

4829.

776.

*Turbæ
Orientis.*

Constantinus filius Leonis hoc anno à Nicetâ Patriarchâ coronatus est Augustus: nec ita multò post Nicephorus Cæsar, Leonis frater, ei molitus necem, turpiter attonsus Chersonam deportatus est; Græcis sibi semper inuicem struentibus insidias.

*Carolus
vincit
Saxones.*

Carolus Magnus audiens Rotgandum Ducem Foroiuliensem vindicare sibi Regnum Longobardorum, celeriter in Italiam transiit, eiusque conatus morte dignos iudicauit. Tum rediit eadem diligentia in Saxones, quos ope Dei potius quàm armis deuicit: quare se omnes illi, multi etiam se Deo submittere.

MVNDI CHRISTI

4830.

777.

*Telericus
Bulgarus.*

Telericus Rex Bulgarorum, qui tam sæpe in Copronymum pugnauerat, relictis suis venit Constantinopolin; ubi factus Christianus, & Patricius, accepit etiam vxorem consobrinam Leonis, & Christianitatem bene regno esse redemptam iudicauit.

*Carolus
inuitatur
in Hispaniam.*

Carolus in Paderbornensi Synodo, de Saxonibus ad Christum conuersis recepit tres Principes Saracenorum, à quibus inuitabatur ad arma transferenda in Hispaniam, bello ciuili jam distractam; in quam tamen plus pietas, quàm noui regni cupido bonum Principem attraxit.

MVNDI CHRISTI

4831.

778.

*Belli
Hispanici
infelix
exitus.*

Bellum transtulit hoc anno in Hispaniam & Saracenos Carolus; quod magnâ gloriâ inchoatum, captâ etiam Cæsaraugustâ, infelicitè terminatum est. Dum enim redit cum spoliis, Vascones ex Pyrenæis montibus in Rocidâ valle, vulgò *Ronceuaux*, Francos aggressi eos malè mulsa-

runt,

runt, & excussere prædam. Inter alios cecidit Rutrandus seu Rolandus, præfectus Britannici seu Armorici littoris; materies illustris fabularum quæ hæc ætate viguerunt.

Saxones duce Vvidichindo rebellant, & ad Rhenum fluvium omnia incendunt aut vastant: sed per Caroli duces etiam hyeme repressi, tot se flammæ frustra accendisse & damno suo docuerunt.

*Saxones
regiess.*

Florebat tum Albinus Flaccus seu Alcuinus, qui Eboraci magnâ cum eruditionis laude docuerat, Bedæ quondam discipulus, atque in Mathematicis disciplinis Caroli Magni magister, factus Abbas S. Martini Turonensis; vir ætatis suæ (si vnum excipias Carolum regem) sine dubio doctissimus.

*Albinus
seu Alcuinus
Flaccus.*

Hi Idegardis Carolo gemellos peperit, quorum vnus statim obiit; alter, Ludouicus dictus, par parenti suo religione, *Pius* appellatus est.

*Ludouicus
Pius nascitur.*

M V N D I

C H R I S T I

4832.

779.

Carolus Saxonas & Vvestphalos debellauit bello incruento, cum ij essent ad fugiendum, quàm resistendum paratiores; semper domiti, semper rebelles, nullo alio opere precio, quàm vt arma cepisse dicerentur.

*Saxones &
Carolo
domiti.*

M V N D I

C H R I S T I.

4833.

780.

Madi Princeps Saracenorum crudelem in Christianos excitauit persecutionem, cum iussit eos omnes qui ex Iadæis & infidelibus ad Christi fidem transissent, eam deserere, aut tormentis atrocissimis subijci, quod decretum multos martyres inseruit cælo. In totâ quoque Syriâ æquatæ solo Ecclesiæ, eiusdem Principis iussu; neque tamen repressus Christianorum ardor, sed in singulorum animis excitatæ Basilicæ, lapideis longè Deo gratiores.

*Madi
persecutio
in Syria.*

Nicetæ Patriarchæ Constantinopolitano hæretico mortuo successit Paulus, Cyprius genere,

M 2

Ortho-

Orthodoxus; sed Imperatoris hæresi foris indulgens, Tumenim Leo præcipuos Aulicorum cultores imaginum ignominiosè expulit aulâ, aut pœnis subiecit; cum in larario Irenes vxoris suæ duas imagines reperisset, eam eiecit, neque deinceps vxoris loco habuit. Sed statim Deus piissimæ fœminæ suscepit patrocinium. Leo etiam circa lapillos infaniens, coronam magnæ Ecclesiæ, gemmis distinctam, imposuit suo vertici; verum ex eâ in eius caput carbunculi transiere diuinitus, ac febre ardenti correptus, expirauit, anno regni sui quinto ferè integro. Statim ergo 6. Id. Sept. Irene cum filio Constantino, decem annorum puero, regendum suscepit Imperium; mulier à Deo fortis, cuius operâ Nicephorus affectans Imperium, in exilium reclusus, alij Cæsares ac Nobilissimi Leonis fratres ad Sacerdotium compulsi; Arabes tumultuantes repressi; ita compositum Imperium, quasi non id mulier, sed magnus Imperator administraret.

*Irene cum
filio susci-
pit Impe-
rium.*

*Prophetia
refessa.*

Inuentum hoc anno in longis Thraciæ muris à fossore, hominis cadauer, cum hac Epigraphe celebratissimâ, *Christus nascetur ex Virgine Maria, credo in eum. Sub Constantino & Irene Imperatoribus, O sol iderum me videbis;* quo tumulto prophetam inclusum fuisse suspicari licet.

*Ecclesia
Saxonica.*

Profectus Romam cum Hildegarde vxore suâ hoc anno Natalem Domini Carolus Ticini celebravit, cum prius Saxonica Ecclesiæ iecisset fundamenta, destinatis sedibus Episcopalibus, & Krodo Idolo exterminato; quando indigenæ huius regionis tardiùs venientes ad Christum, maiori cum alacritate susceperunt, ac firmiori constantiâ retinere.

C A P V T . IX .

D E C A S N O N A .

Ab anno Christi 780. ad 790.

MVNDI CHRISTI
4834. 781.

Carolus hoc anno cum coniuge & filijs Romanam venit, ibique S. Pascha celebrauit, voluitque Pipinum ab Hadriano baptizari, Ludovicum autem & Pipinum inungi reges, hunc Longobardorum, illum Aquitaniae. Irene quoque à Carolo petiit dari filio suo Constantino filiam Rotrudim; quæ tamen nuptiæ nequaquam coaluerunt, nec vtilis Francis, nec Græcis salutaris.

*Res gestæ
Caroli
M. in Ita-
lia.*

Helpidius in Siciliâ aduersus Imperatorem rebellat: dum igitur ab hæc parte Ro. distinetur exercitus, Aaron iunior filius Madi Saracenorum Principis (maior enim dicebatur Moyses) Orientem tam foedè depopulatur; ut Irene auro pacem redimere compulsa sit. Helpidius autem cum suis thesauris in Africam fugiens, ut Romanorum Imperator est cultus; cuius pluris pecuniam, quam purpuram Afri faciebant.

*Helpidius
Tyrannus.*

MVNDI CHRISTI
4835. 782.

Saxones rursus rebelles, rursus à Carolo victi; nec eorum rebellionis, ac pœnarum finis, donec è patriis sedibus evulsi, per varias regiones sparsi, se Saxonas, hoc est, rebelles esse didicerunt. Rex eorum captiuus, & edoctus Christi legem, dum videt in men-

*Carolus à
Rege Sa-
xone ad-
monitus.*

sâ federe Carolum, inopes humi cibum capere, negavit id concinere legi Christianæ, quæ pauperes vocat membra Christi; Rexque sic admonitus à captiuo, ac Neophyto, deinceps egentes religiosius & magnificentiùs enutrit; nec puduit Carolum erudiri à Barbaro, qui nouisset Asinam sessorem suum prophetam docuisse.

*Saxonia
oblata S.
Petro.*

Tum Saxonia dicitur oblata fuisse S. Petro, sicut & aliquot vrbes Gallix, in quibus denarius in singulas domos quotannis S. Petro pendebatur; Aquisgranum scilicet, Anicium seu Podium S. Mariæ, & oppidum S. Ægidij; quod quando desierit, non est certius, quàm vtrum id aliquando contigerit.

MVNDI CHRISTI

4836.

783.

*Alphonfus
succedit
Siloni.*

Silo in Hispaniâ, regni sui anno octauo, moritur; cui succedit ab eo iam collega assumptus Alphonfus, seu Adelphonfus, Froilæ olim regis filius, cognomento *Castus*, quia cum Bertâ sorore Caroli Magni continenter vixisset, & castè. Is appetitus bello à Maurogato patrui, Arabibus subnixo, (quibus tributum nomine 50. Virgines nobiles, & totidem plebeias pollicitus erat) cum deuictum expulit ex Hispaniâ, ac infami tributo Christianos exemit.

*Elipandi
errores.*

Adolinda vidua à Silone relicta monasticam est professa vitam, cui Elipandus Toletanus inspirare conatus est impias Nestorij blasphemias; quas statim mulier ex æquo prudens, & sancta detulit ad Etherium Episcopum Vxamensem, & Beatum presbyterum doctrinâ ac sanctitate illustrem; qui impiam hanc doctrinam duobus libris confutarunt; neque tamen respuit Elipandus, in Synodo postea convincendus, hæreticorum more, quos nemo priuatus facillè ab erroribus retraxerit, solâ multorum autoritate reprimendos.

MVNDI CHRISTI

4837.

784.

Paulus Patriarcha Constantinopolitanus, animo Catholicus, olim hæreticus ore; ut placeret Leoni, publicè coram Augustis hæreticos detectatus, abdicauit se Episcopatu, atque in monasterium ad pœnitentiam secessit, omnes adhortatus ad veram synceramque fidem retinendam, ac paulò post sanctissimè obiit. Hinc facultas data Iconoclastas refutandis, quod præsectorum hæreticorum auctoritas inhibuerat: electus & Episcopus Catholicus Tarasius, Imperatoribus à secretis, qui statim ad Concilium celebrandum animum appulit, quo tantum sanari poterat hæresis, à tribus Imperatoribus stabilita.

*Tarasius
succedit
Paulo.*

Moritur Moises Saracenorum Rex, qui anno superiori patri Madi successerat eiusque locum; impleuit Iunior frater Aaron, malè quoque in Christianos animatus, quorum plurimos intulit Martyres ecclø. Hic tamen Carolum Magnum coluit, & frequentibus legationibus & muneribus honorauit. Cùmque Carolus misisset in Palæstinam legatos, ad visitandum Christi sepulchrum cum muneribus, non tantum id fieri passus est, sed & ad eum misit S. sepulchri clauem, ut id esse in Francorum potestate videretur. Quod munus, non tam honor, quàm vaticinium fuit.

*Reges
Saraceni.*

*Aaron
amicus
Caroli
Magni.*

MVNDI

CHRISTI

4838.

785.

Tarasius ad Hadrianum, Pontificem fidei suæ professionem mittit; quem tamen hic arguit, quòd in suis titulis nomen Vniuersalis usurpasset: laudat tamen eum de Fide, & approbationem eius ordinationis pollicetur, si Iconoclastarum hæresim extinguat; quod is cumulatissimè, adiutus ab Augustis, præstitit.

*Tarasius
Hadriano
scribit.*

Vvidichindus Princeps Saxonum, author frequentissimorum rebellionum in Carolum, viso pulcherrimo infante communicantibus porrecto conuersus, sacris aquis intinctus, de-

*Vvidi-
chindus
Saxo sic
Christianus.*

inceps non tantum Deo, sed & Carolo fidelis ex-
vitit.

MVNDI CHRISTI
4839. 786.

*Synodus
impedita.*

Concilium OEcumenicum instituere parabant Augusti Constantinopoli in Basilicâ SS. Petri & Pauli; quod discicere milites Prætoriani, professi militiam, & hæresin sub Copronymo. Per moti enim ab Iconoclastis Episcopis, Orthodoxos accedentes magno conuicio repulerunt. Cumque iis retundendis Augusti pares non essent, reiecit sapienter in sequentem annum Synodo, sinxerunt exercitum aduersus Saracenos mittere; in quo Prætoriani illi profecti, ab exercitu circumfusi, armiseruti, remissi sunt, alique duces, alii milites delecti; Synodus in annum sequentem indicta, ad quam liberè boni Episcopi conuenirent.

*Carolus
M. mulie-
ribus ad-
dixit. or.*

Mortua est hoc anno Hildegardis vxor Caroli Magni annis 12., in cuius locum duxit Luitgarden, & alias deinceps, concubinis etiam aliquot interiectis, quæ cum mulierosum fuisse indicarunt, atque eius sanctimonix turpem induxere notam; quam tamen aliqui volunt pœnitentiâ sic oblitteratam esse, vt nec eius obfuerit sanctitati.

MVNDI CHRISTI
4840. 787.

Mense Maio incunte Tarasius cum duobus Petris Archipresbytero, & Abbate, Legatis Hadriani Papæ, itemque Legatis trium aliorum Patriarchalium Sedium, Nicæam Bithyniæ conueniunt, cum multis Episcopis, & sanctis Monachis; vbi celebrata.

SEPTIMA SYNODVS OECVMENICA

NICÆNA SECUNDA

aduersus Iconoclastas.

QUam Græcè editam, ac jam bis Latinè conuersam non satis fideliter & accuratè, tertium vertit Anastasius Bibliothecarius, sine dubio propter fidelitatem, & elegantiam reliquis præferendam. Septem actionibus definita est; in eâ recitatum Symbolum cum his verbis, *Qui ex Patre Filioque procedis*; Sanctum, non esse colendas imagines, e iam Christi, latriæ cultu, qui soli Deo tribuitur, nulli creaturæ nisi *κατὰ συμβεβηκός*; quare deinceps damnati qui idasserent, dictique à sancto Io. Damasceno *Χηλιανοκατ'υδὲ*, quòd imprudenter Christianis apud hæreticos idololatrarum nomen accerferent; à quocantùm refugit Ecclesia (quidquid Nauatores deblaterent) quantùm idololatria, à verì Numinis cultu disiungitur. Editi pariter sunt Canones 22. de Ecclesiasticâ disciplinâ: ac deinceps Tarasius lapsos recepit in pristinum gradum; quare & Simoniz accusatus est; sed quid mirum? cùm apud inuidos eius quoque suspicione aspersus sit Hadrianus: sed ab utroque vitæ sanctitas non difficiliter hanc calumniam depulit.

Venit hoc anno Romam Carolus Magnus, aduersus Arichisem Ducem Beneuentanum Longobardum ducens exercitum, vt ad officium reuocaretur. Sed armis nihil opus fuit, Carolo nimis prævalente; à quorum est dirempta controuersia inter cantores Gallos & Romanos; & his palmâ adiudicatâ, illi sequi iussi sunt cantum Ecclesiæ Romanæ; ex quâ non tantùm fides pura, sed & mores synceri debent proficisci.

NYCE-
NA Syn-
odus alie-
ra.

Carolus
M. Româ
venit.

MVNDI

CHRISTI

4814.

788.

*Pax rupta
inter Ca-
rolum, &
Irenen.*

Inter Carolum & Irenen pax abrupta est, ne-
gata vel rejectâ illius filiâ, vt Constantinus du-
ceret Mariam piissimam virginem neptem san-
cti Philareti cognomento *Misericordis*. Hinc ex-
citatum inter vtramque gentem bellum pro Du-
catu Beneuentano, cuius promotor fuisse cre-
ditus est Adelgisus filius Desiderij, qui & tum
pro Græcis in Italiâ militauit; sed victores ex-
titere Franci, iuncti Longobardis, & prouer-
bium iactatum à Græcis, verum esse deprehen-
sum; *τὸ κ' φραγλὸν φ' λον ἔχης, ὡς τ' αὖ οὐκ*
ἔχης; crediti semeer ex aquo boni amici, vi-
cinique terribiles.

*Tassilo cū
Gunnade-
uictus.*

Tassilo Boioariae dux, excitatus ab vxore suâ
filiâ Desiderij, saepe domitus, hoc etiam anno
rebellauit, accitis in auxilium suum Hunnis
siue Auaribus. Sed victus atque captus, & iux-
ta leges capite minuendus, cum filio Theodone
detrusus est in Monasterium, vt iam melius, &
cautiùs viueret. Hunni bis à Carolo domiti, &
octo deinceps annis identidem aggressi Francos,
tandem internecione gentis suæ domiti, prædâ
ex totius Orbis direptionibus collectâ, Fran-
cos hætenus inopes dixuere. Eorum autem re-
liquiæ cum Rege Thuduino, Carolo, & Chri-
sto submiserunt sese; sicut & anno sequenti Scla-
ui superati; Carolo in suis expeditionibus Dei
potius, quàm suam gloriâ quærente; quæ ta-
men ipsi nunquam defuit, nec ita in Deum ani-
matis deerit.

MVNDI

CHRISTI

4842.

789.

*Constantinus
malè acci-
pietur à
matre.*

Constantinus hoc anno pertesus ab Irène
matre regi, cū jam annum vigesimum attigis-
set, communicato cum amicis consilio in Sici-
liam relegare parat. Sed re detectâ, omnes illi
consultores tonsi turpiter exularunt, Constans
verbis & verberibus castigatus, & inclu-
sus,

sus, agnouit se nondum sui juris esse, qui tam acerbè & impune per scēminam tractaretur.

Theophilus, classis Imperatoriæ ad Cyprum Præfectus, a Saracenis ad Aaronem perductus, & Christum negare iussus, mori maluit, victus nobilem martyrij coronam consecutus, omni victoriâ gloriosorem.

*Theophilus
Dux
martyr.*

MVNDI

CHRISTI

4843.

790.

Hoc anno Armenæ Legiones Constantinum vnum acclamarunt Imperatorem; quod aliæ quoque præstiterunt, oblitæ superioris iuramenti. Quare sibi metuens Irene, filium soluit, etiam tum inclusum: qui mox in matris fautores fecit, & Præfectos ab eâ constitutos; miseros profecto, cum iis certa calamitas, vel à filio, vel a matre immineret.

*Constant.
præuales.*

Maurogato Gallaciæ vsurpatori successit filius Veremundus Diaconus; qui regno suo jam vergente in interitum, collegam sibi assumpsit Alphonsum Castum, eiectum regno per Maurogatum; cui restitutum regnum Deus etiam miraculis probauit; itaque cœlo ac terrâ probantibus Rex est constitutus.

*Alphonfus
Castus re-
gnat.*

CAPVT X.

DECAS DECIMA.

Ab anno Christi 790. ad 800.

MVNDI

CHRISTI

4844.

791.

Constantinus bellum gerit in Bulgaros parum cautè, astrologorum prædictionibus confidens; itaque victus, fugatusque Urbem repetiit. Quare cum milites huic substituere Patricium Nicephorum decreuissent, eum exca-

*Const. in-
cautus, &
crudelis.*

carijussit, & quatuor eius fratribus linguas præcidi. Cùm autem legiones Armenæ Alexium Patricium Imperatorem poposcissent, ei quoque oculos eruit; ne se regere posset, quem sibi rectorem exercitus exoptasset.

*Concilium
Foroiu-
liense.*

Concilium Foroiuliense celebratum est in Italiâ, de processione Spiritus sancti, contra Græcos, & de Incarnatione Verbi contra Elipaudum Toletanum, cui præfuit Paulinus Patriarcha Aquileiensis, acerrimus disciplinæ & castimonix in Clericis vindex.

*Tiberis
inundatio.*

Hocanno, quo obiit Burchardus Episcopus Herbipolensis, annis 40. discipulus sancti Bonifacii, Tiberis Fl. supra modum exundauit Romæ; quando enituit pietas Hadriani, dum vitæ multorum, cibariis atque scaphis sapienter ac liberaliter prouidit.

MVNDI

4845.

CHRISTI

792.

*Concilium
Ratispon.*

Concilium celebratum hocanno Raganeshurgii seu Ratisponæ, in causâ Felicis Vrgelitanii Episcopi & Elipandi Episcopi Toletani. Felix Germaniam & Galliam Nestorianismo inficere moliebatur; at cùm in eo Concilio hæresin suam eiurasset, sedi suæ restitutus est; exemplo perniciosissimo, & in illiusmodi hominibus nunquam obseruando, quos tantùm metus perdendæ dignitatis ad officium reuocat.

MVNDI

4846.

CHRISTI

793.

*Alphonfus
victor de
Mauris,
amicus Cæ-
saris.*

Alphonfus Castus, Deo confidens, virgines Christianas tributi nomine dare Mauris recusauit, iisque occurrens cum imparibus copiis, septuaginta millia cum Duce eorum Mugait trucidauit. In cuius victoriæ monumentum Ecclesiam Christo Seruatori Oueti posuit. Charissimus fuit Carolo Magno hic Alphonfus, cui sororem Bertam dedit vxorem, cumque vti
filium

filium dilexit, vicissim ab eo cultus ut pater,
& propter morum atque virtutum concentum
inter se coniunctissimi vixere.

MVNDI

CHRISTI

4847.

794.

Celebratum est hoc anno Concilium Franco-
fordiense ex Episcopis Italiæ, Galliæ, Britannię,
atque Germanię, in causâ Felicis Vrgelitani, &
Elipandi Toletani, quorum ille Nestorij sectam
eiuratum resumpserat. Damnati sunt ambo, eo-
rumque hæresis anathemate percussa. Porro in
hâc Synodo scribunt Nouatores Nicænam se-
cundam Synodum damnatam esse: sed non ita fe-
res habet. Quidam enim putantes decretum
esse in hoc Nicæno Concilio, imagines eodem
cultu, quò ipse Deus, adorandas esse, & insu-
per non fuisse approbatum à Romano Pontifice,
egerunt de eo rejiciendo; sed ad rem ventum
non est. Neque etiam est Caroli Magni liber,
qui contra Septimam Synodum scriptus est;
quamquam ipse de multis in hoc negotio Ha-
drianum Papam consuluerit. Sed quid opus est
pluribus diluere, quod est accuratè ab ipso Ha-
driano confutatum. Hoc ergo vnum certum
est, quæ facta sunt in hoc Concilio contra duos
illos Episcopos vera esse; quæ contra Septimam
Synodum jactantur, esse proposita quidem, sed
ab his Patribus neque admissa esse, neque reie-
cta, quia falsis relationibus innitebantur.

*Conciliū
Franco-
fordiense.*

*An in eo
damnata
2. Synodus
Nicæna?*

MVNDI

CHRISTI

4848.

795.

Constantinus hoc anno Mariam uxorem suam
eiecit, quasi vitæ suæ insidiatam, eiusque loco
Theodotem cubiculariam adsciuuit, & quam
ardebat coronari iussit per Iosephum Ecclesiæ
Oeconomum. Hinc distracta Ecclesia Constan-
tinopolitana, aliis probantibus nuptias Impera-
toris, aliis improbantibus. Ob hanc causam cum
arguissent Constantinum Plato, & Theoderus
Studita, cum aliis Monachis, Plato quidem car-
ceri

*Constant.
nuptia de-
solutoria.*

ceri mancipatus est, Theodorus cum aliis Monachis verberibus casus, licet esset coniunctus Theodote. Tharasius veritus maius malum, & ne Imperator fieret Iconoclasta, eum redarguit quidem, sed eum communione non priuauit; quare ab eiusdem Tharasij communione Plato, aliique Monachi abstinere; ita libido Constantini pacem Ecclesiæ redditam valde turbauit, etiam diriora expectantis ab adulescente libidinoso, & quem amor impeditus efferebat.

*Pax Ecclesiæ
Orient.
turbatur.*

*Hadriano
succedit
Leo. III.*

Obijt hoc anno 7. Kal. Ian. Hadrianus, cum sedisset annos 23. menses 10. dies 17. cuius obitum defleuit ipse Carolus Magnus, & huic Epitaphium scripsit. Idem Carolus hoc anno magnæ eleemosynas Christi causæ effudit etiam in Syriâ, & Africâ, vt Christianis subueniret, factus pæne omnium pater, conciliatis ideò sibi Principibus Arabibus. Hadriano autem eadem die successit Leo Tertius, vir religiosus & pius, cui vt & Magno perperam affingitur abscissio minus, quòd eam puella esset osculata, ideoque aliquid esset humanitatis passus; quâ fabulâ nulla est alia fabulosior; ideo multis afficta, quia in quo consisteret, inueniebat neminem.

*Fabula
de Leone
III.*

MVNDI CHRISTI

4849.

796.

*Carolus
7. Leo
inter se
muneribus
certans.*

Misit ad Carolum Leo clauēs aureas ex sepulchro sancti Petri acceptas, sicut & vexillum Urbis Romæ, tanquam Ecclesiæ defensorem, ac propè parentem. Remisit Rex Ecclesiæ per Engelbertum Abbatem S. Richarij munera ex prædâ Hunnorum; ne alter ab altero victus esse munificentiam videretur.

MVNDI CHRISTI

4850.

797.

*Constans
filius à
matre ex-
cæcatus
morsus.*

Irene filium Constantinum insidijs captum excæcavit, vnde paulò post mortuus est, cum eius filius expellere Leo paulò antea mortuus esset.

effect. Tum per dies decem & septem Sol ita obtenebratus est, vt in ipso mari nihil videretur, errarentque naues, adeo vt omnes dicerent Solem cum Imperatore cecatum esse. Imperium autem administrandum suscepit Irene, statimque restituit Archimandritas reconciliatos Tharasio, vbi Iosephum, à quo coronata erat Theodote, deposuisset; atque ita pax Ecclesiæ restituta, vt mater parum pia, pietatis magnæ causa fuisse videretur.

Barcinone, quæ à Francis defecerat, reddita est Carolo per Zarum Præfectum Saracenum. Ad Carolum quoque confugit Habdalla Princeps Arabs, à fratre ex Africâ pulsus, iussus cum Ludouico in Hispaniam proficisci. Bella quoque ei aliquot bene cessere, adeo vt victoriam sibi habere vestigalem iactaretur.

*Caroli se-
lician.*

MVNDI

CHRISTI

4851.

798.

Abdimelech Rex Saracenus in Oriente pacem denegat Irenæ postulanti, & Constantinopolin vsque progressus, redit ad suos spoliis onustus. Tum Theodorus Studites veritus eorum crudelitatem, monachos suos induxit in Urbem, & cum iis incoluit Studium monasterium, vnde ei adhæsit nomen; vsusque sancto otio, multa conscripsit, quibus se non Studitam modò, sed & studiosissimum demonstrauit.

*Theodorus
St dices.*

Suscepta est hoc anno Irenès à Carolo Lègatio, cui & remisit Sisinnium fratrem Tharasis, bello captum. Recepit quoque ab Alphonso Casto ex Olyssipponensi victoriâ multa præclara spolia; quibus inter eos amicitia plurimum creuit, cuius munera nonnunquam sunt incentiuæ.

*Caroli li-
teralis.*

MVNDI

CHRISTI

4852.

799.

Leo Tertius Pontifex hoc anno 7. Kalend. Maij pessimè acceptus est à Paschali Primicerio, & Campulario Sacellario, Ecclesiæ Ro-

*Leo III.
malè acceptus
prius à suam*

manæ iratis de eius electione ; quando ei in solemni supplicatione crudeliter cæso , oculi eruti , lingua præscissa , ipse semivivus in custodiam detrusus , populo per armatos satellites submoto . Sed cum in Monasterium sancti Gerasimi noctu translatus esset , ad securiorem custodiam , ei intercessionem sancti Petri redditi oculi atque lingua ; indeque suorum operâ translatus in Vaticanum , atque armis Spoletani Ducis Spoletum ductus . Inde profectus in Gallias , honorificentissime à Carolo susceptus est Paderbonæ ; vnderemissus est cum multis Antistitibus , & Optimatibus Romam . Hic jussu Caroli de perduellibus instituta quæstio est ; in quos cum sententia capitis pronunciata esset , obtinuit Pontifex ut tantum relegarentur , quia id Ecclesiæ consuetudo postulat ; quæ , pia mater , ad mortem non progreditur ; impios tolli non vult , sed emendari .

MVNDI

4853.

CHRISTI

800.

*Leo III.
purgat se
juramento.*

Susceptus est hoc anno Carolus Romæ ut Protector Ecclesiæ , eique obuiam processit Leo Nomentum usque , excepitque honorificentissime 8. Kalend. Decembris . Tum instituta quæstio de criminationibus in Pontificem ; neque enim qui cum tum malè mulctarant , gratis impij videri voluerunt . At quoniam *prima Sedes à nemine iudicatur* . Leo Ambone conscenso , tatis Evangelis purgavit sese , Idibus Decembr. professus id se sponte facere , neque ut ex hoc facto aliquid in præiudicium aduersus successores suos duceretur ; editumque publicè iuramentum , litis cuius sententiam omnes iudicantur .

*Carolus
à Leone
innentus
Imp.*

Tum idem Pontifex Carolum nihil cogitantem , immò ferentem ægerrimè , coronauit Imperatorem , sacroque perfudit oleo : at hic ne se oblato munere indignum ostenderet , iurauit se Ecclesiæ protectorem fore . Verum
autem

autem Id Leo præstare potuerit , atque Imperium ex Oriente in Occidentem transferre , magno inter heterodoxos & Catholicos ardore disceptatum est . Hoc certum , vndecumque venerit Imperium à Carolo , retineri prudenter potuisse ; & euentu demonstratum , magno Ecclesiæ orbisque Christiani bono , summam rerum apud leuissimos Græcos atque ad hæresin & schismata propensiores ab eo tempore desuisse .





LIBER IX.

Ab anno Christi 800. ad 900.

CAPVT PRIMVM.

DECAS PRIMA.

Ab Anno Christi 800. ad 810.

MVNDI
4854.

CHRISTI
801.

*Irene po-
pulum tri-
butis leuat*



IRENE, vt sibi Constantinopolita-
nos demereretur, tributa remittit,
quibus omnis generis mercatores,
opifices, agricolæ, operæ im-
maniter premebantur; quâ de re
Theodorus Studites ei gratulatus
est. Quæ tamen illi nihil liberalitas profuit;
cûm sui, non Dei causâ esset hæc adhibita in
populum commiseratio.

*Carolus
leges pro-
mulgat.*

Contigit hoc anno in Italiâ terribilis terræ
motus, quo multæ ædes corruerunt; quando &
Caroli promulgatæ sunt leges, vt se verum præ-
staret Imperatorem, & subditos omnes suos in
officio contineret, quos pios & in Ecclesiam
exemplo suo bene animatos esse voluit; quoniam
mira est inter religionem, populique felicitatem
complexio.

MVNDI
4855.

CHRISTI
802.

*Nicepho-
rus Irenæ
deponit.*

Hoc anno Nicephorus Patricius & Logo-
theta

theta generalis Irēnem redegit in ordinem ; ac in Lesbū insulam deportari iussit pridie Kal. Nou. cū jam ante duos menses hæc esset inchoata Tragœdia . Huic interfuere Legati Franci , acturi de matrimonio eius cum Carolo , in quod illa inclinabat : ac quoniam de pace quoque inter Orientem & Occidentem legati venerant , ea coalescere cœpit , quantum populi diuersissimi mores tolerauerē .

Concilium hoc anno habitum Altini ob cæsum Patriarcham Gradensem à Ioanne Duce Veneto , præside Paulino Patriarchâ Aquileiensi , qui tum auxilium Caroli Magni contra Venetos implorauit . Circa hoc tempus Carolus , autore Alcuino , passim Academiās excitauit , maximè Osnaburgensem & Parisiensem ; quarum hæc ita cœpit inclarescere , vt eius beneficio Athenæ in Gallias confluisse videantur .

*Carolus
Academi-
as instituit .*

MVNDI CHRISTI

4856.

803.

Obiit hoc anno ex mœrore & ærumnis Irene relegata ; quando & Nicephorus in plurimos Optimates traxiit . Quare Ioannes , cognomento Turcus , Præfectus Orientis acclamatus est Imperator , inuitus licet ; qui tamen mox deposita purpurâ monasticum habitum induit : nihilominus contra datam fidem à Nicephoro excatus est ; qui etiam eundem promouerat omnes multati , immo vniuersus exauthoratus exercitus . Insuper Stauracium filium suum Nicephorus inaugurari iussit Augustum , neque corpore neque mente satis sanum ; quo per Tharsium coronato , ipse progressus est aduersus Saracenos ; à quibus victus , vix incolumis Constantinopolin rediit , ad publicam ignominiam , populo non ingrata .

*Morisus
relegata
Irene .*

*Nicepho-
rus victus
à Sarace-
nis .*

MVNDI CHRISTI

4857.

804.

*De Chri.
stivero
sanguine
controuer.
sus.*

Venit hoc anno Mantuam Leo, rogatu Caroli Magni, ut statueret de sanguine Christi hic inuento; quem non Berytensem, sed qui fluxerat ex Christi patientis corpore in Caluario pronunciauit; de quo viderint eruditi. Exinde perrexit in Germaniam cum magno Cardinalium & Antistitum comitatu, ubi S. Suitbertum Verdæ, ex consilio eorum, in Sanctorum catalogum retulit, vitâ suâ ac miraculis illustrem.

*Moritur
Allinus
Flaccus.*

Mortuus est hoc anno 14. Kal. Iunias Albinus Flaccus, seu Alcuinus, Abbas S. Martini Turonensis à Carolo Magno præpositus. Vtrum autem idem sit cum eo cuius meminit Bedâ, disputatur; negare videtur Baronius, ne ad annos centum quinquaginta vitam produxisse videatur; Quod admittendum non esse, cum eo doctissimo viro fatentur eruditi.

*Finitum
bellum Saxonicum.*

Finitum est hoc anno bellum Saxonicum triginta & amplius annorum; quando Saxones, sæpe rebelles, sæpe domiti, facti Christiani, & authoribus rebellionis exterminatis, incredibili numero per Gallias & Germaniam sparsi sunt, ut nomen suum & rebellionem inter multos populos diuisi dediscerent. Cum autem multi in Belgicæ maritimæ parte consedissent, his quoque populis rebellionis suæ affluere virus, semper aduersus Principes suos insurgentibus, nisi arte & amore regantur.

MVNDI

4858.

CHRISTI

805.

*Nicephorus
subdi-
tur Sara-
cenis.*

Aaron, Saracenorum Princeps, aduersus Nicephorum trecenta millia armatorum eduxit; quibus hic territus, pollicitus est illi tributi nomine tricena millia numismatum, & tria millia in Imperatoris, & totidem in filij caput;

caput ; tanto videlicet pretio se barbari seruos Augusti , Orientis Imperium se inimicorum Christi vestigale declarauit .

Caganus Rex Auarum dictus , Theodorus , Christianus , expulsus à Sclauis Behemanis , & suâ regione deuastatâ , auxilium à Carolo petiit , & obtinuit . Ad eos iuuandos Imperator filium suum Carolum misit ; à quo victi Sclauī , Dux eorum Licho in prælio cæsus , Auares pacem , & regionis suæ liberam possessionem Francis debuerunt , qui tum erant publici Infortunatorum auxiliares .

*Carolus
Auares
rueur ad-
uersus
Sclauos*

MVNDI

CHRISTI

4859.

806.

Mortuus est hoc anno , sedis suæ vigesimo secundo , Tharasius Constantinop. Episcopus , sanctimoniam & miraculis illustris ; cui successus est Nicephorus Laicus , Imperatori quondam à secretis ; sed qui ante Tharasiū mortem in solitudine secesserat , vt vitæ monasticæ assuesceret , quam animo informarat ; sed tum per vim raptus , iussu Imperatoris , & multum relictatus , consecratus est huius sedis Patriarcha , eò dignior , quò eum honorem magis refugiebat .

*Tharasio
succedit
Nicepho-
rus .*

Turbatus Oriens Synodo aliquot Episcoporum , qui Iosephum , à quo coronata erat Theodote , dignitati suæ restituerunt . Hæc *Adulterantium* dicta ; & huic viri sancti restiterunt ; ideo acti in exilium Plato atque Theodorus ; alij quoque viri pios hanc causam communionem Nicephori refugerunt , atque ab eius abfuerunt sacris , pro eo nihilominus vt Imperatore in Mysteriis orantes , ne concordia penitus depiorata videretur .

*Synodus
Adulteran-
tium dicta*

Carolus Magnus , conuentu habito in villâ Theodonis , *Thionuille* , testamentum condidit , & regnum suum inter tres suos filios diuidit ; Carolo maiori natu , Belgicam Galliam , ac Germaniæ magnam partem ; Pipino Italiam , Boio-

*Testamen-
tum Caro-
li Magni*

Boioariam, & partem Alemanniæ; Ludouico, Aquitaniam & Gallias Lugdunensem & Narbonensem; omnibus iis Ecclesiæ causâ accuratissimè commendatâ. De Imperio nihil statuit, cuius concessionem visus est Leoni Pontifici, à quo id ipse acceperat, relinquere, simul & gratus & pius.

*S. Cypria-
ni reliquie*

S. Cypriani ossa Carthagine Lugdunum translata; partem tamen eorum acceperere à Carolo Veneti, quia duabus vrbibus ditandis hæc pretiosa Lipsana satis erant.

MVNDI CHRISTI

4860.

807.

*Aaron vi-
ctus à S.
Nicolao.*

Aaron comparatâ classe Rhodum vastat, & captam Myram Lyciæ ciuitatem diripit, vbi suppositam arcam reliquiarum S. Nicolai, pro verâ sublatâ, dsjicit & conterit. Verùm pœnas dedit sacrilegæ voluntatis: agitatâ enim tempestate, classis pænè tota naufragium passa est; ipse, vix incolumis rediens, inuitus sancti huius potestatem coactus est confiteri.

Nicephorus sanctus.

Nicephorus filio suo Stauratio dedit vxorem Thophaniam cognatam Irenes, jam alij desponsantam viro; ipse sibi duas virgines delectas ob formam, adiunxit homo mulierosus; ideo derisus à populo. Cùmque in eum viri magni & Ecclesiastici pro restituendo Reip. statu conspirassent, omnes interfecti didicerunt, Deo magis placere Tyrannos ferri, quàm exterminari.

*Carolus
vincis Sa-
racenos
piratas.*

Carolus Magnus, missâ in Corsicam ac Sardiniam classe, Duce Burchardo, bis Saracenos profigauit; quorum aliqui piratæ Monachos 60. ceperant in Pantelariâ insulâ, ac vendiderant in Hispaniâ: cui impietati causam claudis suæ scelerati ipsi sapienter assignarunt.

MVNDI CRISTI

4861.

808.

*S. S. viri
indicta
causa dā-
nati.*

S. Plato cum suis monachis, & Iosephus Episc. Thessalonicensis eius frater, quoddam Nicepho-

cephoro Patriarchæ communicare nollent, nisi deposito Iosepho Oeconomo, qui pellicem Theodotem vnixerat Augustam, ab eodem Nicephoro accusati apud Leonem III. Romæ vt schismatici habiti sunt; sed vt rei accusati, & in suâ defensione nondum auditi.

Crunus Rex Bulgarorum Sardicam dolo cepit, & in eâ multa ciuium & militum millia obtruncavit. In eum progressus Imperator, re infectâ redire compulsus est. Cùm autem imposuisset vestigal in captæ vrbis restaurationem, in eum populus Constantinopolitanus insurrexit; in quem ille cædibus & exiliis sæuit, quibus & Vrbem & fiscum suum, imprudenter iuxta ac crudeliter, exhaust.

Nicephorum imprudens crudelitas.

Tum etiam Aaraone Saraceno Principe mortuo, filij eius Mauhmat & Habdalla de regno depugnantes, Syriam cædibus & rapinis implevere; quæ ad Christianos maximè pertinuerunt, eorum Ecclesiis & monasterijs compilatis atque disiectis. Quid enim à civili bello, & inter Saracenos excitato aliud expectaretur?

Civile bellum in Syria.

MVNDI

CHRISTI

4862.

809.

Habita est hoc anno Synodus alia Constantinopoli, dicta *Mæchorum*, in causâ Iosephi Oeconomi; in quâ Canones alij impij statutifunt. Quibus cùm repugnarent S. Plato, Thodorus, & Iosephus Episcopus, in exilium acti sunt, & grauissima passi, ad Romanam sedem confugere. Sed his asserri remedium sub Imperatore tam infano, & crudeli, non potuit.

Synodus alia dicta Mæchorum.

Hoc enim anno Nicephorus Imperator nouis exactionibus & suppliciis Constantinopolin, & totum Imperium, & maximè loca sacra tantum non perdidit; adeo vt à Deo duntaxat remedium tot calamitatibus sperandum videretur.

Nicephori improbitas.

Cele-

*Synodus
Aquisgra-
uens.*

Celebratum est hoc anno Concilium Aquisgranense de processione Spiritus Sancti, sed cum à Francis & Hispanis addita hæc vox esset Symbolo Constantinopolitano FILIOQUE, interrogatus à Carolo Leo respondit, nihil esse immutandum, & permisit quidem de more hoc Symbolum cani, sed sine hæc voce *filioque*; ut ostenderet quantum Ecclesia à nouitatibus abhorreret, ferè semper in Ecclesiastico & politico statu perniciosus.

MVNDI

CHRISTI

4863.

810.

*Impietas
Nicephori
Imperatoris.*

Nicephorus hoc anno se Manichæum, aut eorum fautorem ostendit, improbens eleemosynas, & Christianos qui diligerent proximum irridens; improbavit quoque vasa aurea & argentea in Ecclesiis; adituris Episcopatum & Monasterium imposuit tributum graue, ut ab iis adeundis sui subditi deterrerentur; hostis Ecclesiæ & pietatis jam manifestus. Duces etiam ac milites Episcopis & Clericis uti seruis abuti iussit. Tum igitur freti Imperatore Manichæi extulere caput, mox in duas sectas diuisi, in Beanitas, & Sergiotas aliter *αἱρεῖς instabiles* dictos, diuisi; quoniam error diutius vnus diu stare nequit, sed mox in multos diuiditur.

*Pipini in
felix in
Venetos ex-
pectatio.*

Contigisse videtur circa hoc tempus Pipini aduersus Venetos expeditio; quando pace inita inter Carolum & Nicephorum, fœderata est Græcis Venetia. Quare tum Veneti, in se arma Pipini conuerterunt, quæ tum parum felicia Francis extitere. Cum enim Methamaucum Pipinus occupasset, atque incendisset, alias autem insulas in quas confugerant Veneti, imposito milite, rati- bus tentaret, incurrerunt illi in vadosa loca, & vliginosa, in quibus à peritis locorum Venetis obtruncati sunt. Vnde tantum doloris hausit Pipinus, ut paulò post obierit, sepultus

sepultus Veronæ; Veneti extulere caput, immutatoque statu suo deinceps ad eam peruenere potentiam, ut paucos sibi bellisterrestribus pares, naualibus nullos haberent.

C A P V T II.

D E C A S S E C V N D A.

Ab anno Christi 810. ad 820.

MVNDI
4364.

CHRISTI
811.

LEO Prætor Armeniacorum, ferens donatium militare talentum sexdecim, & librarum mille trecentarum, à Saracenis occurrentibus interceptus, & pecunias, & multos è suis captiuos amisit. Quo audito Nicephorus Imp. iussit Nicetam Logothetam imponere tributa noua Ecclesiis, & monasteriis, & octo insuper annorum redhibitiones à Principum domibus exigere; quâ de re cum omnes quererentur, respondit, ut se Pharaonem profiteretur induratum à Deo, nihil sperare se nisi quod in oculos caderet; iam non tantum hæreticus, sed *αἱρεσις*. Inde ingressus Bulgariam, & prosperis aliquot præliis redditus insolentior, pacem petenti Crucio denegauit, multaque in suos & hostes crudeliter gessit. Quando ex desperatione animos colligens Bulgarus, in eum irruit, cepit, interemit, cum multis Patriciis ac Ducibus, & toto ferè exercitu. Præcisum ei caput, ad ludibrium ostentatum est aliquot diebus; tum in poculum conuersum, & exornatum est argento, ut in eo Principes Bulgari biberent. Ex eius militibus aliquot capti, cum fidem eiurare nolissent, à Bulgaris san-

*Saraceni
intere i-
piunt per
c. nina
Ro.*

*Nicepho.
rus
αἱρεσις*

*Michael
Europala-
tes ei
succedit.*

clorum martyrum auxere numerum X. Kal. Aug. recepti cælo, dum eorum impius Imperator dæmonum & hostium ludibrium ad inferos detruderetur. Stauratius autem filius, multis debilitatus vulneribus, ægrè relatus in Urbem, dum nouas cogitat cædes, atque Imperium vxori suæ Theophaniæ firmare, ab eodem excidit; eiusque loco omnium consensu 3. No. Oâ. Michaël Europalates, cognomento Rhancabenus, Nicephori gener, præstito priùs de rectâ fide seruandâ iuramento, acclamatus est Imperator; mox eius vxor Procopia dicta Augusta, nec ita multò post Theophylactus eius filius Sic pax reddita Ecclesiæ, omnibus reconciliatis, eiccto iterum Iosepho Oeconomo; adeo vt impij Principis sceleribus omnes Orientalis Ecclesiæ & Imperij calamitates adscribendæ viderentur, quæ cum eius vitâ desierunt.

*Caroli
Magni,
vicina
mors præ-
nunciatur.*

Hoc etiam anno mortuus est Carolus, maximus natus inter filios Caroli Imperatoris, sicut & huic filia charissima Rothrudis. Contigere & tum multa huius mortis vicinæ portenta, terræ motus, fulmina, Palatij casus; quibus sibi atque regno providere admonitus, Bernardum Pipini filium nothum præficit Italiæ, reliquum Imperij reliquit Ludouico, quem pietas ad tantam dignitatem reseruauit, multistamen aduersis casibus exagitandum.

MVNDI

4865

CHRISTI

812.

*Mani-
chæi exa-
gitati.*

Michaël Imperator Manichæos, tum Paulicianos & Attinganos dictos, gladio feriri iubet; quare aliquot cæsi, multi fugere. Tum perijt Sergius: Ille Manichæus asserum factor, ascia à quodam ex eius manibus extortâ, & in caput impa-ctâ, obiit, suorum & alienorum scelerum pœnas persoluturus.

Tum quoque habitus est Conuentus Constantino-

tinopoli de reddendis Bulgaro Regi fugitiuis ;
quæ quæstio animos distraxit , aliis aientibus , *Pax Bul-*
aliis negantibus. Reddi nolebat Theodorus Stu- *garis uo-*
dites cum multis viris bonis, volebat Nicepho- *gata.*
rus Patriarcha , & id è re publicâ Imperator ar-
bitratur; tandem eicit pars negans, sicque re-
cusata pax , vnde multa mala Imperio con-
tingerunt , per Cometem magnum tum è cœlo ,
& à sapientibus viris in terrâ certius prænun-
ciata .

Cùm esset inter Saracenos quasi *a'vaxla* , *Palesti-*
eius damnum in Ecclesias Christianorum redun- *ne male*
dauit, maximè in Palæstinâ, & Hierosolymis; vbi *habita.*
loca sacra sædata turpiùs, quò plus sanctitudinis
habuere .

Carolus Magnus, & Michaël Imperatores mu-
tuis se legationibus cohonestarunt; vnde vtrius-
que Ecclesiæ plena sperata est amicitia , multis *Carolus*
salutaris , *& Mi-*
chaël
amici .

MVNDI
4866.

CHRISTI.
813.

Victus à Bulgaris Michaël juxta Hadrianopo-
lin fugit in Urbem, atque Imperium in Leonem
Armenum reicere cogitat . Restitit hic in spe-
ciem , & donec à Nicephoro propè cogeretur :
quem tamen fidè recusasse volunt, & causam hu-
ius cladis extitisse , & adij militum in Michaë-
lem. Adijt ergo Imperium Leo , cùm ad eum Mi-
chaël Imperij ornamenta deferenda curasset , se-
que cum vxore ac liberis attonsis Monasterio in-
clusisset . Nequetamen malorum finis : Crunus
enim, captâ Hadrianopoli; Episcopum vrbis cru-
deliter interemit , inter martyres deinceps cul-
tum . Sed tyrannus mox à suis strangulatus est , *Bulgari*
cui datus est successor Zocus, nihilo mitior ante- *præna-*
cessore, qui captiuos omnes Christianos recusantes *lent .*
negare fidem necari iussit, atque humanâ cœ-
lestique libertate imprudens donauit.

*Theopha-
nes Histo-
ricus.*

Celebris erat hoc tempore Theophanes nobilis Historicus Græcus, qui ad captam urbem Hadrianopolin suam deduxit historiam, Abbas Monasterij Agri, vir sanctus, & post obitum miraculis illustis; quæ multum quoque fidei eius narrationibus non immeritò tribuunt.

*Leo Mi-
chaëlem
e. legat.*

Leo verò non est passus Constantinopoli Michaëlem Monachum degere, sed eum cum uxore ac liberis in Protam insulam relegavit; at prius duos illius filios, Theophylactum & Ignatium, castrari iussit, quorum hic postea Constantino- politanus Antistes pietate & miraculis magis claruit, quàm fecisset in purpurâ.

*Ludouicus
Pius coro-
natus.*

Denique coronatus est, iussu Caroli, Ludouicus Aquisgranî simul Imperator & Rex Francorum, patre quidem minùs fortis, sed fortè sanctior, dignus à pietate nomen accipere, quæ magnitudi- ni longè videtur anteferenda.

MYNDI

4867.

CHRISTI

814.

*Leo se
Iconocla-
stam pre-
ficeret.*

Leo Imperator, Imperio confirmato, omnium- que ordinum sibi concessatâ gratiâ, qualis esset ostendit, hoc est, imaginum hostis; quam in hæ- resin ut Catholicos pertraheret, Nicephorum & Theodorum Studitam, (nam tum S. Plato obierat) omnesque Episcopos degentes in Comitatu ad se venire iussit, & coram se de imaginibus cum Ico- noclastis disceptare: quodd cum omnes negassent, omnibus remissis domum; silentium imposuit, & de imaginibus loqui iussit. Paruerunt plerique, & inter cæteros qui minùs tacere debuerat Nice- phorus Patriarcha; at Theodorus Studites asser- ruit hoc silentium impium esse, & ad se redire etiam Nicephorum induxit; qui statim in exi- lium pulsus est in Insulam Proconnesum, magis honoratus exilio suo, quàm dignitate.

*Nicepho-
rus Pa-
triarcha
eicitur.*

In eius locum corruptor Leonis intrusus est Theodorus Melissenus, cognomine Cassiteres, id est,

est, *Stanneus*, homo turpissimus, & voluptate contaminatissimus, qui statim Synodo conuocata, Copronymi Pseudoconcilium confirmavit, Septimam Synodum damnauit. Cui cum obfisterent multi Episcopi & Archimandritæ, in exilium eiekti sunt; renouata Iconoclastarum persecutio; visus est Copronymus in Leone resurrexisse.

Theodorus ei sufficit. tur, & damnat Septimam Synodum.

Obijt hoc anno Carolus Magnus Aquisgrani, ex pleuresi, ætatis suæ 72. Regni Francici 47. Im. perij 14. vir de Ecclesiâ, si quis Princeps alius, optimè meritis, & in quo nulla virtus præter castimoniam defuit, cuius defectum multâ corporis afflictatione pensauit. Relatus est à Paschali post annos 166 sub Friderico Secundo in Sanctorum numerum; sed quòd is legitimus Pontifex non esset, non est probata ab Ecclesiâ Romanâ eius *Authenticitas*; permixta tamen videtur fuisse in quibusdam Ecclesiis Galliæ, quandoquidem prohibita non est; & tot Pontificum silentium, his Ecclesiis approbatio visa est.

Carolus M. moritur.

An Sanctus?

Successit ei filius Ludouicus, cognomento Pius, qui statim mandata patris exhaustit; statim ad varios Principes Legationes misit, qui Carolum ut patrem luxere suum, etiam Saraceni, & idololatæ; adeo ut in Carolo obijisse censeretur publicus pater Orbis terrarum.

Succedit ei Ludouicus Pius.

MVNDI CHRISTI

4868.

815.

Mortuo Carolo, scelérati Romani in Leonem Papam insurrexere; sed iis restitit Leo, unde multæ cædes, & incendia: quas ut prohiberet Ludouicus, misit Romam Bernardum Pipini filium, qui seditiosos comprimeret; quod & præstitit, & Leonem innocentem declarauit; tumque agnouere Romani, Pontifici propugnatores non deesse; In Ludouico Carolum viuere.

Leo Papa defenditur à Ludouico Pio.

*Theodorus
Saudis
crudeliter
excipitur
à Leone.*

Imperator hoc anno ex Leone in Vulpem mutatus est: Archimandritas enim reuocauit ab exilio, & ab iis tantum postulauit vt communicarent suo Patriarchæ, in cæteris quam vellent fidem seruarent. Paruere aliquot, sed mox ad se redierunt. Theodorus autem reuocatus non est, immo longius amandatus, & vnde nihil scribere posset Iussus etiam flagellis minutis cædi; sed qui electus fuerat ad crudelem illam flagellati onem Nicetas, Alexij filius, yisâ sancti senis macie, eius corpori substrauit ouinam pellem recens detractam, & sibi sanguinem elicuit è brachio, quo flagella inficeret, & lacerationis cruentæ faceret fidem, factus pius tortor, atque miserricors.

*Christia-
nos exules
benignè
suscipit
Ludoui-
cus.*

Hispani plerique cum suis Comitibus, vt iugum Saracenicum vitarent, confugerunt in Galliam; quibus agros assignauit in Septimaniâ Ludouicus, ab omnibus vectigalibus immunes: sed cum à suis postea Comitibus premere ntur, & redigerentur in seruitutem, Ludouici decretis intellexere, se in Franciâ viuere, & in hâc mitissimâ regione se plenam esse consequutos libertatem, in quâ nullus nisi sponte seruire potest.

MVNDI CHRISTI

4869.

816.

*Fortes in
confessione
Theodo-
rus, &
Maria.*

Sæuitum acerbius à Leone in Episcopos, & Monachos: Theodorus, ob conuersum quemdam Iconoclastam, vexatus, & grauia passus verbera, detrusus in horrendum carcerem, vbi dirâ fame pressus, ex solâ vixit Eucharistiâ. Maria quoque vxor Constantini, filia Irenes, & in Monasterium detrusa, se fortem præstitit; ideo relegata. Quæ cum reuocaretur à filiâ suâ tunc Augustâ, vt secum viueret, recusauit illas, ex consilio Theodori, ne vlllo modo cum hæreticorum amicis communicasse videretur. Tum enim Theodorus Epistolis suis mira præstabat; qui obiectus ingenti incen-

incendio omnibus aquis superior illud restinxit, vt scribentis fides vera esse hoc ostento monstraretur.

Obit hoc anno Leo III. cū sedisset annos xx. menses 5. dies 17. qui Sedem ex Iriā Flauia traduxit Compostellam, flagitante Alphonso Casto, cū hic inuentum esset corpus S. Iacobi Maioris, deinceps magno peregrinorum concursu, ac miraculis frequentissimis celebratum. Valfri-
 dus quoque Strabo asserit eum septies aut nouies in dies celebrasse Missas, videlicet vt calamitatibus pressus remedium quæreretur, & cum Deo, quem teneret manibus, frequentius colloqueretur. Ei autem post dies 10. (alii scribunt xx.) suffectus est 10. Kal. Iul. Stephanus eius nominis Quintus, dictus tamen Quartus; qui pauld post profectus in Gallias, vt Ludouicum Pium consecraret Imperatorem, cum Irmingarde vxore suā. Sic autem receptus Rhemis Stephanus, vt intelligeret se ad Principem Christianissimum atque piissimum, suoque nomine dignissimum, accessisse.

*Leoni
 III. succedit
 Stephanus V.
 vel IV.*

MVNDI
 4870.

CHRISTI
 817.

8 Kal. Feb. reuersus Romam mortuus est Stephanus, cū sedisset mensibus 7. & tribus diebus, in vitā & post obitum miraculis clarus. Ac post biquium suffectus ei Paschalis Romanus, vir doctus, & eloquens, & in quo eruditioni pietas concinebat, adeo vt miraculis coruscaret, præfectus in Monasterio S. Stephani; ideoque ab omnibus expetitus, & probatus.

*Stephano
 IV succedit
 Paschalis.*

Hoc anno Concilium celebratum Aquisgrani, in quo confirmata sunt quæcumque donata fuerant Ro. Ecclesiæ à Pipino, Carolo, atque Ludouico; Eaque donatio inserta est Canonico Iuri, dist. 63. cap. Ego Ludouicus, vbi hæc dona accuratissimè recensentur; quæ donatio certissima est,

*Donatio
 in iure,
 Ego Ludouicus.*

& plenissima liberalitatis, quâ ornari Pontifices Romani, deinceps Imperatores Constantinopolitanos non agnouere Dominos suos, vt antea; sed errantes corripuere grauitè, & eorum decreta se in medio foro Romano combusturos interminati sunt; neque sua diplomata Imperatorum annis, vt olim, sed Pontificatûs sui notare consueuerunt: quæ eis audacia, & dignitas à regibus Franciæ venit, ante quos diuites erant, non potentes, neque magnarum domini regionum.

*Ludouicus
punit se-
uerè rebel-
les.*

Bernardus Rex Italiæ contra Ludouicum rebellauit; sed hic statim cum ingenti exercitu adfuit; quo territus rebellis, se ad Imperatoris pedes abiicit. Verùm habitâ quæstione, tam ipse quàm coniurationis complices laici oculis orbatî sunt; Episcopi conuicti, & depositi in Synodo, in Monasteria detrusi sunt: cuius seueritatis postea pœnituit Imperatorem, hæc confessum coram Episcopis, & actâ pœnitentiâ, pœnè nimis pium atque religiosum.

*Roma reo-
cipiuntur
Legati
Catholi-
corum, re-
pelluntur
hæretico-
rum.*

Theodotus Patriarcha Constantinopolitanus mittit Apocrisarios ad Paschalem, vtî communionem subriperet; sed hi prohibiti sunt ad Urbem accedere: contra Legati à Theodoro Studitâ, & Catholicis missi, benignè suscepti, sicut & à Patriarchâ Hierosolymitano: cum Antiochenus & Alexandrinus suo officio tum defuisse videantur, metu Leonis non tam imperantis, quàm rugientis.

MVNDI CHRISTI

4871.

818.

*Persecutio
augetur
in Orien-
te.*

Legationem misit Paschalis Pontifex in Orientem; quâ multi rediere ad meliorem frugem: sed aucta quoque persecutio, & martyrum numerus in carceribus & exilio morientium. Tumque Romæ excitatum nouum Monasterium Græcorum, multis eò confugientibus tanquam ad Asylum, non religionis tantum, sed & pietatis, & liberalitatis.

Ludo-

MVNDI

CHRISTI

4872.

819.

Ludouicus Imperator frequentibus Synodis Ecclesiæ Occidentali prospicit; dum Orientalis abijceretur. Tumenim cum intercepisset Leo Imperator scriptas à Theodoro Studitâ litteras, hic per Orientem Magistrum militum verbera pænè vsque ad mortem passus est; & postea Smyrnam deductus, in tetriciore custodiam detrusus, ibi singulis vicibus repetitis sæpe, corpusculum ejus exsuccum centenis verberibus lacerabatur. Perstabat tamen inuictus animus; quare & blanditiis tentatus, quas irrisit, omnibustormentis, omnibusque artibus superior, & in corpusculo fracto, mentē ad miraculum inuictâ.

*Theorus
Saudis a
inuictus.*

MVNDI

CHRISTI

4873.

820.

Sub Leone Armeno (sed quo anno ignoratur) corpus S. Marci Euangelistæ Alexandriâ delatum est Venetias, per mercatores Venetos furcim ablatum. Tum ei magnifica Ecclesia condita, in quâ defossum sacrum pignus sic, vt quo loco lateret penitus ignoraretur, ne Franci reliquiarum eiusmodi cupidiores, eas raperent. Iam acceperant iidem Veneti ab Heraclio Imperatore eiusdem sancti sedem; nunc aucti hoc pignore, Reip. S. Marcum, Urbisque suæ Patronum elegerunt; nec sibi inutile esse tanti viri patrociniū in dies intelligunt.

*S. Marci
corpus Ve-
netias de-
latum.*

Leo Imperator cum regnasset annis 7. & mensibus 5. ipsâ nocte Natalis Domini in Ecclesiâ Palatiâ fautoribus Michaëlis Ducis cognomento Balbi, ubi se diu cruce ex altari rapta defendisset, interfectus est multis confossus vulneribus. Is Michaël multa solitus in Leonem effutire conuicia, nec ipsi Imperatori morienti acquiescens, damnatus igni fuerat, mox à Natalitiis festis comburendus: sed Leone casō, pedes adhuc constrictus vinculis (nam

*Leo radi-
tur Mi-
chaël Dux*

*agnomen-
to Balbus
ei subroga-
tur.*

corum clauēs ipse Leo asseruabat) Augustus acclamatus, & malleo confractis compedibus, conspurcatus adhuc, & horridus pœdore carceris, ad S. Sophiæ templum deductus, & coronatus est manu Patriarchæ. Erat is natione Phryx infectus nouâ hæresi, quæ baptismum solum admittens, ac respuens circumcisionem Mosaicam sectabatur legem; quibus dum rerum potitus novos errores addit, non tam hæreticus, quàm impius est effectus. Statim autem 4. Leonis filios relegauit in Insulam, iussitque castrari; quorum vnus in sectione mutus est effectus, alter obiit, mater in monasterio inclusa, impiissimi hominis familia dissipata est, ipse detrusus ad inferos, multorum criminum reus, multis Martyribus grauissimas æternasque pœnas dependet.

CAPVT III.

DECAS TERTIA.

Ab anno Christi 820. ad 830.

MVNDI

CHRISTI.

4874.

821.

*Michael
reuoat ex-
ules.*

Michael Balbus Imperator Orthodoxos omnes vinculis exsoluit atque exules reuocat; sed cum Iconoclastas cum isdem componere cupit, negarunt hi illos recipere, nisi vt corripentur. Rediit tum Theodorus Studites, multis in viâ miraculis editis, egregiamque Ecclesiæ nauauit operam, quia ex æquo eruditus & sanctus; quæ duo ad tutandam Ecclesiam plurimum iuuant.

*Persecu-
tio Hispanica.*

In Hispaniâ Habdarragman Saracenorum Princeps regnare cœpit, & Cordubæ Adolphum & Ioannem Martyrum primitias im-
misit

misit cælo ; quos postea ingentia secuta sunt agmina , & gloriosi Christi testes , ac Saracenice crudelitatis.

MVNDI

CHRISTI

4875.

822.

Ludouicus Pius hoc anno , conuocatis Attinacum Præsulibus , & Abbatibus , de morte Bernardi , & aliis peccatis suis in fratres commissis , publicam egit pœnitentiam in Ieiunio , Ciliciis , Eleemosynâ ; quibus non hominibus modo , sed & Deo , sibi que satisfecit.

*Ludouici
Pis publicam
pœnitentiam.*

Hoc anno Tyrannus quidam , Thomas nomine , Constantinopolin obsedit. Is Senatoris seruuscum domini thorum vitiaffet , pœnæ metu sugerat ad Saracenos , apud quos annis 25. eiurato Christo mansit . At sub Leone Armeno ementitus se Constantinum Irenes filium , collectâ perditorum manu inuasit Armeniam , & aliquot prouincias occupauit ; sub Michaële Balbo auxiis copiis , etiam Vrbem mari terrâque obsedit. Sed adfuit sponte auxiliator Barbarus ; à quo deletus cum exercitu Thomas , deditusque ab Hadrianopolitanis , manibus ac pedibus truncatus , lentâ carnificinâ sublatus est cum filio adoptiuo Anastasio , quem ex Monacho destinabat Imperatorem . Is hominis luxuriosi , Apostatæ , veteratoris , & Tyranni exitus fuit .

*Thomas
Tyranni
reus exitus.*

Hoc anno Saraceni Hispanienses occupauere Cretam insulam , atque ex Monachorum consilio , vt hanc seruarent , in loco Candace dicto urbem validam muniuere ; vnde deinceps Insula dicta Candax , & Candia , nomen antiquum cum libertate perdidit .

*Creta dicta
Candace
Candia.*

MVNDI

CHRISTI

4876.

823.

Lotharium , filium Ludouici , Paschalis die festo sanctæ Paschæ coronauit Imperatorem in

*Lotharius
coronatus
Imp.*

N 6

Ba-

Basilicâ S. Petri . Accusatusque postea Pontifex quasi aliquos Ecclesiasticos luminibus orbasset , & decollasset in odium Lotharij , se sacramento emisso purgavit ; non aliter Pontificis est probata innocentia .

*Michael
quis esset
ostendis.*

Hoc anno Basilius filius Leonis Armeni in exsectione suâ mutus redditus , ad imaginem S. Gregorij Nazianzeni linguæ vsum recepit , ad Fidem cum matre sua , & plerisque aliis , ab Iconoclastarum hæresi reuocatus : gnauiter allaborante Theodoro Studitâ , qui cum aliquot aliis idem relegatus est . Michaël autem tum quis esset aperuit , scilicet Iudæus , impius , imaginum osor , hostis litteraturæ , denique inter omnes Imperatores , qui purpuram induerant , sceleratissimus .

MVNDI
4877.

CHRISTI
824.

*Paschali
succedit
Eugenius
Secundus.*

Obiit hoc anno Paschalis , cùm sedisset annis 7. mensibus 3. diebus 13. cui successus est post dies 4. Eugenius Secundus 14 Kalend. Iun. vir doctissimus atque piissimus , non tamen sine competitoribus ; quare mittendus fuit Romanam Lotharius , qui dissidentes componeret , & autoritate suâ paratum abrumberet schisma .

*Lib. Dionysij
Areopagite
missi ad
Ludou.
Pium à
Michaele.*

Michaël filium suum creat Augustum , atque ambo mittunt Legationem ad Ludouicum , conciliandæ pacis gratiâ ; immo ad Ro. Pontificem cum muneribus . Tum allati sunt Per Theodorum , vnum ex Legatis , libri S. Dionysij Areopagite authentici , jussu Ludouici Pij ab Hilduino Abbate S. Dionysij Latinè redditi , qui eadem die quâ recepti sunt , factas esse nominatissimas virtutes asserit : quibus tantumdem tribues fidei , quantum huius scriptoris apud te valebit authoritas .

Cùm

MVNDI

4878.

CHRISTI

825.

Cùm anno superiori multa in suis Epistolis aduersùs sacras imagines Michaël deblaterasset, Ludouicus Pius obtinuit ab Eugenio Secundo, vt eâ de re viri docti pique rogarentur. Itaque habita est Parisiensis Synodus; quæ cùm diù latuisset, tandem anno 1596. Francofurti à Nouatoribus edita prodiit: ex quâ constat Collatores illos erroneè & pèrperam omnia egisse, & dum aliquid indulgere volunt Michaëli Imperatori, 7. Synodum tantùm non euertisse, atque in tranuersum egisse bonum Imperatorem. Quare probabile est Eugenium corripuisse Legatos Pii Imperatoris, atque eius auctoritate hanc nubem discussam esse, cùm eorum Collatorum nulli à Summi Pontificis communione discesserint, aliqui etiam fortiter pro imaginibus disputarint: inter quos excelluit Jonas Episcopus Aurelianensis, qui aduersus Claudium Taurinensem Episcopum, hominem Hispanum, discipulum Felicis Vrgelitani Hagiomachum scripsit. Neque tamen idem Jonas de imaginibus satis orthodoxè putatur sensisse, licet eum excusent aliqui; neque item Agobardus Lugdunensis Episcopus, ideo refutatus à Dungalo scriptore non ignobili; qui etiam cùm defendatur à quibusdam, dicamus eos ita errasse, vt boni nihilominus extiterint, eorumque errores iudicij fuerint, non voluntatis, Deo semper, atque Ecclesiæ sese submittentis.

*Synodus
Parisien-
sis de ima-
ginibus.*

MVNDI

4879.

CHRISTI

826.

Mortuus est hoc anno 3. Id. Nouemb. Magnus ille Theodorus Studita, confessione suâ, & tormentis pro fide toleratis illustris, anno ætatis suæ 67. Qui moriens testatus est monachichum statum Angelicum esse, & peccatorum omnium ἀλγὺ φάρμακον. Corpus eius post

*Mortuus
Theodorus
Studites.*

post annos vndeuginti integrum repertum ,
& miro fragrans odore Constantinopolim
translatum à Methodio Patriarchâ, curante Theo-
dorâ Augustâ, quâ gloriâ eius frueretur ani-
mus, satis ostendit.

*Nuptiæ
sacrilegæ
Michae-
lis.*

Hoc item anno, quo deletus est omnino
exercitus à Michaële aduersus Saracenos mis-
sus in Cretam, & Dalmatia ab eo defecit; idem
impius duxit vxorem Monialem Euphrosy-
nam filiam Constantini, eamque duxit Augu-
stam; quas enim nuptias ab impiissimo Au-
gusto præter sacrilegas & incestas expecta-
res?

*Fides in
septentrione
diffeminatur.*

Arialdus, seu Haroldus, Rex Danorum
hoc anno sacris aquis intinctus est Moguntia,
donatus à Ludouico Frisia Comitatu, quò
se regno eiectus reciperet, & Christiano vi-
ueret more. Huic conuertendo allaborauit
Ebbo Rhemenfis Episcopus; conuertendo, S.
Ansgarius Corbeiensis Abbas, creatus primus
Aquilonarium partium Archiepiscopus, sede
tamen eius Hamburgo collocatâ. Ita dum
fides in Oriente labaret, firmabatur in Sep-
tentrione.

*Eginhardus
scripsit.*

Circa hoc tempus floruit Eginhardus, qui
à secretis fuit Carolo Magno, cuiusque vitam
conscripsit, ac postea inter optimates Ludouici
militauit. Vtrum autem duxerit Immam filiam
Caroli Magni, credit qui eius nominis fuisse
Carolo filiam Constantino desponsatam insulse
putauerit.

MVNDI

CHRISTI

480.

817.

*Euphe-
mii Ty-
rannus.*

Euphemius Dux in Sicilia virginem Deo
sacram duxit vxorem; accusatus à fratribus
virginis apud Michaëlem, pœnæ metu fugit in
Africam ad Saracenos, à quibus dictus est Im-
perator: ipse eos in Siciliam induxit; vn-
de & Calabriam & aliquas Italiae partes oc-
cuparunt. At dum Syracusas subire tentat, à
duo-

duobus Syracusanis fratribus interemptus, sacrilegij, prodicionis, atque Tyrannidis, faciliiori morte, dependit pœnas.

Mortuus est hoc anno Eugenius II. ubi sedisset annos 3. menses 2. & dies 23. cui post unum diem successus Valentinus Romanus hanc sedem tantum diebus 40. tenuit, vacansque diebus tantum tribus sedes, recepit 8. Kal. Octobr. Gregorium IV. Romanum, genere Clarum, & diuinis humanisque litteris excultissimum, eò digniorem hanc sede, quò in illam ex latebris per vim extractus est.

MVNDI

4881.

CHRISTI

828.

Obiit Nicophorus Patriarcha Constantinopolitanus, in exilio jam annum 14. agens, 4. Non. Iunij ut Græci, aut ut Latini 3. Idib. Maij; cuius corpus translatus Constantinopolim à Methodio, etiam præsentia Augustorum Michaelis III. & Theodoræ cohonestatum est.

Eugenius II. successit Valentinus huic Gregorio. IV.

Nicophorus Patriarcha Constantinopolitani obiit.

Occidens vexatus est frugum penuriâ, excursionibus Saracenorum & Bulgarorum, ac domesticis dissensionibus; quæ mala, correctione morum, tollere conatus est Ludovicus: sed vnus pietatis multorum crimina præualuere.

Occidentis calamitates.

MVNDI.

4882.

CHRISTI

829.

Obiit hoc anno impius Michaël Balbus, dyfenteria morbo, cum imperasset annis 8. mensibus nouem, diebus septem hominum maledictus, sed quod tetrius, Dei percussus. Successit ei filius Theophilus, sub initium Imperij sui satis iustus, multatis ijs qui cum patre in Leonis Armeni necem conspirarant, & nouercâ suâ in Monasterium, vnde abducta fuerat, retransâ; sed hæc æquitas hominis fuit, Imperij sui, quàm religionis appetentioris.

Michael Balbus successit filius Theophilus.

Gre.

*Greg. IV.
opera.*

Gregorius IV. Saracenis oras Italiæ infestantibus, Ostiam urbem muniit, & de suo nomine Gregoriopolim dixit. Iecit & fundamenta nouæ ciuitatis, vt eâ sancti Petri Basilicam includeret, quæ a Leone Quarto absoluta Leonina dicta fuit; opus duobus Pontificibus dignissimum.

MVNDI

CHRISTI

4883.

830.

*Theophi-
lus Icono-
clastes.*

Theophilus hoc anno persequitur SS. imaginum cultores, carceres aperit, expedit tormenta aduersus illos qui eas colerent, atque retinerent, nihil cohibitus præcedentium Imperatorum pœnâ, Deique furore.

*Conspira-
tio in Lu-
do. Pium.*

Conspiratio in Ludouicum Pium à filiis, Principibus, ac multis Episcopis erupit: cui causam dedit Bernardus Hispanus, homo charus Ludouico, ac cubiculo præfectus, securitatis suæ causâ, quem admisceri Iudithæ Reginæ multi quærebantur, pauci putabant. Dolebant quoque filij Ludouici natos ex Iudithâ, Carolum & Rodolphum, à patre chariùs diligi. Itaque Pipinus in patrem parato exercitu, cum Bernardum dimittere compulit, Iuditham monasterio Laudunensi sancti Medardi inclusit. Vnde retractam jurare compulit se marito persuasuram, vt ipse quoque Monachus fieret. Quod cum præstare conata esset, accepto velo in monasterium sanctæ Radegundis detrusa est; Ludouicus sibi spatium dari ad consultandum postulauit. e-diit interim ex Italiâ Lotharius, & facta quidem hætenus probauit, vltra tamen vrgeri patrem noluit. Quare Neomagi coactò Conuentu, quo venere pater & filii, Lotharius impulsus adhortatione patris ei se obsequentem præbuit; Itaque restitutus Imperio Ludouicus, qui tamen, more consueto, dum lenis in coniuratores agit, eosque mitioribus pœnis castigat, non eorum repressit maleuolen-

uolentiam; sed audaciam auxit, fortiter à Principibus semper, & acerbè in hominibus sceleratis atque seditiosis reprimendam.

C A P V T I V.

D E C A S Q V A R T A.

Ab anno Christi 830. ad 840.

MVNDI
4884.

CHRISTI
831.

A Diere periculum graue Theodora Augusta, eiusque mater Theodiste Paphlagonis; vxor & focrus Theophili, accusata apud eum, quòd imagines colerent; quem & arte deluserunt; & amor quo deperibat vxorem, eum quoque excæcauit in detegendis imaginum cultoribus, alioquin oculatissimum.

*Adeant
periculum
Augusta,
& mater
eius.*

Viuebat hoc tempore Amalaricus Fortunatus, olim discipulus Alcuini, qui hoc tempore obtulit Ludouico Pio librum *de diuinis officiis*; ideò missus Romam, vt Ecclesiæ Gallicanæ Antiphonaria dirigeret, rectumque ordinem Ecclesiasticum ex fonte peteret. Id quoque præstare conatus est Agobardus Lugdunensis, sed cum nihil admittere veller, præter Scripturæ verba, id egit scrupulosius, quàm accuratius.

*Amalari-
cus Fortu-
natus.*

*Agobar-
dus Lug-
dunensis.*

S. Bartholomæi corpus olim in Liparam delatum, hoc anno, deuastatà insulâ à Saracenis, disiectum est, eiusque ossa per agros sparsa; quæ à quodam Monacho, ab Apostolo indicata, collecta, & Beneuentum religiosè translata, excepta sunt cum singulari, vt parerat, veneratione, vt à Christianis iniuria Saracenorum sarciretur.

*Reliquia
S. Bar-
tholomæi.*

MVNDI

4885.

CHRISTI

832.

*Persecutio
in cultores
imaginum*

Recruduit hoc anno in cultores SS. imaginum persecutio, malè multati plerique, inter ceteros Lazarus Monachus pictor, quem Imperator, tentatum priùs blanditiis, atrocissimis tormentis subiecit. Recuperatâ valetudine cum denuò pingeret imagines, eius manibus candentes laminæ sunt admotæ; sed emissus è carcere, petente Imperatrice, & occultatus in S. Prodromi templo, plagis malè affectus, nihilominus pinxit sancti huius imaginem, etiam miraculis illustrem, ex sanctimonia picti atque pingentis.

*Pipinus
multas
pater.*

Pipinus rursus turbas in patrem commouens, ab eo in carcerem coniectus est, eiusque ditio Aquitania Carolo Iudithæ filio data; quod narrantis potius, quàm punientis patris pœna fuit.

MVNDI

4886.

CHRISTI

833.

*Depositus
Ludovicus
à filiis.*

Rebellant in patrem Ludovicum Pipinus, Lotharius, & Ludovicus, & parant exercitum: belli prætextus fuit Pipinus exautoratus, data Carolo Aquitania; causa, in patrem nimis facilem contemptus, & odium. Venit Româ Gregorius; sed suspectus Imp. Ludouico, quasi liberis eius faueret, parum honorificè susceptus est. Ad eos missus, cum nihil obtineret, rediit Romam moriens. Interea sollicitatus Ludouici exercitus ad filios deficit: quare se iis dedere compulsus est, & pessimè acceptus ab iis, & ab Ebbone Rhemenfi Episcopo, harum turbarum præcipuo incentore cum aliquot Episcopis. Compendium deductus, gladium depone-re, sumptoque cilicio, se reum malè administrati regni coactus est confiteri; Imperiumque eius in Lotharium translatum. Quod facinus non tantum Gregorius, sed & boni omnes Franci detestati sunt, moxque ad verum Imperato-

rena

rem restituendum animum admouerunt, & quid possent, rebellibus, & ingratis filiis ostenderunt.

MVNDI

4887.

CHRISTI

834.

Conflato grandi pro Ludouico exercitu, Lotharius utcumque se excusans, Viennam pergit. Itaque Ludouicus ab Episcopis bonis in Ecclesiâ S. Dionisij restituitur in Imperium, qui ab Episcopis improbis depositus erat, cum totius populi, immo ipsorum elementorum communi gaudio. Tum filios suos, & rebelles, indulgentior Ludouicus recepit in gratiam. Sed cum Lotharius ad patrem rediens urbem Cabillonensem expugnasset, fauentes patri cecidisset, inflammasset totam urbem, & sororem Bernardi Sanctimoniam, inclusam dolio, projecisset in Ararim, mouit pater cum aliis filiis in sacrilegium; qui & coactus est ad patrem accedere, ac veniam deprecari; sed eius sectatoribus malè indultum. Recepit quoque Ludouicus Iuditham in Italiam relegatam à priuignis; omnes turbæ compositæ maiori Imperatoris utilitate, quàm gloriâ.

Tum Hilduinus Abbas sua Arcopagitica scripsit; cui fauit Ludouicus, quod in Ecclesiâ S. Dionysij restitutus esset; sicque duo Dionysij, Arcopagita, & Parisiensis Episcopus in vnum conflati, ambitione Hilduini, vel ignorantia; quarum neutra in tanto viro ferenda fuisset, si hoc tempore litteræ præualuissent stolidæ auctoritati.

Theophilus Saracenos aggressus, victus ab iis ac propè captus est; quando redux S. Methodium imaginum cultorem aliàs sibi charum verberibus atrocissimis cæsum cum duobus latronibus inclusit in sepulchro; in quo eistantum sufficiebatur à piscatore quodam panis, quantum ad mortem duntaxat arcendam satis esset; vbi ad mortem Tyranni detentus est,

Restituitur Ludouicus.

Hilduinus Arcopagita.

Methodius Theophilus male acceptus.

ut quidam volunt; alij tamen antè dimissum scribunt, quòd eo Theophilus indigeret ad soluenda quædam dubia, dignis Tyranno indulgentiâ & liberalitate.

MVNDI

4888.

CHRISTI

835.

*Coniurati
in Ludouicū mul-
tiantur.*

Hoc anno actum est in Concilio Rhemenſi de Ecclesiasticis in Ludouicum coniuratis. Ebbo sponte se abdicauit Episcopatu, cæteris data venia; qui confugerant in Italiam, omiſſi, ut Pontificij juris. Quando paulò poſt Theodulphus Floriacenſis Abbas detentus in carcere ob eandem cauſam, die Palmarum ſcriptum à ſe (erat enim vendibilis poëta) *Gloria laus & honor tibi ſit rex Chriſte redemptor* &c. occinuit; quo delectatus Ludouicus, cum ſolū juſſit, & receptum in gratiam aliquantò poſt Aurelianenſi ſedi præfecit; hoc ei poëſis profuit, ut ex reo liber & Præſul fieret.

*Theodul-
phus Flo-
riacenſis.*

*Theodoto
ſucceſſit. a
Ioan. VI.*

Obiit hoc anno impius Theodotus Episc. Conſtantinop. reliquitque locum ſuum Ioan. VI. Theophili pædagogo, homini longè ſcleratiore; fuit enim magus, libidinoſus, omnibus criminibus inquinatus; dignum Pſeudopontiſce choragium.

*Vultus
Monacho-
rum inſcri-
pti.*

Theophili duo fratres Monachi reſiſtunt fortiter Imperatori; ideo poſt dira verbera inſcriptum eorum frontibus duodecim Iambi; ſicque in exilium miſſi, publicam fecere omnibus conſeſſionem ſuam, & Tyranni crudelitatem.

MVNDI

4889.

CHRISTI

836.

*Ludouicū
pius &
ſelix.*

Lotharius in Eccleſiæ Ro. populos arma mouet, ſed à patre deterretur. Tum Ludouicus Normannos in Friſiam irrupentes, & Britones tumultuantes repreſſit: lues quoque, con-
iura-

iurationis in eum principes extinxit. Quare ut se pius Imperator gratum erga Deum præberet, aliquot Synodos ad Ecclesiæ bonum regimen cogi iussit; reliquias sanctorum honoravit, & per varia loca religiosè dispersit, Deo huic al-laborante, dum is Dei causâ labores suscipe-ret.

MVNDI CHRISTI

4890.

837.

Parat se ad mortem Ludouicus, viso cometâ, ac filium Carolum ex Iudithâ natum Regem Neustriæ coronat, defuncto alio eiusdem no-minis filio; habitus est Conuentus ille Carisiaci *Cressy sur Serre* in quo multa edidit Ludouicus pietatis suæ testimonia; uti solent mori, qui piè vixerunt.

*Ludou.
Pius se ad
mortem
parat.*

MVNDI

CHRISTI

4891.

838.

Ludouicus Pius inter filios suos partitur di-tiones suas; at, Pipino demortuo, Aquitaniam Carolo tribuit, partitoque inter Lotharium & Carolum Imperio, Boioariam Ludouico assi-gnat. Hinc ortæ discordiæ, Ludouico recla-mante, & multis pro Pipino puero, Pipini filio pugnantibus, qui paternâ hæreditate fraudatus videbatur. Itaque aliæ atque aliæ factæ sunt diuisiones, Ludouico magis pio, quàm con-stante.

*Ludou.
inter suos
diuidis
disiones
suas.*

Celebres erant hoc tempore Fridericus Epif-copus Traiectensis martyr, insidiis Iudithæ Im-peratricis sublatum, de quibus quid sentiam statuere non audeo. Rhabanus Fuldensis Abbas, qui gregis amore curam suorum in Hattonem re-fudit. Lupus Rhabani discipulus, monachus Benedictinus à Iudithâ vocatus in Aulam, & Abbas creatus Cænobij Bethlehemitici, seu Fer-rariensis in pago Senonensi; viri omnes magni eruditione atque pietate, dignique qui à Pio Imperatore diligerentur.

*Viri sãtti
cum illu-
stres.*

MVNDI

4892.

CHRISTI

839.

*Lud. mo-
tus ciuiles
componit.*

Hic annus ciuili motu notatur à Francis ; quando Ludouicus Imperator in filium Ludouicum rebellantem mouit , & ad obsequium vi & armis compulit . Sedauit & motus in Aquitaniâ ex Pipino Iuniore præterito ; vir ad sapiendos , quam ad impediendos ciuiles motus aptior .

MVNDI

4893.

CHRISTI

840.

*Ludouicus
Pius mori-
tur .*

Ludouicum Imperatorem turbat Ludouicus filius , bello in Germaniâ concitato , quem incommodâ tempestate persecutus est ; vnde in morbum incidit . Tum Solis ecclipsis contigit tanta , vt noxesse videretur ; quando Pius Imperator mortem adesse videns , se in insulam Moguntia vicinam deferri præcepit , vbi tempore Quadragesimæ nihil præter Dominicum sumpsit , tam arctum sibi indicens ieiunium , ob non seruatam Quadragesimam . Tandem thesauris suis in Ecclesias , ac pauperes distributis , datâque Ludouico filio veniâ , appresso pectori S. Crucis ligno , quo & dæmones fugasse perhibetur , elatis in cælum oculis , spiritum Deo reddidit 12. Kal. Iunij . Vir in quo nihil argui potuit , præter nimiam facilitatem , sibi , regnoque perniciosam ; cuius factiones paucorum pœnâ facilius restinxisset ; sed dum nimis pius esse voluit , atque indulgens , pæne bonus Imperator & Princeps esse desiit . Sepultus est Metis in templo S. Arnulphi , à fratre Drogone huius Urbis Episcopo , omnibus in eius funere lugentibus , atque etiam iis , qui huic negotij plus exhibuissent . Successit ei in Imperium Lotharius filius , qui dum in fratres posse voluit , multum illis atque sibi laboris , plus molestiæ subditis attulit .

*Succedit
ei in Im-
perio Lo-
tharius .*

CAPVT V.

DECAS QVINTA.

Ab anno Christi 840. ad 850.

MVNDI

CHRISTI

4894.

841.

Theophilus Imperator inquirens futura ab
 anu praficâ Saracenâ , audit quæ nolebat
 contingere de facris imaginibus , & futuris Au-
 gusti Martinatiis ; quibus prædictionibus niti-
 turocurrere Tum S. Ioannicio Anachoretæ
 prænunciata pax Ecclesiæ , quo nuncio fideles
 recreati , panè ex vltimâ desperatione . Cùm
 ergo idem Imperator bellum aduersus Saracenos
 suscepisset , Persis coniunctus , ab iis proditus ,
 victus est , & ferè captus , multis Procerum re-
 liâis , quos confitentes Christum Saraceni Mar-
 tyres interemerunt ; in suppliciis , quàm in præ-
 lio fortiores , & meliores Christianos , quàm mi-
 lites .

*Theophi-
lus infel.*

Hoc anno ciuile bellum conflatum est à Lo-
 thario aduersus Ludouicum & Carolum Caluum
 fratres , qui omni ope nisi sunt prælium deu-
 itare ; sed id coacti iniere 7. Kal. Iulij ; victus
 Lotharius , Carolus sibi relictum regnum à pa-
 tre stabiliuit ; qui vt pietatem sui parentis imi-
 taretur , aliqua Sanctorum corpora Sueffionibus ,
 suis humeris sustulit in nobiliorem Ecclesiam
 Monasterij S. Medardi ; ex quo onere pio à Deo
 retulit vt onus sui Principatus , & melius , &
 honorificentius ferret .

*Bello Ci-
uili vincit-
ur Lotha-
rius .**Caroli
Cal i pie-
tas .*

MVNDI

CHRISTI

4895.

842.

Lotharius bellum in fratres renouans , ab
 iisetiam expulsus est , & Conuentu Episco-
 porum

*Lotharius
victus
exaltera-
tor .*

porum Aquisgrani habito, ex eorum consilio, eius regnum propter scelera perditum inter se partiti sunt; quod ita regendum ambo susceperunt, ut ipsis gloriosum esset, Deo gratum, subditis necessarium, à Principe leuissimo atque scelerato liberatis.

*Theophi-
lus moritur*

Theophilus Imperator ex morbo antio superiore contracto, atque ex mœre moritur 3. Kal. Febr. cum prius Theophobum Imperium affectantem interimendum curasset, eiusque viso capite exclamasset, *Neque post hac ero Theophilus, neque tu Theophobus.* Morientis os ita diductum esse ferunt ut viscera conspicerentur; hunc tamen criminum pœnitentem imaginem sacram coluisse, & raptum in iudicium precibus vxoris Theodoræ fœminæ piissimæ, & Methodij, aliorumque, veniam à Deo obtinuisse postea dixit Gennadius in Concilio Florentino; quod si verum est in homine tam impio, tam crudeli, tam sui Dei oblito, Deus ostendere voluit quò pertingat eius misericordia, raro illiusmodi hominibus indulta.

*an dāna-
tus?*

*Theophi-
lus succedit
Michael.
III.*

Succedit ei Michaël III. adolescens sub curâ Theodoræ Matris, ac Manuelis Magistri militum, & Theodisti Logothetæ Dromi. Eorum consilio exauthoratus impius Ioannes Pseudopatriarcha, eique substitutus S. Methodius; à quo statim habitum Concilium, in quo Septima Synodus comprobata, promoti ad Episcopatus viri illustres, imagines vbique restitutæ, Iconoclastarum hæresis annis centum viginti Constantinopoli grassata, penitus extincta est. Statutum porro deinceps ut quotannis Dominicâ primâ Quadragesimæ festum restitutionis imaginum celebraretur, ut inflicta sanctis dedecus publicâ & perpetuâ hâc memoriâ sarciretur.

*Restitui-
tur cultus
imaginum.*

MVNDI CHRISTI

4996.

843.

Methodius Patriarcha, à muliere nefariâ per fautores Ioannis inducâ inſimulatus ſtupri, coram omnibus pudenda nudans arida ac tabida oſtendit, aſſeruitque hoc impetraſſe à S. Petro cùm Romam à S. Nicephoro miſſus eſſet. Obtinuit autem ſuis accuſatoribus veniam; ſed Ioannes detruſus eſt in monaſterium, vbi cùm oculos quibuſdam imaginibus per Diaconum ſuum eſſodiſſet, iuſſu Theodoræ ipſe priuatus eſt oculis, acceptis priùs ducentis verberibus: nunquam verbero vapulauit digniùs, nunquam meliùs & ſanctiùs adhibita pœna talionis.

Methodius inno-
centius de-
claratus.

Ioannes
multatus.

Lotharius pacem rogat fratres, & regni partem; quæ ei conceduntur ſtudio publicæ tranquillitatis, conſultis priùs Epiſcopis. Itaque totum Regnum diuiſum in tres partes; Lotharius calamitatibus & humanitate fratrum victus, feroc iam poſuit, & ſapere tandem didicit.

Lotharius
ſit ſa-
pienſior.

Hoc anno obiit Gregorius IV. cùm ſediſſet annis. 16. qui annus Italiæ Saracenorum graſſationibus fatalis quoque fuit. Duces enim Beneuentani, his ex Hiſpaniâ adſcitis, Italiam expoſuere; quando & Beneuentum captum, incenſaque Capua, direptum à Siconulpho ſeu Sigenuſpho, altero Beneuentano Duce, Caſſinenſe monaſterium, atque omnibus ſuis ornamentis Francicis ſpoliatum, elatis auri puriſſimi centum triginta libris, argenti nongentis, præter aurum argentumque ſignatum, ac gemmas. Denique affixa ſic Italiæ Saraceniſca lues, vt vix annis triginta extincta ſit, atque depulſa.

Gregorius
IV. Papa
moritur.

Saraceni
in Italia
graſſan-
tur.

MVNDI CHRISTI

4897.

844.

Sergius, huius nominis Secundus, ſufficitur Gregorio, patre Sergio natus, eruditione ac
Tom. II. Pars II. O mori-

Sergius
II. ſucce-
dit Gre-
gorio, IV.

*Ludouicus
Romam
venit.*

moribus insignis, eiectio Ioanne Diacono in sedem intruso. Tum autem Romam Ludouicus, Lotharij filius, venit, non vt Sergium confirmaret (quod aiunt Schismatici) sed vt à Sergio coronaretur; at hostiliter iuuenis imprudens venit; susceptusque magnificè, & sapienter ac fortiter admonitus à Pontifice, ob suorum grassationes, coronatus Italiæ Rex Papiam remissus est, pace Romanis prudenter per Sergium partâ.

*Ramirus
Alphonfi
successor
Mauros
vincit.*

Ramirus Gallaciæ Rex, Alphonfi Casti successor, Oueti regnans, eiurato centum puellarum tributo, auxilio S. Iacobi, ritè Sacramentis munitus, septuaginta Saracenorum millia cecidit, Sancto Apostolo equitante in equo albo, ac vexillum præferente; quare Rex victor Hispaniam S. Iacobo reddidit vestigalem, diplomate suo; vt eius antea patronus, deinceps quoque dominus esset.

*Bernardus à filio
vlus,*

Carolus Rex Francorum Bernardum Comitem Barcinonensem, donatum à Ludouico Pio Ducatu Septimaniæ, incautum interemit. At filius eius Vvillelmus adscitis in auxilium Saracenis, multo sanguine atque flammis vltus paternam necem, docuit non esse fortibus viris faciliè inferendam iniuriam.

MVNDI CHRISTI

4898.

845.

*Bulgari
conuertuntur
pistura.*

Bulgari hoc anno facti sunt Christiani, eorum Principe Bogati per Cupharam, captiuum illustrem Monachum nostris mysteriis imbuto, & iudicii extremi picturâ territo. Aiunt quoque Christianorum precibus ab eius ditione famem esse depulsam: quibus permotus, baptismate tingi, & Michaël dici voluit, vt Imperatori, qui cum nuper societatem inierat, non re tantum, sed & nomine videretur coniunctior.

*Manichæi bello
exagitati.*

Manichæi Pauliciani dicti ita excreperant, vt tentandi nequaquam viderentur sine exercitu. Missi itaque Duces fortissimi cum copiis, qui eorum centum & amplius millia perdiderunt, va-

riis

riis mortis generibus; reliqui Saracenis coniuncti, in Christianos, ipsis Arabibus infensiores & crudeliores extitere.

In Concilio Bellouacensi, ex Abbate S. Dionysii primò, deinde S. Germani, charissimus Carolo Caluo creatus est Archiepiscopus Rhemensis Hincmarus; cuius electio tam Regi grata fuit, quàm postea electo exercita.

Hincmarus fuit Rhemensis Archiepiscopus.

Hoc anno Normanni, hoc est, *Septentrionis homines*, duce Rege suo Horich Gallias scèdè depopulati sunt, nauibus Sequanam fluuium subeuntes; priùsque Rothomago potiti, Lutetiam Sabbato Paschatis, Duce Ragenario, vacuum ac desertam à ciuibus inuenerunt. Tunc S. Germani Cœnobium, & alia loca sancta spoliarunt, sed in sacrilegos Dei statim manus extensa est, omnes dysenteria periere, nisi quos ipse Rex Horich interemit, ne malum ad alios peruaderet. Nec milites tantum; sed & Dux Raginerius sensit celestem virtutem suo damno; cùm enim de S. Germano rideret, quem effœtum appellabat senem, & mortuum uiuis potiorẽ, repentè concidit, exclamans se ab eo sancto verberari baculo; quare triduo tumens, & extensus instar monstri, crepuit medius, licet pœnitens, instar Antiochi, se Christianum fore, & statuam auream eiusdem secum magnitudinis S. Germano positurum polliceretur. Inde faciliùs iidem Barbari, acceptâ pecuniâ, cum Carolo depacti sunt, se nunquam in Gallias nisi auxiliores esse redituros. At Rex Horich captiuos omnes Christianos liberos remisit, ne in Christum fœuire videretur, quem in Ragenario, & suis militibus, nimis potentem expertus erat.

Normannorum per Sequanam irruptio.

Verùm tunc temporis haud fuit vnica irruptio Normannorum; quidam enim eorum Aquitaniam desolarunt, prælioque inter Burdegalam & Sanctones commisso multos Christianos occiderunt. Quidam etiam Ligerim fluuium ingressi, Turonas vsque progressi, ab hac vrbe virtute

Alie irruptiones in Franciam.

tantum Sancti Martini depulsi sunt; cum multas circumpositas ciuitates euerfissent, atque inflammassent. Quibus calamitatibus admoniti Episcopi, varias celebrauere Synodos, vt Deum iratum flecterent, à Clero exorsi, vt ab eo pietatem & pœnitentiam in populos sibi subditos refundere-

MVNDI CHRISTI

4899.

846.

*Saraceni
piratæ di-
uinitus
multati.*

Saraceni Africani, comparatâ classe ingenti, Romam improviso impetu aggrediuntur, à cuius muris ægrè repulsi sunt. Sed S. Petri Basilicam omnibus suis ornamentis atque diuitiis spoliarunt; indeque per Italiam effusi, à Cassinensi monasterio diuinitus reiecti sunt; ac redeuntes in Africam, per SS. Petrum atque Benedictum eis apparentes, in mari fœditissimum naufragium passi, pœne omnes cum suis nauibus ac spoliis perierunt.

MVNDI CHRISTI

4900.

847.

*S. Me-
thodius
succedit
S. Igna-
tius.*

Mortuus est (vt ei præcinerat moriens anno superiori S. Ioannicius Anachoreta) hoc anno S. Methodius 18. Kal. Iulias, cum sedisset annos 5. & menses 4. vir ex æquo eruditus, ac pius. Cui successus est Ignatius Nicephori Imperatoris ex filiâ nepos, & filius Michaëlis Curopalatæ item Imp. detrusus in monasterium castratus, vnde nobilius ad Patriarchalem thronum euectus est; vir adhuc sanctitate, quam natalibus clarior.

*Sergio
II. succ-
tus est
Leo IV.*

Obiit etiam eodem anno Sergius II. Papa prid. Idus April. cum sedisset annos 5. ac mensem vnum. Cui eodem die subrogatus est Leo. IV. non tamen statim consecratus, expectatâ voluntate Imperatoris. Is Ecclesias Urbis multis donariis exornauit, & maximè Basilicam S. Petri à Saracenis spoliatam. Restrinxit item suis precibus ingens Romæ incendium, & basiliscum serpentem Roma-

Romanos afflatu & aspectu enecantem interem-
mit; quem qui reuocant in dubium, magis ad ra-
tionem, quam ad Dei, peccatores punire volen-
tis, potentiam attendunt.

MVNDI
4901.

CHRISTI.
848.

Leo IV. Urbem munit, ac nouam ciuitatem
construxit Leoninam dictam, ne Basilica S. Petri
deinceps Saracenorum & grassatorum excursio-
nibus pateret; ad quod opus Lotharius eiusque
fratres pecuniam suffecere, Francis semper in
sanctum Apostolum egregie affectis.

*Ciuitas
Leonina
conditur.*

Celebrata est hoc anno Synodus Moguntina
sectunda, in causâ Gothescalci, qui monachus
fuit monasterij dicti Orbei; homo ambitiosus &
exlex, disseminator hæresis Prædestinatiano-
rum, & Trinitarius, in hac Synodo sub Rhabano
damnatus, remissus est ad suum metropolitam
Rhemensem, à quo in aliâ Synodo Gallie Belgi-
cæ declaratus est hæreticus; & quia perui-
cax, re-
trusus in monasterium, captius est detentus, non
sine verberibus, vsque ad Papam Nicolaum;
acerbius castigandus, nisi in Ecclesiæ tribunal
incidisset.

*Gothesc-
calcus
multatus
est.*

MVNDI
4902.

CHRISTI
849.

Saraceni, Africani nouâ instauratâ classe Ro-
mam diripere cogitant: contra hos munit Urbem
Leo; insuper iisdem occurrens Neapolitana clas-
sis, eos malè multauit ad portum Romanum; sed
Deus quoque in partem victoriæ venire voluit,
excitatâ graui tempestate, quâ naues aut haustæ
aut quassatæ ad littus, milites Romanis & Nea-
politans trucidandos aut capiendos obiecere:
quare ex iis multi captiui onusti vinculis ferreis
ad construendos Urbis muros adhibiti, ex ma-
lis militibus perboni & vtilis latomi sunt effe-
cti.

*Saraceno-
rum ad
Romam
clades.*

*Nomenius
diuinitus
castiga-
tur.*

Nomenius, in Britannia Tyrannus immanis, à Leone reprehensus est: sed eius monitum spreuit, sicut & Episcoporum Gallorum; quare anno sequenti diuinitus multatus, serius agnouit nunquam sacrilegia Principibus viuis ac mortuis profuisse.

MVNDI

4903.

CHRISTI

850.

*Hispania
Ratus.*

Cordubensis Ecclesia hoc anno martyribus quibusdam exornata est, inter quos enituit Perfectus presbyter & Monachus, qui post diuturnum carcerem, resecto capite, promeruit palmam debitam suo nomini. Quo etiam anno obiit magnus ille Ramirius Gallæciæ Rex, ex æquo pius ac fortis, cui filius Ordonius successit, patris exemplo ad bene sperandum inuitatus.

*North-
mannis
data
Neustria
pars.*

Normani iterum Duce Godefrido per Sequanam ingressi, ditionem Caroli Calui depopulantur: hic vocat in auxilium fratrem suum Lotharium; sed mox consilio mutato cum Godefrido paciscitur, huicque partem Neustriæ, quæ deinceps dicta est Normannia, incolendam tradit, cum magno Francorum dedecore, piratas à tanto Rege, tantæque gente repelli nequaquam potuisse, sed nobili Francorum populo turpiter esse permixtos.

*Ludouicus
à Bohæ-
mis victus.*

Denique Rex Ludouicus in Germaniâ magnam cladem accepit, à Boiohemis; quorum causam Dæmones sustinuerunt, & Francos in fugam egere, magicis carminibus euocati; malè susceptâ expeditione, in quâ Dæmones hominibus commitebantur.



C A P V T VI.

D E C A S S E X T A.

Ab anno Christi 850. ad 860.

M V N D I C H R I S T I

4904.

851.

COrdubensis Ecclesia à Saracenis vexata, im-
mo à quodam Reccafredo aduersus Chri-
stianos pro Arabibus insurgente; quando multi
vtriusque sexus pro Christo fortiter vitam po-
suere; plures in carcerem sunt retenti, inter quos
Eulogius, à quo Martyrum horum passiones de-
scriptæ sunt. Sed pax subitò reddita est precibus
virginum Mariæ & Floræ, quæ pergentes ad lo-
cum supplicii pollicitæ sunt fidelibus tranquil-
litatem cum ad sponsum peruenissent, & quinto
post die promissis accuratè steterunt.

*Cordu-
benſi Ec-
cleſiæ
reddita
tranquil-
litas.*

M V N D I C H R I S T I

4905.

852.

Nouam ciuitatem quâ includebatur Basilica
S. Petri hoc anno Leo IV. absoluit, ibique ere-
ctis hospitiiis in peregrinos, aquâ benedictâ as-
persam multisque precibus munitam consecrauit
Deo, deque suo nomine dixit *Leoninam* 5. Kal.
Iulias. Insuper urbem Portuensem iustruxit, da-
tis ei colonis Corsis, qui ex insula sua metu Sa-
racenorum profugerant. Restituit & ciuitatem
Centumcellensem antea à Saracenis dirutam,
eamque munitiore loco, situ diuinitus indicato,
statuit, deque suo nomine Leopolin vocitatum S.
Trinitati dedicauit; denique tam prudenter se
gessit, vt neque diuina, neque humana præsidia
neglexisse videretur.

*Leonis
præclara
opera.*

*Cordu-
bensis Ec-
clesiæ ier-
rum vexa-
vit.*

*Habda-
rahgman
moritur,
succedit
ei Maho-
metes.*

*Carolus
nepotes
suos ten-
det.*

*De Ioan-
na Papis-
sa com-
mentum.*

Renouata hoc anno tantisper interrupta Cor-
dubæ persecutio, in quâ multi ad Mahumetum
desecere, etiam Episcopi. Tum Rex Habdarahg-
man Pseudosynodum conuocauit ex omnibus suæ
ditionis Antistitibus; in quâ in eius gratiam de-
cretum primò, non esse martyres qui se sponte
offerrent, sed superbos atque temerarios; deinde
neque martyres esse & sanctos qui miracula non
ederent, & quorum corpora post obitum non re-
manerent incorrupta: quæ libro confutauit S. Eu-
logius. Ex tot autem Episcopis tantum inuentus
est vnus Cordubensis qui repugnaret Regi, ideo-
que detrusus in carcerem; signum in iis plures
fuisse mercenarios, quàm pastores. Sed Rex im-
pius statim pœnas dedit; dum enim corpora mar-
tyrum quædam addidit rogo, lingua eius palato
adhærens eum suffocauit, antequàm eius Impe-
rium impleretur, & ad æternos rogos miserum
detrusit. Successit ei filius Mahomad, seu Mahu-
metes, neque parente melior, nec recentis suppli-
cij paterni metu ad sanam mentem reuocatus.

Carolus Caluus Pipinum & Carolum, Pipini
filios, in regno suo tumultuantes, ob paternam
hæreditatem, captos tonderi iussit, & in monaste-
rium relegari: felices, si religioni ducerent, quod
pœnæ loco esset iis irrogatum à patruo.

MVNDI

4906.

CHRISTI

853.

Marianus Scotus, magnus nugator, hoc anno
tradit Leonem I V. obiisse, eique Ioannam
Papisam successisse; quod commentum inde
Heterodoxi rapuerunt, & in eo tanquam in
equuleo triumpharunt; in quâ fabulâ omnia la-
bant, tempus, nomen, patria, Mariani codex,
imagines Pontificum in Ecclesia Senensi; adeo
vt iam id putare, delirare sit; maximè cum
inuentus sit etiam inter hæreticos Blondellus,
qui eam doctissimè confutauit, sicque ex in-
fectâ

sectâ corruptâque mandibulâ asini, purus defluerit liquor.

Normani iterum hoc anno per Ligerim Gallias subierunt, vrbesque Nannetensem, Andegauensem & Turonensem pessimè acceperunt; Nannetis in Ecclesiâ SS. Petri & Pauli Episcopum cum multis Clericis & populo peremerunt; Ecclesiâ S. Martini Turonibus celeberrimæ facies iniecerunt, Maiusque Monasterium exsciderunt, cæsis in eo centum & sexdecim monachis; quæ tamen alij malè referunt ad annum 843. Sed antea elatum fuerat S. Martini corpus Aurelias primò, deinde Antissiodorum translatum, vbique miraculis corruscans, & in fugâ etiam suâ clarissimum.

*Norman
Ligerim
ingressi
Turonas
incendunt.*

MVNDI

CHRISTI

4907.

854.

Michaël Tertius Imperator vt impunè volutaretur in omnia scelera, in quæ propellabatur à Bardâ auunculo suo, quòd vterque à Theodorâ Augustâ grauiter increpitus esset eandem cum filiabus suis detonsam retrusit in monasterium; sicque omnis rerum administratio ad Bardam est deuoluta, hominem improbum, & qui Michaëlem atque Imperium in vltimam perniciem impelleret.

*Bardas
omnia potest
apud
Michae.
lem III.*

Leo Quartus cùm sedisset annos 8. menses 3. dies 5. obiit 16. Kal. August. ab eo crux ante equum Pontificis præferri solita, renouata; auro ac gemmis exornata est. Successit ei Benedictus Tertius sed inuitus ac reclamans. At ei substitutus est à sceleratis Anastasius Presbyter, à Leone antea excommunicatus, atque depositus, quòd annis quinque Cardinalis S. Marcelli paræciam suam deseruisset. Hic per vim S. Petri Basilicam ingressus, sacras imagines sacrilegè disiecit; vnde irrumpens in Patriarchium Lateranense, Benedictum conuiciis & verberibus malè mulctatum detrusit in carcerem. Sed resistentibus constanter Clero Popu-

*Leoni IV.
succed. s.
Ben. III.*

O 5

loque

*Tumulus
ab Anastasio.*

loque Rom. à Legatis Imperatoris , qui author extiterat tumultus , eiectus Anastasius , consecratus Benedictus , venia coniuratis data , & Ecclesiæ pax .

*Lotharius
fit Monachus , &
moritur.*

Lotharius , regno inter filios Iudouicum & Lotharium diuiso , traditâ Carolo regi Francorum Prouinciâ , deseruit Imperium , comâque attonsâ monachus factus est in monasterio Pruniacensi , vbi 6. Kal. Octobr. mortuus est eodem anno , longè melius relictis Regno , & Imperio , quàm administratis .

MVNDI CHRISTI
4908. 855.

*Michael
fit impius.*

Michaël , excussis tutoribus suis , aut cæsis , matre relegatâ , sed regendum Bardæ auunculo & Pædagogo hominibus nequissimis permisit ; à quibus ad omne nefas impulsus , Neroni vitâ , impuritate , & studiis simillimus , quibus addidit impietatem , res sacras irridens mimicæ , & sacris supplicationibus insultans tantâ audaciâ , vt non bonus modò , sed & Christianus desisse videretur .

*Ciuile bellum inter
Northmanos.*

Ortum est hoc anno ciuile bellum inter Normanos seu Danos , Regemque Horich , & filium fratris Guduium , qui regno pulsus piraticam exercere cogebatur ; ij ambo ita se stirpemque suam confecere variis certaminibus , vt è regiâ sobole nemo præter puerulum remaneret ; atque adhibiti ad multandos Christianos , Dei iudicio ad sese inuicem exterminandos conuerterentur .

MVNDI CHRISTI
4909. 856.

*Occidens
malè mul-
tatur .*

Tiberis hoc anno supra modum excresecens vexauit Urbem . Szuiit & pestilentia , dicta faucium , ex atroci epiphorâ quæ guttur obstrueret ; quando & multi tumultus & grassationes in Galliâ contigerunt : quibus malis vt prouideretur , indictus Conuentus Carisiacus ; sed præter monitiones Episcoporum , Regis major-
pru-

prudencia, maius animi robur exigebatur.

MVNDI

CHRISTI

4910.

857.

S. Eulogius coactus est pro Martyribus Apologeticum scribere in Hispaniâ, cum ij Saracenorum ferro, malorum Christianorum linguis ferirentur, quasi non paterentur pro Christo, quos non caderent idololatræ; ridiculo Dæmonis commento, ut fideles à subeundo martyrio inhiherentur.

*S. Eulogi
Apologia mar.*

Concidit & hoc anno Colonia terribile fulmen in Ecclesiam, more ignei draconis, quod tres homines in tribus diuersis altaribus occidit, sex prostravit ex infimâ hominum multitudine delectos; quod profectò brutum non exitit.

*Fulmen
terribile.*

MVNDI

CHRISTI

4911.

858.

Ignatius Patriarcha Constantinopolitanus, quod Bardam excommunicasset ob repudiatam legitimam uxorem, & cognatam suam uti sponsam cognosceret, accusatus quasi de coniuratione in Imperatorem, depositus est, & relegatus in insulam Terebinthum. Hic cum negaret dare renunciationis libellum, post varios cruciatus, in Copronymi sepulchro traditus seruandus crudelissimis satellitibus; unde à viro pio retractus, & interceptus, mutatis subinde locis deportatus est Mitylenem. Suffectus est ei Photius, Imperatori à secretis, & Protospatharius, litteris secularibus clarus, diuinarum ignarus; qui intra sex dies, ex laico factus est Patriarcha, & materies multarum in Oriente dissensionum.

*S. Ignatius depo-
nuntur.*

*Ei succe-
dit Pho-
tius.*

Moritur Benedictus III. 14. Kal. Mart. cum sedisset annos 2. menses 6. dies 10. In cuius locum electus Nicolaus Diaconus nobilissimus atque studiosissimus, ex latebris & vi pertractus ad sedem coram Ludouico Imperatore; à quò valdè honoratus est, officio etiam stra-

*Nicolaus
sufficitur
Benedicto
III.*

toris perfungente, vt Deum in Pontifice magnificentiùs coleret.

*Ludouicus
Carolus
mouet.*

Missi sunt Legati à Francis ad Ludouicum Germaniæ Regem, vt huic regno prouideret, quod Caroli Calui inertia pessumdabat. Venit ille, sed cum exercitu, contemptis Episcoporum Gallorum admonitionibus; huic impar Carolus aufugit, relictiis copiis, quæ sese Ludouico dediderunt; sed orto tumultu in Germaniâ, alienis omissis, suis rebus consulere coactus est, nullo alio operæ pretio, quàm vt Carolum, & Imperatorem offenderet, multas calamitates iis afferret quibus auxiliaturus accedebat.

MVNDI CHRISTI

4912.

859.

*S. Eulo-
gius mart.*

Martyrio coronatus est S. Eulogius Cordubensis Presbyter, & olim designatus Toletanus Antistes, cum Leocritiâ virgine Mahumetanâ, ex regiâ sobole, quam ille peperat Christo; quorum corpora, magnis miraculis illustrata, Ouetum translata sunt ab Alphonso Magno Gallæciæ Rege, ad honorem & tutelam regiæ suæ ciuitatis.

*Synodus
ad Laponarias.*

Episcopi Galli reconciliare conati sunt Reges Carolum Franciæ, & Ludouicum Germaniæ: tumque coacta Synodus apud Tullum in villâ ad Saponarias dictâ aduersus Vvenilonem Archiepiscopum Senonensem, rebellem, proditorem, & ingratum in Carolum. In eo damnati errores Gothescalci, iam in Conciliis Moguntino & Valentino proscripti; sed & depositus Vvenilo, aliter Guenilo & Ganello dictus; cujus nomen deinceps adeo execrandum fuit, vt ad magnos proditores transfiret, ac vulgò proditor Ganello vulgari sermone, & in libris viurparetur.

*De Gano-
lone pro-
ditore.*

*Causa Ar-
ab Turo-
nensis, &
Episc. Do-
lensis.*

In eâdem Synodo agitata causa Archiepiscopi Turonensis, & Dolensis Episcopi. Afferbat hic se Archiepiscopum esse, quoniam

B. Sam-

B. Samson Eboracensis Episcopus in suâ vrbe sedisset, eoque omnia insignia Archiepiscopatus attulisset. Sed hoc jus nullum esse deprehensum est, & à Dolensibus Episcopis à tempore Numerij Ducis & Tyranni usurpatum esse, qui ditionis suæ Episcopos subesse Metropolitæ Turonensi nolebat. Vt ut serres habuerit, lis diu fuit sub iudice, & tantum anno Christi 1199. sub Innocentio III. dirēpta, atque Dolensis Turonensi omnino subiectus, re ad eò diligenter excusâ, vt jam de eâ aliter sentire temerarium videatur.

Tum in Oriente Scholæ restitutæ sunt per Bardam Cæsarem, dum Michaël Theatris vacaret, & certaminibus curulibus; ille de occupando cogitaret Imperio. Docebat autem tum Constantinopoli Leo philosophus, discipulus in Andro insulâ Michaëlis Pselli, qui in laudem Metaphrastis orationem habuit, ex quibus colliges viros illos eruditos *συγχοδούς* fuisse.

*Leo phil.
losof. Mi
chaël Psell
lus, Meta.
phrastes.*

Photius Ignatium renunciare nolentem Episcopatu grauitur vrget, eumque ex Terebinthi insulâ in Sacram transferendum curat, vbi in stabulo caprarum includit; vnde sæpe mutatis exilij locis, eum transfert Mitylenem, de variis accusatum, & sæpe grauitur multatum. Curauit & fieri Synodum in quâ deponeretur; sed omnibus ex voto non fluentibus, recurrit ad Nicolaum Pontificem; quem circumuenire potuit, ab eo sententiam contra jus non potuit extorquere.

*Photius
vocat I.
gnatium.*

M V N D I CHRISTI

4913.

860.

Nicolaus mittit in Orientem Legatos, qui minus honorifice suscepti sunt, quia ille videbatur Ignatio fauere, improbare Photij electionem; neque mirum; cum Bardas, & Photius eius affinis, plus possent Constantinopoli, quam ipse Imperator.

*Legati
Papæ ma.
le recepti.*

*Conuentus
Confluen-
tius.*

Habitus est hoc anno Conueutus Confluentius inter Carolum & Ludovicum fratres, & nepotem eorum Lotharium, ad mutuam concordiam eorum regnis, sed & Ecclesiæ magis expectendam.

CAPVT VII.

DE CAS SEPTIMA.

Ab anno Christi 860. ad 870.

MVNDI CHRISTI.

4914.

861.

*Depositus
in Pseudo-
synodo I-
gnatius.*

HABITUM est hoc anno Constantinopoli à Photio Conciliabulum 318. Episcoporum in causâ Ignatij, cui Legati S. R. E. coacti sunt interesse. Reductus, post subinde mutata exilij loca, in Terebinthum insulam vicinam Vrbi Ignatius, accusatusque quasi fauore Principum obtinuisset hanc sedem, & quod in sanctum Methodium contumeliosus fuisset, exautoratus est, eique solemniter Photius substitutus: Hanc Synodum Balsamon dixit *Oecumenicam*, Nicolaus Papa *Latrocinalem*; huic quidem subscripsere Legati Pontificij, sed metu compulsi, qui in viros fortes & constantes cadere videretur, intentatis eis longioribus exiliis, atrociq; fame, & exemplo Ignatij ostentato: quem crudeliter Photius per sceleratos mulctauit, vt depositioni suæ subscriberet: quod cum omnibus tormentis obtinere non potuissent, ipsi crucem signarunt, cui quæ voluit Photius addidit. Sic in Urbem reuocatus est liber: sed cum legere subscriptionem Photij cogeretur, fugit mutatâ veste, varias insulas percurrens, & victum emendicans: donec terribilis erræ mo-

cus

tus quassauit Urbem, nec cessauit nisi eidem à Michèle & Bardâ fides tuti reditûs data. Appellauit quidem ad Nicholaum Ignatius; sed ille de rebus gestis edoceri verè non potuit, Legatis eius dissimulantibus, & mendacio imbecillitatem suam obuellantibus.

Ordonio Gallæciæ Rege vitâ functo, successit ei filius Alphonſus Magnus, qui thesauros patris erogauit in pauperes, & Ecclesias, & S. Iacobi ædem terream, lapideam fecit; multis idè auctus victoriis aduersus Arabas, Dei hætenus armis potius quàm hominum attritos, aut repressos.

*Alphonſus Magnus
succedit
patri Or-
donio.*

M V N D I

C H R I S T I

4915.

862.

Maximus terræ motus contigit Constantino-
pôli, in quo audita è terrâ voces, & S. Sophiæ
Basilica deflagrauit. Id exigebat impietas Mi-
chaëlis in deridendis rebus sacris, quam dissi-
mulabat Photius, immo probabat, totus ad
perdendum Ignatium intentus. Hanc autem Ba-
siliius Theſſalonicenſis Episcopus reprehendere
ausus, pugnis ab Imperatore vapulauit; huic-
que excuſſi sunt dentes. Nicolaus autem eorum
quæ gerebantur in Oriente certior factus scripsit
Epistolam, quâ improbauit ejectionem Igna-
tii, Photium non appellauit Episcopum, sed
tantum prudentem virum; quibus verbis rem
conficiebat.

*Res Ori-
entalis Ec-
clesiæ de-
plorata.*

Lotharius implicitus amore Vvaldradæ pelli-
cis, eam vult ducere vxorem, Theutpergam Re-
ginam repudiare, quasi incestus cum fratre ream.
Ob id coacta Synodus Aquisgrani hanc ei licen-
tiam fecit, sed obſtitere Carolus Caluus atque
Nicolaus Pontifex, à quibus etiam reprehensus
est Lotarius, quod nefarios reciperet ac foueret,
non sibi tantum, sed aliis improbus.

*Lotharius
reprehen-
sus.*

M V N D I

C H R I S T I

4916.

863.

Rodoaldus, & Zacharias Legati Pontificij
Ro-

*Photij
damnati
furor.*

Romæ in Synodo damnati, atque depositus præsens Zacharias Episcopus Anagninus; cum alter in Galliis Legatum ageret; excommunicatus quoque Photius, & Gregorius Syracusanus, author omnium malorum, cum eorum fautoribus; Ignatius declaratus legitimus Patriarcha. Cùm ergo multi diuellerentur à Photio, in eos atrociter sæuit, immo conuocato Conciliabulo, per sibi addictos Præsules sceleratos viginti & vnum, cæteris, quantumvis improbis reclamantibus, Nicolaum anathemate perculit; ex furore potius quàm ratione agere, etiam à suis iudicatus est.

*Metensis
Synodus à
Nicolao
damnata.*

Metensis Synodus celebrata est in causâ Lotharij & Vvaldræ, cui adfuere Legati Rom. Pontificis. Hi pecuniâ à Lothario corrupti, Theutpergæ expulsionem confirmarunt: Engeltrudem libidinofam Bosonis Comitis, excommunicatam à Nicolao, absoluerunt; quare Nicolaus hanc Synodum rescidit, & *Prostibulum* appellauit; omnes deposuit qui interfuerant, præcipuè Guntharium Coloniensem, & Teutgandum Treuirenses Pseudo-consilij promotores. Itaque multa hi in Nicolaum confinxerunt, quibus Ludouicum Imperatorem in eum concitarunt; sed calumnias ipse refutauit, atque vt eos restitueret, ab Imperatore nunquam adduci potuit, quem minùs quàm Deum reuelebatur.

*Res. vi.
cuiusque
composita.*

Cæterùm Theutgandus agnouit erratum suum, veniam tamen, quandiu vixit Nicolaus, non obtinuit; Guntharius pertinax in officio suo perseuerauit; reliqui Episcopi recepti in gratiam, oblatis libellis, quibus sanatum est vtcumque vulnus inflictum mentibus piorum Francorum, qui eâ de re in Syluaneâensi Synodo meritò questi esse videbantur.

Hinemarum in hac Siluaneâensi Synodo deposuit Rathaldum Episcopum Sueffionensem; sed eam irritam voluit esse Nicolaus; iussitque

Hinc-

Hincmarum venire Romam, ut cum Rhotaldo contenderet; sed ille tergiversatus est, suffultus favore Caroli; qui grauiter increpuit Nicolaum, quod suscepisset Balduinum Iudithæ filiae suæ raptorem, immo pro eo deprecatus esset. Verum excusauit se religiosè Pontifex, & receptus in gratiam Balduinus, acceptâ legitimè Iudithâ coniuge cum grandi dote, preces Pontificis iniustas non fuisse demonstrauit.

Carolus iratus Nicolao placatur.

MVNDI CHRISTI

4917.

864.

Rhodoaldus Portuensis Episcopus, Legatus Ro Sedis, his præuaricator, Constantinopoli ex metu, in Galliâ acceptâ pecuniâ, frustra vocatus, & latebras captans, depositus est, immo & communione priuatus, quod toties Nicolao mittenti dedecus inuississet. Nicolaus à multis interrogatus, omnibus sapienter respondit; curam Ecclesiarum accuratam gessit; inopibus subuenit: magnum boni Pontificis exemplar.

Nicolaus Ecclesiam optimè regit.

MVNDI CHRISTI

4918.

865.

Michaël Imperator flagitiosissimus, dignam se ad Nicolaum Epistolam scripsit, hoc est, blasphemiarum refertissimam; ad quem rescripsit Pontifex sapienter; sed & fortiter interminatus est se eius litteras in medio foro Romano combusturum; Ignatiumque & Photium Romam accersit, iudicium experturos. Quàm diuersus à S. Gregorio, qui Imperatorem appellabat Dominum suum, & Urbis: at hoc tempore per Francos Urbis Dominus erat, nihil in eum juris habebat Græcus Imperator.

Michaelis & Nicolai Epistola.

Nicolaus Arsenium Legatum suum mittit in Gallias: hic Rhotaldum Sueffionensem Episcopum suæ restituit sedi; Lotharium tergiversantem impulit ad recipiendam Theutpergam, dimittendam Vvaldradam, quam Romam ablegauit. Engeldrudem quoque induxit ad ju-

Arsenius Legatus Nicolai Gallias ordinat.

ran-

randum se ituram Romam ; sed hæc juramenti oblita , non libidinis , restitit in Galliis . Quare Arsenius , datis ad omnes Episcopos litteris , vetuit ne à quoquam reciperetur in communionem . Pacem denique inter Francicos Reges composuit ; nunquam melius Romana cessit Legatio quæ & superiorum turpissimarum aboleuit ignominiam , & præuaricationem .

MVNDI CRISTI

4919.

866.

*Bulgari
ad Nico-
laum con-
fugunt .*

Michaël Bulgarorum Rex ad Summum Pontificem honorificam legationem mittit ; quâ petit in Fide melius edoceri . Misit ad eos Nicolaus duos magnæ sanctitatis Episcopos , Populonensem & Portuensensem . Et quoniam per Bulgariam in Thraciam facilis accessus erat , misit quoque Legatos tres ad Michaëlem Imperatorem , rescribens ad eum , Bardam Cæsarem , Ignatium , & Photium , denique ad Theodoram Michaëlis matrem Augustam relegatam : hæc autem paulò post obiit in sanctarum adscripta catalogum , ut quæ pietate cum filij impietate certauit . Quod autem pertinet ad Bulgaros , Christiani quidam ex iis facti erant , alij Idola colebant , ut olim ; quos cum ad Christi cultum Rex traducere cuperet ; arma illi mouerunt , prius Principi suo , quàm Ecclesiæ asserendi . Irrepebant etiam ad eos Græci , & Armeni doctrinæ minùs sanæ ; quod subodorati Deo pleni Christiani , confugere ad Romanam Ecclesiam , ut ex primo fonte puriorem doctrinam ebiberent .

*Saraceni
repressi .*

Ludouicus Imperator cum ingenti exercitu mouet in Saracenos , Campaniam & Samnium infestantes , eosque variis cladibus affectos parcius & cautiùs excurrere compulit .

*Lotharius
agrè
Vvalden-
dam relin-
quit .*

Vvaldrada , Lotharij pellex , pollicita adire Nicolaum traiecit quidem Alpes , sed mox in Gallias rediit ; quare excommunicata est ; minæ quoque sunt intentatæ Lothario , qui pœni-

pœnitentiam simulauit, Vvaldradam & libidinem suam semper respectans, plusque Nicolaum, quàm Deum reformidans.

Concilium Sueffionense celebratum est ab omnibus Galliarum Episcopis in causâ ordinatorum ab Ebbone, & depositorum ab Hincmaro. Acta in priori Sueffionensi sub Hincmaro rescissa, Hincmarus vti falsarius à Pontifice reprehensus; quo minùs grauiùs castigaretur, eius singularis doctrina, & auctoritas impedijt.

Hincmarus reprehensus.

MVNDI

4920.

CHRISTI

867.

Legatio Romana à Bulgaris magnificè recepta; reliqui qui supererant, sacris aquis intincti; milli Doctores qui eos erudirent. At qui pergebant in Thraciam in limite subsistere iussi, immo iniuriis affecti, dum ingressum per dies 40. præstolantur, infectâ legatione Romam redire compulsi sunt, Græcis jam in deteriora prolagentibus. Enimvero capita decem obiecere Ecclesiæ Romanæ, quibus & decem errores exprobrabant. 1. Ieiunium Sabbati. 2. Processionem Spiritus sancti ex Patre & Filio. 3. quòd prohiberent Presbyteros vxores ducere. 4. quòd Presbyteros non sinerent baptizatorum linire frontes. 5. quòd Chrisma ex aquâ fluminis conficerent. 6. quòd septem hebdomadis ante Pascha ab ouis & caseo non abstinere. 7. quòd Iudæorum more Agnum cum Dominico corpore super altare collocarent. 8. quòd Clerici barbas raderent. 9. quòd Diaconi non suscepto Presbyteratu fierent Episcopi. 10. quòd Legati Apostolicæ sedis recusarent professionem fidei offerre Patriarchæ Constantinopolitano: quæ capita accuratè refutarunt Hincmarus Rhemensis, & Odo Bellouacensis, quorum operâ illæ calumniæ euauerunt.

Bulgaribus ad fidem edocti.

Decem capita & errores Græci Romanæ Ecclesiæ obijciunt.

*Michael
Bardam
Cæsarem
cadi ubet
eique su-
brogat,
Basilium.*

Michaël Imperator suspectum jam sibi Bardam Cæsarem, leuissimâ de causâ, per satellites interrimendum curat, & per Basilium cubi- culi sui Præfectum Kal. April. quem statim ipse creauit Imperatorem. Tum curante Photio, idem Michaël Synodum conuocat, in quâ anathema dictum Nicolao; mittit & ad Ludouicum Imperatorem Legatos cum magnis muneribus, vt eundem Nicolaum deturbet de sede, pollicitus eum proclamaturum in Orientem Imperatorem, cum ad hoc tempus Occidentales non haberentur pro Imperatoribus: quibus dum ob- sistit sapienter Basilus, & impium hominem, à suis sceleribus retrahere blandè nititur, de- liberat ille monitorem de medio tollere; sed hic illum præuenit; itaque vino somnoque sepultus Michaël, in Palatio manibus amputatis, multis vulneribus confossus, execrandam cum vino & sanguine dæmonibus euomuit animam; homo ex omnibus vitiis concretus, quæ in Principem, immo in priuatum cadere pos- sunt.

*A quo
Michael
ceditur.*

*Basilus
imperat,
& Igna-
tium resti-
tuit.*

Basilus ergo statim proclamatus est solus Im- perator, genere Macedo, ex humili prosapiâ, licet eum ex Arfacidis natum adulatores fabu- larentur. Is vbi se purgasset de nece Michaëlis, quasi se in scio factâ, Photium expulit sede, re- stituit Ignatium, rescripsitque ad Nicolaum, paratissimus componere controuersias per scele- ratum Photium concitatas; quem & relega- uit in monasterium, melius prouisurus Eccle- siæ & Imperio, si in eum grauius animaduertisset.

*Russi fidē
optant.*

Russi seu Roxolani, Scythici populi Septen- trionem incolentes, totam supra Pontum Euxi- num regionem deprædati, iramque numinis ex- perti, domum reduces per Legatos Constanti- nopolin missos petiere Sacerdotes, à quibus ba- ptizarentur, eumque cognoscerent quem suorum criminum vindicem agnoscebant.

Obiit

Obiit hoc anno Nicolaus Papa Idib. Nouemb. cum sedisset annos 9 menses 6. dies 20. meritò alter Elias & Phinees dictus . Cui post mensem successit Hadrianus II consecratus 19. Kal. Jan. jam bis expetitus Pontifex , ipse semper tergiuersatus , annos tum 75. natus , sed in viridi adhuc , crudâque senectute , & dignissimâ , hisce temporibus , Summo Pontificatu .

MVNDI CHRISTI

4921.

868.

Hadrianus , licet insistere Nicolai vestigiis decreuisset , multa tamen præstitit postea quibus ostendit se non esse Nicolaitanum ; quod ei fuerat obiectum , restitutis pluribus , quos reiecerat Nicolaus , Theuthardo scilicet Treuirensi , Zachariâ Anagnino , & Vvaldradâ pœnitentiam simulante , absolutis ; propter quæ apud Occidentales Episcopos , viros pios , minùs bene audiit.

Nauis quæ ferebat Legatos Photij , naufragium passa est , omnes suffocati vectores , præter vnum monachulum ; qui rebus pessimè gestis excommunicatus abscessit . Contra Legati Ignatij & Basilij commodè appulerunt , magnificè suscepti . Acta Pseudosynodi Photianæ flammis , cum indignatione , absumpta ; idemque vt Constantinopoli fieret , curatum ; magna spes vtri-que Ecclesiæ plenæ pacis affulsit .

Lotharius Romam venire ab Hadriano permissus , ab eodem Christi corpore refectus est , orante Pontifice vt id ipsi eiusque consortibus innocentibus bene cederet . At nocentes fuisse ostenditeuentus : nam in itinere Lotharius periit , ægrè Placentiam perductus æger ; reliqui communionis eiusdem participes intra annum miserè interierunt ; tantaque strages Lothariani Comitatus facta est , vt non peste , sed hostili gladio demensus atque sublatus esse videretur ,

*Nicolaus
succedit
Hadria-
nus II.*

*Hadria-
nus mol-
lior .*

*Ecclesiæ
pax spe-
ratur .*

*Lotharius
perit cum
plerisque
Comiti-
bus .*

MVNDI

CHRISTI

4922.

819.

Legatio Hadriani peruenit Constantinopolin, & litteræ eiusdem Pontificis, quibus probabatur eiectio Photij, & restitutio Ignatij, atque OEcumenica Synodus postulabatur; recepta est magnificè 17. Kal. Octob. omnibus ordinibus ei obuiam effusis, & jam Catholicam spirantibus fidem.

Inchoata est ergo, omnibus jam antea paratis 30. Non. Oct. in Ecclesiâ S. Sophiæ.

OCTAVA SINODVS, IV. CONSTANTINOP.

*Contra Photium pro S. Ignatio Constanti-
nopolitano Patriarcha.*

OCTA-
VA SY-
NODVS

CVi præfuere Legati S. Sedis Donatus Ostiē-
sis Episcopus, Marinus S. R. E. Diaconus,
& Stephanus Nepetinus Episc. cum iis qui tene-
rent locum Patriarchalium sedium vacantium,
& Episcopis centum & duo, quorum 12. dun-
taxat ab Ignatio non descuerant, cæteri recepti
sunt, ut pax Ecclesiæ turbatæ redderetur. Ad-
fuere quoque legati Ludouici Imp. quorum vnus
fuit Anastasius S. R. E. Bibliothecarius, eò mis-
si vt agerent de fœdere per nuptias inter vtrum-
que Imperatorem conciliando. Adfuere item
& Legati Bulgarorum, qui nuper ad Ro. sedem
confugerant, & quorum erat excutienda cau-
sa. Hoc Concilium terminatum est X. sessio-
nibus; damnatus Photius, eius scripta com-
busta, reliqui reconciliati sunt. Controuersie
tamen, absolutâ Synodo, contigerunt duæ;
prima de laudibus Ludouici Imperatoris, se-
cunda de Diœcesi Bulgarorum, an Rom. sedi,
an Constantinopolitanæ esset adscribenda. Illa
reiecta ad Hadrianum, hæc magnâ conten-
tione agitata, artibus Græcorum Ignatio
adiudicata est, reclamantibus tamen Lega-
tis S. R. E. & illegitimum hoc esse iudicium,
& cum

& cum fraude pronunciatum, asserentibus. Quin & eorum Legatorum scripta sublata, mox tamen reddita; unde facti illi cautiores, Acta huius Concilij deferenda Legatis Ludouici commiserunt; non sine numinis prouidentia, cum Legati Rom. sedis mox incidissent in piratas Sclauinos, non sine Basilij culpâ; quamquam aliqui eius operâ liberatos velint: inter quæ tam incerta, hoc certissimum; Græcos in Latinum nomen malè affectos fuisse, omnia à Basilio & Græcis tristitia expectata fuisse.

*Græci in
Latinor.
malè affe-
cti.*

Carolus Caluus Lotharij defuncti Regnum occupat, & in Concilio Metensi hoc illi adiudicatur, adnitente Minemaro. Sed obstitit Hadrianus, voluitque id reddi Ludouico Lotharij fratri, hæredi legitimo. Sunt quoque huius anni ad Hadrianum Salomonis Regis Britannia Minoris litteræ, petentis Pallium Episcopo Dolenfi; de quo tanta est difficultas, quanta de Regis nomine Salomoni assignando.

*Carolus
Caluus oc-
cupat Lo-
tharij oc-
cupat.*

*Salomon
Rex Mi-
noris Bri-
tannia.*

MVNDI CHRISTI

4923. 870.

Bulgaris hoc anno datus est Episcopus Theophylactus (diuersus ab eo qui scripsit in Euangelia) à S. Ignatio, reiecto Grimoaldo à Ro. sede misso. Basilius autem sibi atque Ecclesiæ meritò timens à Photio, viro eloquente & callido, eum longiùs relegauit, amicos eius, fautoresque vexauit, Ecclesias ab eo consecratas prophanari, ac dirui iussit; quibus ipse factus Photius obstinatio, se martyrem, Basilium persecutorem dixit; & qui terræ motus in Vrbe contigerat, suâ causâ immisum esse à Deo vindice impiè vaticinatus est.

*Theophy-
lactus
Bulgar
Episcopus.*

Basilius Imp. filium suum Leonem natu minorem Augustum coronari iussit; tertium Ale-

*Familia
Basili
Imperat.*

Alexandrum Cæsarem creauit; quartum Stephanum diuinis officiis addixit, sicut & quatuor virgines filias, quæ Deo consecratæ in monasterio, illustriores coram Deo, quàm coram hominibus extitere.

Imago B. Virg. Incarnata in Syria.

Tum quoque Hierosolymis Damascum translata Imago B. Virginis olim Constantinopoli depicta super ligno, postea incarnata oleum mirabile effundit, quo morbi Christianorum, Iudæorum, & Saracenorum curantur. Ideo magni in Palestinâ nominis, immo etiam à Christianorum inimicis in pretio est, ac diligenter asseruatur.

Turba in Francia.

Turbatæ quoque Galliæ à Hadriano instante etiam minis, vt Lotharij regnum restitueretur Ludouico Imperatori, renitente & stante pro Carolo Hincmáro; cuius responsio amarior, nec ab eo scribi, nec ad Pontificem mitti debuit. Itaque remissi Legati Pontificij re infectâ; qui tamen Carolo filium Carolomannum, quem, habebat in vinculis, reconciliarunt. Hunc tamen postea iterum rebellantem, & vastantem ditionem patris, luminibus orbauit Carolus, & suo sanguini regnum suum sapienter antetulit.

CAPVT VIII.

DE CASOCTAVA.

Ab anno Christi 880. ad 890.

MVNDI CHRISTI

4924

871.

Phorius turbat.

Photius durius habitus in exilio, per Bahanem Patricium amicum suum famem & librorum penuriam à se depellit. Inde scribit ad diuersos pro se exules; quos

in

in partibus suis retinet, & quibus postmodum malè vsus ad turbendam Ecclesiam.

Controuersia hoc anno orta inter Basilium & Ludouicum de nomine Basilij seu Imperatoris. Coronatus est tum Ludouicus Franciæ Rex ab Hadriano, cum Barium quadriennio obsessam de Saracenis recepisset. Inuitauit hic Basilium vt cum eo suas coniungeret vires ad Saracenos expellendos ex Sicilia; sed plus odia, quam vtriusque commoda potuerunt.

*Basilij
& Ludouici odia.*

Celebratum est hoc anno Duziacense Concilium, in quo Hincmarus Episcopus Laudunensis Nepos depositus est à Patruo Hincmaro, tractataque causa Carolomanni ad S. Sedem prouocantis; vnde graues rixæ inter Pontificem, Hincmarum, & Regem Carolum Caluum exortæ sunt, non ipsis eorumque subditis, multò minùs Ecclesiæ profuturæ.

Concilium Duziacense.

MVNDI CHRISTI

4925.

873.

Ludouicus Imperator Beneuenti capitur in suo Palatio perfidiosè per Adelgisum Ducem Beneuentanum & Scodam ducem Saracenorum; & iurare cogitur quidquid proditores voluerat; ab iisque captus, quos perfidos facere voluerat, suis ipse artibus interceptus.

Ludouicus captus.

Conuentus habitus est in villâ Gandulphi, vbi Carolus Caluus, & Ludouicus Rex Germaniæ reconciliati, dum sibi inuicem aliquid cedunt; quæ minùs pax fuit quam nundinatio.

*Carolus & Ludouicus reconciliati.
Hadriano II. successore Ioan. VIII.*

Obiit hoc anno Hadrianus Kal. Nou. cum sedisset annos 4. menses X. dies 17. cuius in locum electus est 19. Kal. Ianuarij Ioannes VIII. qui Pontificatum multis exercitum curis gessit, sed molliùs quàm tanta dignitas postulabat.

MVNDI CHRISTI

4926.

873.

Concilium habitum est Romæ in causâ Ludouici
Tom II, Pars II. P uici

Concilium Romanum de iuo

*ramento
Ludouici.*

uici contra Adelgisum proditorem; cui inditum est à Senatu Ro. bellum; Ludouicus iuramento absolutus, quod inuitus ediderat. Quidam tamen feribunt Adelgisum Compatriem Ioannis Papæ ab eo reconciliatum esse Ludouico; probabilius est eum fugisse in Corsicam, neque tam faciliè tantam iniuriam obliteratam esse.

*Filius in
patrem
rebelis.*

Conuentus Francofordiensis Episcoporum habitus est à Ludouico Rege Germaniæ, vbi Carolus eius filius, coniurans in patrem, à malo genio correptus est; passus id toties sibi contigisse, quoties huic voluntati adhaesisset; vt subditus esset dæmoni, qui patri obsequens esse noluisset.

MVNDI CHRISTI

4927.

874.

*Saraceni
ad Salernum dele-
ti.*

Abdila seu Abdala Princeps Saracenorum Afrorum Salernum obsedit, sibi domum elegit in Basilicâ SS. Martyrum Fortunati, Caij, & Anthes. Hic cum sibi parasset thorum in altari, in quo virginem comprimere nitebatur, trabs è tecto lapsa, licet longè distans à læto, eum interemit intactâ virgine. Vrbs autem obsidione soluta est, adueniente Ludouico Imp. Saracenos interneccione deletos tam impurum habuisse Regem pœnituit.

*Anglia à
Danis
vexata.*

Dani seu Normanni hoc quoque anno Angliam vexauere; quibus diu restitit Ædorreus Merciæ Rex, tandem relinquere coactus est regnum; piè mortuus est Romæ, vxor Ticini; ambo exules, minùs miseri, quàm gloriosi.

MVNDI CHRISTI

4928.

875.

*Lud. mo-
ritur, suc-
cedit in
Imp. Ca-
rolus Cal-
uus.*

Ludouicus Imperator mense Augusto obiit sepultus Mediolani, vir piissimus, & variâ fortunâ exercitus. Statim Imperium à Ioanne VIII. oblatum est Carolo Caluo; qui Romam se conferens coronatus est in Christi natali-

natalitiis ; sed interim Ludouicus Germaniæ Rex Gallias deuastauit ; quare Hincmarus ad molliendum Deum omnes huius regni Episcopos inuitauit , quorum precibus annuit Deus , statim Ludouico in Germaniam reuerso . Quando etiam Eugilberta Augusta , mortuo marito , in monasterio Brixie Christo nobilius nupsit ; à quo temporalis loco cœlestem coronam promerita , regnum accepit numquam terminandum

*Eugilberta
Augusta .*

MVNDI CHRISTI

4919.

876.

Ticini Carolo Caluo Imperium confirmatum est . Concilium quoque Pontigonense in Galliâ celebratum , à Pogneŷ , inter Catalaunum & Vitriacum , plusturbauit præŷentes , quàm absentibus attulit auxiliŷ .

*Concilium
Pontigonense .*

Ludouicus Germaniæ Rex 5. Kal. Sept. obiit Francofurti ; Cuius regnum magno exercitu Carolus Caluus decreuit inuadere . Ludouicus regni hæres suis copiis diffidens confugit ad preces & eleemosynas . Probauit etiam miraculis ferri candentis , & aquæ frigidæ , iustitiam è se stare , decem illæsis qui sic probati sunt . Tandem ventum ad manus ; superior copiis Carolus victus ægrè effugit ; vxor eius Rachedis fugiens , abortum est passa , certè infantem edidit haud diu superstitem ; denique Deus ostendit grandes exercitus nihil prodesse , paruos nihil obesse , quoties in præliŷ partem , & victoriarum venit .

*Ludouicus
hæres
Lud. German. Regis
vinctus
Carolus Caluus .*

MVNDI CHRISTI

4930.

877.

Ioannes Pontifex Italiæ populos excitat ad propulsandos Saracenos , & inita ab his scædera cum Beneuentanis , Neapolitanis , & aliis , abrumpere nititur , sibi jam de Româ metuens , cui grassatores isti Arabes imminabant . Inuitat insuper Carolum in Italiam , vt opem ferret Vrbi Romanæ , & verò Ca-

*Ioannes
omnes ex-
citât Ita-
los aduersus
Saracenos .*

P a rolus

*Carolus,
et Ludovicum
Deuspi-
der.*

*Moritur
Carolus
Calvus.*

*Succedit
ei Ludovicus
Baltus.*

*Ioannis
Papae an-
gustia.*

rolus cum copiis Alpes transcendit, huicque obuiam Ioannes venit ad Vercellas, ambo Ticini magnificè sunt excepti. Sed cum accepissent Carolomannum filium Ludouici Germaniæ Regis venire cum ingentibus copiis, dilapsus est exercitus Caroli, hic fugit in Gallias, Ioannes Romam. Panicus quoque timor mox Germanos inuasit, cum falsò nunciatum esset adesse cum ingentibus copiis Carolum simul & Ioannem: itaque Carolomannus fugienti similis, regnum suum repetiit, atque his Regibus & Principibus minùs piis & iustis visus est Deus illudere.

Pridie Non. Oct. mortuus est Carolus Caluus Imperator, hausto veneno quod ei porrexit Sedechias Iudzus medicus, Imperii sui anno 2. Regni ab obitu patris 38. sepultus Vercellis, vnde post annos 7. relatus Sandionysium. Vir fuit ambitiosior quàm fortior, & maioris fortunæ quàm prudentiæ. Huic successit in Imperium & Regnum Ludouicus Baltus, ab impeditâ linguâ sic dictus; quem Hincmarus suis litteris probè instituit; sed facilius fuit Hincmaro scribere, quàm Ludouico obtemperare.

Ioannes omni præsidio destitutus mortuo Carolo, pendere cogitur tributum Saracenis, ne Roma obsideretur, & maluit pecuniam, quàm Urbem perire. Tum nihilominus vexatus est à Lamberto Duce illo Spoletino nefario, qui Formosi Portuensis Episcopi aliorumque depositorum patrociniū suscepserat. Sic miser Pontifex domi forisque pressus confugere coactus est ad Francos, & semper patens Romanis Pontificibus asylum.

MVNDI CHRISTI

4931. 878.

Ioannes VI II. mittit Legatos Constantinopolin, quibus & præcipit inuisere Bulgariam, Scripserat & litteras ad Ignatium, ei inter-

interminatus excommunicationem & depositionem, nisi missos in Bulgariam à se Episcopos reuocaret intra 30. dies. Quod cum deprehendisset Photius, in Beneuolentiam Basilij redire studet, ductâ eius Genealogiâ à Regibus Armeniæ magno Teridate; atque ex initialibus litteris Basilij, Eudociæ uxoris, & 4. filiorum Constantini, Leonis, Alexandri, & Stephani, affixit nomen *Beclas* huic profapiæ fortunatissimum; in quo callidus veterator, & ingeniosus augur scitissimè luit; quæ omnia in Bibliothecâ Palatii per Theophanem Clericum deposuit. Post aliquod tempus hæc sunt indicata Basilio; & cum omnibus, in his chartis enarandis hæreret aqua, oblatus est viuis Photius, qui eas posset exsoluere. Quod cum præstitisset, statim ab Imperatore reuocatus est ab exilio, eique deinceps charissimus extitit. Ita plerumque à nebulonibus inter se conuenientibus, sagacissimis alioqui Principibus illoditur.

*Photius
insinuat se
in gratiam Ba-
silii.*

Inter hæc, magno vtriusque Ecclesiæ damno, moritur Ignatius X. Kal. Nou. quo die Græci festum diem recolunt S. Iacobi fratris Domini; & antequam Legati Ioannis accederent. Statim ergo sedem eius inuasit Photius, nec ulli eius amicorum pepercit, sepulchro etiam eius, sub speciem thesauri, violato, omnia dissimulante Basilio, ei iam deuinctissimo. Quem tamen Deus mox acerbissimè castigauit, filio primogenito Constantino extincto, & captis per Saracenos Syracusis. Ita Principes non tantum sua, sed & suorum peccata luunt.

*Moritur
S. Ignatius.*

Lambertus Comes Spoletanus, & Adelbertus Marchio Tusciæ Romam cum copiis subeunt, Ioannem cum Clericis sub arcâ custodiâ retinent, ac procures Romanos in verba Carolomani iurare cogunt, Cum vide-

*Et Constantinus
filius Ba-
silii.*

*Ioannes
VIII.
maltè ha-
bitus Ro-
ma fuit
in Gal.*

*Hic multa præ-
clara ge-
rit.*

ret ergo omnia turbatissima Romæ Ioannes, in Gallias fugere destinat. Peruenit Arelatem ante Ascensionem Domini, cum hac die hanc Missam celebrarit; actandem Trevis Concilium conuocat. Hic anathemate percellit Romanos grassatores, restituit Hincmarum nepotem cæcum, facta ei potestate Missam celebrandi, coronat Ludouicum Balbum Regem & Imperatorem, denique Bosonem Comitem adoptat in filium qui temporalia tractaret, dum ipse spiritualibus inuigilaret. Denique reperit in Galliis Ioannes aduersus omnes suas calamitates præsentissimum remedium.

*Anglia
Ecclesia
restituta.*

Aëlfrædus Anglorum Rex latitans in insula, Dei admonitu Citronem Danorum Regem iam ferè tota potitum Angliam profligauit, & Christianum fieri compulit mutato nomine in Æthelstanum. Ideo Aëlfrædus cognominatus est Magnus, & verus Anglicanæ libertatis restitutor, & Ecclesiæ, adscitis ex Gallia viris doctis; inter quos excelluit Ioannes Scotus, cognomento Eri-gena, in Galliam variè exercitus, & apud multos malè sentire creditus, vir tamen vndeque doctus.

MVNDI CHRISTI

4932.

879.

*Ludouici
Balbi
Imp. mors.*

Moritur Ludouicus Balbus Franciæ Rex, & Occidentis Imperator; relictis ex Ansgarde priori coniuge, Ludouico & Carolomanno; ex posteriori, Adelaide, Carolo postumo, qui Simplex cognominatus est. Quod cum rescisisset Ioannes, scribit ad Carolum Crassum, quem diligebat, filium Ludouici, fratris Caroli Calui, ut veniret in Italiam; quod postea venit armatus, sed nonnisi post biennium coronatus, cum interim Italia, & Romanus Ducatus excursionibus Saracenorum, coitionibus procerum, & Episcoporum factionibus miserè vexata esset atque lacerata.

*Carolus
Crassus
huic sub-
ditus.*

*Photius
Ioannem
decipit.*

Photius petiit à Ioanne VIII. ut approbaretur; quod

quod tandem multis artibus perfecit, ac euicit, dum Ioannes agit mollius, & homines potius circumspicit, quam attendit ad Deum: vnde quidam putant eum dictum fuisse Papissam, quia mollior, & effeminatior, Eunuchus Photio resistere non est ausus. Misit ergo Legationem Pontifex in Orientem cum litteris, quas Photius corripit, seduxitque Legatos, ac Pseudosynodum 383. Episcoporum conuocauit, quam VIII. Œcumenicam dixit, & sic à multis credita est; in ea omnia perturbatè, insidiosè, perfidè facta, utpote quod in eà posset omnia Photius, eique nequitia par, & superior, Theodorus Santabarenus, dignum sanè tali patellâ operculum

*Photius
Synodum
cogit.*

Hic porro Theodorus Magus, & in necromantiâ versatissimus, effecit artibus suis magicis, ut Basilii Imp. filium Constantinum de mortuo, quem ferebat in oculis, videret insidentem equo, atque saluaret. Cum autem Leo hunc magum odisset, insinuauit se hic in illius beneuolentiam, eique persuasit ut pugionem in venatione cum patre deferret, quasi ut eo conficeret feras, aut parentis saluti prouideret; mox eum insinulauit apud patrem, qui cum eum armatum pugione deprehendisset, nihil propius absuit quam ut eum exautoratum excoecaret; dedit tamen in custodiam miserum adolescentem miserior pater, qui illiusmodi pestes in suo aleret sinu, Deo atque hominibus abominandas.

*Theodorus
Santabarenus
magus.*

MVNDI CHRISTI

493.

890.

Basilii insignem hoc anno retulit victoriam de Saracenis, eorum expugnatâ classe oras Orientis infestante; quando Morauis concessum in Mysteriis uti linguâ Sclauicâ. Eorum autem erat Archiepiscopus Methodius, iis olim ab Hadriano Pontifice datus, qui tum Romam venit, ut se defenderet accusatus: sed eius vita resque gesta celeberrima Apologia fuit.

*Saraceni
victi.*

*S. Methodius
Episcopus
Morauis.*

*Marinus
Legatus
Ioannis.*

Admonitus Ioannes de iis quæ gesserat Photius in suâ Pseudosynodo, eam cum suo authore damnauit; missoque in Orientem Marino, viro forti, à quo omnia didicerat, quæ fecerant Legati sui rescidit. Quare hic multa Constantinopoli passus, seque & legatione dignum, & maioribus ac difficilioribus negotiis aptum ostendit.

CAPVT IX.

DECAS NONA.

Ab anno Christi 880. ad 890.

MVNDI CHRISTI

4934.

881.

*Athanasius ex-
communicatus.*

Athanasius Neapolitanus Episcopus, & fratri suo in Urbis regimine successor, foedus cum Saracenis iniit, reclamante Ioanne; ideo excommunicatus; neque veniam obtinuit, nisi cum Saracenis obruncatis, eorum sanguine crimen suum eluisset.

*Carolus
Erasmus
Imperator.*

Carolus Crassus hoc anno Romæ à Ioanne VII. Imperator coronatus est in Natalitiis Christi Domini, cum vi occupasset Italiam, ac Romam; itaque quod aliàs ex beneuolentiâ facere voluerat Ioannes, tum præstitit ex necessitate.

MVNDI CHRISTI

4935.

882.

*Ioanni
VIII.
succedit
Marinus.*

Ioannes VII. ærumnis confectus, ob præualentes Saracenos, & Principes Francos inter se disceptantes, quos conciliare non poterat, vt ferrent auxilium Ecclesiæ laboranti, dum cogitat iter Gallicum, moritur 8. Kal. Ianuar. cum sedisset annos decem. Huic succedit 5. Kal. eiusdem mensis Marinus, ille

ille Photio ppugnator ; contra quem Basilius Imperator insurrexit, ac deponere conatus est, multa aduersus illum mentitus, quæ ille benè viuendo, patiendoque confutauit.

Obiit & Ludouicus Germaniæ Rex 13 Kalend. Decembr. itemque celeberrimus ille Hincmarus Rhemensis Archiepiscopus cùm sedisset annos 37. In villa Sparnaci trans Matronam in syluestribus locis, quò Normannorum omnia depopulantium metu confugerat ; Rhemorum enim vrbs muris vallata non erat, eam tamen Dei manus, & sanctorum patrocinium texit ab illis grassatoribus illæsam. Cùm autem Carolus Imperator ex Italiâ properaret in Gallias, vt Normannis obsisteret, dum eos obsidet, quominus expugnaret grandine inusitata magnitudinis impeditus est ; quam secuta est suorum lues: iisdem autem malis afflicti Normanni cum Francis iniere fœdus, datâ Gislâ Lotharij Regis filiâ Godefrido, eorum Duci Christiano, quem ex sacro fonte Carolus ipse suscepit ; dataque ei Frisia, cùm multâ pecuniâ, quibus empta pax videtur esse potius quàm conciliata.

M. V N D I

4936.

C H R I S T I

883.

Marinus Pontifex Formosum Episcopum Portuensēolim Apostolatu Bulgarorum insignem, multisque obitis legationibus, quem Ioannes Octauus odiosum sibi (nescitur causa) deposuerat Episcopatu, & jurare compulerat, se quandiu viueret, laicâ communione contentum fore, postliminio suæ restituit Ecclesiæ ; neque vt sedis sic & odij antecessoris sui esse voluit successor.

Circa id tempus cùm Episcopus Aquileiensis schismaticus (ignoratur eius nomen) consensisset cum Photio vti negaret Spiritum sanctum à filio procedere ; tum in Symbolo Constantinopolitano à Rom. Ecclesia inserta fuit illa vox

P 5

FI.

*Lud. Ger-
mania
Rex mo-
ritur item
Hincma-
rus.*

*Pax cum
Norman-
nis iniur.*

*Marinus
Formosum
restituit
Sedi.*

*Inserctum
Roma
hec vox,
filioque, in
Symbolum
Constant.*

*Michael
Bardam
Cæsarem
cadi ules
eique su-
brogat,
Basilium.*

Michaël Imperator suspectum jam sibi Bardam Cæsarem, leuissimâ de causâ, per satellites interrimendum curat, & per Basilium cubi- culi sui Præfectum Kal. April. quem statim ipse creauit Imperatorem. Tum curante Photio, idem Michaël Synodum conuocat, in quâ anathema dictum Nicolao; mittit & ad Ludouicum Imperatorem Legatos cum magnis muneribus, ut eundem Nicolaum deturbet de sede, pollicitus eum proclamaturum in Orientem Imperatorem, cum ad hoc tempus Occidentales non haberentur pro Imperatoribus: quibus dum obsistit sapienter Basilus, & impium hominem, à suis sceleribus retrahere blandè nititur, deliberat ille monitorem de medio tollere; sed hic illum præuenit; itaque vino somnoque sepultus Michaël, in Palatio manibus amputatis, multis vulneribus confossus, execrandam cum vino & sanguine dæmonibus euomit animam; homo ex omnibus vitiis concretus, quæ in Principem, immo in priuatum cadere possunt.

*A quo
Michael
caditur.*

*Basilus
imperat,
& Ignatium
restituit.*

Basilus ergo statim proclamatus est solus Imperator, genere Macedo, ex humili prosapiâ, licet eum ex Arsacidis natum adulatores fabularentur. Is ubi se purgasset de nece Michaëlis, quasi se infcio factâ, Photium expulit sede, restituit Ignatium, rescripsitque ad Nicolaum, paratissimus componere controuersias per sceleratum Photium concitatas; quem & relegauit in monasterium, meliùs prouisurus Ecclesiæ & Imperio, si in eum grauiùs animaduertisset.

*Russi fidè
opians.*

Russi seu Roxolani, Scythici populi Septentrionem incolentes, totam supra Pontum Euxinum regionem deprædatis, iramque numinis experti, domum reduces per Legatos Constantinopolin missos petiere Sacerdotes, à quibus baptizarentur, eumque cognoscerent quem suorum criminum vindicem agnoscebant.

Obiit

Obiit hoc anno Nicolaus Papa Idib. Nouemb. cum sedisset annos 9 menses 6. dies 20. meritò alter Elias & Phinees dictus. Cui post mensem successit Hadrianus II consecratus 19. Kal. Jan. jam bis expetitus Pontifex, ipse semper tergiversatus, annos tum 75. natus, sed in viridi adhuc, crudâque senectute, & dignissimâ, hisce temporibus, Summo Pontificatu.

M V N D I C H R I S T I
4921. 858.

Hadrianus, licet insistere Nicolai vestigiis decreuisset, multa tamen præstitit postea quibus ostendit se non esse Nicolaitanum; quod ei fuerat obiectum, restitutis pluribus, quos reiecerat Nicolaus, Theuthardo scilicet Treuirensi, Zachariâ Anagnino, & Vvaldradâ pœnitentiam simulante, absolutis; propter quâ apud Occidentales Episcopos, viros pios, minùs bene audiit.

Hadrianus melior.

Nauis quæ ferebat Legatos Photij, naufragium passa est, omnes suffocati vectores, præter vnum monachulum; qui rebus pessimè gestis excommunicatus abscessit. Contra Legati Ignatij & Basilij commodè appulerunt, magnificè suscepti. Acta Pseudosynodi Photianæ flammis, cum indignatione, absumpta; idemque vt Constantinopoli fieret, curatum; magna spes vtri-que Ecclesiæ plenæ pacis affulsit.

Ecclesiæ pax speratur.

Lotharius Romam venire ab Hadriano permixsus, ab eodem Christi corpore resectus est, orante Pontifice vt id ipsi eiusque consortibus innocentibus bene cederet. At nocentes fuisse ostendit euentus: nam in itinere Lotharius periit, ægrè Placentiam perductus æger; reliqui communionis eiusdem participes intra annum miserè interierunt; tantaque strages Lothariani Comitatus facta est, vt non peste, sed hostili gladio demersus atque sublatus esse videretur,

Lotharius perit cum plerisque Comitibus.

MVNDI CHRISTI

4922.

819.

Legatio Hadriani peruenit Constantinopolin, & litteræ eiusdem Pontificis, quibus probabatur eiectio Photij, & restitutio Ignatij, atque OEcumenica Synodus postulabatur; recepta est magnificè 17. Kal. Octob. omnibus ordinibus ei obuiam effusis, & jam Catholicam spirantibus fidem.

Inchoata est ergo, omnibus jam antea paratis 30. Non. Oct. in Ecclesiâ S. Sophiæ.

OCTAVA SINODVS, IV. CONSTANTINOP.

*Contra Photium pro S. Ignatio Constanti-
nopolitano Patriarcha.*

OCTA-
VA SY-
NODVS

CVi præfuere Legati S. Sedis Donatus Ostiē-
sis Episcopus, Marinus S. R. E. Diaconus,
& Stephanus Nepetinus Episc. cum iis qui tene-
rent locum Patriarchalium sedium vacantium,
& Episcopis centum & duo, quorum 12. dun-
taxat ab Ignatio non descuerant, cæteri recepti
sunt, vt pax Ecclesiæ turbatæ redderetur. Ad-
fuere quoque legati Ludouici Imp. quorum vnus
fuit Anastasius S. R. E. Bibliothecarius, eò mis-
si vt agerent de fœdere per nuptias inter vtrum-
que Imperatorem conciliando. Adfuere item
& Legati Bulgarorum, qui nuper ad Ro. sedem
confugerant, & quorum erat excutienda cau-
sa. Hoc Concilium terminatum est X. sessio-
nibus; damnatus Photius, eius scripta com-
busta, reliqui reconciliati sunt. Controuersia
tamen, absolutâ Synodo, contigerunt duæ;
prima de laudibus Ludouici Imperatoris, se-
cunda de Diœcesi Bulgarorum, an Rom. sedi,
an Constantinopolitanæ esset adscribenda. Illa
reiecta ad Hadrianum, hæc magnâ conten-
tione agitata, artibus Græcorum Ignatio
adiudicata est, reclamantibus tamen Lega-
tis S. R. E. & illegitimum hoc esse iudicium,
& cum

& cum fraude pronunciatum, afferentibus. Quin & eorum Legatorum scripta sublata, mox tamen reddita; unde facti illi cautiores; Acta huius Concilij deferenda Legatis Ludouici commiserunt; non sine numinis prouidentia, cum Legati Rom. sedis mox incidissent in piratas Sclauinos, non sine Basilij culpâ; quamquam aliqui eius operâ liberatos velint: inter quæ tam incerta, hoc certissimum; Græcos in Latinum nomen malè affectos fuisse, omnia à Basilio & Græcis tristitia expectata fuisse.

*Græci in
Latinor.
malè affe-
cti.*

Carolus Caluus Lotharij defuncti Regnum occupat, & in Concilio Metensi hoc illi adiudicatur, adnitente Minemaro. Sed obstitit Hadrianus, voluitque id reddi Ludouico Lotharij fratri, hæredi legitimo. Sunt quoque huius anni ad Hadrianum Salomonis Regis Britannæ Minoris litteræ, petentis Pallium Episcopo Dolensi; de quo tanta est difficultas, quanta de Regis nomine Salomoni assignando.

*Carolus
Caluus, re-
gnum Lo-
tharij oc-
cupat.*

*Salomon
Rex Mi-
noris Bri-
tanniæ.*

MVNDI CHRISTI

4923.

870.

Bulgaris hoc anno datus est Episcopus Theophylactus (diuersus ab eo qui scripsit in Euangelia) à S. Ignatio, reiecto Grimoaldo à Ro. sede misso. Basilius autem sibi atque Ecclesiæ meritò timens à Photio, viro eloquente & callido, cum longius relegauit, amicos eius, fautoresque vexauit, Ecclesias ab eo consecratas prophanari, ac dirui iussit; quibus ipse factus Photius obstinatio, se martyrem, Basilium persecutorem dixit; & qui terræ motus in Vrbe contigerat, suâ causâ immissum esse à Deo vindice impiè vaticinatus est.

*Theophy-
lactus
Bulgar
Episcopus.*

Basilius Imp. filium suum Leonem natu minorem Augustum coronari iussit; tertium Ale-

*Familia
Basili
Imperat.*

Alexandrum Cæsarem creauit; quartum Stephanum diuinis officiis addixit, sicut & quatuor virgines filias, quæ Deo consecratæ in monasterio, illustriores coram Deo, quàm coram hominibus extitere.

Imago B. Virg. Incarnata in Syria.

Tum quoque Hierosolymis Damascum translata Imago B. Virginis olim Constantinopoli depicta super ligno, postea incarnata oleum mirabile effundit, quo morbi Christianorum, Iudæorum, & Saracenorum curantur. Ideo magni in Palestinâ nominis, immo etiam à Christianorum inimicis in pretio est, ac diligenter asseruatur.

Turba in Francia.

Turbatæ quoque Galliæ à Hadriano instante etiam minis, vt Lotharij regnum restitueretur Ludouico Imperatori, renitente & stante pro Carolo Hincmáro; cuius responsio amarior, nec ab eo scribi, nec ad Pontificem mitti debuit. Itaque remissi Legati Pontificij re infectâ; qui tamen Carolo filium Carolomannum, quem, habebat in vinculis, reconciliarunt. Hunc tamen postea iterum rebellantem, & vastantem ditionem patris, luminibus orbauit Carolus, & suo sanguini regnum suum sapienter antetulit.

CAPVT VIII.

DE CASOCTAUA.

Ab anno Christi 880. ad 890.

MVNDI CHRISTI

4924

871.

Photius turbat.

Photius durius habitus in exilio, per Bahanem Patricium amicum suum famem & librorum penuriam à se depellit. Inde scribit ad diuersos pro se exules; quo
in

in partibus suis retinet, & quibus postmodum malè vsus ad turbendam Ecclesiam.

Controuersia hoc anno orta inter Basilium & Ludouicum de nomine Basilij seu Imperatoris. Coronatus est cum Ludouicus Franciæ Rex ab Hadriano, cum Barium quadriennio obsessam de Saracenis recepisset. Inuitauit hic Basilium vt cum eo suas coniungeret vires ad Saracenos expellendos ex Sicilia; sed plus odia, quàm vtriusque commoda potuerunt.

Celebratum est hoc anno Duziacense Concilium, in quo Hincmarus Episcopus Laudunensis Nepos depositus est à Patruo Hincmaro, tractataque causa Carolomanni ad S. Sedem prouocantis; vnde graues rixæ inter Pontificem, Hincmarum, & Regem Carolum Caluum exortæ sunt, non ipsis eorumque subditis, multò minùs Ecclesiæ profuturæ.

M V N D I C H R I S T I.

4925.

872.

Ludouicus Imperator Beneuenti capitur in suo Palatio perfidiosè per Adelgisum Ducem Beneuntanum & Scodam ducem Saracenorum; & iurare cogitur quidquid proditores volueret; ab iisque captus, quos perfidos facere voluerat, suis ipse artibus interceptus.

Conuentus habitus est in villâ Gandulphi, vbi Carolus Caluus, & Ludouicus Rex Germaniæ reconciliati, dum sibi inuicem aliquid cedunt; quæ minùs pax fuit quàm nundinatio.

Obiit hoc anno Hadrianus Kal. Nou. cum sedisset annos 4. menses X. dies 17. cuius in locum electus est 19. Kal. Ianuarij Ioannes VIII. qui Pontificatum multis exercitum curis gessit, sed molliùs quàm tanta dignitas postulabat.

M V N D I C H R I S T I.

4926.

873.

Concilium habitum est Romæ in causâ Ludouici
Tom II, Pars II.

*Basilij
& Ludouici odia.*

Concilium Duziacense.

Ludouicus captus.

*Carolus
& Ludouicus
reconciliantur.
Hadriano
II. succedit
Ioannes
VIII.*

*Concilium
Romæ de iudicio*

natalitiis ; sed interim Ludouicus Germaniæ Rex Gallias deuastauit ; quare Hincmarus ad molliendum Deum omnes huius regni Episcopos inuitauit , quorum precibus annuit Deus , statim Ludouico in Germaniam reuerso . Quando etiam Eugilberta Augusta , mortuo marito , in monasterio Brixie Christo nobilius nupsit ; à quo temporalis loco cœlestem coronam promerita , regnum accepit numquam terminandum

Eugilberta Augusta

MVNDI CHRISTI

4919.

876.

Ticini Carolo Caluo Imperium confirmatum est . Concilium quoque Pontigonense in Galliâ celebratum , à Pogne , inter Catalaunum & Vitriacum , plusturbauit præsentem , quàm absentibus attulit auxiliij .

Concilium Pontigonense.

Ludouicus Germaniæ Rex 5. Kal. Sept. obiit Francofurti ; Cuius regnum magno exercitu Carolus Caluus decreuit inuadere . Ludouicus regni hæres suis copiis diffidens confugit ad preces & eleemosynas . Probauit etiam miraculis ferri candentis , & aquæ frigidæ , iustitiam è se stare , decem illæsis qui sic probati sunt . Tandem ventum ad manus ; superior copiis Carolus victus ægrè effugit ; vxor eius Rachedis fugiens , abortum est passa , certè infantem edidit haud diu superstitem ; denique Deus ostendit grandes exercitus nihil prodesse , paruos nihil obesse , quoties in prælij partem , & victoriarum venit .

Ludouicus hæres Lud. German. Regis vinctus Carolum Caluum.

MVNDI CHRISTI

4930.

877.

Ioannes Pontifex Italiæ populos excitat ad propulsandos Saracenos , & inita ab his fœdera cum Beneuentanis , Neapolitanis , & aliis , abrumpere nititur , sibi jam de Româ metuens , cui grassatores isti Arabes imminabant . Inuitat insuper Carolum in Italiam , vt opem ferret Vrbi Romanæ , & verò Ca-

Ioannes omnes excitat Italos aduersus Saracenos

*Carolus
et Ludovicum
Deus vi-
det.*

*Moritur
Carolus
Calvus.*

*Succedit
ei Ludo-
vicus.*

*Ioannis
Papae an-
gustia.*

rolus cum copiis Alpes transcendit, huicque obuiam Ioannes venit ad Vercellas, ambo Ticini magnificè sunt excepti. Sed cum accepissent Carolomannum filium Ludouici Germaniæ Regis venire cum ingentibus copiis, dilapsus est exercitus Caroli, hic fugit in Gallias, Ioannes Romam. Panicus quoque timor mox Germanos inuasit, cum falsò nunciatum esset adesse cum ingentibus copiis Carolum simul & Ioannem: itaque Carolomannus fugienti similis, regnum suum repetiit, atque his Regibus & Principibus minùs piis & iustis visus est Deus illudere.

Pridie Non. Oct. mortuus est Carolus Caluus Imperator, hausto veneno quod ei porrexit Sedechias Iudæus medicus, Imperii sui anno 2. Regni ab obitu patris 38. sepultus Vercellis, vnde post annos 7. relatus Sandionysium. Vir fuit ambitiosior quàm fortior, & maioris fortunæ quàm prudentiæ. Huic successit in Imperium & Regnum Ludovicus Balbus, ab impeditâ linguâ sic dictus; quem Hincmarus suis litteris probè instituit; sed facilius fuit Hincmaro scribere, quàm Ludouico obtemperare.

Ioannes omni præsidio destitutus mortuo Carolo, pendere cogitur tributum Saracenis, ne Roma obsideretur, & maluit pecuniam, quàm Urbem perire. Tum nihilominus vexatus est à Lamberto Duce illo Spoletino nefario, qui Formosi Portuensis Episcopi aliorumque depositorum patrocinium susceperat. Sic miser Pontifex domi forisque pressus confugere coactus est ad Francos, & semper patens Romanis Pontificibus asylum.

MVNDI CHRISTI

4931.

878.

Ioannes VIII. mittit Legatos Constantinopolin, quibus & præcipit inuisere Bulgariam, Scripserat & litteras ad Ignatium, ei inter-

interminatus excommunicationem & depositionem ; nisi missos in Bulgariam à se Episcopos reuocaret intra 30. dies . Quod cum deprehendisset Photius , in Beneuolentiam Basilij redire studet , ductâ eius Genealogiâ à Regibus Armeniæ magno Teridate ; atque ex initialibus litteris Basilij , Eudociæ vxoris , & 4. filiorum Constantini , Leonis , Alexandri , & Stephani , affinxit nomen *Beclas* huic prosapiæ fortunatissimum ; in quo callidus veterator , & ingeniosus augur scitissimè lusit ; quæ omnia in Bibliothecâ Palatij per Theophanem Clericum deposuit . Post aliquod tempus hæc sunt indicata Basilio ; & cum omnibus , in his chartis enarrandis hæreret aqua , oblatus est vnus Photius , qui eas posset exsoluere . Quod cum præstitisset , statim ab Imperatore reuocatus est ab exilio , eique deinceps charissimus extitit . Ita plerumque à nebulonibus inter se conuenientibus , sagacissimis alioqui Principibus illoditur .

*Photius
insinuat se
in gra-
riam Ba-
silii .*

Inter hæc , magno vtriusque Ecclesiæ damno , moritur Ignatius X. Kal. Nou. quo die Græci festum diem recolunt S. Iacobi fratris Domini ; & antequam Legati Ioannis accederent . Statim ergo sedem eius inuasit Photius , nec vlli eius amicorum pepercit , sepulchro etiam eius , sub speciem thesauri , violato , omnia dissimulante Basilio , ei iam deuinctissimo . Quem tamen Deus mox acerbissimè castigauit , filio primogenito Constantino extincto , & captis per Saracenos Syracusis . Ita Principes non tantum sua , sed & suorum peccata luunt .

*Moritur
S. Ignatius .*

Lambertus Comes Spoletanus , & Adelbertus Marchio Tusciæ Romam cum copiis subeunt , Ioannem cum Clericis sub arctâ custodia retinent , ac procures Romanos in verba Carolomani iurare cogunt . Cum vide-

*Et Con-
stantinus
filius Ba-
silii .*

*Ioannes
VIII.
male ha-
bitus Ro-
ma fugit
in Gal.*

*Hic multa præ-
clare ge-
vit.*

ret ergo omnia turbatissima Romæ Ioannes , in Gallias fugere destinar. Peruenit Arelatem ante Ascensionem Domini , cum hac die hinc Missam celebrarit ; actandem Trevis Concilium conuo- cat. Hic anathemate percellit Romanos grassatores , restituit Hinemarum nepotem cæcæ , factâ ei potestate Missam celebrandi , coronat Ludouicum Balbum Regem & Imperatorem , denique Bosonem Comitem adoptat in filium qui temporalia tractaret , dum ipse spiritualibus inuigilaret. Denique reperit in Galliis Ioannes aduersus omnes suas calamitates præsentissimum remedium .

*Anglia
Ecclesia
restituta.*

Aëlfrædus Anglorum Rex latitans in insulâ , Dei admonitu Gitronem Danorum Regem iam ferè totâ potitum Angliâ profligauit , & Christianum fieri compulit mutato nomine in Æthelstanum. Ideo Aëlfrædus cognominatus est Magnus , & verus Anglicanæ libertatis restitutor , & Ecclesiæ , adscitis ex Galliâ viris doctis ; inter quos excelluit Ioannes Scotus , cognomento Eri- gena , in Galliâ variè exercitus , & apud multos malè sentire creditus , vir tamen vnde quaque doctus .

MVNDI CHRISTI

4932.

879.

*Ludouici
Balbi
Imp. mors.*

Moritur Ludouicus Balbus Franciæ Rex , & Occidentis Imperator ; relictis ex Ansgarde priori coniuge , Ludouico & Carolomanno ; ex posteriori , Adelaide , Carolo postumo , qui Simplex cognominatus est . Quod cum rescisisset Ioannes , scribit ad Carolum Crassum , quem diligebat , filium Ludouici , fratris Caroli Calui , vt veniret in Italiam ; quò postea venit armatus , sed nonnisi post biennium coronatus , cum interim Italia , & Romanus Ducatus excursionibus Saracenorum , coitionibus procerum , & Episcoporum factionibus miserè vexata esset atque lacerata .

*Carolus
Crassus
huic sub-
ditus.*

*Photius
Ioannem
decipit .*

Photius petiit à Ioanne VIII. vt approbaretur ; quod

quod tandem multis artibus perfecit, ac euicit, dum Ioannes agit mollius, & homines potius circumspicit, quam attendit ad Deum: unde quidam putant eum dictum fuisse Papissam, quia mollior, & effeminator, Eunuchus Photio resistere non est ausus. Misit ergo Legationem Pontifex in Orientem cum litteris, quas Photius corripit, seduxitque Legatos, ac Pseudosynodum 383. Episcoporum conuocauit, quam VIII. OEcumenicam dixit, & sic à multis credita est; in ea omnia perturbatè, insidiosè, perfidè facta, utpote quod in eà posset omnia Photius, eique nequitia par, & superior, Theodorus Santabarenus, dignum sanè tali patellâ & perculum

*Photius
Synodum
cogit.*

Hic porro Theodorus Magus, & in necromantia versatissimus, effecit artibus suis magicis, ut Basilii Imp. filium Constantinum demortuum, quem ferebat in oculis, videret insidentem equo, atque saluaret. Cum autem Leo hunc magum odisset, insinuauit se hic in illius beneuolentiam, eique persuasit ut pugionem in venatione cum patre deferret, quasi ut eo conficeret feras, aut parentis saluti prouideret; mox eum insinulauit apud patrem, qui cum eum armatum pugione deprehendisset, nihil propius absuit quam ut eum exautoratum excecaret; dedit tamen in custodiam miserum adolescentem miserior pater, qui illiusmodi pestes in suo aleret sinu, Deo atque hominibus abominandas.

*Theodorus
Santabarenus
magus.*

MUNDI CHRISTI

1493.

830.

Basilii insignem hoc anno retulit victoriam de Saracenis, eorum expugnatâ classe oras Orientis infestante; quando Morauis concessum in Mysteriis uti linguâ Sclauicâ. Eorum autem erat Archiepiscopus Methodius, iis olim ab Hadriano Pontifice datus, qui tum Romam venit, ut se defenderet accusatus: sed eius vita resque gestæ celeberrima Apologia fuit.

*Saraceni
victi.*

*S. Methodius
Episcopus
Morauum.*

*Marinus
Legatus
Ioannis.*

Admonitus Ioannes de iis quæ gesserat Photius in suâ Pseudosynodo, eam cum suo authore damnauit; missoque in Orientem Marino, viro forti, à quo omnia didicerat, quæ fecerant Legati sui rescidit. Quare hic multa Constantinopoli passus, seque & legatione dignum, & maioribus ac difficilioribus negotiis aptum ostendit.

CAPVT IX.

DECAS NONA.

Ab anno Christi 880. ad 890.

MVNDI CHRISTI

4934. 881.

*Athanasius
ex
communio-
natus.*

Athanasius Neapolitanus Episcopus, & fratri suo in Urbis regimine successor, fœdus cum Saracenis iniit, reclamante Ioanne; ideo excommunicatus; neque veniam obtinuit, nisi cùm Saracenis obruncatis, eorum sanguine crimen suum eluisset.

*Carolus
Crassus
Impera-
tor.*

Carolus Crassus hoc anno Romæ à Ioanne VIII. Imperator coronatus est in Natalitiis Christi Domini, cùm vi occupasset Italiam, ac Romam; itaque quod aliàs ex beneuolentiâ facere voluerat Ioannes, tum præstitit ex necessitate.

MVNDI CHRISTI

4935. 882.

*Ioanni
VIII.
succedit
Marinus.*

Ioannes VII I. ærumnis confectus, ob prævalentes Saracenos, & Principes Francos inter se disceptantes, quos conciliare non poterat, vt ferrent auxilium Ecclesiæ laboranti, dum cogitat iter Gallicum, moritur 8. Kal. Ianuar. cùm sedisset annos decem. Huic succedit 5. Kal. eiusdem mensis Marinus, ille

ille Photio ppugnator ; contra quem Basilius Imperator insurrexit, ac deponere conatus est, multa aduersus illum mentitus, quæ ille benè viuendo, patiendoque confutauit.

Obiit & Ludouicus Germaniæ Rex 13 Kalend. Decembr. itemque celeberrimus ille Hincmarus Rhemensis Archiepiscopus cùm sedisset annos 37. In villa Sparnaci trans Matronamin syluestribus locis, quò Normannorum omnia depopulantium metu confugerat ; Rhemorum enim vrbs muris vallata non erat, eam tamen Dei manus, & sanctorum patrocinium texit ab illis grassatoribus illæsam. Cùm autem Carolus Imperator ex Italiâ properaret in Gallias, vt Normannis obsisteret, dum eos obsidet, quominus expugnaret grandine inusitatæ magnitudinis impeditus est ; quam secuta est suorum lues: iisdem autem malis afflicti Normanni cum Francis iniere fœdus, datâ Gislâ Lotharij Regis filiâ Godefrido, eorum Duci Christiano, quem ex sacro fonte Carolus ipse suscepit ; dataque ei Frisia, cùm multâ pecuniâ, quibus empta pax videtur esse potius quàm conciliata.

*Lud. Ger-
mania
Rex mo.
Hincmar-
us.*

*Pax cum
Norman-
nis iniur.*

M V N D I

C H R I S T I

4936.

883.

Marinus Pontifex Formosum Episcopum Portuensensem olim Apostolatu Bulgarorum insignem, multisque obitis legationibus, quem Ioannes Octauus odiosum sibi (nescitur causa) deposuerat Episcopatu, & jurare compulerat, se quandiu viueret, laicâ communionem contentum fore, postliminio suæ restituit Ecclesiæ ; neque vt sedis & odij antecessoris sui esse voluit successor.

*Marinus
Formosus
restituit
Sedi.*

Circa id tempus cùm Episcopus Aquileiensis schismaticus (ignoratur eius nomen) consensisset cum Photio vti negaret Spiritum sanctum à filio procedere ; tum in Symbolo Constanti-nopolitano à Rom. Ecclesia inserta fuit illa vox

*Insertum
Romæ
hæc vox,
filioque, in
Symbolum
Constant.*

FILIO QVE; quod jam pridem fecerant Ecclesiæ Gallicanæ, & Hispanienses, præstare Romani Pontifices noluerunt, nec quid innouasse viderentur. Sed cum jam negaretur quod omnes admittere Catholici deberent, tum canis publicè cæptum, quod antea, suppressum licet, sapienter ab omnibus credebatur.

*Io. Scotus
raditur.*

Ioannes Scotus, vir ille magnus, docens in Monasterio Anglicano, à pueris quos erudiebat, graphiis compunctus interiit, & martyr habitus, quanquam quæ sola martyrem facit, causa nesciretur.

MVNDI

CHRISTI

4937.

884.

*Marino
succedit
Hadr. III*

Marinus cum sedisset annum vnum, dies 20. 15. Kalend. Februar. fato functus est. Cui successit post duos dies Hadrianus III. qui Photium quoque execratus est, licet ut reciperetur ad communionem Basilii Imperat. instaret: quare rabie percitus schismaticus, in eum effudit quæ ab homine erudito, sed amente, scribi potuerunt.

*Cassinam
incensum.*

Cassinense Monasterium hoc anno incensum est à Saracenis, S Bertharius Abbas ad altare trucidatus, sola restitit Ecclesia Saluatoris, miraculi testis, & index loci sanctissimi.

MVNDI

CHRISTI

4938.

885.

*Hadr. Ter
tio suffo-
citur Ste-
phanus IV*

7. Idus Maij, sedis suæ anno primo, cum mensibus 3. diebus 19. obiit Hadrianus Tertius, cui successus est inuitissimus Stephanus Sextus cuius mox aqua benedicta depulsæ locustæ agrum Rom. depascentes, procurata pluvia, quæ jamdju fluere desierat. Statim autem electus paternæ bona in pauperes effudit, ipse inops, cum Patriarchium Lateranense, iam more inuito, direptum esset, mortuo antecessore suo. Sic auspiciatus Pontificatum, non potuit non rectissime administrare.

Mor-

Mortuus est & hoc anno Carolomannus Rex, cui successit filius Ludouicus Ignauus dictus *le Faineant*, siue quòd parum strenuè regnum administrasset, siue quòd Sanctimonialem ex Monasterio Calensi sibi rapuisset vxorem; opus Principis magis libidinosi quàm fortis. Relictus autem puerulus Carolus, cognomento Simplex, filius Ludouici, susceptus est à Fulcone Archiepiscopo Rhemenſi, à quo commendatus est Carolo Crasso Imperatori, qui in eum animo plusquàm paterno fuit.

*Carolo-
mannus ing-
ritus.*

*Carolus
Simplex.*

M V N D I C H R I S T I.

4939.

886.

Hoc anno Basilius Imperator Leonem filium suum, jam septennio Theodori Santabareni malitiâ carceri mancipatum, libertati atque Imperio restituit; cùm in conuiuio assidentibus proceribus Psittacus aus hæc verba iterasset *Heu! heu! domine Leo*; quibus permoti conuiuiz, tristes abstinebant cibo. Cùmque eorum vnus miserum Principem defendisset, permotus quoque pater eum solui iussit, immo & reliquit hæredem, cùm mox ex diarrhæâ obiisset, vbi imperasset anno vno cum Michaële, solus vnde viginti, magnus sine dubio bello paceque Imperator, nisi à Photio in transuersum actus esset, tantùm sibi Principes ab hominibus ingenio & nequitia magnis sibi cauere debent.

*Leo solus
sur vinctus
liber, & suc-
cedit mor-
tuo Basi-
lio.*

Sub hoc Imperatore, sed ignoratur tempus, Scythæ, dicti Chrouatæ & Seruij, sed huic dederunt, quibus & agros incolendos dedit, vnde Croatiæ & Seruiæ regionibus nomen. Sub eius quoque auspiciis Andreas Dux Saracenos Tarſi regnantes egregiè repressit, cùm eorum Princeps litteras blasphemiarum plenâs ad eum in Christum eiusque matrem dedisset; has enim ille ad imaginem Beatæ Virginis appendit, inuitans ad vindictam, & progressus in hostes, eos sic contudit, vt hi non humanâ, sed di-

*Victoria
de Bar-
baris.*

uinâ manu sese victos faterentur.

Leo Pho-
tium ex-
pellit
multas
Theodo-
rum.

Successit ergo ei, quem aureo libello par-
netico erudierat pater, Leo cognomento Philo-
sopus seu Sapiens, qui mox Photium ineuntem
consilium cum Santabareno de cognato suo in-
solitum euehendo deposuit, atque in Monasterium
Armenorum relegauit, substituto ei Stephano
filio Basilij, à patre Ecclesiæ consecrato. Theo-
dorum autem Santabarenum verberibus egregiè
cæsum, atque excæcatum, Athenas relegauit,
hominem Manichæum, Magum, impostorem,
ideò habitum à Basilio vt sanctum, sed à Leo-
ne, nisi hic mitior fuisset, viuum flammis exu-
rendum.

Phoij

Cùm autem Stephanus à Photio Diaconus
creatus esset, dispensatum est cum eo à Stepha-
no Pontifice; qui insuper iussit vt iudicio in
Photium ageretur. Sed quid factum sit, silen-
tio obrutum jacuit; sicut & quando idem vete-
rator obierit, schismaticis contra eum facta
sollicitè abolentibus. De quo id pronounciari
potest, eo à suis amatum fuisse magis nemi-
nem, eo neminem hoc affectu fuisse indignio-
rem.

MVNDI CHRISTI

4940.

887.

Grassio-
nes Nor-
man. in
Anglia,
et Fran-
cia.

Hoc anno Anglia & Francia à Danis seu
Normannis desolata sunt. Anglia, ab Hastin-
go, qui fide suscipiens Baptisma, eo usus est
vt maioribus damnis Anglos afficeret. Lutetia
quoque ab iisdem obsessa, sed precibus B. Vir-
ginis, cui Ecclesia consecrata est, & B. Ger-
mani, liberata est; quam oppugnationem ceci-
dit Abbo versibus tam parum gratis, quàm fuit
ciuibus ingrata obsidio.

MVNDI CHRISTI

4941.

888.

Carolus
Crassus Im-
per. cala-
mitas.

Hoc anno mortuus est pridie Id. Ianuar. Ca-
rolus Crassus Imperator, cùm prius ex leuibus
suspicionibus Richardum Augustam iniuste
repu-

repudiasset. Sed idem ipse in Conuentu Tribu-
riensi à suis repudiatus est, traditâ eius ditione
Arnulpho filio Caro lomanni; adeo deiectus, vt
à Luitperto Episcopo fuerit nutriendus; donec ei
Arnulphus nescio quid aspergeret, vnde miserè
visitaret: exemplo Principibus metuendo, vn-
de, & quò cadere possint.

Tum inter multos Principes Imperium di-
stratum est. In Italiâ Berengarius Dux Foroju-
liensis Rex electus est. Guido seu Vvido Lam-
berti Ducis Spoletani filius Imperatoris nomen
assumpsit; in Franciâ Odo Comes Parisinus,
spretâ Caroli Simplicis hæredis legitimitate,
Regem egit: Rodolphus item, Conradi filius,
Rex voluit appellari; Episcopis & Abbatibus
euntibus in partes, & ad prælia progredienti-
bus, in quibus accipiebant vulnera, magno Ec-
clesiæ probro, maiori reponebant.

Hæc autem multis ostentis sunt prænuntiata:
Aurelij imago Crucifixi diebus aliquot vbertim
flevit in Monasterio Monialium S. Petri. Lupus
subiens Ecclesiam pulsauit campanas, & alia
eiusdemmodi, quibus miseri mortales præuidē-
re iracundiam Numinis, eam auertere negle-
xerunt.

Obiit denique hoc anno Stephanus Patriar-
cha Constantinopolitanus, 16. Kalend. Iun. pro-
pter singularem innocentiam inter sanctos rela-
tus, & ab ipsis vnguiculis & fasciis sanctimo-
niâ illustris.

MVNDI

CHRISTI

4943. 3283. 1113. 889.

Græci Antistites, atque Leo, petiere à Ste-
phano IV. vt dispensaretur cum iis quos Pho-
tius seduxisset; & videbatur æqua postulatio;
cùm ad multos, eosque simplices, labes ista
pertineret.

Germania miserè deuastata est per Hunnos ab
Arnulpho immissos; Gallia quoque, & Italia
deprædationibus Principum deuastatæ. Vrbs
quo-

*Imperium
perturbatum.*

Portenta.

*Stephani
Constantino-
politanus.*

*Steph. I.
Græcis
indulget.*

*Germania
& Gallia
vastatæ.*

quoque Aurelianensis cum Ecclesiâ tota flammis
absumpta est. Cùm autem Basilicâ suâ ædifi-
cationem Arnulphus Episcopus suscepisset, in
eius fundamentis per latomos thesaurus inuen-
tus, ad eam splendidius construendam satis
fuit.

MVNDI CHRISTI

4943.

890.

*Stephanus
VI. Papa
moritur.*

*V. Eboria
Alani de
No man-
nis.*

Mortuus est hoc anno Stephanus VI. anno se-
dis suæ item sexto, cuius vita est apud Anasta-
sium Bibliothecarium mutilata. Sub eo Alanus
Dux Britannia cum proceribus edito voto S. Pe-
tro de Decimâ bonorum suorum, tam feliciter
aduersus Normannos pugnavit, ut ex quindecim
hostium millibus, vix quadringenti super-
fuerint; testes sancti Apostoli pro deuinctis sibi
depugnantis.

*Antonius
succedit
Nicolaus
mysticus.*

Obiit etiam eodem anno Antonius Episcopus
successor Stephani, cui ut in sede, sic in san-
cti moniâ successerat etiam miraculis clarus.
Huic successit Nicolaus, cognomento *Mysticus*,
quod erat dignitatis primæ nomen post Chartu-
larium, cuius erat insigne Tyara, & prætexta
vittata loris; quod obseruandum fuit, ne quid
hæc mysterij suspiceris.

CAPVT X.

DECAS VLTIMA.

Ab anno Christi 890. ad 900.

MVNDI CHRISTI

4944.

891.

*Stephano
succedit
Formosus.*

Stephano VI. subrogatus est Formosus, vir
doctus & integer, ex Episcopo Portuensi
Pontifex creatus, cui tamen oppositus est à quâ-
dam populi parte Sergius Diaconus, cuius ta-
men

men factio statim concidit, ne sedes Romana à Tyrannis vexata, domesticis etiam tumultibus exagitaretur.

Sic autem Formosus Photianos recepit, ut dispensaret cum laicis; Episcopos autem, & Presbyteros ab eo ordinatos tantum recepit in communionem, qui libellis oblatis se errasse faterentur, & pœnitentiam obirent; ne facilitate Pontificum homines superbi & audaces abuterentur.

*Photianus
quemodo
recepit.*

MVNDI

CHRISTI

4945

892.

Formosus hoc anno Guidonem Imperatorem coronavit; quo facto in se concitavit Arnulphum & Berengarium, qui eandem dignitatem prensabant; immo & plerosque civium Romanorum, hist. multibus distractos; quod erat hisce miseris temporibus expectandum.

*Guido co-
ronatus
Imperator*

Tum quoque Carolus Simplex filius Ludouici Balbi annorum 14. adolescens in Conuentu Rhemenſi ab Episcopis & Proceribus regni agnitus est ſceptri Franciæ hæres legitimus, & à Fulcone Archiepiscopo ſolemniter inunctus, depulſo Odone Comite Pariſienſi, qui ſe Regem dixerat. Et Arnulphus primùm Carolo ſauit, mox tamen eum deſeruit ut Eudoni jungeretur; æquitas tandem & tempus litem Carolo adiudicarunt.

*Carolus
Simplex
Rex inſu-
ſtus.*

MVNDI

CHRISTI

4945.

893.

Simeon Bulgarorum Rex & Leo Imperator inter ſe bello commiſſi ſunt; quando Leo in illum Hunnos & Turcas concitauit. Quare ex hoc tempore Bulgari reiecere Græcos Episcopos, Romanæ ſedi adhæſerunt; ita temporale bellum, ſpirituale ſuſtulit, reddiditque Eccleſiæ Romanæ populum, quem ſchiſma Photianum ſuſtulerat,

*Simeon
ex Leo
Eſſet.*

Formosus Concilium conuoſcauit ex omnibus quos potuit Episcopis, quo malis Eccleſiæ per

*Labeſtus
uſſus Im-
perator.*

per Tyrannos vexatæ prouideret. Tum etiam Lambertum Guidonis filium vnxit Imperatorem, vt sic aliis ambientibus tolleretur Imperij cupiditatem.

MVNDI CHRISTI

4947.

894.

*Anglica
Eccel. con-
sulit For-
mosus.*

Formosus pro Carolo Simplice defendendo laborauit, quem plerique infestabant. Prouidit & Ecclesiæ Anglicanæ, quæ destituta, ob incursiones Danorum, Episcopis, pæne ad Gentilitatem reciderat: quamobrem litteras ad Eduardum Regem dedit, minaces quidem, sed hoc tempore salutares.

MVNDI CHRISTI

4948

895.

*Triburien-
sis Synod.*

Hoc anno celebrata est Synodus Triburienfis vt Ecclesiastica disciplina emendaretur; de quâ caue ne te implices erroribus quos hâc Goldastus confinxit; propter quos meritò, & egregiè, à Gretsero vapulauit, dum Baronium aggredi temerè voluit.

MVNDI CHRISTI

4949.

896.

*Arnulphus
fr Imp.*

Arnulphus Germaniæ Rex inuitatus à Formoso vt iniurias sibi illatas vlcisceretur, Roman capit, Pontificem vlciscitur. Ab eo itaque coronatus est Imperator; itaque tres Augustos hic annus Occidens vidit, legitimos tamen Guidonem & Lambertum, Arnulphum intrusum, quamquam volente Pontifice, cuius primæ curæ erant secundis sapientiores.

*Moritur
Formosus.*

Eodem anno obiit Formosus 19. Kal. Ianuarij, cum annis sex circiter Pontificatum tenuisset, variis exercitum calamitatibus, quæ nec ipsâ eius morte terminatæ sunt.

MVNDI CHRISTI

4950.

897.

*Bonifacius
eius inuira
ditur.*

Bonifacius hoc anno inuasit Romanam sedem, ac tenuit diebus quindecim; damnatus postea in Synodo Romanâ sub Ioanne IX. ho-

mo

mo sceleratus, bis depositus, & Diaconus atque Presbyter exauthoratus. Hunc depulit Stephanus VII. dictus Sextus, intrusus quidem, sed postea accedente consensu Cleri toleratus; ne schismate Ecclesia scinderetur. Hic Formosi cadaver extraxit à sepulchro, sacrisque indutum vestibus in sede Romanâ collocavit; unde cum exutum vestimentis sacris, & tribus digitis mutilatum in Tiberim proiici iussit, omnibus iis iterum ordinatis, quos ipse ad Ecclesiæ sacros gradus promouerat. Id autem præstitit in Synodo suorum Episcoporum: quæ postea sub Ioanne IX. improbata est, eiusque acta igni tradita. Cadaver autem Formosi à piscatoribus inuentum, relatumque in Basilicam S. Petri, Sanctorum imagines mirabiliter salutarunt; quod Dei testimonium, sceleratorum factis debet præualere.

Hunc depulit Stephan. VI.

Formosi corpus in Tiberim proicitur.

Roma occupata per Adalbertum.

Hoc porro tempore Adalbertus Marchio Turingiæ, cognomento diues, Romam occupat, & Stephanum introduxerat: ille ergo cum suis successoribus positus Hadriani mole, in bonos omnes sævit, & vehementer afflixit Ecclesiam: Quod ut detestaretur Deus, Basilicam Lateranensem disiecit, relicto tantum eius sacrario, ubi sedes Pontificis erat, ut eo facto spes aliqua secuturis Pontificibus relinqueretur.

MUNDI CHRISTI

4951. 898.

Carolus suis diffidens viribus, in auxilium vocare statuit Normannos, quorum armis suffultus Odoni par esset: sed obstitit Fulco Rhemensis Archiepiscopus, asserens hanc cum infidelibus societatem Christianis nocituram. Acquieuit Carolus sancti Præfulis monitis; statimque obsequij sui præmium retulit, Odone è viuis exempto, 30. Non. Ian. eo enim extincto, proceres omnes cum agnouere Regem, habuitque sibi Francos omnes obsequentes, qui Ecclesiæ reata suadenti prudenter acquieuerat.

Carolus Fulconem audit.

Arnul-

MVNDI CHRISTI

4952.

899.

*Arnulphus
& Guido
sublati*

Arnulphus primùm Germaniæ Rex, deinde à Formoso creatus Imperator, primò deliquium passus ex soporiferâ potione, quam ei Guidonis vxor miscuit, inde decedit in pedicularem morbum, ex quo interiit vir diuini humanique juris perturbator, vt plurimum posset; atque ex suis commodis omnia, etiam Ecclesiam, dimetiens. Neque ita multò post interiit Guido, seu Vvido Imperator, eum proximè secutus morte, cui scelere propinquus extiterat.

MVNDI CHRISTI

4953.

900.

*Stephanus
VI strangu-
latus,
succedit
ei Roma-
nus.*

Stephanus VII., inuasor ille Apostolicæ Sedis detrusus in carcerem ab inimicis, ibidem strangulatus, propè pœnâ Iudæ proditoris perit. Vnde præualuit factio in Albertum Tuscæ Comitem, qui Romanum quendam intrusit patriâ Gallesianum, qui tantùm vixit menses 4. ac dies viginti, de quo nihil habetur præter nomen.

*Fulco Ar-
chiep ca-
sus.*

Cæsus est hoc anno Fulco Archiepiscopus Rhemensis, ac prope Caroli Simplicis pater, iubente Balduino Comite Flandriæ, raptore Iudithæ filiz Caroli Calui, quòd reprehensus esset ab eodem de bonis Ecclesiæ per vim vsurpatis, & huic Abbatiâ S. Vedasti per Carolum esset erepta, curante eodem Fulcone. Qui autem eum interemit Vvinsmarus, ab Episcopis Galliz excommunicatus, mox ipsanabili vlcere à Deo percussus, ex eo vermibus scaturientibus arrosus est viuus; vt pœna scelus exæquaret.

*Berengarius
&
Ludovicus
de Imp
disceprant*

Sublatis Imperatoribus duobus, Arnulpho & Guidone, de Imperio disceptarunt Berengarius Dux Foro-Julienfis, & Ludovicus Bosonis filius; ac Berengarius accedens Papiam, obtinuit regnum; sed cùm Ludovicus Berengarium fugere compulisset, ac venisset Romam, ibi coronatus à Pontifice dictus est Imperator, quia fortior, & felicior extiterat.



LIBER X.

Ab anno Christi 900. ad 1000.

CAPVT PRIMVM.

DECAS PRIMA.

Ab Anno Christi 900. ad 910.

MVNDI **CHRISTI**
4954. 901.



OC anno creatus est in locum Ro-
mani Papæ Theodorus II. patriâ
Romanus, qui sedit tantum die-
bus 20. cui subrogatus est Ioannes
IX. patriâ Tiburtinus, professio-
ne monachus; sub quo nonnihil

*Romano
succedit
Theodorus
II. huic
Ioan. IX.*

Ecclesia resplauit.

Nicolaus Mysticus, cum sedisset annos X I.
in sede Constantinopolitanâ, depositus est, &
detrusus in monasterium à se conditum, quod
nollet probare quartas nuptias Imperatoris ca-
nonibus prohibitas; & Presbyterum, qui Im-
peratoris nuptias cum Zoë benedixerat, depo-
sisset. Porro ex Zoë jam filium Constanti-
num genuerat, quem hæredem his nuptiis pa-
rabat, quibus obstitit Nicolaus; sed obtinuit
demum Leo à Rom. Pontifice super quarto hoc
Matrimonio dispensationem. Paulo post tamen
in solenni supplicatione idem Leo ab homine
fanatico percussus est veste, ex quo tamen vul-
nere

*Nicolaus
Mystico
succedit
Euthymius*

nère sanatus est ; sed abolita supplicatio , ob facti memoriam , vt vtrumque ex hominum animis expungeretur . Porro in Nicolai locum substitutus est Euthymius , genere Isaurus , Monachus & Syncellus Patriarchij , vir valde pius , & eruditus , donoque prophetiæ illustratus ; qui admittere noluit dignitatem , nisi diuino oraculo hanc Dei voluntatem esse cognouisset . Sed qui ab vniuerso Clero expetitus fuerat , cum depositus tam durum sensit , quàm facilem expertus erat sedem ingressus .

MVNDI CRISTI

4955.

903.

*S Theos.
fuisse .*

Himerius à secretis Leonis Imp. Dux optimus bellum in Saracenos feliciter confecit ; quando à Simeonc Anachoretâ reuelata est vita S. Theodistis Lesbix , quæ annis 35. pæne nuda nihil præter paucos lupinos comedens vitam traduxit ; Angelo quàm sceminx similior .

*Hunni vñ
Rant Ita-
liam .*

Tum quoque Hunni Italiam ingressi regionem Circumpadanam vastauere , omnia miscentes flammis ; quibus occurrens cum immensis copiis Berengarius profligatus est ; victoriâ tam inexpectatâ , vt eam victores ipsi mirarentur .

MVNDI CHRISTI

4956.

903.

*Hunni di-
uites recedunt .*

Hunni , desolatâ Italiâ , spoliis diuites , ad scederis conditiones attendere ; acceptâque ingenti pecuniæ summâ , spoliis insuper diuites , Pannoniam suam repetiere , vt partis , per otium & sine periculo tranquillè fruerentur .

MVNDI CHRISTI

4957.

904.

*Lud Imp.
à Berengario exca-
entur .*

Ludonicus Imp. à Berengario captus , oculis & Imperio priuatus est . Hic autem jam per vim Imperator à Ioanne Pontifice coronatus erat ; sed cum exisset Româ , Lambertus jam

jam ab annis XI. Augustus coronatus ab eodem Ioanne accersitus est Romam: ubi vtriusque iure discusso in Concilio Romano, à Lamberto pronunciatum est. Sed cum periculosum esset Ioanni IX. Romæ subsistere, nouum Concilium Rauennæ peractum est, eò conuenientibus 74 Episcopis, in quo recitata sunt quæ in superiori Concilio Romano gesta erant, videlicet damnatio alterius Synodi Romanæ celebratæ à Stephano VII. aduersus Formosum, eius Actorum combustio; anathema Sergij, & aliorum, qui Formosi sepulchrum effoderant; Constitutio de legitimâ electione Rom. Pontificis; confirmatio Lamberti, & reprobatio Berengarij; prohibitio ne moriente Pontifice Patriarchium expilaretur; & alia eiusdemmodi, in quibus Ecclesiæ tranquillitas sita esse videretur.

*Rauennæ
Concilium.*

MVNDI

CHRISTI

4958.

905.

Ioannes IX. post annos 3. dies 15. locum dedit Benedicto IV. magno pauperum tutori, & ob eam causam Deo atque hominibus acceptissimo.

*Benedi.
IV.
Ioanni
IX. suc-
cedis.*

Normanni circa hoc tempus ad Christianam fidem conuersi, gentiliū adhuc viuebant more; quibuscum mitius actum, ne jam satis ferè magis efferarentur. Sed paulò post victi à Roberto Carnotensi, & mitiores, & meliores Christiani sunt effecti.

*Norman-
ni conuersi.*

Rex Gallaciæ Alphonfus Magnus, benè compositis Ecclesiæ rebus, Arabas aggressus nobilem de iis victoriam retulit; quando eorum Dux præcipuus Alcaman, & habitus ut propheta, in prælio cecidit; nec de aliis benè, malè de se vaticinatus.

*Viti
Magni
Hispania.*

MVNDI CHRISTI

4959.

906.

*S Primus
martyr.*

Corpus S. Primi Martyris hoc anno translatum est ab Vrbe per Erembertum illustrem virum; sed in nomine Pontificis peccatur, qui nonnisi anno sequenti creatus fuit, ob temporis istius inscitiam, & incuriam scriptorum, qui hoc sæculo planè plumbeo, vel ferreo, extiteret.

MVNDI CHRISTI

4960.

907.

*Benedi-
cto IV suc-
cedit Leo
V Huic
Christo-
phorus.*

Benedictus IV. demortuo successit Leo V. patriâ Ardeatinus, qui tantum dies 40. Ecclesiæ clauum tenuit; nam detrusus est in carcerem à suo successore Christophoro, qui septem tantum mensibus sui sceleris præmio potitus, mox à Sergio eadem passurus quæ in Leonem perpetrarat.

MVNDI CHRISTI

4961.

908.

*Sergius
III. expel-
lit Chri-
stophorum*

Hoc anno Christophorus per vim ex Petri sede extruditur &, conicitur in carcerem, ac monachus fieri compellitur; sed neque monachus, neque Pontifex fuit, paulò post è viuis sublatus. Huic ergo successit autor harum turbarum Sergius ille nefarius, promotus factione Adelberti Marchionis Tusciæ, qui Formosi Papæ corpus effoderat Presbyter, ideoque fuerat anathemate percussus. Hic itaque in memoriam Formosi, ut olim in corpus deszuens, omnes eius ordinationes in Concilio approbatas sub Ioanne IX. irritas fecit, & alia multa plurima, quæ in hac Synodo constituta fuerunt, quæ dolentiùs deplorat Auxilius, huius sæculi scriptor, secuturis deinceps temporibus detestanda. Hic porro Sergius III. ex Marozia nobili scorto filium genuit, qui postea sub Ioannis XI. nomine, Petri deturpauit sedem. Hac porro Marozia, aliter dicta Maria, filia erat Theodoræ nobilis Romanæ sœminæ, ex Senato-
riâ

*Marozia
nobile
scortum
eiusque
prosapia.*

riâ stirpe ; & cùm in illâ excellens forma cum ingenio versutissimo coniuncta esset , mirum est quid Romæ non præstiterit ; Marchionibus Tusciæ , omnia potentibus Romæ , turpiter conciliata . Dedit insuper filiam suam cognominem sibi Maroziam Adelberto Marchioni , cui genuit Albericum patris potentiâ factum Dominum Urbis ; ac demum Adelberto mortuo , eadem Marozia nupsit eiusdem filio Guidoni ex Berthâ coniuge ; & turpissimis illis hominibus ac infamibus scortis S. Petri diu infamata est sedes : quo tempore , singulari Dei beneficio , nullum schisma , nulla Heresis conflata , quæ Ecclesiam Romanam inuaderet , satis hisce foribus afflictam atque impeditam .

Alphonsum Magnum , adiuuante matre & fratribus , de regno conatus est eicere Garcias filius ; & tum ille quis esset ostendit : qui enim aliâ tam sæpe Saracenos demuerat , seipsum vicit ; & ne ex domestico dissidio hostis commodum caperet , sponte ipse regno cessit ; exemplo quod nulla antiquitas vidit , omnis etiam posteritas admirabitur .

*Alphonſus
Magni
virius .*

MVNDI CHRISTI

4962. 909.

Hoc anno Concilium celebratum in pago Sues- sionensi loco Trosleio *Trosly* , de Disciplinâ Ec- clesiasticâ ; quo multa continentur ad Clericos benè instituendos accommodata , Episcopis Gal- liæ tum optimè animatis in sanctam Sedem ; cõ- mirabilius ; quo eius perditì mores eam reue- rentiam minùs efflagitare viderentur .

*Galli
Episcopi
bene affe-
cti in Ec-
clesiam .*

MVNDI CHRISTI

4963. 910.

Sergius III. triennio ferè Romanam quam inuaserat tenuit sedem ; cui successit Anasta- sius

*Anastasius
III succe-
dit Sergio
III.*

fius III. patriâ Romanus, non diu quoque eandem occupaturus.

*Lamberti
mors.*

Obiit tum, anno sui Imperij septimo, Lambertus Guidonis seu Vvidonis filius in iuuentutis flore necatus in venatione, clam, ab Hugone Comite Mediolanensi; cuius obitum scriptores huius ætatis dolentiùs deplorant; afferuntque plus dignitatis Imperio attulisse, quàm ex eo receperisse.

CAPVT II.

DE CAS SECVNDA.

Ab anno Christi 910. ad 920.

MVNDI CHRISTI

4964.

911.

*Leo VI.
seu Sapiēs
anotatur.*

Mortuus est hoc anno ex profluvio ventris Imperij sui 25. cum 3. mensibus, Leo VI. seu Sapiens; quem Philosophum fuisse eius scripta declarant plena doctrinæ; sed & in eo pietas eruditioni concinebat. Excitavit nobile templum Constantinopoli, in quod intulit corpora SS. Lazari atque Magdalenz ex Cytio vrbe Cypri atque Epheso deportata; quod cum afferant Græci, Galli Narbonenses negent, eâ de re debent eruditi statuere, & qui ad hanc causam nihil afferent præiudicati.

*Leoni succedunt
Alexander
& Constantinus.*

Leoni successit Alexander eius frater: cum eo tamen admissus Constantinus Porphyrogenetus Leonis filius, sed adhuc puer. Alexander porro statim Nicolaum Patriarcham depositum accersit, eumque sedi Constantinopolitanz præfecit, Euthymio in exilium eiecto, quem Clerici fautores Nicolai ab eo de simoniâ reprehensi pessimè exceperunt.

ei colaphis inflatis, ac pugnis, barbâque contumeliosè euulsâ Quam tamen immanitatem pierique eorum non tulerunt impunè, Deo pœnas infligente, quæ ab hominibus non exigebantur.

MVNDI CHRISTI

4965.

912.

(Octavo Id Iunias Alexander Orientis Imperator lotus ac benè pransus, multoque vino madidus, dum pilâ ludere cupit, exortis viscerum torminibus in Palatium relatus, sanguinem per nares & veretrum egerens, sequenti die obiit: quem ob impietatem ita periisse scribit Aretas Cæsariensis Archiepiscopus: & verè (si vera sunt quæ de Bacchi sacrificio referuntur, & de Deorum antiquorum statuis serico coopertis) Blasphemus, impius, & Atheus extinguitur est.

*Moritur
Alexander*

Hoc sublato imperavit solus Constantinus Porphyrogenetus Leonis Sapientis filius, inter cuius tutores allectus est Nicolaus Patriarcha, qui grauitè conqueflus est apud Ro. Pontificem de iniuriâ sibi irrogatâ, dum pulsus est ob *νισσ απογοιμαυ*; sed hæ litteræ nihil profecerunt, nisi vt posteritas de multis ad historiam pertinentibus erudiretur.

*Solus Imperat.
Constantinus.*

Anastasius Papa fato functus locum dedit Landoni patriâ Sabino; qui in gratiam Theodoræ potentissimæ meretricis, quæ tum imperitabat Romæ, Ioannem amasium suum ex presbytero factum Episcopum Bononiensem, transtulit ad insulas Rauennæ. Sed cùm paulò post idem Lando interiisse, eadem Theodora, vt facilius admissarij sui complexibus frueretur, eundem Ioannem in Petri Sedem intrusit, qui dictus est Ioannes X. qui licèt moribus scdissimis, nihilo tamen minùs non malè Pontificatum administravit, iam probatus à Clero; docuitque sibi malos præfules & rectores nonnunquam alijs bonos & vtilis esse.

*Anastasio
succedit
Lando,
hic Ioan.
X.*

*Mors Al-
phonſi ma-
gni.*

Mortuus est hoc anno Alphonſus Magnus, cùm regnaſſet annis 46. quatuor annis filio ſuo Garcia relictis. Ille antequam moreretur magnam de Arabibus victoriam retulit, non vt Rex, ſed vt dux exercitus, quâ glorioſus mox ad nobilem in cælum triumphum abiit. Filius autem Garcia, qui mortem patris expectare noluerat, intra triennium elatus didicit filios immorigeros, & contumaces, nunquam eſſe diuturnos.

*Berno
Clunia
cenſis.*

Obiit hoc anno Berno conditor Monaſterij Cluniacenſis ex bonis auiæ ſux Comitiffæ, factus quoque ipſe ex Comite Monachus. De cuius ſucceſſoribus non eſt certum, ſcriptoribus in diuerſa diſtractis.

*Conradus
Rex Ger-
manie.*

Sublato Ludouico Germaniæ Rege, Conradus Rex electus ex aliâ familiâ quæ Caroli Magni non eſſet: deſecerat enim, Ludouico Arnulphi filio ſine liberis moriente; Carolum Simplicem Germanis facilè non reſpectantibus.

*Rollo
dux Nor-
manno-
rum.*

Hoc anno Rollo Normannorum Dux fortiffimus ſacris aquis intinctus cum ſuis, & in Galliam translatus, oſtendit non arbores tantùm, ſed & homines mutato cælo, ſoloque, miſceſcere. Celebratur etiam nunc apud hanc gentem Principis huius æquitas atque iuſtitia, quæ in hâc voce Haro ſeruata dicitur eſſe, atque ea videntur in preſſuris & litibus opem implorare, *Haro quaſi ah Rollo*, niſi ſcriptores Franci vaticinantur.

MVNDI

CHRISTI

4966

913.

*Ragneri
pauſen-
ſis.*

Ragnerus Dux Lotharingiæ, cùm bona Eccleſiæ ſæpe diripuiffet, donato latifundio Monaſterio S. Matthiæ Treuirenſis, oſtendit ſe verè pœnitentem eſſe, ac diplomate edito, voluit dolo-rem ſuum ad omnem tranſire poſteritatem.

Hoc

MVNDI CHRISTI
4967. 914.

Hoc anno Simeon Bulgarorum Rex in Thraciam irrupit, & obsedit Constantinopolin; à qua tamen depulsus, in Hebdomo sustitit, ubi eum conuenit Nicolaus Patriarcha, & ad pacem componendam induxit. Sed ea pax diuturna non fuit, iisdem Bulgaris Hadrianopolin mox inuadentibus. Zoë autem Augusta Constantini mater Nicolaum tutorem filii Palatio depulit, non tamen Episcopatu, quia de toto Imperio, eiusque filio nimis bene meritus erat, & gratissimus Constantinopolitanis.

*Bulgari
Vrbem ob-
sident.*

MVNDI CHRISTI
4968. 915.

Saracenos, qui iam ab annis 40. prope Garianum confederant, inde Italiam depopulatos, Christiani Græci simul & Latini iunctis copiis inuaserunt; quibus suum quoque Ioannes X. iunxerat exercitum; tantaque clade debellati sunt, ut ne vel vnus supersuerit certamini, aut capti omnes, aut trucidati, Italiam purgauere.

*Saraceni
penitus in
Italia de-
leti.*

Berengarius, qui egregiam in hoc bello nauarat operat, à Ioanne inunctus Imperator, didicit se non gratis pugnasse aduersus Saracenos.

*Berengarius, Impe-
rator.*

Ordonius fratri Garcia mortuo successit, transiitque sedem Oueto Legionem; quare antè Rex Asturicensis dictus, deinceps Legionensis audiit. Porro solemni ritu Rex intinctus, Regiam suam in magnam Ecclesiam consecrari iussit, patri suo, quàm fratri similior.

*Ordonius
succedit
Garcia.*

MVNDI CHRISTI
4969. 916.

Detrahere hoc anno Saxonum Ecclesias Hunni, & maximè Bremensem; quarum se Deus vindicem exhibuit. Coortâ enim tempe-

*Hunni
Sacrilegi
nullat.*

Q. 2 state,

state, erumpentes ex incensis templorum tectis scintillæ, in ora incendiariofum irrupentes, aut eos se in fluuium præcipites agere compulerunt, aut se armatis ciuibus dedere; à quibus ad satietatem cæsi, sanguine sacrilego ignes sceleratos restinxere.

MVNDI CHRISTI

4970.

917.

*Grati &
Bulgari
visti, at-
que victo-
res.*

Prælium commissum est inter Romanos & Bulgaros; hi victi discessere; mox tamen illi panico terrore correpti victos victores effecere; quare eorum Rex Simeon obsedit Constantinopolin; mox tamen à Constantinopolitanis victus fugatusque est, ne hic efferretur nimium, illi nimium deprimerentur.

*Pax in
Ecclesia.*

Videtur hoc anno inita pax inter Ecclesias Orientalem & Romanam, anno superiore à Nicolao & Constantino expetita; inuitatque Armeni ab eodem Nicolao à suis erroribus discedere, quos ex Saracenis & Manichæis conuictoribus hauserant. Moniti quoque Saraceni cum Christianis mitius agere; siquidem Constantinopoli illi sinerentur oratorio vti ex facilitate Imperatoris, atquæ æquum videri, vt humanitas humanitate pensaretur.

*Hunni
graffar-
tur, Dan-
orum Ec-
clesia ve-
xatur.*

Hunni seu Hungari hoc quoque anno non solum Saxoniam, sed & Lotharingiam & Franciam deuastarunt, spoliis earum prouinciarum inescati; quando & Danorum Ecclesia persecutionem passa est ab eorum Rege Gorm, vt martyrum sanguine felicius adolesceret.

MVNDI CHRISTI

4971.

918.

*Ecclesia
Hispa-
niensis.*

Ex occasione Legationis missæ ab Episcopo Compostellano, & Ordonio Rege Legionensi, eorum legatus Ioannes seu Ioannellus Missale Mozarabicum ad formam Romani correxit; sicque multorum annorum controuersia tum finita est, mox tamen iterum exagitanda. Miserrat au-
tem

tem Ioannes X. Legatum Compostellam, qui as-
siduas pro se apud sanctum Apostolum preces
flagitaret; quibus, tam ipse, quam Ecclesia Roma-
na plurimum indigebat.

MVNDI

CHRISTI

4972.

919.

Bellum ciuile exarsit in Oriente, multique
contra Constantinum exorti Tyranni. Quibus se
imparem cum animaduerneret adolescens, Roma-
num Patricium præfectum classis, virum fortem,
atque industrium sibi collegam Augustum as-
sumpsit, maluitque Imperium diuidere, quam
perdere. Duxit autem huius filiam Helenam; at
Zoë Augustamater in monasterium detrusa est,
quod impedire mala non posset, nec vellet hoc
remedium adhiberi.

*Constantinus Co-
legam ad-
scitit Ro-
manum.*

Obiit hoc anno Conradus Germaniæ Rex, di-
tione suâ in Henricum Saxonie ducem translatâ.
Hic Rex vngi recusauit, quasi hæc vnctione indi-
gnus esset, sed eam demissionem non placere Deo
agnouit S. Vdalricus Episcopus Augustanus. Cum
autem idem Henricus viduam velatam sibi adsci-
uisset vxorem, nihil proprius factum quam ut
damnaretur, vocatus ad Synodum à Sigismun-
do Halberstadiensis Episcopo; sed pro eo Impe-
rator intercessit; igitur dimisit illam sceminam,
ipse pœnitens pedes adiit Romam, ac deinceps
duxit Mathildem, ex quâ tres liberos suscepit,
pretium demissionis suæ, atque pœnitentiæ.

*Carolo
succedit
Henricus.*

MVNDI

CHRISTI

4973.

920.

Constantinopoli pax reconciliata est inter
Nicolai & Euthymii fautores; quâ initâ, Euthy-
mii demortui corpus magnificè in Urbem rela-
tum est, ut post obitum ei quodammodo factum
esse satis videretur.

*Pax inter
Nicolai,
& Euthy-
mii
fautores.*

Magnæ sunt hoc anno turbæ in Franciâ ad-
uersus Carolum Simplicem concitatæ; quarum
prætextus fuit Hagano Laudunensis vir igno-
bilis,

*Bellum
ciuile in
Franciâ.*

Q 3

bilis,

bilis, sed qui apud Regem poterat omnia; causa, ambitio Roberti, quem Odo Comitem Parisiis præfecerat, dum rerum potiretur. Bellum itaque ingens ciuile conflagratur, quod tamen dicitur tum discussisse suâ prudentiâ Heruæus, ægerrimè tamen; cùm Hagano nimiùm superbiret, Robertus nec ipsum ferre posset, nec Regem.

CAPVT III.

DECAS TERTIA.

Ab anno Christi 920. ad 930.

MVNDI CHRISTI
4974. 921.

*Bellum
ciuile re-
orudescit.*

Recruduit hoc anno apud Francos ciuile bellum, proceribus denuò aduersus Carolum ciutque administrum Haganonem armatis. Hi ducem sibi Robertum eligunt, & per Heruzum Archiepiscopum Rhemenseni vngendum curant: at qui vnixerat intra triduum mortuus, ostendit vnctum non diu Regno tyrannicè raptum potiturum. Eodem ductu Robertus Laudunum proficiscitur, vbi latere thesauros Haganonis nouerat, quos diripit, atque inter suos diuidit, vt haberet eos ad opprimendum verum Regem paratiores.

MVNDI CHRISTI
4975. 922.

*Constantinus &
Romani
discordes.*

Hoc anno, quo Ecclesiæ Constantinopolitanæ plena pax reddita est, promulgato edicto de quadrigamiâ, inter Romanum & Constantinum Porphyrogenetam nata odii causa, cùm hic antea primo loco in publicis actis nominari solitus, secundo scriptus esset, vt ille primo; superbia, sine dubio, in Romano non ferenda, qui omnia debebat Constantino.

Habar-

MVNDI

4976.

CHRISTI

923.

Habarraghmam Saracenorum Cordubæ Rex, eius nominis Quartus, diram in Christianos persecutionem excitavit, vocans se *Legis diuinæ defensore* *Amomiramolin*, hoc est, *Regem credentium*: sub quo passa S. Eugenia virgo 17. Kal. Aprilis, alique complures, quorum in cælo potius descripta sunt nomina, quam in tabulas Ecclesiæ relata.

Persecutio Cordubæ.

Carolus Simplex, euocatis in auxilium suum Normannis, Robertum aggreditur, commissoque atroci prælio, primo impetu eius copias delet; quo in certamine Rex Tyrannum manu suâ interemit. Retractum tamen eius cadaver à filio Hugone Magno, & Heriberto Comite Veromanduo genero; immo ita repressus vincentium ardor, ut dubia victoria videretur. Interim à coniuratis novus Rex substituitur Rodolphus, Dux Burgundiæ, Richardi filius, qui tam fortiter bis Normannos deuicerat: ipse tum bellicosissimus habebatur, duxeratque Emmam seu Eminam Roberti filiam. Hic collecto exercitu Sueffionibus Rex coronatur, de Regno cum Carolo fortiter decertaturus. Sed prælio nihil opus fuit. Nam Heribertus Carolum verè tum Simplicem in urbem S. Quintini pertraxit, ac desertum à suis compegit in carcerem. Huius vxor Ogina vel Edinia cum filiolo Ludouico fugit in Angliam ad Adelestanum vel Æthelstanum fratrem, ne regius sanguis in Franciâ periclitaretur.

Turba Francica perdu-rans.

Robertus caditur, & sufficitur ei Rodolphus.

Carolus Simplex captus.

MVNDI

4977.

CHRISTI

924.

Berengarius Imperator hoc anno, sui Principatus decimo, cæsus est à suis, ac meritis dependit pœnas quòd bis Hungaros populosos in Italiam induxisset; hi enim hoc potissimum anno ibidem sœuitiæ suæ defixere monumenta. Nam

Berengarius, cæsus.

Q 4

Tici-

Hunni in Italiam irruptione Franciam.

Ticinum inflammant, & quadraginta tres Ecclesias, cum huius urbis Episcopo, atque Vercellensi, ex incredibili porro civium multitudine ducenti tantum huic superfuere cladi, qui ex fauillis urbis collegere octo modios Argenti, quibus vitam suam urbisque muros redemere. Dum autem iidem Hungari in Galliam irrumperent, à Rodolpho repressi, fortiores sibi hostes occurrisset, damno suo, cognouere.

Senatus Rodolphus.

Periculosè ægrotans Rodolphus Rex, Rhemos ad sepulchrum S. Rhemigii deportatus, thesauris suis per Ecclesias Franciæ ac Burgundiæ distributis, præter uxoris partem, valetudinem visus est non tam recuperasse, quam emisse.

Res Hispanica.

Ordonius Rex Legionensis, debellato Maurorum ingenti ex Africâ exercitu, obiit hoc anno; successit ei Tyrannicè Froila II. cognomento *Cruclis*; quo post 14. menses sublato, duo sunt creati iudices qui bella iudiciaque tractarent; quibus exautoratis successit Alphonfus IV. cognomento Monachus, filius Garfæ; vel Ordonii; dum in Asturiâ Ramirus, filius quartus Alphonfi Magni, sibi vindicauit regnum; quæ simul eò concessimus, ne minuta discerpere videremur.

MVNDI
4978.

CHRISTI
925.

S. Pelagius magister.

S. Pelagius Gallæcus, eximie formæ adolescens, captiuus à Rege Habdaraghman Saraceno Cordubæ, de stupro & Christo ciurando sollicitatus, post multa tormenta minutatim concisus puram Deo reddidit animam: cuius laudes cecinit Rhosuinta Saxonica poetria; à multis etiam aliis & nondum satis ob castimoniam, & fortitudinem, colaudatus.

Heri-

Heribertus Veromanduorum Comes filium suum Hugonem destinat Archiepiscopum Rhemensem, obtrinetque à Seu pho; vt ei successor destinaretur; mox idem Sculphus à ministris Heriberti tollitur veneno, & Hugo vix quinquennis creatur Archiepiscopus ab Ebbone Sueffionensi, & Bonone Catalaunico Episcopis, totoque Clero Rhemensi; quod etiam probauit Ioannes X. Cui electionicùm assentiri noluisset Flodoardus, huius Ecclesiæ Presbyter, ab Heriberto cum multis aliis expulsus, Ecclesiasticæ constantiæ pœnas luit, tam indignas, quàm atroces.

*Hugo
Quinquen-
næ Arch.
Rhemens-
fis.*

*Flodoar-
dus Rhe-
mensi
Presb.*

MVNDI

CHRISTI

4979.

926.

Hugo Comes Arelatensis seu Prouinciæ, filius Berthæ, Rex Italiæ constituitur à Ioanne Pontifice & omnibus Italiæ proceribus, à quibus expetebatur; qui mox Mantuam veniens eidem Pontifici occurrit, atque inter eos initum est fœdus, eorum rationibus & Ecclesiæ satis accommodatum.

*Hugo Co-
mes Arel-
latensis
Italiæ
Rex.*

MVNDI

CHRISTI

4980.

927.

Simultates hoc anno graues exortæ sunt inter Heribertum Comitem Veromanduum, & Rodulphum Franciæ Regem, quòd ille omnia sibi deberi crederet, hic regnare veller, atque à se Heribertum pendere. Cùm autem idem Heribertus Laudunum occupare conatus esset, tum Regiam Sedem, (ex quo creati erant Comites Parisienses Odo, Robertus, & Hugo Magnus) reiectus est à præsidiariis Rodulphi: quamobrem occulta odia palam eruperunt. Itaque Heribertus Carolum Simplicem laxat ex carcere, quasi vt faceret satis Ioanni X. Pontifici, qui id litteris suis etiam minacibus postularat, reuerà vt hoc misero Rege laxato, constrictoque, custos eius ad res suas abuteretur.

*Simulta-
tes inter
Heriber-
tum, &
Rodul-
phum.*

*Turba Hi-
spanica.*

Adelphonsus Rex Legionensis, relicto re-
gno, sit sponte Monachus, Ramiro sibi succes-
sore declarato. Sed postea relictum thronum
respectans, ab eodem Ramiro captus & excæca-
tus est: priuati quoque oculis tres Froilæ liberi
in eum rebellantes. Sed cum ad se Ramirus re-
diisset, accusans se nimicæ crudelitatis, sæua
hæc facta redimere eleemosynis conatus est, mul-
tis conditis Monasteriis, Ecclesiisque dotatis,
quæ ex miseris illis Principibus excæcatis lu-
cem & splendorem accepere.

MVNDI

CHRISTI

4981.

928.

*Ioan. X.
in carce-
rem com-
gitur.*

Ioannes decimus intrusus in Romanam sedem
per Theodoram scortum, per aliud scortum Ma-
roziæ, eius filiam, in carcerem detrusus; &
tunc pontificatu, vitâ paulò post spoliatus est.
Erat illa vxor Guidonis Comitis Tusciæ, fratris
Hugonis Italiæ Regis; qui cum arderent inui-
diâ in Petrum Ioannis fratrem, hunc deiece-
runt sede, illum in oculis fratris interemerunt.
Sic omnia Romæ tam crudeliter, quam libidi-
nosè gerebantur.

*Bulgari
placati
muneribus
à Roma-
no.*

Simeon Bulgarorum Rex, Thraciam atque
Macedoniam sædè depopulatus, accessit ad
Vrbem Constantinopolin, & circum loca om-
nia sacra prophanaque incendit; tandem cum eo
locutus Romanus multis dicatum muneribus re-
misit in patriam suam. Moxque idem Romanus
duobus liberis suis Stephano, & Constantino co-
ronam imposuit, tertium Theophylactum dictum
Eunuchum addixit Ecclesiæ, & dignitate Synce-
lli auctum Subdiaconum fieri iussit, quasi domus
eius & Imperio & Ecclesiæ satis esset.

MVNDI

CHRISTI

4932.

929.

*Io. X. ne-
catur sicut
et eius
successor
Step. VII*

Hoc anno in custodiam datus Ionnaes X. cer-
uicali in vultum iniecto, diuque appresso, suf-
focatus est; quique ei subrogatus fuerat Leo,
in carcerem quoque detrusus, ibidem cum sedif-
set

set sex menses, & dies 15 interiit. Suffectus ei Stephanus eius nominis VIII, dictus Septimus; sic vnus & idem annus tres Pontifices, omnes infortunatos vidit.

Rodolphus audiens solum esse Carolum Simplicem, cum amicè inuisit, eique submisit sese, magnâ verborum significatione, Attiniaci. Veritus ergo Heribertus ne duo reges inter se conuenirent, atque eorum fœderis ipse victima caderet, cum Rodolpho reconciliatus iterum custodiæ mancipauit Carolum Peronæ; qui mox ibidem ex mœrore contabescens obiit, relicto filio Ludouico, qui in Angliâ apud auunculum Æthelstanum ad spem regni educabatur, dum eius competitores, suis dissensionibus, huic solium sternerent ac pararent.

*Carolus
Simplicem
obiit; et
succedisse
lium Lu
douicum.*

MVNDI

CHRISTI

4983.


930.

Mortuo Nicolao Patriarchæ Constantinopolitano suffectus est Stephanus Archiepiscopus Amasæ, de quonibilibet singulare legitur scriptis consignatum.

*Nicolao
succedit
Steph.*

Henricus Germaniæ Rex Reges Normannorum & Abroditarum deuictos, ac tributum sibi pendere coactos, etiam Christo subdidit; quare in Daniâ Fides reffloruit, jam longè antea profeminata, sed persecutione propemodum extincta, nunc Henrici pietate & virtute pristinam recepit speciem.

*In Dania
Fides re
stituta.*



CAPVT IV.

DECAS QVARTA.

*Ab anno Christi 930. ad 940.*MVNDI
4984.CHRISTI
931.*Steph.
Septimo
succedit
Ioannes
XI. pene
puer.*

Staphanus VII. Papa moriens post sedis annos duos, mensem vnum, ac dies 15. impium, & indignum nactus est successorem. In eius enim locum intrusus est autoritate Guidonis, & coniugis eius Marozie, Sergii impurissimi Pontificis ex eadem Marozia filius notus Ioannes XI. tùm adolefcens: sed quot natus annos, non est facilè pronuciare; hoc certum, etiam moribus quàm ætate juniorem extitisse, & indigniorem Pontificatu.

MVNDI
4985.CHRISTI.
932.*Arnolphus
Dux Boiaria
caesus.*

Arnoldus seu Arnolpus Boiariae dux, proce-
sus aduersus Hugonem Italiae Regem, ab eo
retrusus est: vir feleratissimus & rapacissimus;
quem accusari vidit coram Deo sanctus Vdalri-
cus Augustanus, atque vti factorum euerforem
condemnatum: qui vbi ciuitatem Augustanam
diripuisset, completis sceleribus suis, inter-
fectus est, & ad ignes, sacrilegis paratos,
amandatus.

MVNDI
4986.CHRISTI
933.*Tryphon
admini-
strat Eccl.
Constant.*

Mortuus est hoc anno Stephanus Constantino-
polititanus Patriarcha, cum huic sedi præfuisset
annos ferè tres. Cui successit Tryphon Mona-
chus temporaneus Præsul, & donec Theophy-
la-

lactus adolescens annorum 16. ætatem attigisset : itaque dicendus ille Tryphon potiùs administrator sub Theophylacto ; sic vtraque Ecclesia tumultibus , & Principum audacibus factis eodem tempore turbabatur .

Ioannes XI. Pontifex cum matre suâ Marozia in custodiam detrusus est ab Alberico filio eiusdem Marozia , sed ex marito Adelberto suscepto . Mortuo enim Guidone Marozia marito , filio Adelberti ex Berthâ coniuge , eadem Marozia Hugonem Italiae Regem ipsius Guidonis ex Berthâ fratrem Romam euocauit , & receptum in mole Hadriani maritum accepit , atque Urbis dominum constituit . Cui cum Albericus aquam insulse infudisset lauanti manus , eidem Hugo alapam impexit . Quâ perculsus iniuriâ Albericus Romanos in eum incitauit , atque Vrbe expulit ; in matrem vero & fratrem suum nothum impotenter sauiit , maioribus suppliciis dignos , nisi ea essent à filio atque fratre irrogata .

Henricus Germaniæ Rex ditionem suam depopulantes Hungaros inteinecione deleuit , triginta millibus caesis , cæteris flumine absorptis , aut captis . Vouerat ante prælium , si victor esset , ex regno suo simoniacam labem expulsurum ; quod erat vouere facile , exsequi & præstare , miseris hinc temporibus , operosum .

M V N D I

4987.

C H R I S T I

934.

Albericus Romæ Tyrannus corruptus muneribus à Romano Imperatore extorsit à Ioanne XI. ceptiuo , vt Theophylacto filio suo Patriarchæ , eiusque successoribus permetteret vt Pallio absque facultate Summi Pontificis ; vnde factum vt non solum Patriarchæ , sed & omnes Græciæ Episcopi vtantur palliis ; nec inducta perperam consuetudo potuit vnquam aboleri .

Cou-

*Io. XI.
in carce-
rem cum
Marozia
coniciunt.*

*Henricus
Hungaros
deleuit.*

*De Palæ
Episc
Græcorum.*

MVNDI

4988.

CHRISTI

935.

*Concilium
Rhemen-
se.*

Concilium hoc anno celebratum est Rhemis apud S. Macram aduersus prædones, & rerum Ecclesiasticarum raptos, quibustamen Regni proceres præludebant.

*Mortuus
Rodol-
phus.*

Mortuus est hoc anno Rodolphus Franciæ Rex ex phthiriasi, ut creditum est, morte Tyrannis familiari, sepultusque Sueffionibus. Cùm autem Hugo Magnus facile potuisset sibi regnum Francicum vindicare, id referuare maluit posteris suis, quàm intempestiuè recipere; maximè cùm habere posset competitores Heribertum Veromanduorum Comitem, & Hugonem cognomento Nigrum fratrem Rodulphi, & quod caput erat, quoniam Franci Ludouicum filium Caroli Simplicis in Angliâ respectarent. Itatum Hugo non tantùm Magnus, sed & Sapiens fuit.

*Hugo
Magnus
sapiens
refugit re-
gnum.*

MVNDI

4989.

CHRISTI

936.

*Henrico
Aucapi
filius
Otho.*

Obiit ætatis anno 60. Regni 16. Henricus Germaniæ Rex cognomento Auceps, magnus religionis fautor, relicto filio Othone qui neque fortitudine, neque pietate decedebat patri. Superuixit marito Mathildis pietate insignis fœmina; atque in eam familiam tum Christiana pietas omnis confluxisse videbatur.

*Ludovicus
Transma-
rinus suc-
cedit Ca-
rolo Sim-
plici.*

Communibus Franciæ votis expetitus Ludouicus Caroli Simplicis filius ex Angliâ & auunculi Æthelstani palatio rediit; ideo dictus *Transmarinus*, atque ab Artaldo Archiepiscopo Rhemenfi Rex innunçtus. Qui statim aduersus Hugonem Nigrum progressus, Lingonibus inclusum fugere compulit, eiusque sibi ditionem vindicauit, fortissimè regnum auspicatus.

*Ioan. XI.
succedit
Leo VII.*

Hoc anno mortuus est Ioannes X I. Papa in carcere, cùm sedisset annos 4. & 10. menses; cui subrogatus Leo Septimus, vir bonus ac pius,

pius, atque suis antecessoribus longè dissimilis, & sedatioribus temporibus dignior.

Tum Hugo Rex Italiæ Romam obsidione capere nifus est; sed eam flames abruptit: itaque fœdus iniit cum Alberico, cuius filiam Aldam duxit uxorem, pacis huius sequestro Obdone Abbate Cluniacensi, quem Leo Pontifex euocarat in Urbem, vti Monasticam disciplinam in eâ collapsam restitueret: quare tum inclaruit Monasterii Cluniacensis nomen, quod tum habebatur virorum sanctorum atque eruditorum seminarium.

Urbs Genua ab Africanis Saracenis improviso impetu capta est, puberibus omnibus interfectis, sceminis ac pueris abductis, totâque vrbe compilatâ. Fons sanguine paulò antè fluens, hanc eadem præcinuerat; admonuerat Genuenses, non emendarat.

Vixit hoc tempore famosus ille Manasses Episcopatum magnus ille possessor, & coacervator; qui simul Arelatenfis, Veronensis, Tridentinus, Mantuanus, & Mediolanensis fuit Episcopus; nec mirum, qui non oues, sed eorum quæreret lanam. Procedebatur & armatus ad prælia Episcopus nomine, reuera gladiator.

MVNDI CHRISTI

4990.

937.

Hoc anno Otho, postea obres præclare gestas Magnus appellatus, Aquisgrani in Conuentu Rex Germaniæ inunctus est; neque fratris eius Henrici habita ratio est: quod bellum propè domesticum confluit, Othonis fortitudine atque prudentiâ extinctum.

Hungari Italiam pænè totam vastarunt; sed tandem à Marfis, Pelignisque circumuenti omnes periere. Felicior eorum in Galliâ grassatio fuit; ex quâ non tantùm incolumes, sed & cum ingenti prædâ sacra profanaque diuites recesserunt.

*Pax inter
Hugonem,
& Albericum.*

*Genua à
Saracenis
capta.*

*Manasses
Episc.*

*Otho Magnus
Germaniæ
Rex.*

*Hunni
Italiam,
& Franciam
populantes.*

Ara-

MVNDI CHRISTI

4991.

938.

*Arabes à
Ramiro
delet.*

Arabes Africani & Hispanienses, junctis copiis, peditum centum quinquaginta millia, equitum quinquaginta confecerant. His occurrens Ramirus Rex Legionensis, die festo martyrum SS. Iusti atque Pastoris, votis nuncupatis, & Angelis præviis sub equitum specie, hostem prostrigavit, cæsis octoginta millibus, capto Rege Abenain, Cæsaraugustæ regnante, Abdarragmam Cordubæ Principe vix elapso, qui mox atrocem persecutionem renouavit, qua multos martyres induxit cælo; ut in terris, & in cælo Christiani triumpharent.

Boleslaus fratrem suum sanctum Vvenceslaum Bohæmiæ Principem interemit, ut eius Principatu frueretur; hic tamen inter martyres relatus ab Ecclesiâ colitur, quia pietas potissimum mortiseius causâ fuit. Eius necem vindicare voluit Otho Germaniæ Rex, & id annis 14. frustratentavit, quia de martyribus ultionem raro Deus concedit, aut certè ad multos annos differt, neque martyres tyrannos suos perire volunt, sed emendari.

MVNDI CHRISTI

4992.

939.

*Otho Magnus
pietate
et
fieri.*

Otho Magnus victor jam extiterat anno superiori; sed incruentâ victoriâ de Henrico fratre suo Eberardo Francorum duce, & Gisleberto duce Lotharingiæ, qui hoc anno resumptis animis copiisque relictis eum aggressi sunt, atque in Alsatiâ propemodum obsederunt. Dilabebatur eius exercitus: itaque Comes quidam ab eo petiit Abbatiam aliquam, quâ foueret milites suos, sperans hoc tempore nihil sibi esse denegandum; sed eum fortiter Otho repulit, ac sibi plus placere Deum, quàm milites demonstravit. Itaque fretus Numine aggressus hostes celebrem victoriam retulit: Eberardus enim cæsus, Gislebertus Rheni aquis hau-

haustus, Henricus frater se subdere fratri coactus est; ita subacti hostes, ut etiam si maxime vellent, ei deinceps incommodare non possent.

Leo Papa VII. ubi sedisset annis 3. cum mensibus sex, locum reliquit Stephano, patriâ Germano; qui reuera *Nonus* eius nominis, *Ottavus* appellatus fuit, errore sic deinceps continuando.

*Leoni VII
succedit
Stepha.
nus VIII.*

MVNDI

CHRISTI

4993.

940.

Stephanus VIII. à Romanis electus, posthabitis Cardinalibus, operâ Regis Othonis, à quibusdam sacrilegis deprehensus totâ facie sic compunctus est atque laceratus, ut deinceps sibi publico abstinendum existimaret, quia eius non vultu sed consilio indigebat Ecclesia.

*Stephanus
VIII. ma.
le multatus.*

Æthelstano Regi Angliæ successit frater Eadmundus, qui mox S. Dunstanum sibi à consiliis selegit; sed eum cum mox inuidorum suasionem reiecisset, die tertiâ dum venatur, in magnum periculum incidit, ex quo emerfit voto nuncupato; quare eum mox in aulam reuocavit, petita veniâ; ut hæc publica demissio regis, illatam viro sancto sarciret contumeliam.

*Æthelstan
no succedit
Eadmundus.*

CAPVT V.

DECAS QVINTA.

Ab anno Christi 940. ad 950.

MVNDI

CHRISTI

4994.

941.

Russorum hoc anno superata classis (quos alij Normannos appellant) ab Imperato-

*Russi per
dones de-
leti.*

ratoriâ Romani classe, ob crudelitatem quâ fuerant in Christianos grassati, quorum plurimos affixerant cruci, sacerdotibus capita compunxerant clavis: tumque interuicione deleti, diu quietos Græcos reliquere.

*Synodus
de Hgo-
ne Rhe-
mensi.*

Synodus habita Sueffionibus in causâ Hugonis, jam à puero designati Archiepiscopi Rheimensis, & Artaldi ei substituti. Receptus Hugo flagitatus à Clero, repulsus Artaldus, quia vouerat se hanc dignitatem nunquam aditurum; sicque ex religione reiectus, qui tamen competitore suo videbatur esse religiosior.

*Frideri-
cus Arch-
episcopus Mo-
nachorum.*

Fridericus Archiepiscopus Moguntinus iterum vocatus in iudicium, defectionis aduersus Othōnem pro fratre Henrico, per Corpus Christi & Sarguinem se professus innocentem, absoluitur est. Hic est Fridericus Monachorum persecutor, quia omnes volebat esse optimos vel nullos, ideoque plures relictis Monasteriis, & vestibibus, fugere compulit; verum quia id præstare cræditus est ex odio Fuldensis Abbatis, quiescere iussus est, atque ita alios curare, vt non obliuisceretur sui.

MVNDI CHRISTI

4995.

942.

*Græci
parte Ita-
liæ potiū-
tur.*

Tum Imperatores Constantinopoli potiebantur Apuliâ, Calabriâ, & eâ parte quam Vulturis fluuius alluit: sicque dum Italia ciuilibus discordiis flagraret, regio illa, olim Magna Græcia dicta, ad primos dominos rediit.

*Odo Clu-
niacensis
Abbas,
Ædema-
rus, Mai-
olus, Odilo.*

Quoniam Hugo Italiæ Rex contra pacem Alberico Romanum ducatum ferro flammaque vastabat, Odo Cluniacensis Abbas iterum Romanam à Stephano VIII. reuocatus est, vt stabilem firmaret pacem. Hic sanatus ad S. Martini, Turonibus obiit, locumque suum reliquit Ademaro viro beatæ simplicitatis; Huic Maiolus successit, huic Odilo, omnes sublimis spectatzque virtutis.

Ste-

Stephanus VIII. Pontifex, auditâ rebellione Hugonis Magni, Heriberti, aliorumque Procerum Francicorum aduersus Ludouicum Ultra-
marinum, ad eos accuratè perscribit, monet-
que vt ad officium suum redeant. Hinc factum,
vt reliqui qui erant in partibus, redirent ad sa-
nam mentem. Eos autem iam inclinantes ad pa-
cem cum Rege suo Otho conciliauit; vir planè
magnus & fortis, & qui ex aliorum diffidiis non
speraret pacem, sed ex prudenti administratione
tranquillitatem.

*Diffidia
Francien
compositur.*

M V N D I

C H R I S T I

496.

943.

Stephanus VIII vel IX. vbi sedisset annos 3.
nienfes 4. dies 5. migravit viuis; cui succe-
dit Marinus II. quem tamen alij Martinum vo-
cant. Is omiffis bellitum multibus Romanis, ex
quibus se quantum potuit expedit, totum se ad
res Ecclesiæ componendas sapienter transtulit,
atque diffidia inter Principes Christianos abo-
lenda; vir acceptissimus cælo, & Prophetiæ
dono honoratus à Numine, à quo ad magna ge-
renda destinabatur.

*Stephano
VIII suc-
cedit Ma-
rinus seu
Martinus
II.*

M V N D I

C H R I S T I

497.

944.

Tryphon præstituto sibi tempore Archiepisco-
patus euoluto, cum eum relinquere, vti polli-
citus erat, Theophylacto recusaret, insidiis
circumuentus depositus est; eique successor datus
impridem designatus Theophylactus Romani Im-
peratoris filius Eunuchus annorum 24. hoc tem-
pore Februario mense consecratus; huic nemo
resistit, quia ab omnibus expectabatur, & eâ
dignitate non videbatur indignus.

*Theophy-
lactus Pa-
triarch.
Const.*

Translata est & imago illa nobilis ad Abga-
rum missa ἀχσιπονείντος in Urbem Constanti-
nopolin, vti promiserant Edesseni Imperatori,
si grauis obsidio quâ premebantur, per eum
solueretur; quando eius causâ miracula quæ-
dam contigerunt, idque celebratissimum,
cùm

*Christi
ad Abga-
rum ima-
go dupli-
cata.*

cùm S. Paulus Anachoreta in monte Lato rogatus æquale velum applicare sanctæ Imagini, ex contactu planè similem remisit ad Imperatorem, vt sic pietatis causa duplicaretur.

*Constāti-
nus Por-
phyrogene-
tus vnus
Imperas.*

Stephanus Augustus 17. Kal. Ian. patrum suum Romanum Imperatorem tonderi iubet, & in insulam relegari. At xi. Kal. Febr. dum idem Stephanus cum fratre Constantino de primatu Imperij disceptat, ambo quoque in insulas exautorati deducuntur; sicque ad vnum Constantinum Prophyrogenetum, vnde venerat, Imperium rediit, multa sapienter passum à superbo collegā, quem Deus tandem depressit, vt deiectum attolleret.

M V N D I

C H R I S T I

4998.

945.

*Hugo Ita-
liæ Rex
fr Mo-
chus.*

Hugo Italiæ Rex à suis hoc anno expulsus, in prouinciā suā, urbemque Arelatē redire compulsus est. Eius tamen filius Lotharius in regno susceptus est, vt non familia, sed crimina in odio esse crederentur. Hugo autem ex suis bonis Monasterium nobile in Burgundiā sub titulo S. Petri dicitur statuisse, vbi se includit, & peccata quibus se implicauerat, defleuit; sed minori tempore quā hęc postulerent.

*Capri Ri-
chardus
Norm.
Dux &
Ludouicus
Rex.*

Celebris est hic annus duorum Principum captiuitate, Ricardi Ducis Normanniæ, & Ludouici Transmarini Franciæ Regis. Richardi pater Guillelmus, ab Arnulpho Comite perfidiosè cæsus, filium hunc impuberem reliquerat; ideoque eius ditionem Ludouicus affectabat, quæ regnum suum denormabat; eum igitur Rothomago retrahit, & secum obsidem velut instituendum deducit Laudunum; sed cū eum malè verbis excepisset, & conuiciis adjunctis minas, ope nobilis Normanni, sibi fidissimi, fugit ad Hugonem Magnum, vt eius patrociniō tegeretur. Ludouicus imprudenter Hugonem offendit, & imprudentius se commi-
sit

fit Agrolde Regi Daniæ, qui suppetias venerat
allaturus Richardo; quare ab illo captus est
Rex infelix, neque redditus nisi conditionibus
sibi duris, Hugoni Magno vtilibus; qui histu-
multibus sibi Laudunum, urbem regiam acquisi-
uit; prudentiâ suâ longè magis metuendus Lu-
douico, quem hic Princeps fortior, quàm
cautior, plus timere aut magis colere de-
buerat.

*Hugo Ma-
gnus Pru-
acissi-
mus.*

MVNDI

CHRISTI

4999.

946.

Marinus, cùm sedisset 3. annos menses 6.
dies 13. sedem Petri reliquit Agapito, vel Aga-
peto II. cuius vita paulò productior fuit, &
sic Ecclesiæ, funestis hisce temporibus, vti-
lior.

*Marinus
succedit
Agapetus
II.*

Tum Constantinus Imperator scripsit ad Be-
rengarium Principem, vti ei commendaret Lo-
tharium Regem, fratrem suæ nurus: quare ad
eum Imperatorem misit Legationem Berenga-
rius, quâ functus est Luitprandus Historicus;
qui sic eam descripsit, vt dubites an plus scri-
bentis ingenium laudes, an agentis industriam.

*Luitpran-
dus Hi-
storicus.*

MVNDI

CHRISTI

5000.

947.

Contenderunt etiamnum hoc anno Artaldus &
Hugo de Archiepiscopo Rhemensis; qui anno su-
periori Artaldus fuerat à Ludouico Transmari-
no restitutus, cùm urbem Rhemos occupasset,
Virdunensis Synodus ab Artaldo pronunciauit,
Hugo appellauit ad Agapetum, quem sefellit,
atque ab eo litteras expressit, quæ plus ei ne-
gotij quàm vtilitatis attulerunt.

*Causa
Rhemen-
sis Archie-
piscopi.*

Obiit hoc anno Æditha vxor Othonis Regis
Germaniæ, post obitum miraculis clara, &
sanctitate quàm illustri sceptro celebratior.

*S. Ædi-
tha vxor
Othonis.*

MVNDI

CHRISTI

5001.

948.

*Marinus
Legatus
in Gallia*

Agapetus mittit in Gallias Legatum Marinum, vt vtriusque Hugonis, Ducis & Episcopi, discuteret causam, quæ non leuis momenti à præsulibus iudicabatur, & vtrâque Rēgni atque Ecclesiæ tranquillitas putabatur contineri.

*Tres Synodi in
causa
Hugonum*

Tres sunt hoc anno in hâc causâ celebratæ Synodi; Mosomensis, vbe lis adjudicata Artaldo contra Hugonem venire detrectantem; in Palatio Engelenheim, coram legato Othone, & Ludouico, vbi Artaldus iterum probatus, excommunicatus Hugo, donec ageret pœnitentiam; & Treuirensis, vbi damnatus tertiam Hugo, propter ordinatos post suam expulsionem. Hugo verò Dux adesse recusans, accusatus à Ludouico quod suorum omnium malorum causa esset, excommunicatus est donec satisfaceret, Ludouico armis spiritualibus agente qui corporalibus nihil posset; vtrisque parum valentibus, nisi Deus eis vires adjungat.

MVNDI

CHRISTI

5002.

949.

*Otho Dani
nauis or
dinat.*

Otho Danos & Sclauinos, qui ab eo & Christo descuerant, magno prælio deuicit, ac sibi Christoque asseruit. Ferunt tum Danorum Regem Haraldum miraculo ad fidem conuersum esse, cum Christianus Clericus, eo præsente, ferrum candens illæsus satis diu strinxisset. Sic omnes Ecclesiæ in his regionibus ordinatæ, iis gratulante Agapeto Pontifice, & eorum Metropolitanæ Hamburgensi omnia prædecessorum confirmante priuilegia; quorum in his successibus meritò Pontifices solent esse liberales.

*Berenga
rius prado*

Sed aliunde in Italiâ luctus; Berengarius enim, vt Hungaros populatores emitteret, decem modios aureorum eis largitus est, non ex pecuniâ suâ, sed ex pauperum & Ecclesiarum fundis; quando & immensam pecuniæ vim

ab omnibus extorsit, quam in suos usus conuer-
tit, prædo atque grassator domesticus, atque
sacrilegus.

MVNDI

CHRISTI

9003.

950.

Lotharius Italiæ Rex veneno sublatus in-
terit; (alij in phrenesin incidisse volunt)
cuiusque regnum inuasit Berengarius, Francis
deinceps ex Italiâ deiectis: Lotharij verò vxor
Adalais, filia Regis Rodulphi, sese recepit in
Arcem Canusinam munitissimam, vnde in
auxilium suum Othonem euocauit; quod &
fecisse Apagitus II. scribitur, vt Tyrannis
Berengarij, Deo atque hominibus odiosi,
extingueretur.

*Lotharij
mortui re-
gnum in-
uadit Be-
rengarius.*

Hoc anno piissimè, sicuti vixerat, mortuus
est Ramirus Rex Legionensis, in fine vitæ co-
ram Episcopis & Abbatibus deposito Regno; vt
nudus, sicut ingressus erat ex vtero matris, re-
uerteretur in communis parentis sinum. Reli-
quit filium Ordonium Tertium, quinquennio
quandiu regnavit ciuilibus bellis exercitum à
Sancio fratre, & Comite Castellæ; neque patri
pietate, nec felicitate parem.

*Ramiro
saccedit.
filius Or-
donius
III.*



CAPVT VI.

DECAS SEXTA.

Ab anno Christi 950. ad 960.

MVNDI

5004.

CHRISTI

951.

Otho venit in Italiam.

OTHO venit in Italiam; ubi fugatis Berengario, qui se Regem dicebat Italiæ, & filio eius Adelberto, Adelaidem relictam Lotharij duxit vxorem, quæ ei dotalem afferre videbatur Italiam. Tum etiam Saraceni aditus Alpium occupantes, tributum peregrinis imponebant, nec Christiani Occidentales deterrebantur quominus eius solutione Sanctam adirent ciuitatem.

Eadredus Angliæ Rex.

Amalaphus Tyrannus dimidiam sibi Angliæ partem armis vindicarat, quam, incensâ S. Balteri Basilicâ, cum vitâ, suâ impietate perdidit. Quare toto regno potitus est Eadredus, fratris sui Eadmundi successor, & regni, & pietatis.

MVNDI

5005.

CHRISTI

952.

Otho celebrat Conuentum Augustanum.

Celebratus est hoc anno Conuentus Augustanus, cui interfuere procures Franci, Germani, Longobardi; adfuit & Berengarius cum filio Adelberto, qui cum se Othoni subiecissent, ab eo pater regendam suscepit Italiam. Sed malè vsus est Principatu sibi concesso, exagitatis Episcopis, atque proceribus, quorum in se odium concitauit. Meliùs Otho rebus prospexit, gratias agens singulares Deo, multa effundens in Ecclesias, quæ in eum postea cum sænore redierunt.

Hoc

MVNDI CHRISTI

5006.

953.

Hoc anno cœptæ conspirationes Conradi Ducis & Luitholphi filij aduersus patrem Othonem, quæ mox in apertum bellum eruperunt; eò grauius, quodd domesticum fuit, & plusquam ciuile.

*Bellum
cinile in
Othonem.*

Bruno Othonis frater tum creatus Archiepiscopus Colonienſis pallium accepit à Pontifice, quo quando vellet vteretur; cui nihil denegandum eſſe, & propria authoritas, & potentia fratris admonebat.

*Bruno
Arch. Co.
lonienſis.*

MVNDI CHRISTI

5007.

954.

Alberico Romanorum Patricio defuncto ſucceſſit in Principatu filius Oſtauianus iam Clericus, mox 'uturus Pontifex', non quia merebatur, ſed quia Tyranni filius erat.

*Alberico
ſuccediſ
Oſtauianus.*

S. Matthei corpus primò ex Æthiopiâ, vbi paſſus erat, in Bithyniam tranſlatum, ex reuelatione eiufdem Apoſtoli ſalernum deportatum eſt, vbi etiamnum magnâ religione colitur, vrbis huius tutor & patronus.

S. Matthei corpus.

Exercitus Othonis patris, & filii Luitholphi, iam explicatos in aciem S. Vdalricus Auguſtanus Episcopus conciliauit, pacis, quæ minus ſperabatur, nobilis ſequeſter 15. Kal. Martij: quando & Otho ex conſilio fratris ſui Brunonis Luitholpho regnum dedit Italiz; ne in eodem Regno commorantibus, nouæ diſſenſionum cauſæ ſubnaſcerentur.

*Pax inter
filium &
patrem à
S. Vdalrico.*

Ludouicus Transmarinus Francorum Rex, expeditus in equo proficiſcens Lauduno Rhemos incidit in lupum, quem inſecutus concidit, toto corpore labefactatus, & ſanguine computreſcente leproſus obiit, ſepultus Rhemis, neque ſatis prudens, neque ſatis religioſus. Suſceperat 5. liberos; ſed duo tantùm ſuperſtites fuere patri, Lotharius Rex Franciz, & Carolus Lotharingiz dux; Arnulphus

*Ludou.
Transmarinus
obiit.*

eius filius nothus Archiepiscopus Rothomagensis fuit: filia Mathildis Conrado nupsit, dotisque nomine Lugdunum abstulit; omnes neque patre meliores, neque fortunatiores.

*Precedit
ei Lothar-
ius sub
Hugone
Magnus.*

Gerberga vxor Ludouici ad Hugonem Magnum confugit, à quo benignè cum filiis recepta est; Lotharium hic Rhemis innungi curat per Artaldum; ipse regnum administrat, sed sapientiùs quàm Carlouingianæ res postulabant, quæ eius maximè prudentiâ, & authoritate conciderunt.

*Ratheri
Episc.
demissio.*

Florebat hoc tempore Ratherius Veronensis Episcopus scriptor, de quo ipse ita cecinit; *Verona præsul, sed ter Ratherius exul*; qui in Lobienſe monasterium, vnde euocatus erat, tandem regressus, suo tumulo inscribi voluit: *Conculcate, pedes hominùm, sal infatuatum*; magno, & post mortem duraturo Christianæ demissionis exemplo.

MVNDI
5003.

CHRISTI
955.

*Moriatur
Hugo
Magnus.*

Mortuus est hoc anno Hugo Magnus, sepultusque in æde S. Dionysii; metuendus Regibus suis prudentiâ potiùs, quam fortitudine, quæ tamen ipsi non defuit. Dictus & Magnus, Albus, & Abbas: & Magnus quidem, propter ingenium & solertiam; Albus, ut à Nigro Rodulphi Tyranni fratre distingueretur; denique Abbas, quia exemplo patris & Aui Abbatias Maioris Monasterii Turonensis, S. Dionysii, & S. Germani Parisiensis sibi retinuisset; quorum redditibus sibi multos conciliauit, ac tandem Regibus, id parum piè atque imprudenter tolerantibus, superior extitit.

*Agapeto
Precedit
Ostauia-
nus seu
Iohannes
XII.*

Defunctus est hoc anno vir sanctissimus Agapetus, cum sedisset annos 9 menses 7. dies 10. Cuius sedem inuasit, Romanis fauentibus, iam factus Urbis Princeps ex Clerico, Alberici filius Ostauia-

Octavianus, adolescens vix annorum duodevinti; quare cum Otho puerum vocavit. Primus autem immutavit nomen suum, vel in gratiam patris sui Ioannis XI. vel ut melius exciperetur, atque ei venienti occineretur; *Fuit homo missus à Deo, cui nomen erat Ioannes*; cum tamen nec à Deo, nec ab hominibus electus esset, sed in hanc sedem Tyrannus, & Tyranni filius, inuolasset.

Hungaros depopulantes Germaniam, atque Augustam Vindelicorum obsidentes, pietate potius quam armis instructus Otho confidenter invasisit, die S. Laurentii, ac tantâ deleuit clade, ut vix eorum sex aut septem effugerint, Regibus etiam eorum aliquot è furcâ suspensis ad ignominiam.

*Hungari
deleti ab
Othone.*

Turbata sunt denique hoc anno Anglia & Hispania, hæc, morte Ordonij tertii, Veremundum filium impuberem sub tutelâ Sancii Crassi fratris sui relinquentis; Illa, morte Eadredi, subrogato filio Eduino adolescente libidinoso, qui in exilium S. Dunstanum relegavit, à quo publicè reprehensus erat ob meretriculam; quam ob causam Rex ipse expelli vicissim regno meruit, meretrix enecari; servis Dei numquam impunè passis iniuriam.

*Turbata
Hispania
& Anglia.*

*S. Dun-
stani exi-
lium.*

MVNDI
5009.

CHRISTI.
956.

Mortuus est hoc anno Theophylactus turpissimus Patriarcha Constantinopolitanus, qui dignitates omnes Ecclesiæ pretio addixit, equos ad infaniam deamans, quos alebat pretiosè. atque aptabat. Cum autem in cœnâ Domini Mysteria celebraret, accepissetque eximiam equam peperisse, relicto sacrificio cucurrit ad stabulum, visoque pullo, probatoque, recurrit ad altare. Die autem quâdam temerè equitans, allisus ad parietem, sanguinem euomit, ac triennio toto ægro-

*Theophy-
lacti Pa-
triarch.
Constant.
obitus.*

*Eius vi-
tia.*

R 2 tans

tanstandem 3. Kal. Martias, impuram quoque
euomuit animam, Caligulæ atque Copronymo
apud inferos iungendam atque comburendam.
Huic successit Polyeuctus Monachus, vir bonus
& sapiens, non tamen satis probatus Principi-
bus, quoniam ad eorum scelera nequaquam con-
niueret.

*Succedit
ei Polyeu-
ctus.*

*Pestis in
Germania.*

Grauis pestilentia Germaniam vexauit, quâ
etiam afflatus Otho, à S. Vito martyre sanatus
est. Afflandorum autem lue vestes crucibus mira-
bilibus notabantur, vt hoc morbi genus verè
sciret, diceretur.

MVNDI

CHRISTI

5010

957.

Saraceni in Oriente vicum Herculis ingressi,
Themel Sacerdote ad aram faciente, manibus
ipse gestans Christi Domini corpus in eosdem ir-
ruit, multos vulnerauit, multos interemit; qua-
mobrem suspensus est, ab Episcopo; à quo cum
non posset impetrare veniam, eiurata Fide factus
est Saracenus, multaue Ecclesiæ, plura Imperio
intulit damna, ad Sacerdotium minùs quàm ad
bellum aptus.

*Sacerdos
fuit
Sarace-
nus.*

*S. Dun-
stanus re-
uocatur.*

S. Dunstanus ab exilio reuocatus ab Edgardo,
depulso Eduino, ab illo præfatus est Ecclesiæ
Vigornienfi. Sed hunc dum consecrat Odo Can-
tuariensis primas, non Vigorniensem sed Cantua-
riensem dixit: quod non error, sed prophetia fuit;
hanc enim ad sedem postea translatus, ostendit
Odonem sine dubio vatem extitisse.

MVNDI

CHRISTI

5011

958.

Berengarius Tyrannus, quem in officio reti-
nebat Luitholphus Othonis filius, eo demortuo
furere cœpit, ac sacra prophanaque permisce-
re. Eum autem instigabat mortalis Megæra eius
vxor Villa, in quam omnia crimina conuene-
rant; sed primas tenebant impudicitia atque
crudelitas, quibus quasi facibus inflammata de-
bacchabatur.

*Berenga-
rius furor.*

Debel-

Debellaui hoc anno Slaui nos Otho , eorum Regulo interfecto . Cepit etiam eo ferè tempore Bolesodem Turcam baptizatum Constantinopoli , & Patriciatus titulo auctum . Qui cum à fide Apostata , in Græcos primò , deinde in Francos irruisset , ab Othone captus , non uti Dux , sed grafator suspensus est , ut proditum à se Christum Iudas alter repræsentaret .

*Othoni
victoria.*

Obiit etiam eodem anno S. Odo Cantuariensis Archiepiscopus ; cuius successor Edelfinus cum eius tumulum contumeliosè calcaasset , dum Romam pergit , ad petendum pallium , frigore obriquit in Alpibus , ut cæteri modestiùs de viris sanctis loqui docerentur .

*Edelfinus
Episco-
pus.*

MVNDI

5012.

CHRISTI

959.

Regina Rugorum Helena baptizata Constantinopoli petiit ab Othone Episcopum ; sed is malè acceptus ab his populis , vix incolumis effugit , eosque non oues esse , sed crudeles lupos aliquot suorum iacturâ intellexit .

*Rugi ma-
lè accipi-
unt suum
Episco-
pum.*

Edgarus totius Angliæ Rex constitutus est , mortuo Eduino Rege ; cuius anima ne raperetur à Dæmonibus ad inferos , S. Dunstani preces inhibuere , in hominem sibi aliàs insensibilem misericordis .

*Edgarus
succedit
Eduino .*

MVNDI

5013.

CHRISTI

960.

Imperator Constantinus Porphyrogenetus seu VII I. hoc anno veneno potatus est à filio suo Romano , quem diuturnioris vitæ atque Imperii paterni tædebat . Vixit ille annos 54. cum 2. mensibus , imperauit 49. vir in omnibus disciplinis versatus , liberalis in Ecclesias , in Deum pius , sed in administratione Imperij negligens , atque in puniendo sæuus ; vno verbo melior priuatus , quàm Princeps . Legitur etiamnum parænesis eius ad Romanum filium , quâ prohibet aliena connubia , præterquam

*Constant.
Porphyro-
genitus
moritur .*

*Succedit
ei filius
Romanus.*

Francorum, ob antiquam gentis nobilitatem omnibus clavis familiis inferendæ . Statim autem Romanus Imperator acclamatus filium suum Basilium per Polyeuctum Patriarcham coronari iussit; vt aliis Imperii spes adimeretur .

*Ioannis
XII. cum
Othone
fœdus .*

*S. Dun-
stanus tum
Romæ .*

Ioannes XII. aliique Episcopi , cùm Berengarium vltra ferre non possent, mittunt ad Othonem Legatos, eumque accersunt in Italiam. Hæc autem inita inter Ioannem & Othonem societas est; vt hic Romanæ Ecclesiæ priuilegia accuratè seruaret; ille vt eum coronaret Imperatorem . Quæ facta sunt cùm S. Dunstanus Romam venit , à Ioanne magnificè susceptus, Pallioque donatus , ac muneribus quæ eius magna sanctitas affligitabat; tum Romæ vt rara, sic in magnâ admiratione .

CAPVT VII.

DECAS SEPTIMA .

Ab anno Christi 860. ad 870.

MVNDI CHRISTI
5014. 961.

*Otho ve-
nit in Ita-
liam, &
omnes vir-
tis .*

Othor Rex Germaniæ filium suum Othonem ex Adelaide, antequàm veniret in Italiam, Regem creat , & nutriendum committit filio suo Guillelmo ex priori vxore, Archiepiscopo Moguntino . Tum in Italiam venit , ac Papiæ substitit , nulloque negotio expulsis Berengario eiusque filio Adalberto , quoniam illi fauere SS. Petrus & Paulus putabantur , eiusque perductiores esse , ostendit bella ex pietate suscepta vix vnquam exitu felici carere . Tunc temporis autem idem Otho corpus S. Mauricii Thebæzorum Ducis Magdeburgum transtulit, vbi hæc reliquit magno

magno honore susceptæ sunt, & magnâ religione conseruatæ.

S. Nicon, cognomento *Μετανοῖτης* *pœnitentiam agite*, quod hæc verba vbique intonaret, Armeniâ, suis erroribus vtcumque purgatâ, in Cretam venit, iam pæne Saracenam ex longâ in eâ Arabum commoratione. Hanc vindicant Imperio Nicephorus Phocas, eiusque Germanus Leo; Nicon etiam asseruit Christo; qui exinde totam Græciam, intonans *μετανοῖτε*, concursauit; neque tantum verbis, sed & miraculis potens; multos ex suis erroribus atque vitiis reuocauit; potentissimum, Deoque coniunctissimum, vitæ sanctimoniâ, instrumentum.

MVNDI

CHRISTI

5015.

962.

Hoc anno Otho, cognomento Magnus, magnificentissimè susceptus Romæ à Clero, Populoque Romano, inunctus est à Ioanne XII. Imperator; qui vice versâ obtulit Ecclesiæ Ro. ingentia munera, & concessa à Pipino, Carolo Magno, & Ludouico, tyrannorum vexatione pæne deperdita, confirmavit: additæ tamen conditiones Pontificibus Ro. graues, de eorum electione probandâ, & eorum in populos sibi subditos regimine; sed tunc necessariæ, ob temporum perturbationem, quam Tyranni, & ab iis intrusi Pontifices inue-xerant. Quamobrem hic frustra Heterodoxi insultant S. Petri Romanæ sedi, ac Pontificibus, eosque subdere volunt Imperatoribus; quos tunc temporis potius propugnatores suos, quàm oppugnatores Romani Pontifices senserunt, & agnouerunt.

S. Nicon
Μετανοῖτης.

Imperator
Otho Ro-
mam ordi-
nat.

Hugo
Rhem.
Arch. sa-
dem reie-
ctus.

Synodus Meldensis, mortuo Artaldo, congregata est, vt de Hugone statueretur, quem sæpe damnatum quidam Episcopi restituere meditabantur in sedem quam tam sæpe perdidit, eâdem indignissimus Itaque adstipulante Lothario Francorum Rege electus est Odalricus Hugonis cuiusdam Comitis filius; cui nobilitas &

R 4

prosa-

Eodem anno misit idem Nicephorus Phocas Manuelem cum classe in Siculos Saracenos, ut se eximeret à tributo pensitari solito à tempore Basilij Imp. Sed Manuelis imperitia res Græcorum perdidit, Saracenorum erexit, cum hic casus esset cum exercitu. Tumque credidere Saraceni quod in vaticiniis Hippolyti Episcopi Siculi legerant, se nunquam à Græcis vincendos esse, sed tantum à Francis; & verum vatem Hippolytum extitisse, postea euentus docuit.

Græci à Saracenis in Sicilia vitti.

M V N D I

C H R I S T I

907.

954.

Nicephorus Phocas Imperator asseruit Imperio insulam Cyprum, & ferè centum vrbes, ipsamque Antiochiam; inuisus tamen populo quod militibus nimium indulgeret, donaria Ecclesiarum auferret, iisque imponeret tributa, muniret Palatium non ut domum Imperatoris, sed Tyranni receptaculum; aliaque eiusdemmodi faceret, quæ magis impotentem Dominum saperent, quam Imperatorem.

Nicephorus victor, & odio suo.

Victi Romani hoc anno contra Othonem & Leonem rebellantes, atque de iis ingens edita strages. Sed cum mox Otho Spoletum venisset contra Adelbertum, Romani Leonem expulere, & Ioannem recipere; qui cum malè quosdam Episcopos & Cardinales excepisset, ii ad Othonem confugere, qui mox ad eos castigandos accessit, arbiter jam factus Imperij, atque Ecclesiæ.

Leo VIII celsus, receptus Io. XII.

Interea Ioannes XII. Synodum Romanam conuocat 4. Kal. Mart. in qua Leonem, Othonem, aliosque ei fauentes damnat, ac priorem Romanam Synodum aduersus eum collectam. Neque tamen diu sibi potestate redditâ usus est. Dumenim extra Urbem cum vxore cuiusdam Romani turpiter volutatur, in temporibus à malo genio grauitè perculsus, ex eâ plagâ intra octiduum obiit pridie Idus Maii, locumque suum reliquit Benedicto V. S. R. E. Dia-

Io. XII. damnat Leonem, Othonem, &c.

Moritur Io. XII.

ei succedit Benedictus V.

phus Princeps Capuanus, in eo laudandus quòd virum receperit, quem legitimum Pontificem agnoscebat; qui tamen Petri sedem non ascendit, nisi mortuo Benedicto V. qui hoc anno sedem Romanam reliquit, vt cœlestem conscenderet.

*Io. XIII.
ei succedit*

Poloni Slauinorum propago, accolæ Sarmatiæ, hoc anno ad Christum conuersi sunt, Miescâ, seu Miezeslao, facto Christiano, per uxorem Dabbrauam, seu Dobberam, filiam Boleslai Bohæmorum ducis; ad quem misit Ioannes XIII. Ægidium Tusculanum Episcopum, qui res Ecclesiæ hîc plurimum promouit. Quo tempore Vvandali quoque recepere fidem sub auspiciis eiusdem Ioannis, quando migravit ad Deum 5 Id. Oct. Bruno Episc. Colonienfis, cuius familia tota sanctitatis domicilium fuit.

*Poloni
Christiani,
sicut et
Vvandali.*

*Bruno
Colonien-
sis Episc.
moritur.*

MVNDI CHRISTI

909.

966.

Adelbertus, nomen adhuc gerens Regis Italiæ, & Ioannes XIII. Pontifex à Romanis eiectus, Othonem iterum euocauere. Quem metuentes iidem Romani, sponte reuocauere Pontificem; sed hoc facto contentus Otho non fuit; nam Consules expulit Italiâ, Tribunos suspendi è ligno iussit, Præfectum Urbis successorem Rotfredi, nudatum, in Asino, vtre redimitum, inter verbera per Urbem circumduci; Rotfredi verò, qui Ioannem expulerat, extumulari, eiusque laceratum cadauer dissipari; vt horum exemplo deinceps Pontifices tutiores essent, Romani cautiores.

*Otho Ro-
manus
(9 sedis-
sionis mul-
tas.*

Lotharius Rex Francorum hoc anno duxit uxorem Emmam aut Eminam filiam Lotharij II. Regis Italiæ, & Adelaidis, ex qua suscepit Ludouicum, in hoc tantum celebratum, quòd in eo Carlouingij Francis Imperare desierunt.

*Lotharij
Franci
nuptiæ.*

MVNDI CHRISTI

920.

967.

Otho cum Pontifice Rauennam pergit, vbi

*Otho res
ordinat
Ecclesiæ.*

res huius Ecclesiæ ordinat, immo hunc agrum sibi antea restitutum, nunc autem confirmatum: unde Romam redit Ioannes, Otho in Tusciam, cum hac arma, illa desideraret exemplum.

Otho Iunior imp.

Otho Iunior Magni filius hoc anno coronatus est Imperator in Natalitiis Domini; ne imperium, si quid patri contingeret humanitùs, capite priuaretur; quod hæc tempora maximè refugiebant.

*Res Hispanica turbatio-
res.*

Obiit hoc anno Sancius Crassus, relicto successore filio suo Ramirio tertio sub tutelâ Terefiæ matris, auxilio diuino summopere indigentis. Attritus enim antea Saraceni resumpserant animos ex bellis domesticis Sancij, & Ordonij cognomento Mali, in quibus Sancius ad Saracenos confugere coactus erat; & periculum erat ne sub puero Principe, ex auxiliatoribus Arabes illi fierent oppressores.

*Victoria
Godifridi
de Gigan-
te.*

Godofridus Andegauensis Comes, in bellis excitatis inter Normannos & Francos Etelulfum gigantem Danum, solo aspectu terribilem, ex prouocatione aggressus vicit & interemit; & docuit in certaminibus plus animum, quam corporis molem prodesse.

MVNDI

5021.

CHRISTI

968.

*Nicephorus
vi imper-
a uaria.*

Nicephorus Phocas valdè succensus est Othoni, quòd Principes Beneuentanum, Capuanum, & Salernitanum à se disjunctos in suam clientelam recepisset; quare Legatos ab Othone, & Ioanne Pontifice missos, ob nuptias Annæ filiæ Romani Imperatoris cum filio Othonis, malè accepit. Contigit autem tum deliquium Solis, & magna in Oriente frugum penuria; qua Nicephorus Imperator sordidè vsus, repositum frumentum charius vendidit, sicque dum thesauros auget, beneuolentiam subditorum suorum perdidit, pecuniis omnibus potiore.

Ioan-

Ioannes XIII. Capuz Archiepiscopum constituit, primamque campanam Ecclesiæ Lateranensis miræ magnitudinis æream de suo nomine, vel S. Prodrumi, *Ioannem* dixit, solenni ritu huic benedicens: vnde factum, vt quia eiusmodi campanis imponebatur nomen, vt infantibus aquâ sacrâ elutis fieri solet, imperita plebs eas baptizatas dixerit; quod dum Heterodoxi rident, in popellum, non in Ecclesiam suos cachinnos adhibent ineptissimè.

Normanni, Gunderedo Duce, classe centum nauium Gallæciam inuadunt, Compostellam exscindunt, Sisenandum Episcopum in prælio cædunt, qui sanctiùs ad altare, quàm in acie cecidisset; sed quid aliud expectaretur ab inuasore sedis huius, & belli quàm rittum sacrorum peritiorè? verùm Christiani vicini, Duce Gundisaluo Sancio Castellæ Comite, aut potiùs sancto Iacobo Apostolo, eis eripere prædam, plurimos peremere, plurimos cepere; pauci, subductis nauibus ex incendio, inopes cum magno dedecore, ac mukis vulneribus, ad sua rediere.

*Prima
campana
à Ioan.
XIII. be-
nedicta.*

*Norman-
ni s. feli-
citer Gal-
læciam in-
uadunt.*

MVNDI CHRISTI

5022.

969.

Nicephorus hoc anno Græcâ fide cum Othone ac Latinis egit; fingit enim se mittere Annam nuptiis jungendam; cui dum occurrunt Latini, eius ingressum in Italiam cohonestaturi, deleti sunt internecione. At reliqui Duges Othonis, resumptis aduersus perfidos animis, Græcis cum fœnore reposuerunt cladem, eisque Calabriam & Apuliam, quas possidebant, ademerunt; captiui verò, truncatis naribus, omnes Constantinopoli remissi sunt; publica Græcæ perfidiæ monumenta. Quibus auditis insurrexere in Nicephorum Constantinopolitani, duçibus Theophanâ Augustâ Imperatoris vxore, & Ioanne; Zemisce atque in eo tumultu Nicephorus Phocas interemptus est, eique substitu-

*! Nicepho-
rus in La-
tinos perf-
dos inte-
rimisur.*

Ei succedat Ioan. Zemifce.

stitutus Zemifces. Sed eum coronare noluit Polyuctus Patriarcha, nisi Theodoram eiiceret in exilium, abrogaret iniquum decretum, & bona quæ priuatus possederat pauperibus effunderet: quæ ubi præstitit, inauguratus est Augustus, ut pietate, non perduellione consecutus Imperium videretur.

Syriam à se excipitur.

Saraceni, expugnatis in Ciliciâ & Syriâ urbibus, Ioannem Patriarcham Hierosolymitanum viuum combusserunt, quasi Græci Imperatoris fautorem: Antiocheni quoque Patriarcham suum Christophorum jugularunt; incensum quoque Dominicæ sepulturæ templum; sic maduit humus sacro sanguine, aer sacris quoque flammis exarsit.

Vincula S. Petri Romæ honorata.

Hoc anno Comes quidam Othonis Magni à Dæmone correptus, ac seipse dentibus dilacerans, ad Ioannem XIII. perductus est, cuius collo injecta cathena quibus victus fuerat S. Petrus, expulso malo genio, statim sanæ menti restitutus est; unde Romæ in sancta Petri vincula creuit veneratio; eaque colere cœperunt Romani religiosius, quorum contactum ad eod mali genij reformidassent.

MVNDI

CHRISTI

5023.

970.

Polyucto succedit Basilus

Polyucto Patriarchæ Constantinopolitano mortuo successit Basilus Monachus, vir bonus & probatus: Theodorus quoque Monachus, qui Ioanni Imperium prædixerat, eodem adnitante præfectus est Antiochenæ Sedi: Antiochiam enim obsidentes Saraceni, magnis viribus ab Imperatore repulsi, sicut & Roxolani seu Russi iuncti aliis Barbaris, coacto exercitu trecentorum millium, quos Imperatoris exercitus dissipauit, ac fudit, ad laborante Deo Zemifci, qui à pietate ac demissione Imperium esset auspicatus.

Barbarorum clades.

CAPVT VIII.

DECAS OCTAUA.

Ab anno Christi 970. ad 980.

MVNDI

5024.

CHRISTI

971.

Ioannes Zemifces Imperator, ope SS. Georgij & Theodori, Bulgaros, Russos, Scythas, Turcos, aliosque Barbaros exercitu trecentorum triginta millium inuadentes Ro. Imperium, iteratis sæpe præliis, magnoque periculo deleuit; regnum Bulgarorum sustulit, capto Borise Rege cum vxore ac liberis, & regni primariâ ciuitate Parasthlabâ, quæ dicta Ioannopolis. Rediens Constantinopolin victor, triumphare voluit B. Virginem in curru, ipse in equo pompam cohonestauit; ac monetam auream percuti iussit, cum his verbis; *Christus Rex Regum*, quam sequentes Imperatores, quantumuis improbi, ausi non sunt improbare.

*Zemifces
relata in
signi vi-
ctoria B.
Virginem
triumpha-
re cupit.*

MVNDI

5025.

CHRISTI

971.

Mortuus est hoc anno Ioannes XIII. cum sedisset annos sex, menses vndecim, dies 5. sepultus in Basilicâ S. Pauli; cui successus est 12. Kal. Octob. Donus, aliter Dominus, seu Dominio; qui cum vix occupasset sedem mensibus tribus, obiit 14. Kal. Ianu. habuitque successorem Benedictum Sextum patriâ Romanum, filium Hildebrandi, cuius nomen felicius, quam exitus fuit.

*Dominus
succedit
Io XIII
huic Be-
ned. VI.*

MVNDI

5026.

CHRISTI

973.

Cum paulò antè mortuus esset Vvilelmus

Mo-

*Maritus
Otho Ma-
gnus.*

Moguntinus Antistes, filius Othonis & Mathildis, eiusdem Imperatoris matris inter sanctos relatæ, ipse quoque Otho Non. Maij diem clausit extremum in Saxoniâ subito correptus morbo; vir post Carolum Magnum Imperatorum Occidentalium maximus; atque vt eius sceptro, ita cognomine dignissimus.

*Otho II.
seu Iunior
ei succedit*

Eidem successit, qui jam cum patre annum sextum imperabat, Otho Iunior, Adelaidis filius: inderameneius anni Imperij procedunt, quia hi sex anni visi sunt potius Principatus tyrocinium, quàm Imperium.

MVNDI CHRISTI.

5027.

974.

*Ben. VI.
succedit
Bon. VII.
Tyrannus.*

Bonifacius quidam Romanus, cognomento Franco, Diaconus S. R. Ecclesiæ scelestissimus, Benedictum VI. vi captum, & detrusum in custodiam ibidem strangulauit, cum sedisset menses tres, & aliquot dies. Cuius sedem idcirco perduellis inuasit, tenuitque anno vno atque mense, dictus Bonifacius VII. sed meritò à plerisque expunctus ex Pontificum numero, Tyrannis potius atque sacrilegis inuasoribus adnumerandus.

*S. Romualdi
instituta.*

Romualdus Rauennas ortus ex nobilissimâ Ducum stirpe, in Monasterio Classensi S. Apolinarij juxta Urbem, sub Honestio Abbate monachi suscepit habitum; vnde ad Anachoretarum vitam secedens, postea Camaldulensis Ordinis fundator extitit, hominesque docuit inter terris vitam Angelorum æmulari.

MVNDI CHRISTI

5028.

975.

*Fis Pontifex
Bened. VII.*

Benedictus Romanus ex Albericorum stirpe Bonifacium crudelem Romanæ sedis Tyrannum Româ expulit; at is addens sacrilegium perduellioni, Basilicam Vaticanam omnibus ornamentis spoliavit, ac fugit Constantinopolin, Statim in eius locum successus est ex Surino Episcopo Benedictus VII. dignissimus qui

qui hominis sceleratissimi facta emendaret ; quare eidem , nemine reclamante , subleſus eſt .

Obiit hoc anno cùm , jam victor Damascum perueniſſet , magno Eccleſiæ atque Imperij damno , potatus veneno à Baſilio quodam Ioannes Zemiſces Imperator Non. Decemb. cùm fere ſex annis imperaſſet ; in quo nihil præter Imperij breuitatem potuit deſiderari . Eidem ſucceſſere eodem die filij Romani iunioris Baſilius & Conſtantineſis , ille annorum 20. hic 17. qui ſtatim Theodoram matrem exulem ex Proconneſo inſulâ reuocarunt . Quo pariter anno , ſed ante Ioannis Imp. mortem , Baſilius Patriarcha Conſtantinopolitanus accusatus in Synodo criminis , deſcriptus eſt , eiſque in locum Antonius Studites ſubſtitutus nouos Imperatores ſinunxit , magnificentiſſimè nouam auſpicatus dignitatem .

Mortuo Edgari Regi Angliæ ſucceſſit ex eius voluntate eius primogenitus Edvardus , ſub quo ſtatim celebrata eſt Vintoniæ Synodus à S. Dunſtano , in cauſâ Clericorum qui eiecti fuerant ob libidines , eorumque loco Monachi ſubſtituti ; quando petente Rege , atque præſulibus plerique , vti Clerici reſtituerentur , parato S. Dunſtano ad ſerendam ſententiam , imago Chriſti pendentis è cruce in hæc verba erupit : *Non fiet , non fiet , iudicaſtis bene , mutaretis non bene* ; quibus verbis auditis , ac diuinitus diremptâ lite , & monachis ſuis relictus eſt locus , & Clericis impudicis pœnitentia .

Zemiſces moritur .

Ei ſucceſſere Baſilius & Conſtantineſis .

*Edgarus ſuccedit .
Edvardus*

Cruciſus ſententia .

• M V N D I
5019.

CHRISTI
976.

Oriente Imperium regebat , ſub Iunioribus Imperatoribus Baſilio atque Conſtantino , Baſilius Præfectus Vigilum , à quo Zemifces ſublatus erat ; hic ſuſpectum ſibi Bardam Sclerum , cognomento Phocam , Ducem Orientis exau-

Turba in Oriente .

exautorare conabatur; at Bardas inuitatus à militibus, & vaticinio cuiusdam Monachi, purpuram induit, atque egit Imperatorem, magno damno totius Orientis. Quando & Antonius Studites sedem Constantinopolitanam, ex timore de hâc rebellionem concepto, reliquit sponte, nullo eidem suffecto; vt simul res politica & Ecclesiastica turbaretur.

*S. Nilus
cum suis
Monachis*

Missus est ab Imperatoribus Orientis in Italiam ad regendam Calabriam Eupraxius præfectus; qui postea sanatus operâ S. Nili ex infanabili morbo, factus est monachus, nec tantum corpore, sed & animo conualuit. Fuit S. ille Nilus Calaber ex oppido Rossano, vitam monasticam primum in patriâ sectatus, deinde transgressus, Saracenorum metu, quos Græci in auxilium suum euocarant, Cassinum, & in Monasterium S. Michaëlis translatus, nusquam statutis sedibus cum discipulis suis vixit, *vt se in terris non habere permanentem ciuitatem, suis erroribus religiosis, indicarent.*

*Lotharius
Rex Lud.
V. Regem
coronandū
curat.*

Lotharius Francorum Rex 34. veritus Carolum fratrem suum, & Hugonem Capetium, filium suum Ludouicum V. Regem inaugurari curat, eique decem ferè annis superfuit; sed cum neuter prudentiæ satis atque dexteritatis sortitus esset, atque Hugoni compositus esset, viro de se atque parente suo ditissimo atque potentissimo, nihil effecit, nisi vt prosapiæ domusque suæ ruinam præuidisse videretur.

MVNDI CHRISTI

5030.

977.

*Romualdus
cum comi-
tibus vn-
cialocū
percurrit.*

Romualdus transit ad Marinum Eremitam in agro Veneto degentem, vbi addixit sibi Petrum Vrscolum Venetiarum Ducem, sponte relicto Principatu, & Gradenicum nobilem Venetum, cum suis; quibuscum, secutusque Guarinum Abbatem Gallum Aquitanum, transit in Galliam, vbi mirabilem vitam exorsus est. Postea tamen mortuo Vrscolo, Guarinus, Ioan-

nes,

nes, Marinus & Romualdus, cum Olibano Comite Aquitano, in Italiam rediere; hic Cassinum profectus, ubi se ac suas diuitias obtulit monasterio; illi in Eremum secessere, ut vitæ genus magis diuinum ab omnibus remoti sectarentur.

Otho II. Imperator diffidens seruare se posse Lotharingiam aduersus Francorum insultus, partem eius inferiorem sub titulo Ducatus Carolo, fratri Lotharij Regis Francici, concessit, accepto fidei atque subiectionis Sacramento. Quam ob causam hic, spretis suis Francis, se totum Germanis adjunxit; quâ occasione bene vsus Hugo Capetius, de Francis assiduè bene meritis, eos ita sibi suisque rebus addixit, ut cum, omissis Carlovingiis, vtiliorem sibi Regem iudicarent.

*Carolus
frater Dux
Lotharingie.*

MVNDI
5031.

CHRISTI
978.

Bellum atrox inter Francos & Germanos Lotharium & Othonem excitatum est. Franci Lotharingiam sædè depopulati Aquisgranum usque accesserunt, & tantum non Othonem cum coniuge interceperunt. Mox Otho, grandi parato exercitu, Francis reposuit vicem, Parisios usque progressus. At dum regreditur, ad Matronam (vel ut alij volunt ad Axonam) fluuium magnam accepit cladem, multis suorum interemptis, relictisque spoliis atque impedimentis: ac nisi S. Volfangus Ratisponensis Episcopus pro iis intercessisset apud Deum precibus suis, è tanto exercitu superfuisset nemo. Ita se miseri illi Principes conficiebant nullo alio opere pretio, quam ut acciperent clades atque reponerent.

*Lotharius
& Otho
II sese
variis cladibus afficiunt.*

Hoc anno S. Eduardus Anglorum Rex per nouercam suam Elfdriham, dum ad eam in venatione solus diuertit, potum accipiens inte-

*S. Eduardus
dux Maris.*

interemptus est , multisque miraculis clarus , martyr habitus ; quibus permota nouerca pœnitentiam egit , ac multis annis in magnâ austeritate vixit , ab eo consecuta animi vitam , cui corporis eripuerat .

MVNDI

CHRISTI

5032.

979.

*S. Dunstanus mi-
nister se-
natu .*

Ethelredus puer decennis Rex Angliæ coronatus est à S. Dunstano , qui tum prædixit gladium ab Anglis non recessurum , donec propter necem S. Eduardi Regnum transfret ad Regem alienigenam ; porro mox Calnæ conuocatâ Synodo , in causâ Clericorum , atque monachorum , repente cadente solario omnes elisi aut contriti sunt præter vnum S. Dunstanum in trabe mirabiliter consistentem ; vlciscente Numine litigatores illos , qui Christo loquenti acquiescere recusarant .

MVNDI

CHRISTI

5033.

980.

*Haraldus
à filio ca-
diunt .*

Haraldus Rex Danorum , magnus Christianitatis propagator , à filio Suen hoste Christi appetitus acerrimo bello , victus , ac sauciatus , die Sanctorum omnium moriens eorum numerum auxit . Impius autem Suen acerrimus Christianorum persecutor sæpe victus , sepe exutus regno , sæpe restitutus , variasque expertus calamitates , tandem pœnitens , fidem egregiè defendit , & auxit , eamque in Noruegiam induxit , auctusque Regnis Normannorum , & Angliæ , tandem gloriosus , & bonus occubuit ; hoc ei profuit martyrem habuisse patrem , & quem in martyrum numerum ipse parricida ac perduellis transfulerat

*Suen par-
vicida
Religionē
tueretur .*

Otho & Lotharius conuenientes ad Carim in Lotharingiâ sædus inierant , in quo se hic deludi passus est , reliquitque Imperatori , proceribus suis reclamantibus , Lotharingiam , qui ab eo tempore juris Germani cœpit esse ,

Otho

Otho tamen Ducatum Lotharingæ reliquit Carolo, Lotharij fratri, sub jure clientelari, extensum à Mosellâ ad Rhenum. Reliquum regni Lotharingici sub titulo item Ducatus concessit Friderico, quem præfectum huius partis Lotharingæ Mosellanæ, seu Mosellanicæ (quia jacebat inter Mosam & Mosellam) constituerat Bruno Colonienfis Episcopus : Lotharius ex illo colloquio, & fœdere, damnum duntaxat, cum ignominia, & suorum odio, vel contemptu reportavit.

Lotharingia duplex.

CAPVT IX.

DECASSONNA.

Ab anno Christi 980. ad 990.

MVNDI

CHRISTI

5034.

981.

Mortuo Antonio Studita, qui sponte Patriarchatum reliquerat, successit Nicolaus Chrysoberges : quando distento exercitu Imperatorio aduersus Bardam Sclerum, Bulgari sub Rege suo Samuele fortissimo, & religiosissimo, irruerunt in Græciam. Hic sanctorum reliquiis addictissimus, earum ope multas retulit victorias, ostenditque pietatem in bellis sæpe magis quàm arma prodesse.

Bulgari resumunt vires.

S. Nicon *πατριάρχης* magnum Orientis lumen tum suis precibus Bulgaros à Peloponneso depulit, Lacedæmonem in quâ degebat liberauit peste, eâ lege, vt Iudæi (quos capitaliter oderat, nec dignabatur alloquio) vrbe pellerentur ; ita eodem facto Spartam geminâ peste liberauit.

S. Nicon intatur Spartam.

Græci

MVNDI CHRISTI

5035.

982.

*Græci
pariē Ita-
liæ sibi
vindicare
parant
contra
Othonem.*

Græci, vt Calabriam sibi afferuarent, Saracenos in auxilium suumeuocarant; vtrosque inde depellendos Otho suscepit, grandi parato exercitu, sed armis quàm pietate instructiori. Huic etiam præerat, qui jam à religione Magni Othonis deflexerat filius; & magnificentiæ atque amplitudinis Ecclesiarum, quàm Religionis diuinique cultus sollicitior erat.

MVNDI

CRISTI

5036.

983.

*Otho vi-
ctus à
Græcis &
Saracenis
moritur.*

Otho in Græcos & Saracenos simul iunctos progreditur, commissoque prælio nauali victus, magnam exercitus sui partem amisit, cum omnibus proceribus, & aliquot Episcopis Germaniæ, qui tum ad altaria potiùs insulati, quàm in nauibus galeati esse debuerant. Otho ipse dum natatu effugit captus à nautis; sed ab his haud agnitus, ab Augustâ Theophane coniuge redemptus est. Ex eâ clade mœrore confectus Otho filium suum Othonem III. sibi successorem in Comitibus Veronensibus delegit, Henricum filium alterum Saxoniz creauit Ducem; quibus gestis Romam venit, vbi & obiit 7^o. Id. Decemb. sepultus in Paradiso, seu atrio Ecclesiæ S. Petri in tumulo porphyretico; vir tantum nomine patrem referens, huicque moribus dissimillimus.

*Ei succe-
dit Otho
III.*

MVNDI

CHRISTI

5037.

984.

*Benedictio
VII. sac-
ce tis Ioā.
XIV.*

6. Id. Iulij fato functus est hoc anno sedis suæ 9^o. Benedictus VII. cuius locum impleuit Petrus Ticinensis Episcopus, dictus Ioannes XIV. Archicancellarius Othonis; vir magnus, sed ad dirum exitum reservatus.

*Otho III.
facta pa-
tris emen-
dat.*

Otho III. emendauit delictum patris, reddito Mersburgensi Episcopatu, quem pater Magdeburgensi coniunxerat, ne ipse patris pœnâ, vti crimine, implicaretur; curante

Theo-

Theopanâ Augustâ , quæ Græcæ impietatis nihil extulerat Constantinopoli .

MVNDI CHRISTI

5038.

985.

Bonifacius ille perduellis , homicida , atque sacrilegus expilator Vaticanæ Ecclesiæ , auditâ morte Benedicti VII. Constantinopoli , Romam venit , vbi cum suis fautoribus , pecuniâ fretus ac furtis , & Arce S. Angeli , quæ à suis tenebatur , irruit in Ioannem XIV. vinculis constringit , & eâ lem arce 4. mensibus detentum enecat fame , eiusque cadauer pro foribus Castri omnibus spectandum obicit 13. Kal. Sept. Statim ergo duorum Pontificum fœdatus parricidio , Petri sedem iterum inuadit ; in quâ cum sedisset mensibus 4. sæntem spiritum exhalauit , lanceis post obitum confossus à suis , & in sterquilinum abiectus ; sepultus tamen à quibusdam Clericis , quàm par erat in tam detestandum hominem humanioribus .

Bonifacius Pseudopontifex Romanus redit , & Io. XIV enecat .

Bonifacius moritur .

Eligitur Pontifex Ioannes XV.

Fugit Roma , eo-que reuocatur à Romanis .

Ramiro moritur & cedit Veremundus . II.

Ei successus est legitimus Pontifex Ioannes XV. patriâ Romanus ; qui tamen diu pace & sede vsus non est ; cum Crescentius Tyrannus molem Hadriani occupasset : quare fugit in Tusciam , vnde misit Legationem ad Othonem III. vt eius opem imploraret . Veriti ergo Romani ne per vim Pontifex , vt olim , & multorum damno reduceretur , eum ipsi missâ Legatione perhonorificâ accersuere , atque vt Vicarium coluere Christi ; sed non ex virtutis amore , sed timore pœnæ .

Obiit hoc anno Rex Legionensis Ramirus , cuius pax maximè cum Arabibus facta damnatur ; vnde in Castellam & partem Gallaciæ tota vis Saracenici belli incubuit . Captæ enim vrbes Christianorum multæ , atque inter cæteras Compostella diruta , vbi tamen Arabes abstinuere ab Apostoli sepulcro . Successit Ramiro Veremundus II. filius Ordonij III. qui cum

cùm regnare satis piè cœpisset, postea irruit in Achaulphum Compostellanum Antistitem, ad quem eius pietas allisa est.

MVNDI CHRISTI

5039.

986.

*S. Nicon
feruas
Spartam
à terra
motu.*

Hoc anno, Octobri mense, magnus terræ motus Constantinopolin multasque Græciæ prouincias concussit; in illâ plurima templa corruere; quominus Sparta eo concuteretur S. Niconis preces impedire; quas dum effundit, eius effigies est impressa saxo, ut vrbs ista tantum hospitem viuum & mortuum serualle gloriaretur.

*Lotharius
moritur,
qui succedit
Ludouicus
V.*

In Franciâ, 6. Non. Mart. regni sui vno & trigesimo, obiit Lotharius Rex, ad suscipienda bella, quàm conficienda pronior; & moriens filium suum commendauit Hugoni Capetio, quem ille sic coluit ut dominum, ut tamen ab eo Rex & dominus fieri nequaquam desperaret.

MVNDI

CHRISTI

5040.

987.

*Lud. V.
sen Nihil
fecit mo-
rietur.*

Mortuus est hoc anno Ludouicus V. cognomento *Nihil fecit*, qui neque subditos, nec uxorem suam regere potuit, à quâ propter animi imbecillitatem desertus est. Hæc Aquitana genere, ingeniosa & solers, ignauum & stupidum contempsit, atque recessit ad patrem. Sic in eo Carolouingiorum prosapia defecit. Carolus enim Ludouici frater ita se dederat Germanis, ut prope Francus esse definiret. Quamobrem omissus est ab iisdem Francis, ut ex aliâ familiâ bellicosissimâ Princeps præficeretur; cæteris prælatus Hugo Capetius, aliter Caputius, quod crassioris capitis esset, aut etiam obstinator. Hic autem cæteris proceribus Galliarum prælatus est, tum quia dignissimus, tum quod ex Pipino primo seu Crasso vel antiquo originem referret. Hic enim genuerat Carolum Martellum, & Childebrandam;

*Succedit
ei H. go
Capetius,
omisso Ca-
rolo Lo-
tharingo.*

dam ; ex Martello Carolouingiorum extiterat familia ; ex Childebrando defluxerat familia Capetiorum . Nam ex Childebrando natus est Nebelongus Madriæ Comes ; ex hoc Theodebertus ; ex hoc orti Odo Comes Aurelianensis, cuius filius Guillelmus sine liberis obiit, Guillelmus Comes Blesensis, cuius filius Eudo
dux, & tertius Robertus primus : ex Roberto genitus est Robertus II. Marchio Franciæ, cognomento Fortis seu Magnus, duxitque Adelaidem filiam Ludouici Pii : ex hoc Roberto exiere Odo Comes, & Rex Parisiorum, cuius filius Arnulphus sine filiis mortuus est, & Robertus III. alter filius Roberti II. Rex creatus contra Carolum Simplicem : ex Roberto II. exiit Hugo Magnus seu Abbas, seu Niger ; ex quo Hugo II. cognomento Capetius, cæteris antepositus est . Igitur sublatis hæredibus Caroli Martelli, concredita est Hugoni Francia, quia ad liberos Childebrandi fratris iure redire videbatur . Porro Rex creatus in vrbe Nouiomago ab omnibus regni proceribus, paucis exceptis, quos Carolo Lotharingo nuptiæ copulabant ; sacroque oleo inunctus Rhemis, qui postea prudentiâ suâ oblato regno se dignissimum præbuit, habuitque simul ex merito, & hæreditate, quidquid aliqui imperiti reclamant ; Quare ad Pontificem recursus non est, quia nullus fidei datæ Regi scrupulus relictus erat ; & iam Franci sapientiores erant, licet non minùs religiosi.

MVNDI

CHRISTI

5041.

988.

Hoc anno mortuus est S. Dunstanus Cantuariensis Archiepiscopus, multis miraculis clarus, maximè verò Prophetes ; sed damno Anglorum, quibus plurima mala nimium verè præcinit.

Hugo Capetius filium suum Robertum Regem inungendum curat, de more, Rhemis.

Tom. II. Pars II.

S

om-

*Childebrandi
prosapia.*

*Capetius
inunctus.*

*S. Dunstanus.
Robertus
Filius
inungitur
Regi.*

omnibus virtutibus illustrem, & ad fulciendam electionem patrisperidoneum. Tunc etiam idem Hugo regnum Francicum valdè labefactatum restituere conatus est; quod perfecit multo labore, atque prudentiâ; atque ita disposuit, ut pater alter eius parens & conditor dici posse videretur.

MVNDI CHRISTI

5042.

989.

Adalbertus Bohæmorum ac Pragæ Episcopus, de suis ad virtutem reducendis prope desperans, Hungaros ad Christum convertendos suscipit. Primus est factus Christianus eorum Princeps Geisa, qui obtinere meruit à Deo filium Stephanum, verè Adeodatum, & tam parentibus subditisque charum, quàm Ecclesiæ fructuosum.

*Geisa Hū-
gani S.
Stephani
pater.*

*Carolus
Laudu-
nun occi-
pat, obsi-
detur sed
fugant r
Franci.*

Carolus Dux Lotharingiæ ereptum sibi Franciæ regnum armis repetit, & Lauduno vrbe primo impetu potitur. Sed mox adfuit cum exercitu Hugo, à quo Lotharingi cæsi, & Laudunum compulsi, vrbe obsessâ, atque vallatâ. At hostes sese mœnibus continentes Francis iniecere fiduciam, ac negligentiam innatam genti. Dum ergo incautiùs degunt, & Francicè, in suis munitionibus, erumpentes Lauduno Lotharingi eos ad satietatem ceciderunt, & obsidionem soluere compulerunt. Hugo verò hâc clade nihil territus, novas copias conscripsit, ostenditque deinceps sibi defuisse semel fortunam, nunquam ingenii robur, atque patientiam.

MVNDI CHRISTI

5043.

990.

Hugo Archiepiscopatum Rhemensem dederat Arnulpho Lotharii filio notho, Caroli nepoti; sed ei sanguis charior fuit, quàm beneficium; post sex enim menses Rhemos urbem Carolo dedendam curauit. Quare collecta Synodus Syluaneæ, in vrbis huius omnes proditores, & dire-

*Arnul-
phus pro-
dit. Rhe-
mos Caro-
lo.*

& direptores dixit anathema , vrgente potissimum Arnulpho , vt à se suspicionem amoliretur ; quod tamen non præstitit , sed in suum ac patruī caput Ecclesiæ fulmen intorsit.

Et verò Hugo Capetius iterum Laudunum obfedit , atque ita oppugnauit , vt ei Carolus cum vxore dederetur . Hic statim Aurelias in custodiam missus ; in quā captiuus obiit , susceptis etiam in captiuitate liberis , paternæ infelicitatis hæredibus

*Capra
Lauduno,
capitur
quoque
Carolus.*

C A P V T X.

DECAS VLTIMA.

Ab anno Christi 990. ad 1000.

MVNDI CHRISTI
5044. 991.

Mortua est hoc anno Theophanes Augusta mater Othonis II. primi vxor, quæ Græcæ prauitatis nihil habuit , tantum ex Oriente attulit ingenium . Tres habuit filias , quarum duæ Adelais & Sophia in duobus monasteriis vitam religiosè contriuerunt ; ipsa preces assiduas , atque eleemosynas pro mariti quiete obtulit Deo , sicque exegit vitam in palatio , vt id in cœnobium mutasse crederetur.

*Theophanes Aug.
sta moritur.*

Misit hoc anno Romam Legatos suos Hugo , vt potestatem acciperet agendi aduersus Arnulphum Archiepiscopum Rhemensē , proditiōnis & aliorum criminum infimulatum ; sed cū pro eodem misisset Legatos suos Heribertus Trecentis & Meldensis Comes , Caroli Lotharingi frater , Hugonis Legati ne auditi quidem redire compulsi sunt ; quam iniuriam concoxit Hugo , sed quomodo viri sapientes , rebus suis

Hugo reiectus à Pontifice dissimulat.

nondum stabilitis atque nutantibus, solent.

MVNDI
5045.

CHRISTI
993.

*Deposuitur
Arnulphus, in-
iudicatur
Gerbertus.
R. em.
As hierp.*

Hoc anno Synodus Rhemis in causâ Arnulphi celebrata est; qui captus Lauduni, vbi fidei vinculis detinebatur, in hanc urbem adductus est, & oblati Episcopis qui ad se iudicii deuolutam auctoritatem arbitrabantur, de quo Pontifex respondere nolisset. Egit pro Arnulpho Abbo Floriacensis Abbas; Arnulphus Episcopus Aurelianensis multa in Ro. Pontificem male concocta protulit. Tandem conuictus ab Algaro Presbytero de apertâ hostibus, eius iussu, portâ, cum etiam alia crimina confessus esset, depositus est, atque in eius locum substitutus Gerbertus monachus Auriacensis, magister Roberti, filii Hugonis, qui Rhemensis, Rauennas, ac denique Romanus Pontifex fuit, vir maioris doctrinæ & ingenii, quàm pietatis.

MVNDI CHRISTI
5046. 993.

*Vesuuui
meritis in-
cend. um.*

Vesuuuius mons hoc anno inusitatis suis eruptionibus flammârû totam Italiam terruit; secuta deinde aliquot ciuitatum in Italiâ & Galliis incendia, quæ maximè Romæ sæuierunt; magna pars Urbis deflagrauit, quominus iisdem flammis inuolueretur Basilica Vaticana, S. Petri auxilium impediit, semper huic urbi, & maximè huic loco paratum.

*S. Maiolus
ius mori-
tur.*

S. Maiolus Cluniacensis Abbas, ab Hugone vocatus, vt in S. Dionysii Monasterium disciplinam collapsam instauraret, obiit Syluiniaci 5. Idus Maii, multis miraculis clarus, & magnum religiosæ virtutis exemplar.

Mor-

MVNDI CHRISTI
5047. 994.

Mortuo Nicolao Chrysoberge, electus est Sifinnius Patriarcha Constantinopolitanus, qui iterum renascentem de quarto matrimonio controuersiam, tempore Leonis Sapientis ortam, à Nicolao utcumque sopitam penitus extinxit; de lanâ caprinâ nugantibus Græcis, dum schismate discinderentur à capite, & curantes reduuiam, dum graui vlcere in pectore premerentur.

*Chryso-
bergi suc-
cedit Si-
finnius.*

Hugo Capetius Ioannem XV. inuitauit in Gallias, ad componendam Rhemensem controuersiam; sed hæc nondum matura erat; alia Pontificem affigebant Romæ, uti centro religionis, magis necessaria.

*Io. XV.
inuitatus
in Gal-
liam.*

MVNDI CHRISTI
5048. 995.

Legatus Ioannis X V. Leo, Abbas S. Bonifacii Romæ, venit in Gallias; & Mosomum, *Mouzon*, conuocat Synodum, ubi auditus Gerbertus. Hæc tamen translata est Rhemos; ubi causâ iterum discussâ, depositus est Gerbertus; Arnulphus, qui Aureliis detinebatur in vinculis, honorificè suæ sedi restitutus est. Quæ dissimulauere quoque prudenter Hugo atque Robertus, Gerbertus impatientissimè tulit, ut ex eius Epistolis constat; atque ad Othonem in Germaniam secedens, ac in eius se gratiam prudenter insinuans docuit, ple-umque deprimi viros magnos, ut nobilius asurgant.

*Gerbertus
depositus,
recedit in
Germaniam.*

MVNDI CHRISTI
5049. 996.

Fato functus est hoc anno Ioannes XV. Nonis Maii cum sedisset annis X. mensibus 4. ac diebus 12. ac post mensem vnum diesque sex, subleſtus in eius locum Bruno patriâ Germanus, consanguineus Othonis, dictusque Gregorius V. operâ eiusdem Othonis,

*Io. XV.
succedit
Gregorius,
V.*

qui tum euocatus venerat in Italiam, vt Crescentii Tyrannidem Romæ grassantem extingueret. Ab eodem Othone dum Rauennâ transit Gerbertus, exautoratus è sede Rheimensi, creatus est Rauennas antistes. Cùm autem Crescentius munitione Arcis S. Angeli fretus esset, opposuit Gregorio Ioannem X V I. Calabrum Rossanensem, Episcopum Placentinum. Quod cùm accepisset Otho, Romam accessit, captumque Ioannem, oculis orbatum, manibus pedibusque mutilauit. Alii tamen id factum à Pop. Ro. malunt, eundemque Ioannem, pecuniâ datâ, intrusum, manibus, auribus, nasoque mutilatum, & excecatum, atque impositum asino facie versus tergum obuersâ, & caudâ animalis profreno videntem, per vias publicas clamare coactum *Tale supplicium patitur, qui Ro. Papam de sede sua pellere nititur.* Eum autem vt eximeret tali supplicio popularem suum venit Romam S. Nilus; at nihil eius preces valere, populo, atque Imperatore in rebellem & simoniacum ita concitatis, vt rogantis sanctitate nihil commouerentur.

*Ioannes
XVI. in-
trusus ma-
lè multat-
us.*

*Crescentii
Tyranni
exitus.*

Crescentii Tyranni exitum varii variè referunt; alii enim vallatum arctissimâ obsidione scribunt erupisse ex arce suâ, consciis Othonis militibus, ad eum accessisse & postulasse veniam; sed repulsum in Arcem, seque defendere iussum, captum, atque raptatum tandem ex trabe suspensum interiisse. Alii autem fide datâ ab Othone receptum, fide violatâ capite mutilatum esse volunt; quam ob causam Othonem confessum hoc peccatum S. Romualdo iussu esse ire peditem ad Montem Garganum S. Michaëli sacrum, & Quadragesimam in Claustrum Monasterio austerè traducere; ac denique Imperatorem promississe S. Romualdo se monachi habitum suscepturum; quæ narrantur à Petro Damiani, apud plerosque non inueniunt fidem.

Hoc

Hoc ergo anno coronatus est à Gregorio V. Otho III. Imperator; quare deinceps non Rex, ut antea, sed in Actis nominatur Imperator. Quando & habitum est Romanum Concilium, in quo videntur Imperii Electores constituti, Sed cum eius Concilii acta perierint, Catholici disputant utrum hi Electores ad Gregorium V. an ad X. pertineant; Heterodoxi, contemptis Pontificibus Romanis, unum Othone III. eorum authorem appellant; quæ controuersia cum magno utrimque calore exagitata sint, non debent in hoc opusculo sine temeritatis labe dirimi; certè Electorum plerique id se habere olim à Pontificibus summis protestati sunt; neque semper tantum fuere septem, sed quotquot ad Comitata conueniebant; nec iidem septem, sed alias Ecclesiastici, Archiepiscopi Coloniensis, Moguntinus, & Salsburgensis; Laici, Duces Austriæ, Bauariæ, Saxonie; Saltzburgensis autem loco substitutus Treuirensis; at Austriæ, Bauariæ, Brabantie Ducum loco suppositi Comes Palatinus Rheni, Marchio Brandeburgensis, & Bohemie Rex, definitior potius, quam Elector. Sed quando has mutationes fieri contigerit, syncerè statui non licet, autoribus ita inter se discrepantibus, ut securius, & prudentius hic suspendatur sententia, quam pronuncietur.

*Otho III.
coronatur
Imperator
à Grego-
rio V.*

*De Ele-
ctoribus
Imperii.*

MVNDI
5050.

CHRISTI
997.

S. Adalbertus Pragensis Episcopus, prohibitus à Rege Boleslao Bohemie rege ad Ecclesiam suam redire, factus Apostolus Prussiorum, ab iisdem cæsus est 9. Kal. Maias. Quo etiam anno creatus Russorum Apostolus S. Bonifacius consanguineus Othonis III. quem non aliter quam animam appellabat suam; sed adhuc Deo, quam hominibus is acceptior extitit.

*S. Adal-
bertus
martyr.*

*S. Boni-
facius.*

** Geisa
mortuus
succedit ei
S. S.
phannus.*

Hoc anno mortuo Geisæ primo Duci Christiano Hungarorum successit filius S. Stephanus, adolescens ætate, sed prudentiâ senex; in quem cum exortum esset bellum ciuile propter Fidem, id ipse alacriter suscepit, electis sibi ducibus S. Martino Turonensi Episcopo, & S. Georgio martyre; nec sancti addictum sibi Principem expectatione suâ deluserunt; eum enim victorem reducere, & diuitem hostium spoliis, quæ tamen idem in suos patronos refudit, excitato illustri monasterio in monte Sacro, in quo olim S. Martinus Pannonius preces effuderat, vt bellum omnino sacrum diceretur.

MVNDI CHRISTI

9051.

998.

*Mortuo
Capetio
succedit
Robertus.*

Mortuo anno superiori Hugone Capetio; qui ei vnicus erat filius, iam Rex inunctus, regnum suscepit solus administrandum. Sub initium regni sui Bertam affinem suam, & cominatrem, Comitissæ Odonis filiam, duxit vxorem, consentientibus nonnullis Episcopis; quare à Gregorio excommunicatione percussus est; quam tamen initio contempsit: sed cum ex iis amplexibus illicitis natum esset monstrum, collo ac capite anserino, Rex ad sanam rediit mentem, accedentibus sanctis monitis Abbonis Floriacensis Abbatis; duxitque vxorem Constantiam Guillelmi Comitis Arelatensis filiam, quâ cum coniunctissimè & piissimè vixit, & vitæ sanctioris constantiâ priorum scelorum maculas eluit.

*Duxit
vxorem
Constantiam.*

*Saraceni
visti.*

Saraceni hoc anno sub Veramundo Rege Gallaciæ poterant omnia, potiti Legionensi regno, & in Gallaciâ excisa Compostella, vix seruato diuinitus S. Iacobi sepulchro. Almaxor itaque Saracenorum Rex cum infinito exercitu Christianos Principes vicinos aggressus est: sed ab iis superatus peditum 70. millia, equitum 40. millia perdidit; quare idem paulò post ex inedia periit, ne tanto dedecori superesse cogeretur. Veramundus quoque anno insequenti obiit, relicto

*Veramundo
succedit
Alphonso
V.*

licto filioquinquenni Alphonso seu Aldephon-
so V. cuius pueritiam & præcedens victoria, &
subsequens, incolumem præstitere.

Garsias quoque Castellæ Comes eodem anno
feliciter in Arabas pugnavit; in cuius exercitu
vir nobilis Ferdinandus Autolinus tempore præ-
lij in Ecclesiâ precibus institit; quod cum ei æ-
muli tribuerent ignaviæ, eius Angeluse quo in-
fidens, eiusque armis præcinctus, in hostem
mira perpetravit, fuitque causa victoriæ; immo
eius equus, & arma tincta hostium sanguine
immortalem ei fortitudinis laudem peperere.

Venit etiam hoc anno in Italiam Otho III.
ubi uxorem suam Mariam Augustam flammis vi-
uam addixit. Hæc enim Comitem Mutinæ vul-
tu pulcherrimum, quem prouocarat de stu-
pro, quasi suam pudicitiam attentasset, per
maritum capite mulctari curarat. Sed eius vxor
edocta à marito, allato Comitæ capite ultio-
nem expetiit, & eadenti ferro eius innocen-
tiam se probaturam promisit; quod & præsti-
tut. Imperator se ei mulctandum obtulit, sed
proceres ei exorauere vitam; adultera exusta,
Comitissa tribus donata castris, innocentia &
castitas de iniquitate atque libidine triumphar-
unt.

Obiit & in Oriente Sisinnius Patriarcha Con-
stantinop. cum tribus annis sedisset; cui succe-
dit Sergius Abbas, ex prosapia impij Photij,
cuius & sanguinem, & impietatem accepit hæ-
reditariam, odiumque in Latinos, ut eius docet
Epistola. Mortuus quoque S. Nicon, cuius ima-
go mirabiliter picta, dataque huic carissimo
Ioanni Malaceno nobili Spartano; cui vivus
& mortuus plurimum profuit. Porro ex Ni-
conis loculo fluebat oleum aduersus morbos
omnes præsentissimum amuletum; index eius
virtutum, cum viueret, & beneficiæ in omnes
charitatis.

*Arabes
iterum vi-
si à Gar-
sia, &
Ferdinan-
do.*

*Othonis
III vxor
viva com-
luritur.*

*S'fancio
succedit
Sergius.*

*Mortuus
S. Nicon.*

MVNDI CHRISTI

5052.

999.

Greg. V. succedit Gerbertus seu Syluester II. 12. Kal. Mart. viuere desiit Gregorius V. cùm occupasset Petri 8. dem annos 2. menses 8. dies 7. cui substituendum curauit Otho Tertius Gerbertum olim Archiep. Rhemensem, tunc Raen-natem, qui dictus est Syluester Secundus & de suis sedibus hoc versu Iussisse dicitur.

Scandi ab R. Gerbertus in R. post Papa viget R.

An fuerit Magus? Porro cùm audies ipsum fuisse Magum, deuotum Dæmoni, vt Pontifex esset, & ab eo raptum statuto in loco, & destinato Hierosoly-mis, hoc est, in Basilicâ S. Crucis in Hieru-salem, immo expunctum ex Albo Pontificum vt scribit Sigebertus, noueris commentum esse Bennonis Cardinalis, tempore Gregorii VII. improbissimi calumniatoris; occasionem au-tem fabellæ dedisse Mathematicas disciplinas certum est; quas qui hoc terreo sæculo profitebatur, habebatur vt Magus ac Satanæ addi-ctus, quasi eas callere posset nemo, nisi ex in-fando cum Dæmone commercio; vsque adeo id temporis hominum ingenia, iudiciaque jacuerant.

Constantia Regi-na ambi-tio-

In Franciâ Roberti vxor Constantia, mulier arrogans & ambitiosa, Hugonem quendam gratiosum Regi, cuius artibus ab eius amore Robertus auerti videbatur, in oculis Principis exdendum curauit; neque Rex facilius, vltus hanc iniuriam, nisi verbis, & oculis. Quæ & in gratiam recepta, cùm exigeret à marito, Poëtâ vendibili, vt de eius laudibus scriberet hymnum, hunc iste de Martyribus scripsit; *O Constantia Martyrum laudabilis, &c.* hæc de se scriptum putauit carmen, quod eo nomen suum contineretur, ex quo stulta & ambitio-sa, meritoque sic à sapienti marito deridenda.

Trans-

MVNDI

CHRISTI

5053.

1000.

Translatum est hoc anno S. Bartholomæi Apostoli corpus Benevento Romam, ab Othone III. quamquam aliqui à Beneventanis aliud corpus suppositum velint; sed Pontificum diplomatis sacra hæc lipsana sunt Romanis adiudicata; foliis jam reclamantibus Beneventanis, quibus est pro ratione voluntas.


*S. Barth.
Apost lip
sana.*

Hoc anno parata Duci Poloniæ corona regia missa est (monente Deo Pontificem Syluestrum) ad S. Stephanum Hungarorum Regem, qui hoc tempore Romam legatos misit, cui & Regium concessum est nomen, & potestas data crucis ante se deferendæ, quasi legatus Pontificius esset, ut ejus fortitudo ac pietas his testimoniis honoraretur; sed hic vicissim obtulit S. Petro Hungaricum regnum, hocque nobilius, & firmitus ab eodem recepit.

*S. Steph.
fi Rex
Hungaria*

Obiit denique hoc anno Adelaïs vxor Othonis Secundi mater Othonis Tertii cuius vitam scripsisse creditur Odilo Abbas Cluniacensis, videturque relata à Rom. Pontificibus in sanctorum catalogum; scæmina ex æquo pia ac fecunda, utpote quatuor liberorum mater, & dignissima Magni Principis coniugio.

*Adelaïs
moritur
piè.*





LIBER XI.

Ab anno Christi 1000. ad 1100.

CAPVT PRIMVM.

DECAS PRIMA.

Ab Anno Christi 1000. ad 1010.

MVNDI
5054.

CHRISTI
1001.

*De Mun-
dioniu.*



Ætatum à plerisque desitutum Mun-
dum, cum à nato Christo annus
millesimus esset euolutus : & id
perditissimi Christianorum mores
exigebant; verum metus is vanus
fuit; nec emendatus est Orbis
terrarum, sed peior est effectus; eo nihilominus
tempore sanctissimi viri floruerunt, quorum bo-
na opera plus valere ad conciliandam Dei mi-
sericordiam, quam sceleratorum crimina ad ju-
stitiam inflammandam.

*Hugo Tus-
ciae Mar-
chis.*

Obiit hoc anno Hugo Marchio Tusciae, &
Dux Urbis, vir pius & liberalis, atque omni-
bus virtutibus exornatus: qui puer matrem
Villani Marchionis Bonifacii filiam exemit su-
spicione adulterii, in medio multorum proce-
rum positus, & omissis cæteris vni parenti Al-
berto blanditus; quod fuerat constitutum legi-
timæ aut spuria prolis augurium atque proba-
tio.

S. Ro.

S. Romualdus promissa reposcit Othonem III. de deferendo saculo, & vitâ religiosâ ineundâ; tergiuersatur ille, & id se perfecturum pollicetur, vbi Romanam Urbem disposuerit: sed huic vir sanctus mortem imminentem præcinit; sicquæ Otho esse desiit, quod timebat, & Monachus non fuit, quod exoptabat.

*Os. 50 III.
admoneretur de voto suo.*

MVNDI

5055.

CHRISTI

1002.

Obiit hoc anno Otho III. Imperator, acceptis chirothecis veneno illitis, à relictâ vxore Crescentij, quâ concubinâ vsus erat, cum spe nuptiarum, postea deserta fuerat; alij tamen ex pustulis interiisse scribunt; vir suis rebus; quam Ecclesiæ addictior, ideoque dignus in quo Othonum familia deficeret. Henricus Bavarix Dux huic successit in regnum Germaniæ, & postea in Imperium, educatus à S. Vvolfango Episcopo Ratisponensi, ex cuius manu nihil prodiit nisi diligenter excultum, Deoque gratiosum.

*Otho. III
succedit
Henricus
Bauarus.*

Florebat in Hungariâ S. Stephanus Rex simul & Apostolus; sed dum Dei negotia curat, eius quoque res curauit Deus, datâ illi nobili contra Bulgaros regnum eius inuadentes, victoria.

*S. Steph.
victoria.*

Hoc anno Normanni primûm in Italiâ enituerunt. Eorum enim 40. nobiles ex Hierosolymitanâ peregrinatione redeuntes Salernum appulerunt, quam urbem Saraceni obsidebant. Hi arma petunt à Guaimario urbis Principe, & equos; quibus instructi, irruentes in Arabas, magnâ eos affecerunt clade, multis interceptis, cæteris auersis in fugam. Cùmque retinerentur à Principe, multis oblati muneribus, neutrum admiscere, Deo atque religioni pugnare contenti; & ostendere quid gens illa posset in suos hostes, atque Christi.

*Normanni
40. Saraceni
vincunt.*

MVNDI CHRISTI

5056.

1003.

*S. Inest
II Ince-
dit Ioan.
XVI
Hic lo.
XVII.*

Mortuus est hoc anno Syluester Secundus antè diæus Gerbertus, 4. Id. Maii, cùm primus bellum sacrum occinisset, & Principes aduersus Saracenos incitasset; cui successit Ioannes cognomento Siccus xvi. aliter xviii. qui cum sedisset tantùm menses 5. & dies aliquot, locum reliquit Ioanni Fafano xvii. vel xix. quam diuersitatem intrusi Pseudo Pontifices effecere: nos autem loquemur vt multi, ne cum paucis loquentes minùs intelligamur.

*Roberti
bellum in
Burgun-
dia.*

Robertus Rex Francorum bellum in Burgundiâ gessit, quam sibi obuénisse hæreditario iure exiitimabat, patru sui morte; cui & Ricardus Dux Normannorum suppetias tulit. Antistiodorum cepit; sed dum obsidet castrum S. Germani, arma hominum contra Dei virtutem nihil posse intellexit. Ferunt tamen Abalonis mœnia coram ipso, instar Hiericontinorum murorum, corruisse. Certè ex eâ expeditione Robertus non tantùm gloriâ, sed & fructum retulit; armisque recepit quod ei hæreditario iure debebatur.

MVNDI

CHRISTI

5057.

1004.

*Sacramen-
tariorum
hæresis o-
visit.*

Hoc anno censetur emerfisse Sacramentarium hæresis, authore Leuthero Senonensi Archiepiscopo, quem addentem verba dum sacram hostiam porrigeret, Robertus repressit: hæc tamen ventilata est à Berengario tum adolescente, ac discipulo Fulberti Carnotensis, qui tum sæpe monitus est à magistro, vt in disputationibus se intra Fidei Catholicæ limites contineret: ad eo etiam in vmbatili disputatione, ab hac parte peccare periculosum est, neque à bonis viris vnquam toleratum.

Hen.

MVNDI

CHRISTI

5058.

1005.

Henricus Germaniæ Rex tum descendit in Italiam contra Harduicum, qui sibi arrogarat titulum Regis Longobardorum, Clusas oppugnavit, & Ticinum victor ingressus, Rex Italiæ acclamatus est. Sed hæc est oborta seditio inter ciues & milites, quæ in ipsum Henricum redundavit, & in suo palatio obsessus est; verum rudes cum exercitatis dimicantes victi sunt, vrbs cædibus incendiisque deformata, nequicquam repugnantibus Henrico Rege, & qui ei erat à consiliis S. Heriberto Archiepiscopo Colonienſi. Inde Henricus profectus est Mediolanum, vt coheret sancti Ambrosii lipsana; nec diu hæc constitit, euocatus in Germaniam suam tumultuantem, in quâ victus Boleslaus Poloniæ Dux, à quo Henricus præsens, absens ab omnibus cœpit reformidari.

*Henricus
venit in
Italiam.*

Obiit hoc anno Otho filius Caroli Ducis Lotharingiæ, sine liberis, sicque in eo Carolouingiorum mascula proles omnino defecit, & cum cæ jam pridem Franci nihil indigerent.

*Otho Caroli
filius
moriuntur.*

MVNDI

CHRISTI

5059.

1006.

Hoc anno pestis simul atque fames tam dire per Orbem grassata sunt, vt sepeliendis mortuis viui pares non essent, cum nonnunquam spirantes adhuc cum fato fundis, prope volentes, simul humarentur. Quando eximia charitas in pauperes eluxit Otilonis Abbatis Cluniacensis, non jam libera, sed necessaria, nec ex liberalitate, sed ex iustitiâ.

*Pestis mor-
tex.*

Bamberga ciuitas, Henrico charissima, facta est Episcopalis; cuius sedem ipse Rex de suo magnificentissimè dotauit, & propter conditorem facta est toti deinceps Ecclesiæ venerabilis.

*Bamberga
facta
Episcopalis.*

Hæreditatem Othonis Lotharingi variis prestantibus, commissi sunt Henricus Rex Germaniæ,

*De Lotharinga
Benedictum
exaratum.*

ait.

nix, & Robertus Rex Francorum; ita tamen, ut magis auxiliares essent, quam principes expeditionis: sed prævaluit Godefridus, competitor eius victi. Ne tamen Germania & Francia inter se maioribus damnis decertarent, prouisum ut Henricus & Robertus in Mosâ fluuiio colloquerentur, & amicitiam nonnihil concussam restituerent; quod & factum magnâ vtriusque gentis gratulatione.

MVNDI

CHRISTI

5660.

1007.

*Henrico
municatur
imperium.*

Prænuntiatur hoc anno Henrico Imperium Occidentale: vidit enim in somnis sibi Volfangum Episcopum imperare uti legeret in pariete characteres descriptos, in quibus nihil legere potuit præter has voculas *post sex*. Itaque post sex dies, hebdomadas, menses, se frustra parauit ad mortem multis præcibus, & eleemosynis; post sex demum annos intellexit non sibi mortem, sed Imperium gloriose prænuntiatur; & spei causam fuisse, ubi vani timoris extiterat.

*Fulbertus
fit Episc.
Carnotensis.*

Tum quoque eodem anno ex Monacho sancti Petri Carnotensis creatus est Fulbertus Episcopus Carnotensis, vir doctissimus, & omnium votis expertus; huic enim prophetiæ Spiritum Deus infuderat, ideoque factus est omnium Episcoporum, & principum atque Regum doctor, & magister. Certè pœnitentia Fulconis Comitris Andegauensis, & ad loca sancta peregrinatio; ab eius monitis videntur profluxisse, sicut & multi Principes Ecclesiæ bonis saginati ab eo facti pœnitentes, qui & rapta reddidere, & de suo quoque liberales extitere: tantum est plerumque in vno homine ad multos peccatores reuocandos præsidii.

MVNDI

CHRISTI

5061.

1008.

*In Prussia,
&
Russia
da reges.*

Prussia & Russia hoc anno coronauere martyrio Apostolos suos; hæc, S. Bonifacium Otho-

nis

nis Imperatoris propinquum, miraculis magnis illustrem; illa, S. Brunonem Episcopum. Quibus auditis S. Romualdus ingenti cupiditate flagrauit fundendi pro Christo sanguinis: sed eius voluntate Deus contentus est; quod morbo sibi immisso cognouit, crescente dum progredere-
tur, desinente cum consisteret; ex eius tamen sociis quidam ultra pergentes, redeunte cum 7. aliis in Italiam Romualdo, flagellis cæsi atque venditi, sanguine suo, atque libertate, Dei gloriam & proximorum salutem promouerunt.

S. Romualdus Martyris apparuit.

MVNDI CHRISTI

5062.

1009.

Ioannes XVII. seu XIX. obiit 15. Kal. Aug. quo sedente sedes Constantinopolitana cum Romanâ reconciliata est, atque à Sergio Patriarchâ Ioannis nomen in Dipthyca relatum, utrimque bonis exultantibus. Eidem verò suffectus est prid. Kal. Sep. Petrus Episcopus Albanensis, qui in honorem primi Apostoli suum deposuit nomen, dictusque est Sergius IV. alij tamen (ut Ditmarus) causam minus piam mutati nominis asserunt, nempe quasi Buccaporci diceretur; quod nomen, ex odio, inepti aliquot multis Pontificibus affinxerunt.

Ioannes XVII. succedit Sergio IV.

Iudæi Aurelianenses in Franciâ, omnium Iudæorum nequissimi, miserunt seruum nescio quem habitu peregrini, cum litteris baculo inclusis, ad Principem Babylonis, monentes eum, nisi subuerteret templum Hierosolymitanum, eius regnum cum gente breui à Christianis exscindendum. Quod illico ex parte præstitit, additâ etiam S. Georgij Ecclesiâ, quod in eam ingressi Saraceni excitate multarentur. Quæ cum in Occidentem perlata essent, decretum communi consensu, ut Iudæi expellerentur, nullus eos societate, nullus commercio dignaretur. Gerulus porro litterarum Aureliis viuis exustus, suæ peregrinationis meri-

Iudæi euertunt templum Hierosolymitanum.

*Idem ex.
ciratur
magnificen-
tius.*

meritum præmium retulit. Neque diu fructus malitiæ suæ potiti sunt Iudæi, aut Christiani diu templi sui ruinam luxere. Mater enim Principis, seu Emiri Saracenorum, Christianissima, Maria nomine, cuius etiam maritus Christum coluerat, sed occultè, idem templum magnificentius reparare cœpit, & huic perficiendo Christiani Occidentales muneribus suis adlaborauere, eique coronidem imposuere; aded vt cecidisse visa sit celebrata illa moles, vt ad maiorem Christiani nominis gloriam resurgeret.

MVNDI

CHRISTI

5063.

1010.

*Saraceni
& Chri-
stiani in
Hispania
concordes.*

Qui euêre hoc tempore in Hispaniâ Saraceni, in paruas satrapias diuisi; quos si aggressi essent Christiani Principes, omnes expulissent; sed tunc temporis etiam inire cum iis matrimonia maluerunt, & pro illis inter se dimicantibus decertare; Episcopis etiam venientibus in huius sceleratæ militiæ partem, qui nonnunquam pro iis sceleratis, sceleratam vitam profuere, quam Christo & gregibus suis reseruare debuerant.

CAPVT II.

DECAS SECVNDA.

Ab anno Christi 1010. ad 1020.

MVNDI

CHRISTI

5064.

1011.

*Encania
Ecclesiæ
Bamber-
gensis.*

Celebris est hic annus Encaniis Ecclesiæ Bambergensis; quando & celebrata Synodus plusquam 300. Præsulum, in quâ compositæ sunt controuersie inter Episcopos plures; quod Deo acceptius visum est quàm huius Basi-

Easilicæ consecratio simul & ædificatio.

Dani Angliam ingressi, hoc anno proditione *Dani Angliam incensam.*
Archidiaconi Cantuariam occuparunt, & ea præstiterunt quæ S. Dunstanus prænu-
ciarat, hoc est, omni crudelitatis genere sæuierunt, nulli ætati, nulli conditioni parcentes. Cum deferbuisset furor, superstites reliquos omnes ita decimarunt, vt ex decem interemirent nouem. Inter ceteros martyrio coronatu S. Elphegus Cantuariensis Archiepiscopus, & ab iis quos graui morbo cruciatus, sanauerat. At Danorum quidam in patriam redeuntes naufragio mulctati sunt, & spolia atque vitam miserimè perdiderunt, ex aquis in ignes æternos deuoluti.

Terræ motus ingens Constantinopoli contigit, prænuncius belli aduersus Græcos in Italiâ concitati, duce Melé vel Melo Barij Principe, coacti ex Longobardis exercitu, & accitis in auxilium suum Normannis; quando & ridem Normanni sibi Apuliam vindicarunt. Bulgari- cum quoque initum est bellum, pugnatum non semel in Barbaros; Græcis hoc anno quietis esse non licuit.

Bella in Italia & Bulgaria Græcorum.

MVNDI CHRISTI

5065.

102.

Tertio Idus Maias mortuus est Sergius IV. *Sergio IV. succedit Benedictus VIII.*
cùm sedisset annos 2. menses 8. dies 13. cui suc-
cessit Benedictus VIII. Episcopus Portuensis, cui
oppositus est à quibusdam Gregorius; à quo po-
tentiore fugatus legitimus Pontifex confugit ad
Henricum, vt alter alteri præsidio posset esse;
hic crearetur Imperator, ille datam à Deo sibi
sedem quietè possideret.

Obiit & hoc anno S. Macarius Patriarcha *S. Macarius Antiochenus moritur.*
Antiochenus, genere Armenus, educatus à
Macario Seniore eiusdem sedis præfule; qui
sede suâ prudenter administratâ Hierosoly-
mam visurus, eam reliquit Eleutherio viro
sanctissimo. Macarius autem à Saracenis datus

in

in carcerem, diuinitus solutus multos ex iis conuertit, clarusque miraculis, vt melius lateret in Occidentem venit, & Flandriam, vbi multis quoque signis editis clarior migravit in cœlum, veram patriam suam, qui demissionis gratiâ, nullam in terris patriam habere voluisset.

MVNDI CHRISTI

5066.

1013.

*Henrici
pietas &
amor in
Clunia-
censes.*

Henricus venit in Italiam oppressurus Har-
duicum qui se Regem Longobardorum dixe-
rat; sed eius iter abruptum non semel Boleslâis
Poloniæ Dux, capitalis eius hostis, & fœdere
cum Harduico coniunctus. Cùm ab utroque se
expediisset Henricus, venit Romam vt Benedi-
ctum restitueret. Is illi obuiam processit, ob-
tulitque pomum aureum distinctum gemmis, ex
quo crux eminebat, Orbis Christiani possidendi
tesseram; quod statim misit Henricus ad Clunia-
cense Monasterium, maximæ tum sanctitatis
officinam sub S. Odilone, addens eorum esse de-
bere hoc munus, qui mundum nobilius concu-
cassent. Eodem & coronam suam misit, quam
S. Odilo tempore famis distraxit, vt pauperes
aleret; sicque in Christi manus & frontem san-
ctiûs transfret.

MVNDI

CHRISTI

5067.

1014.

*Coronam
sur Augu-
sti Henri-
cus & Cu-
negundis.*

Henricus, atque eius vxor Cunegundis,
60. Kal. Martij, a Benedicto Imperij coronam
& Augustorum nomen recepere. Hunc quidam
Secundum vocant, vt *Primum* Henricum, qui
Conrado Germaniæ Regi successit; sed cùm hic
Imperator nunquam dici voluerit, frustra huic
Augusti nomen obtruditur, vt noster hic in se-
cundum locum deiciatur, cui parem sanctimo-
niâ non vidit Imperium.

*Henricus
confirmat
donata
S. Sedi.*

Romæ autem Henricus cuncta ritè disposuit,
& concessa à Francæ Regibus, ac Imperatoribus
Roma-

Romanæ Sedi dona firmavit, liberamque Pontificum electionem Clero populoque Romano reliquit, servatis tamen juribus, quæ Eugenius atque Leo Imperatoribus concessissent; in quibus ita se gessit, ut se patronum tutoremque profiteretur, nihil cuperet posse, nisi quod Dei gloria postularet.

MVNDI

5068.

CRISTI

1015.

Pergit Henricus in operibus pietatis; quando & Ernestus Alemanniæ Dux magnum exhibuit pœnitentis exemplar: ille enim sagittâ vulneratus in venatione, morti proximus cum Presbyterum non haberet apud quem peccata secretò deponeret, ea coram Deo & omnibus adstantibus exposuit, ut eâ demissione verum syncerum, que dolorem obtineret à Deo, & hoc in casu ad delenda peccata sua necessarium.

*Ernestus
verè pœni-
tens.*

MVNDI

5069.

CHRISTI

1016.

Benedictus VIII. classem comparat, ut Saracenos littora Ecclesiasticæ ditionis infestantes reprimeret; quâ eos tantâ deleuit clade, ut Rex agrè diffugeret; Regina etiam capta capite truncata sit. Rex efferatus conjugis ac suorum cæde, interminatus est Pontifici se cum pluribus æstate sequente rediturum; sed minas aliis maioribus minis Benedictus irrisit, nihil eum minantem reformidans, qui pugnantem tam bene retudisset.

*Saracenos
Pontifex
vincit.*

Anglia valde perturbata post Ethelredi mortem, qui ceciderat fratrem, cuiusque sanguine innumeras induxerat, ex S. Dunstani vaticinio, in suum regnum calamitates, communi gentis Anglicanæ consilio electus est Rex externus, & Danus Canutus seu Knutus Christianus piissimus Sverni patris impij successor, quem S. Eadmundus interemerat. Is autem Daniæ simul & Angliæ Rex, utrius-

*Anglica
turba.*

*Rex Da-
niæ &
Angliæ
Canutus
Danus.*

que

que regni curauit Ecclesias; Magnus meritò nuncupatus, ob res fortiter gestas; Maximus, ob pietatem atque religionem, meliori jure nominandus.

MVNDI CHRISTI

5070.

1017.

*Manichæi
exagitati.*

Aureliis mulier Manichæa multos è Clero populoque seduxit; cui malo statim Robertus Francorum Rex prouidit, multis exustis, alijs fugâ dilapsis; quorum aliqui Toletum in Hispaniam peruenerunt, vbi eosdem repererunt ignes, quos in Franciâ vitauerant.

*Prodigia
q̃c̃c̃ades
in Aquitania.*

Hoc tempore in Aquitaniâ tribus diebus sanguine pluit, circa Solstitium æstiuum: hic cruor cadens in carnem hominis, aut lapidem, elui non poterat, in lignum decidens faciliè eluebatur. Quâ de re consultus Fulbertus Carnotensis, non omnibus fecit satis. Secuta sunt deinde grauiâ bella inter Guillelmum Aquitaniæ Ducem, & Gausfredum Comitem Andegauensem, qui sese mutuis cladibus attriuere, & plurimum sanguinis effuderunt; sine dubio, imbre illo cruento prænunciatum.

MVNDI CHRISTI

5071.

1018.

*Boreales
Ecclesiæ
vexatæ.*

Abotriti & Vvari populi à fide Apostatæ magnas in Ecclesias Boreales intulere clades, maximè verò in urbem Kiouiam, in quâ Christiana religio egregiè florebat. In eâ plures Ecclesiæ quadringentis numerabantur; si quis post Septuagesimam carnem edisse conuictus esset, ei vellebantur dentes; pœna atrocissima in adulteros constituta erat, aliosque grauiter delinquentes, quæ narrat Ditmarus Episcopus Mosersburgensis qui hoc anno scribendi viuendique finem fecit; bonus planè scriptor & præsul optimus, qui Ecclesiam accuratissimè rexit, & historiam magnâ fide conscripsit, adeò vt dubium reliquerit, vtrum meliùs scripserit, an vixerit.

Rudo-

Rudolphus Normannus fortissimus, veritus Richardi Ducis sui furorem, Romam venit, cum suis; ubi excitatus à Benedicto ut in Græcos bellum gereret, eos in Apuliâ tribus magnis præliis devicit; donec iis impar, obmissas ex Oriente maximas copias, ad Henricum cum paucis perrexit, ut obtineret auxilium; vir magnus, & magni ipse in certaminibus instar exercitus.

MVNDI

CHRISTI

5072.

1019.

Benedictus VIII. profectus in Germaniam hoc anno Ecclesiam Bambergensem dedicavit; quam urbem, ut & Ecclesiam, Henricus & Cunegundis vxor summo Pontifici penitus addixere, sic ut quotannis Bamberga ciuitas S. Petro equum album phaleratum cum centum marcis argenti persolueret, hoc est, circiter trecentas Turonicas libras. Sed Henricus Junior hunc censum redemit substituto Beneuento, non tantum iuste, sed & liberaliter atque magnifice.

Sergio Constantinopolitano mortuo successit Eustathius primus inter Presbyteros Regiæ, hoc tantum nomine laudatus.

MVNDI

CHRISTI

5073.

1020.

Boleslaus Polonorum Rex Ecclesias sui Regni multis & pretiosis ornamentis illustravit; ei que perpetuas decimas accuratè persolundas addixit; quæque antea iustitiæ tantum fuerant opera, liberalitatis esse cœperunt.



CAPVT III.

DECASTERTIA.

Ab anno Christi 1020. ad 1030.

MVNDI

CHRISTI

5074.

1021.

*Henricus
reconcilia-
tus S. He-
riberto.*

SANCTUS Heribertus Coloniensis Episcopus a deo quondam charus Henrico vt ab eo nunquam diuelleretur, ab eo inuidorum operâ sic abalienatus est, vt de eo deturbando ab Archiepiscopatu suo cogitarit; & verò eâ de causâ Coloniâ Imperator perrexit; sed diuinitus admonitus est, cauere etiam atque etiam sancto præfati molestus esse; quare non modò ei reconciliatus est, sed & omni submissione eius gratiam demereri conatus est.

*Guido
Aretinus
musicus
flore.*

Circa hoc quoque tempus floruit Guido Aretinus monachus, qui nouam addiscendi Musices rationem excogitauit, etiam pueris rudibus facilem, cum antea ab ingeniosis viris, vix multis annis edisceretur; quam ob causam Romam vocatus est à Benedicto, atque ab eo, eiusque successore Ioanne, multis beneficiis meritò cumulatus; quibus satis magnis ornari non possunt qui de omnibus bene meruerunt.

MVNDI

CHRISTI

5075.

1022.

*Henricus
venit in
Italiam,
& Sara-
cenos re-
prim.*

Henricus sollicitatus ab Italis, Normannis, Benedicto, venit cum exercitu in Italiam, eisque Triciam suam in Apuliâ nuper ædificatam eripuit, fugatis etiam, aut in ditionem acceptis eorum fautoribus; adeo vt deinceps neque per se, neque per suos quidquam in
Italia

Italiâ possent, quam turbare tantum poterant, non
rui. Post hæc Cassinum venit, & ibidem ægro-
tauit; sanatusque à S. Benedicto, quem in somno
vidit, & ab eo didicit, hâc eius seruari corpus:
multa in hoc monasterium dona concessit, in
eo monachi sumpturus habitum, si supervixis-
set: verum huic satis ad meritum voluntas fuit.

*Cassinum
invisit.*

MUNDI

CHRISTI

5076.

1033.

Hoc anno Henricus Imperator, & Robertus
Francorum Rex de suis atque Ecclesiæ negotiis
super Carum fluvium apud Euasium conuenerunt,
postea ambo Benedictum Papiam conuenturi, uti
facta; inter eos firmaret. Hi autem pietate ge-
mini ac similes, non armis ut alij Principes,
sed demissione uti Christiani depugnarunt, pri-
musque ad Robertum Imperator cum paucis ve-
nit, seseque deosculati & complectentes post au-
ditum sacrum, ambo familiarissimè pransi sunt;
atque Henrico ingentia oblata munera, ex qui-
bus nihil accepit, nisi quod satis esset ne do-
num recusasse videretur. Sequenti die ad Impe-
ratorem Robertus venit splendidissimè acceptus,
atque ex multis muneribus illa tantum accepit
quæ amici ab amicis recipiunt; amboque amore
ut pietate coniuncti illico in ditionem suam re-
cessere, parati sibi inuicem atque Ecclesiæ nun-
quam deesse.

*Conue-
nium
Henricus
Imp. &
Robertus
Rex.*

MUNDI

CHRISTI

5077.

1034.

Tertio Kal. Martij obiit Benedictus VIII
Sedis suæ anno 13. à pœnis purgantibus per
S. Odilonem liberatus, uti pie creditur, quem
Papa vivens coluerat. De eodem visiones ali-
quæ proferuntur; quas excutere, non est hu-
ius otij. Successit fratri Ioannes XX. filius quo-
que Comitis Tusculani; repente ex laico factus
Pontifex, autoritate sui patris, & profusâ,

*Benedictus
VIII suc-
cedit & a-
ter Ioan-
nes XX.*

Tom. II. Pars II.

T

vt;

vti creditur pecuniâ, quæ Romæ semper plurimum valuit.

*Tuba
Roma de
Oecumeni-
ci nomine
Græcis
conceden-
do.*

Eodem anno Eustathius Patriarcha Constantinopolitanus & Basilius Imperator tentarunt obtinere ingentibus muneribus nomen Oecumenici; & id ab excecato auaritiâ Pontifice, ac pecuniis intruso expressissent, nisi ingens eam ob rem Romæ tumultus excitatus esset, & Guillelmus S. Benigni in Galliâ vir prudentiâ & autoritate grauis, omnibusque Christianis Principibus acceptissimus, hæc mercimonia discussisset; itaque Ioannes metu potius, vt mali solent, quam virtutis amore repressus, munera & legationem Græcorum repulit.

*Henricus
Imp. mori-
t. r.*

*Cunegun-
dis eius
uxor vir-
go.*

Tertio Idus Iulii mortuus Bambergæ Henricus Imperator, reliquit uxorem suam Cunegundem virginem virgo, raro inter potentes continentię exemplo. Hæc enim semel vocata in suspicionem probri de consuetudine cum milite, ignitos vomeres quasi flores illæsa tractauit. Quare ambo sanctorum catalogo adscribi meruere; Henricus etiam obsistentem huic honori, suo Cardinalem S. R. E. sub Eugenio Papâ, grauiter vltus est, quasi iniurium castimonię, atque pietati.

*Conradus
succedit
Henrico.*

Successit Henrico in regnum Germanię Conradus, vel electus ab illo, vel à Principibus, & Episcopis Regni. Hic filius fuit Henrici, filii Othonis Ducis Vornatiæ, ex quo genitus Gregorius V. Pontifex; & primùm contemptus à suis, quoddam quietam vitam honorificè perferret; verùm optime institutus à Burchardo Vornatiæ Episcopo, qui hunc instar filii habuit, dignus est habitus & regno, & Imperio. Quominus autem statim Rex inungeretur impedierunt eius nuptiæ illegitimæ cum Gisela Ernesti Sueuorum ducis relicta vxore, affine suâ, quam cum dimittere pollicitus esset, statim Rex creatus est, omnibus ei non tantum regnum, sed etiam Imperium apprecantibus.

MVNDI CHRISTI

5978.

1025.

Mortuus est hoc anno, ætatis suæ anno septuagesimo, Imperii quinquagesimo, subito correptus morbo Basilius Imperator; cui successit solus Constantinus, avarus deinceps, & in tributis exigendis sordidus ac tenax; quomobrem omnibus desiderium iniecit Basilii. Paulò antea obierat Eustathius, eiusque loco Patriarcha Constantinopolitanus electus erat Alexius Archimandrita, Imperii administer sapiens, qui ad regendam Ecclesiam multum doctrinæ; plus prudentiæ detulit.

*Mortuus
filius Imp.
cui succed-
it solus
Constantinus.*

*Alexius
successor
Eustathii.*

S. Cunegundis in Consugiensi monasterio quod crexerat, & Encaniis eius Basilicæ, posito crine, & ornamentis Imperii, Religiosum suscepit habitum, ut in eo monialibus inseruiret, illustrior Augustæ nomine deposito, quam assumpto.

*S. Cunegundis
fuit religiosa.*

Caput S. Ioannis Baptistæ, ut vulgò creditur, verè S. Ioannis Martyris Alexandrini, iamdiu delatum Angeriacum, hoc anno inuentum est ibidem (alii tamen verisimilius putant id anno Christi 1010. contigisse) quando Abbas Theodelinus ei dentem furatus, cæcus est factus, quo reddito sanatus est; adfuere Robertus Rex cum vxore Constantiâ, & Guilielmus IV. Aquitaniz Dux, qui tum euocauit S. Odilonem ad reformandum Angeriacense Monasterium, ut locus ille sanctitate illustris, virorum quoque sanctorum contubernio commendaretur.

*Caput S.
Io. Baptistæ
fuit seu
S. Ioan.
Martyr.
Alex. in-
uentum
Angeriaci.*

Boleslaus Poloniz Rex, cognomento Chobri hoc anno interiit, ætatis 58. regni 26. vir pius, & amans Ecclesiæ, prophetico etiam spiritu clarus, Regni cladem vaticinatus, & reparationem; quam illa populi peccatis, hæc piissimi Regis precibus adscribenda fuit. Successit ei filius Miecslaus boni parentis malus, de more, filius.

*Boleslaus
Polono
succedit
Miecslaus.*

MVNDI CHRISTI
5079. 1026.*Conradus
venit in
Italiam.*

Conradus nutritium suum S. Burchardum in-
uifit laborantem paralyfi, qui à Deo obtinuit,
vt fanus alumnum fufciperet suum, eumque cum
deduxiffet Vormatiam, paulò post moriturus re-
diit: vir eruditus, ac pius, scriptisque suis
posteritati commendatus. Eo relicto Conradus
in Italiam sibi ferro viam patefecit, obsistenti-
bus ei more solito Longobardis, cui cum magno
apparatu occurrit ex condito Pontifex Ioannes
XX. vt eum deduceret Romam, ac Romanum
Imperatorem coronaret, cum id Imperio, atque
Romanæ Ecclesiæ plurimum expediret.

MVNDI CHRISTI
5080. 1027.*Conradus
coronatur
Imp.*

Coronatus est hoc anno Romæ, medius inter
Canutum Anglorum & Danorum Regem, &
Rodolphum ducem Burgundionum, Conradus
Imperator à Ioanne XX. à quo videtur ac-
cepisse dispensationem illegitimi Matrimonii
cum Giselâ; rediit ille statim Herbipolim;
Canutus dum Papiâ transit, emit brachium S.
Augustini 100. talentis argenti, & vno auri,
quod Conuentriæ collocavit; vnde data occasio
impostoribus reliquias confingendi atque ven-
dendi; quorum vnus hoc anno mango celebra-
rimus extitit, ægrè propter calliditatem &
fraudes detectus, cui similes & gemini nun-
quam in Ecclesiâ defuere, dormitantibus præ-
sulibus, quoram in hoc negotio incuria nun-
quam satis reprehendetur.

*Reliqua
SS.**S. Ro-
mualdus
moritur.*

Obiit hoc anno S. Romualdus Camaldu-
lensis Ordinis fundator, eum annis 120. vi-
ginti vixisset, centum annis seruiisset Deo,
(de vitæ tamen annis dubitat Baronius) ac
post annos 5. Sanctorum albo adscriptus, fa-
cili po-

Ad potestate à summo Pontifice (vt consuetudo ferebat huius temporis) construendi altaris supra mortui corpus ; vir inclytus , & miraculis clarus , Principibus multum , sed Deo longè charior .

Alphonfus V. Rex Legionensis Non. Maii ad Visæum in Lusitaniâ cum Saracenis dimicans , sagittâ ictus interiit , magno Christianorum dolore ; cui Veremundus filius successit , longè dissimilis patri .

Veremundus successit Alphonso . X.

Garfias Vasconum Rex hoc anno Romam venit , vt obiret pœnitentiam ; falsi enim criminis matrem accusarat apud patrem , eamque adulterii fecerat ream , re calumniator , voluntate matricida .

Garfias pœnitentia .

M V N D I

C H R I S T I

5081.

1028.

Hoc anno 5. Id. Decembr. mortuus est Constantinus cui substitutus est Romanus ei sanguine iunctus , repudiata coniuge , vt Zoëm duceret filiam Constantini , sicque dotale reciperet Imperium ; cuius , de more , optima fuerunt exordia ; de quibus tamen exitus iudicauit .

Constantino successit Romanus Imperator .

In Franciâ Robertus Rex , mortuo filio Hugone optimæ indolis , quem iam coronandum curarat , ei Hênticum substituere voluit ; sed repugnabat Constantia mater , intertium Robertum magis propensa ; nihilominus eâ inuitâ , & irëmente , Henricus designatus est hæres regni , plusque in optimum Principem , licet vxorium , ratio , quàm Constantiæ preces valere .

Henricus Rex coronatur .

Tum etiam terras reliquit , vt frueretur cœlo , Fulbertus Episcopus Carnotensis , vir planè pius & dignus cuius ægotantis labra lacte suo Beata Virgo rigaret ; qui moriens quo potuit nitu à se repulit Berengarium hæreticum , illum Sacramentariorum parentem , cui dæmonem videbat assistere , & quem nunquam à se vir impius , palinodiam licet sæpè recinens , abigere potuit .

Fulbertus Carnotensis moritur , Berengarium repellens .

*Martyriū
S. Olavi
Regis.*

Celebris denique est hic annus Martyrio S. Olavi Noruegiæ Regis, Magorum hostis infensissimi, quorum plurimos perdidit; ac primū exutus Regno, eorum operā, à Canuto Anglorum Danorumque Rege, ac restitutus operā Ruzlorum, & Sueconum; ab iisdem Magis obruncatus, multis miraculis claruit; regnum immortale profragili & caduco consequutus.

MVNDI CHRISTI

5082.

1029.

*Ecclesia à
Roberto
condita.*

Encania Ecclesiæ S. Aniani hoc anno Aureliis celebrata sunt, quam Robertus Rex Francorum statuerat, ut alias plerasque; quibustam ipse, quàm eius pater Hugo, Regnum suum stabiliri putauerunt.

*An S.
Martialis
Apostolus?*

Lemouicibus coactum est Concilium, ut videretur vtrum S. Martialis ut Confessor, an ut Apostolus colendus esset: quod tamen dirimi non potuit in hac Synodo, nec tribus aliis Bituricensi, Pictaviensi, & posteriori Lemouicensi; tandem Romanus Pontifex huic Apostolatū concessit, sicque quievere lites, Collationibus & Conciliis auctæ potius, quàm sedatæ.

MVNDI CHRISTI

5083.

1030.

*Stephanum Re-
gem Deus
protegit.*

Conradus suscipit expeditionem aduersus S. Stephanum Hungariæ Regem, qui coactis copiis ut se tueretur, B. Virgini factam sibi iniuriam exponit: Statim missæ à Conrado ad omnes Imperatorios Duces litteræ, ne ultra pergerent; quod eum accepisset Imperator, prohibitum se diuinitus videns, quominus Regi sancto bellum inferret, cum eo percussit fœdus, nec eum aggredi ausus est, quem aded Numini videret acceptum.

*Moritur
Elius S.
Stephani.*

Hoc anno S. Stephani filius Emericus, patri sanctimoniâ prope par, terras mutauit cælo, in Beatorum numerum etiam adscriptus in terris. Quo sublato in patrem subditi rebellarunt; sed

tumul-

rumultus paulò post oppressus, vt probari patientia boni Regis, non eius desolari regnum videretur.

CAPVT IV.

DECAS QVARTA.

Ab anno Christi 1030. ad 1040.

MVNDI

CHRISTI

5084.

I. 1031.

Henricus & Robertus filii Roberti Franciæ Regis, positis inter se discordiis, quod à matre Constantiâ duriùs tractarentur, & id dissimularet pater vxorius, arma corripunt, & locis munitis includunt copias suas, vnde ex circumpositis regionibus prædas abigunt. Statim parat exercitum pater, vt eos vi ad officium reuocaret; verùm sequester Guillelmus Abbas S. Benigni Diuionensis vir prudens, & industrius, filiorum animos sic demulsi, sic temperauit iracundiam parentis, vt illi se Roberto submitterent, hic filios reciperet in gratiam, quos malitia matris efferarat potiùs, quàm odium in patrem concitaret.

*Bellum
civile
Franci
cum sopi-
tur.*

Romanus Imperator imaginem B. Virginis in Blachernis iam à tempore Copronymi occultatam inuenit, atque in Basilicâ suâ magnificentius exornatâ reposuit. Templum quoque Hierosolymitanum antè euersum reficiebatur, permittente Saracenorum Principe, ex scæminâ Christianâ nato; quod Romanus plurimùm promouit, Michaël eius successor absoluit; vt multi in partem boni huius operis venirent.

*Templum
B. Virgi-
nis in
Blacher-
nis.*

MVNDI

CHRISTI

5085.

1032.

Sancius Maior Rex Nauarræ, atque Castel-

*Sancius
Rex Pal-
lentiam
reparat.*

12, Pallentinam ciuitatem in ruinis iacentem hoc anno erexit, & ad pristinum splendorem reuocauit, quod aprum in venatione percussus inter rudera Ecclesie S. Antonii, protinus sibi stupere brachium sensisset, nec eius liberum recepisset vsum nisi eiusdem Sancti Martyris patrocinio: itaque non huius basilicam reparauit modò, sed & ciuitatem, vt esset deinceps tanti miraculi monumentum, & suæ in sanctum patrum & medicum venerationis.

MVNDI CHRISTI

5086.

1033.

Celebris est hic annus Eclipsi Solis 3. Kal. Iulii quam describit Glaber, & quæ tum mortales omnes, propter huic adiuncta, perterruit. Quando Romani proceres Ioannem XX. conati sunt interimere; & cum eum assequi non potuissent, eum expulerunt suâ sede, sed mox à Conrado restitutus est. Neque diu restitutioni suæ superstes fuit: Obiit enim 6. Id. Nouemb. cum sedisset annis 9. & mensibus 8. cum diebus aliquot. Ei porrò mox successus est, factione Alberici Comitis Tusculani qui tum omnia Romæ poterat, & duos fratres suos in Petri sede collocarat, eius filius Theophylactus puer decennis, qui dictus est Benedictus nonus, & Pontificatum omnem suum in luxuriis contriuit, vt loquitur Petrus Damiani; vnde colligit Baronius decenni maiorem fuisse: & quod Hermanus Contra-ctus *dux* *es* de eo scribens, dicat tantum ob inquinatissimos mores indignum fuisse eâ sede, de ætate taceat: ac denique quod ab omnibus agnitus legitimus fuerit & à viris sanctissimis; quod profectò non contigisset, si puer creatus esset, & Pontificatum decennis puerio administrasset; quæ qui attentè considerarit opinor, non expleret tanti Cardinalis coniecturam.

Ioanni
X X.
succedit
Benedi-
ctus,
I X. An
is tantum
decurrit.

Hoe

Hoc eodem anno, quo celebris illa contigit
Eccleipsis, obiit 13. Kal. August. Meloduni Ro-
bertus Francorum Rex sexagenarius: vir erudi-
tissimus atque piissimus, & quem viuum patras-
se miracula vitæ eius scriptor Helgaldus scribit.
Duos reliquit liberos; Henricum iam corona-
tum Regem patre superstite, & Robertum, cui
frater, primogenitus Burgundiam assignauit, ne
turbaret regnum; Constantia autem vxor eo-
rum mater, mulier nequam, turbulenta, am-
bitiosa, magno Franciæ bono non diu superstes
fuit, quæ omnibus imperare, ipsa sibi non po-
tuit.

*Mortuus
Robertus
ei successit
Henricus.*

MUNDI CHRISTI

5087.

1034.

Zoë Augusta, vt adultero suo Michaële argen-
tario formosissimo petiretur, marito suo Ro-
mano venenum propinauit; quod cum non satis
citò miserum conficeret, eundem strangulan-
dum curauit feriâ 3. maioris Hebdomadæ, cum
annis quinque & sex mensibus imperasset. Eâ-
dem nocte Alexius Patriarcha minis & præmiis
concitatus Michaëlem Imperatorem inaugura-
uit, à patriâ dictum Paphlagonem; cuius fra-
ter Ioannes vir bellicosus, & rerum gerenda-
rum guarus palatium ingressus, Zoëm Impe-
rium administrare parantem sic repressit, vt abs-
que eius licentiâ Balneum subire non auderet.
Neque verò impudica mulier formoso suo con-
iuge diu vsa est; repente enim correptus à Da-
mone turpissimo, ipse deformissimus Energu-
menus exiit; quare relicta Vrbe, & Imperii
administratione, secessit Thessalonicam in Ec-
clesiam sancti Demetrii Martyris, vbi aliquid
leuamenti, nunquam plenam valetudinem obta-
nuit; semper turpis, semper deformis, vt vxori
sue impudicæ terrorem incuteret, & præteriti
secleris æstificaret recordationem.

*Re reli-
tus vene-
no ab vxo-
re Zoë.*

*Ei succē-
ditur Ma-
chaël Pa-
phlago.*

*Hic cor-
reptus est a
Damone.*

que regni curauit Ecclesias; Magnus meritò nuncupatus, ob res fortiter gestas; Maximus, ob pietatem atque religionem, meliori jure nominandus.

MVNDI

CHRISTI

5070.

1017.

*Manichæi
exagitati.*

Aureliis mulier Manichæa multos è Clero populoque seduxit; cui malo statim Robertus Francorum Rex prouidit, multis exustis, aliis fugâ dilapsis; quorum aliqui Toletum in Hispaniam peruenerunt, vbi eosdem reppererunt ignes, quos in Franciâ vitauerant.

*Prodigia
ex cades
in Aquitania.*

Hoc tempore in Aquitaniâ tribus diebus sanguine pluit, circa Solstitium æstiuum: hic cruor cadens in carnem hominis, aut lapidem, elui non poterat, in lignum decidens facillè eluebatur. Quâ de re consultus Fulbertus Carnotensis, non omnibus fecit satis. Secuta sunt deinde grauiâ bella inter Guillelmum Aquitaniæ Ducem, & Gaufredum Comitem Andegauensem, qui sese mutuis cladibus attriuere, & plurimum sanguinis effuderunt, sine dubio, imbre illo cruento prænunciatum.

MVNDI

CHRISTI

5071.

1018.

*Boreales
Ecclesie
vexatae.*

Abotriti & Vvari populi à fide Apostatae magnas in Ecclesias Boreales intulere clades, maxime verò in urbem Kiouiam, in quâ Christiana religio egregiè florebat. In eâ plures Ecclesiarum quadringentis numerabantur; si quis post Septuagesimam carnem edisse conuietus esset, ei vellebantur dentes; pœna atrocissima in adulteros constituta erat, aliosque grauiter delinquentes, quæ narrat Ditmarus Episcopus Morsburgensis qui hoc anno scribendi viuendique finem fecit; bonus planè scriptor & præsul optimus, qui Ecclesiam accuratissimè rexit, & historiam magnâ fide conscripsit, adeò vt dubium reliquerit, vtrum melius scripserit, an vixerit.

Rudo-

Rudolphus Normannus fortissimus, veritus Richardi Ducis sui furorem, Romam venit, cum suis; ubi excitatus à Benedicto ut in Græcos bellum gereret, eos in Apuliâ tribus magnis præliis devicit; donec iis impar, obmissa ex Oriente maximas copias, ad Henricum cum paucis perrexit, ut obtineret auxilium; vir magnus, & magni ipse in certaminibus instar exercitus.

*Rudolphi
Normanni
forisjudo.*

MVNDI

CHRISTI

5072.

1019.

Benedictus VIII. profectus in Germaniam hoc anno Ecclesiam Bambergensensem dedicavit; quam urbem, ut & Ecclesiam, Henricus & Cunegundis vxor summo Pontifici penitus addixere, sic ut quotannis Bambergæ ciuitas S. Petro equum album phaleratum cum centum marcis argenti persolueret, hoc est, circiter trecentas Tironicas libras. Sed Henricus Iunior hunc censum redemit substituto Benevento, non tantum iuste, sed & liberaliter atque magnificè.

*Bamberga
addicta
S. Sedi.*

Sergio Constantinopolitano mortuo successit Eustathius primus inter Presbyteros Regiæ, hoc tantum nomine laudatus.

*Sergio
succedit
Eustathius*

MVNDI

CHRISTI.

5073.

1020.

Boleslaus Polonorum Rex Ecclesias sui Regni multis & pretiosis ornamentis illustravit; eisque perpetuas decimas accuratè persolendas addixit; quæque antea iustitiæ tantum fuerant opera, liberalitatis esse cœperunt.

*Boleslaus
Poloni
pietas.*



CAPVT III.

DE CASTERTIA.

Ab anno Christi 1020. ad 1030.

MVNDI

CHRISTI

5074.

1021.

*Henricus
reconcilia-
tus S. He-
riberto.*

SANCTUS Heribertus Coloniensis Episcopus & adeo quondam charus Henrico vt ab eo nunquam diuelleretur, ab eo inuidorum operâ sic abalienatus est, vt de eo deturbando ab Archiepiscopatu suo cogitaret; & verò eâ de causâ Coloniâ Imperator perrexit; sed diuinitus admonitus est, cauere etiam atque etiam sancto præfuli molestus esse; quare non modò ei reconciliatus est, sed & omni submissione eius gratiam demereri conatus est.

*Guido
Aretinus
musicus
flos.*

Circa hoc quoque tempus floruit Guido Aretinus monachus, qui nouam addiscendi Musices rationem excogitauit, etiam pueris rudibus facilem, cum antea ab ingeniosis viris, vix multis annis edisceretur; quam ob causam Romam vocatus est à Benedicto, atque ab eo, eiusque successore Ioanne, multis beneficiis meritò cumulatus; quibus satis magnis ornari non possunt qui de omnibus bene meruerunt.

MVNDI

CHRISTI

5075.

1022.

*Henricus
venit in
Italiam,
& Saracenos re-
primis.*

Henricus sollicitatus ab Italis, Normannis, Benedicto, venit cum exercitu in Italiam, eisque Triam suam in Apuliâ nuper ædificatam eripuit, fugatis etiam, aut in deditionem acceptis eorum fautoribus; adeo vt deinceps neque per se, neque per suos quidquam in Italiâ

Italiâ possent, quam turbare tantum poterant, non tueri. Post hæc Cassinum venit, & ibidem ægrotavit; sanatusque à S. Benedicto, quem in somno vidit, & ab eo didicit, hâc eius seruari corpus: multa in hoc monasterium dona concessit, in eo monachi sumpturus habitum, si supervixisset: verum huic satis ad meritum voluntas fuit.

*Cassinum
invis.*

MVNDI

CHRISTI

5076.

1023.

Hoc anno Henricus Imperator, & Robertus Francorum Rex de suis atque Ecclesiæ negotiis super Carum fluuium apud Euasium conuenerunt, postea ambo Benedictum Papiam conuenturi, vti pacta inter eos firmaret. Hi autem pietate gemini ac similes, non armis vt alij Principes, sed demissione vt Christiani depugnarunt, primusque ad Robertum Imperator cum paucis venit, seseque deosculati & complectentes post auditum sacrum, ambo familiarissimè pransi sunt; atque Henrico ingentia oblata munera, ex quibus nihil accepit, nisi quod satis esset ne donum recusasse videretur. Sequenti die ad Imperatorem Robertus venit splendidissimè acceptus, atque ex multis muneribus illa tantum accepit quæ amici ab amicis recipiunt; amboque amore vt pietate coniuncti illic in ditionem suam recessere. parati sibi inuicem atque Ecclesiæ nunquam deesse.

*Conueniunt
Henricus
Imp. &
Robertus
Rex.*

MVNDI

CHRISTI

5077.

1024.

Tertio Kal. Martij obiit Benedictus VIII Sedis suæ anno 12. à pœnis purgantibus per S. Odilonem liberatus, vt pie creditur, quem Papa viuens coluerat. De eodem visiones aliquæ proferuntur; quas excutere, non est huius otij. Successit fratri Ioannes XX. filius quoque Comitum Tusculani, repente ex laico factus Pontifex, autoritate sui patris, & profusâ,

*Benedictus
VIII (ue-
cedit 7 an-
ter 10 in-
nei X X.*

Tom. II. Pars II,

T

vtj

MVNDI CHRISTI

5978.

1025.

Mortuus est hoc anno, ætatis suæ anno septuagesimo, Imperii quinquagesimo, subito correptus morbo Basilius Imperator; cui successit solus Constantinus, avarus deinceps, & in tributis exigendis sordidus ac tenax; quomobrem omnibus desiderium iniecit Basilii. Paulò antea obierat Eustathius, eiusque loco Patriarcha Constantinopolitanus electus erat Alexius Archimandrita, Imperii administer sapiens, qui ad regendam Ecclesiam multum doctrinæ; plus prudentiæ detulit.

*Mortuus
filius Imp.
cui succe-
dit solus
Constanti-
nus.*

*Alexius
successor
Eustathii.*

S. Cunegundis in Confugiensi monasterio quod crexerat, & Encaniis eius Basilicæ, posito crine, & ornamentis Imperii, Religiosum suscepit habitum, ut in eo monialibus inserui-
ret, illustrior Augustæ nomine deposito, quam assumpto.

*S. Cun-
gundis fit
religiosa.*

Caput S. Ioannis Baptistæ, ut vulgò creditur, verè S. Ioannis Martyris Alexandrini, iamdiu delatum Angeriacum, hoc anno inuentum est ibidem (alii tamen verisimilius putant id anno Christi 1010. contigisse) quando Abbas Theodelinus ei dentem furatus, cæcus est factus, quo reddito sanatus est; adfuere Robertus Rex cum vxore Constantiâ, & Guilielmus IV. Aquitanie Dux, qui tum euocauit S. Odilonem ad reformandum Angeriacense Monasterium, ut locus ille sanctitate illustris, virorum quoque sanctorum contubernio commendaretur.

*Caput S.
Io. Bap-
tistæ seu
S. Ioan.
Martyr.
Alex. in-
uentum
Angeria-
ci.*

Boleslaus Poloniæ Rex, cognomento Chobri hoc anno interit, ætatis 58. regni 26. vir pius, & amans Ecclesiæ, prophetico etiam spiritu clarus, Regni cladem vaticinatus, & reparationem; quam illa populi peccatis hæc piissimi Regis precibus adscribenda fuit. Successit ei filius Miecslaus boni parentis malus, de more, filius.

*Boleslaus
Polono
succedit
Miecslaus.*

MVNDI CHRISTI
5079. 1026.*Conradus
venit in
Italiam.*

Conradus nutritium suum S. Burchardum in-
uifit laborantem paralyfi, qui à Deo obtinuit,
vt sanus alumnum fufciperet suum, eumque cum
deduxiffet Vormatiam, paulò post moriturus re-
diit: vir eruditus, ac pius, scriptisque fuis
posteritati commendatus. Eo relicto Conradus
in Italiam fibi ferro viam patefecit, obfiftenti-
bus ei more folito Longobardis, cui cum magno
apparatu occurrit ex condicto Pontifex Ioannes
XX. vt eum deduceret Romam, ac Romanum
Imperatorem coronaret, cum id Imperio, atque
Romanæ Ecclefiz plurimum expediret.

MVNDI CHRISTI
5080. 1027.*Conradus
coronatur
Imp.*

Coronatus est hoc anno Romæ, medius inter
Canutum Anglorum & Danorum Regem, &
Rodolphum ducem Burgundionum, Conradus
Imperator à Ioanne XX. à quo videtur ac-
cepiffe dispensationem illegitimi Matrimonii
cum Gifela; rediit ille statim Herbipolin;
Canutus dum Papiam tranfit, emit brachium S.
Augustini 100. talentis argenti, & vno auri,
quod Conuentrix collocauit; vnde data occasio
impoftoribus reliquias confingendi atque ven-
dendi; quorum vnus hoc anno mango celeberrimus
extitit, zgrè propter calliditatem & fraudes detectus,
cui fimiles & gemini nunquam in Ecclefia defuere,
dormitantibus præfulibus, quorum in hoc negotio incuria nunquam
fatis reprehendetur.

*Reliquia
SS.**S. Romualdus
monachus.*

Obiit hoc anno S. Romualdus Camaldu-
lenfis Ordinis fundator, cum annis 120. vi-
ginti vixiffet, centum annis feruiffet Deo,
(de vitæ tamen annis dubitat Baronius) ac
post annos 5. Sanctorum albo adscriptus, fa-
cile po-

Ad potestate à summo Pontifice (vt consuetudo ferebat huius temporis) construendi altaris supra mortui corpus ; vir inclytus , & miraculis clarus , Principibus multum , sed Deo longè charior .

Alphonfus V. Rex Legionensis Non. Maii ad Visagum in Lusitaniâ cum Saracenis dimicans , sagittâ ictus interiit , magno Christianorum dolore ; cui Veremundus filius successit , longè dissimilis patri .

Veremundus successit Alphonso . X.

Garfias Vasconum Rex hoc anno Romam venit , vt obiret pœnitentiam ; falsi enim criminis matrem accusarat apud patrem , eamque adulterii fecerat ream , re calumniator , voluntate matricida .

Garfias pœnitentia .

MVNDI

CHRISTI

5081.

1028.

Hoc anno 5. Id. Decembr. mortuus est Constantinus cui substitutus est Romanus ei sanguine iunctus , repudiata coniuge , vt Zoëm duceret filiam Constantini , sicque dotale reciperet Imperium ; cuius , de more , optima fuerunt exordia ; de quibus tamen exitus iudicauit .

Constantinus successit Romano Imperator .

In Franciâ Robertus Rex , mortuo filio Hugone optimæ indolis , quem iam coronandum curarat , ei Henricum substituere voluit ; sed repugnabat Constantia mater , intertium Robertum magis propensa ; nihilominus eâ inuitâ , & tremente , Henricus designatus est hæres regni ; plusque in optimum Principem , licet vxorium , ratio , quàm Constantiæ preces , valuerunt .

Henricus Rex coronatur .

Tum etiam terras reliquit , vt frueretur cœlo , Fulbertus Episcopus Carnotensis , vir planè pius & dignus cuius ægotantis labra lacte suo Beata Virgo rigaret ; qui moriens quo potuit nitu à se repulit Berengarium hæreticum illum Sacramentariorum parentem , cui dæmonem videbat assistere , & quem nunquam à se vir impius , palinodiam licet sæpè recinens , abigere potuit .

Fulbertus Carnotensis moritur , Berengarium repellens .

*Martyriū
S. Olavi
Regis.*

Celebris denique est hic annus Martyrio S. Olavi Noruegiæ Regis, Magorum hostis infensissimi, quorum plurimos perdidit; ac primū exutus Regno, eorum operā, à Canuto Anglorum Danorumque Rege, ac restitutus operā Ruzlorum, & Sueonum; ab iisdem Magis obruncatus, multis miraculis claruit, regnum immortale profragili & caduco consequutus.

MVNDI

CHRISTI

5082.

1029.

*Ecclesia à
Roberto
condita.*

Encenia Ecclesiæ S. Aniani hoc anno Aureliis celebrata sunt, quam Robertus Rex Francorum statuerat, vt alias plerasque; quibustam ipse, quàm eius pater Hugo, Regnum suum stabiliri putauerunt.

*An S.
Martialis
Apostolus?*

Lemouicibus coactum est Concilium, vt videretur vtrum S. Martialis vt Confessor, an vt Apostolus colendus esset: quod tamen dirimi non potuit in hac Synodo; nec tribus aliis B. turicensi, Pictauiensi, & posteriori Lemouicensi; tandem Romanus Pontifex huic Apostolatū concessit, sicque quievere lites, Collationibus & Conciliis aucta potius, quàm sedata.

MVNDI

CHRISTI

5083.

1030.

*Stephanum
Regem Deus
protegit.*

Conradus suscipit expeditionem aduersus S. Stephanum Hungariæ Regem, qui coactis copiis vt setueretur, B. Virgini factam sibi iniuriam exponit: Statim missæ à Conrado ad omnes Imperatorios Duces litteræ, ne vltra pergerent; quod eum accepisset Imperator, prohibitum se diuinitus videns, quominus Regi sancto bellum inferret, cum eo percussit fœdus, nec eum aggredi ausus est, quem aded Numini videret acceptum.

*Moritur
Elius S.
Stephani.*

Hoc anno S. Stephani filius Emericus, patri sanctimoniā prope par, terras mutauit cœlo, in Beatorum numerum etiam adscriptus in terris. Quo sublato in patrem subditi rebellarunt; sed tumult-

tumultus paulò post oppressus, ut probari patientia boni Regis, non eius desolari regnum videretur.

CAPUT IV.

DE CASU QUARTA.

Ab anno Christi 1030. ad 1040.

MUNDI CHRISTI

5084.

1031.

Henricus & Robertus filii Roberti Franciæ Regis, positis inter se discordiis, quod à matre Constantiâ duriùs tractarentur, & id dissimularet pater vxorius, arma corripunt, & locis munitis includunt copias suas, unde ex circumpositis regionibus prædas abigunt. Statim parat exercitum pater, ut eos vi ad officium reuocaret; verùm sequester Guillelmus Abbas S. Benigni Diuionensis vir prudens, & industrius, filiorum animos sic demulsi, sic temperauit iracundiam parentis, ut illi se Roberto submitterent, hic filios reciperet in gratiam, quos malitia matris efferarat potius, quàm odium in patrem concitaret.

Bellum civile Franci cum sepius.

Romanus Imperator imaginem B. Virginis in Blachernis iam à tempore Copronymi occultatam inuenit, atque in Basilicâ suâ magnificentius exornatâ reposuit. Templum quoque Hierosolymitanum antè euersum reficiebatur, permittente Saracenorum Principe, ex sceminâ Christianâ nato; quod Romanus plurimùm promouit, Michaël eius successor absoluit; ut multi in partem boni huius operis venirent.

Templum B. Virginis in Blachernis.

MUNDI CHRISTI

5085.

1032.

Sancius Maior Rex Nauarræ, atque Castel-

Sancius Rex Palentiam reparat.

T 4

lx,

12, Pallentinam ciuitatem in ruinis iacentem hoc anno erexit, & ad pristinum splendorem reuocauit, quod aprum in venatione percussurus inter rudera Ecclesiæ S. Antonii, protinus sibi stupere brachium sensisset, nec eius liberum recepisset vsum nisi eiusdem Sancti Martyris patrocínio: itaque non huius basilicam reparauit modò, sed & ciuitatem, vt esset deinceps tanti miraculi monumentum, & suæ in sanctum patronum & medicum venerationis.

MVNDI CHRISTI

5086.

1033.

Celebris est hic annus Ecclipsi Solis 3. Kal. Iulia quam describit Glaber, & quæ tum mortales omnes, propter huic adiuncta, perterruit. Quando Romani procures Ioannem XX. conati sunt interimere; & cum eum assequi non potuissent, eum expulerunt suâ sedē, sed mox a Conrado restitutus est. Neque diu restitutioni suæ superstes fuit: Obiit enim 6. Id. Nouemb. cum sedisset annis 9. & mensibus 8. cum diebus aliquot. Ei porrò mox successus est, factione Alberici Comitæ Tusculani qui tum omnia Romæ poterat, & duos fratres suos in Petri sede collocarat, eius filius Theophylactus puer decennis, qui dictus est Benedictus nonus, & Pontificatum omnem suum in luxuriis contriuit, vt loquitur Petrus Damiani; vnde colligit Baronius decenni maiorem fuisse: & quod Hermanus Contractus *euylxro* de eo scribens, dicat tantum ob inquinatissimos mores indignum fuisse eâ sedē de ætate taceat; ac denique quod ab omnibus agnitus legitimus fuerit & à viris sanctissimis; quod profectò non contigisset, si puer creatus esset, & Pontificatum decennis puerio administrasset; quæ qui attentè considerarit opinor, non exprobrat tantæ Cardinalis coniecturam.

Hoo

*Ioanni
XX.
succedit
Benedi-
ctus,
IX. An
in tantum
decennio*

Hoc eodem anno, quo celebris illa contigit
Eclipsis, obiit 13. Kal. August. Meloduni Ro-
bertus Francorum Rex sexagenarius: vir erudi-
tissimus atque piissimus, & quem viuum patraf-
se miracula vitæ eius scriptor Helgakus scribit.
Duos reliquit liberos; Henricum iam corona-
tum Regem patre superstite, & Robertum, cui
frater, primogenitus Burgundiam assignauit, ne
turbaret regnum; Constantia autem vxor eo-
rum mater, mulier nequam, turbulenta, am-
bitiosa, magno Franciæ bono non diu superstes
fuit, quæ omnibus imperare, ipsa sibi non po-
tuit.

*Martius
Robertus
ei succedens
Henricus*

MVNDI CHRISTI

587.

1034.

Zoë Augusta, vt adultero suo Michaële argen-
tario formosissimo potiretur, marito suo Ro-
mano venenum propinauit; quod cum non satis
citò miserum conficeret, eundem strangulan-
dum curauit feriâ 3. maioris Hebdomadæ, cum
annis quinque & sex mensibus imperasset. Eâ-
dem nocte Alexius Patriarcha minis & præmiis
concitatus Michaëlem Imperatorem inaugura-
uit, à patriâ dictum Paphlagonem; cuius fra-
ter Ioannes vir bellicosus, & rerum gerenda-
rum guarus palatium ingressus, Zoëm Impe-
rium administrare parantem sic repressit, vt abs-
que eius licentiâ Balneum subire non auderet.
Neque verò impudica mulier formoso suo con-
iuge diu vsa est; repente enim correptus à Dz-
mone turpissimo, ipse deformissimus Energu-
menus exiit; quare relicta Vrbe, & Imperii
Administratione, secessit Thessaonicam in Ec-
clesiam sancti Demetrii Martyris, vbi aliquid
leuamenti, nunquam plenam valetudinem obtri-
nuit: semper turpis, semper deformis, vt vxori
suz impudicæ terrorem incuteret, & præteritis
sceleris, scriberet recordationem.

*Ro. reli-
tus vene-
no ab vxo-
re Zoë.*

*Ei succē-
ditur Ma-
chael Pa-
phlago.*

*Hic corre-
ptus est à
Dæmone.*

*Grando
inusta.*

Tum quoque Constantinopoli, & in Thracia, tam inuitata grando decedit, vt effringerentur arborum omnium & vitium rami, fruges distringerentur, culmina domorum frangerentur; vnde secuta est ingens ciborum penuria, multorum mensium vno die clades accepta.

*Roberto
Duci Nor-
mannia
succedit
Guil.no.
thus.*

Hoc tempore Robertus Normannia Dux rediens ex peregrinatione Hierosolymitanâ, mortuus est Nicæ in Bithyniâ, instituto hærede Guillelmo, cognomento Notho; sed huic obstitere proceres gentis, ad se ditionem hanc pertrahere conati, vt eam lacerarent potius quam susciperent.

*Polonia
turbata
morte Mi-
czslao
Regis.*

Hoc item anno mortuo Mieczslao plurimum est turbata Polonia, cum Bohemi, Morauî, Rutheni, alique populi subditi Polonis, non tantum in eos rebellarunt, sed eos diripuerunt; insuper exorto dissidio inter regni proceres, qui Reginam Rikscham, eiusque filium Casimirum expulserunt. Tum direpta ditissima Gnesnensis S. Mariæ Ecclesia, cuius omnia ornamenta Bohemi Pragam extulerunt, cum infinitis captiuis. Casimirus autem pulsus regno aliud quæsiuit, quod sibi eripi non posset, Cluniacum ingressus sub B. Odilone, mutatoque nomine dictus Carolus, v. terrenorum omnium, vsque ad suum nomen, obliuisceretur.

*Casimirus
Rex si
Monachus
Cluniacensis.*

MVNDI

CHRISTI

5088.

1035.

*Derollus,
et consu-
satus Be-
regarius.*

Cadant in hunc annum acta contra Berengarium, Archidiaconum Andegauensem Sacramentarium, qui in errorem suum Brunonem suum Episcopum pertraxerat. Henricus Rex Franciæ Episcopos conuocauit, vt nascenti malo remedium adhiberetur; sed quia agebatur de Episcopo, cum rectè monuit Durandus Episcopus Leodiensis, vt à Rom. sede licentiam obtineret; simulque contra Sacramentarios accuratè scripsit; quod & præstitit Adel-
man-

mannus Brixienſis Epiſcopus, ſub Fulberto Car-
notenſi Berengarij diſcipulus. Verum quid
tum factum ſit, ignoratur, tacentibus ſcripto-
ribus; hoc certum, detectam hæreſin, & acer-
rimè conſutatam.

Henricus Franciæ Rex opem laturus Guilel-
mo Notho ingreditur cum tribus armatorum
millibus Normanniã; cui occurrere triginta
rebellium millia; quostamen internecione de-
leuit, ac reliquis Principem legitimum reſti-
tuit; tantum Regis oculus valet, ad ſeditioſos
& rebelles comprimendos.

Obiit hoc anno Sancius Maior Nauarræ, &
Caſtellæ Rex, dictus Rex Pyrenæorum mon-
tium & Toſolæ; vir piſſimus, & in Fidem opti-
mè affectus. Is reliquit hæredem Ferdinandum
cognomento Magnum, qui nomine parenti ceſ-
ſit, eum virtute ac rebus geſtis longe ſuperauit.

MVNDI

CHRISTI

5089.

1036.

Ioannes frater Michaëlis Imperatoris ambiens
ſedem Conſtantinopolitanam, Alexium Patriar-
cham conatur deponere, celebratâ Synodo à
Demetrio Cyziceno, aliſque Epiſcopis huic
ſedi ſubiectis. Obiciebatur ei quod juffu Im-
peratoris, non ſuffragio Metropolitanarum, ele-
ctus eſſet; ſed cum contendiſſet exautorandos
quoque omnes Metropolitæ iudices ſuos, quos
conſecrarat, & expungendos tres Imperatores
quos inuixerat, ambitio Ioannis conquieuit,
& thronum inter tot tumultus conſcendere ipſe,
quantumvis intrepidus, reſuſcitauit.

MVNDI

CHRISTI

5090

1037.

Conradus Imperator Mediolanum obſidet,
& rebellium terras deuastat; tres etiam Epi-
ſcopos mittit in exilium, conſentiente Benedi-
cto, qui ei ad Cremonam occurrit. Cum au-
tem die ſacro Pentecoſtes ad Mediolanum in
paruâ Eccleſiâ coronam acciperet, tam grauiter

T 6

cælum

*Henricus
vincit Re-
belles Nor-
mannos.*

*Ferd Ma-
gus ſuc-
cedit San-
cio Ma-
iori.*

*Ioan. frater
Alex. uult
ſibi Pa-
triarcha.*

*Conradus
coronatur
ad Medio-
lanum.*

cælum intonuit, ut quidam paterentur deliquitum, quidam exanimarentur; Bruno Episcopus ad aram acciens, vidisse se inter mysteria S. Ambrosii comminantem Imperatori asseruit. Neque mentitum esse Brunonem, aut vanas fuisse minas exitus docuit.

Ferd. fil. Juvenior.

Veramundo Legionensi casu à Ferdinando Magno Castellæ rege, cognato suo, duo hæc regna iuncta sunt; quare jam potentior Ferdinandus Conimbricam aliasque ciuitates Saracenis ademit, auxilio S. Iacobi, cui addictissimus fuit, & cuius auxilium nunquam frustra postulauit, sæpe ad eius tumulum peregrinatus.

MVNDI

5091.

CHRISTI

1038.

Gregorius Maniacus vincis Saracenos.

Gregorius cognomento Maniacus, vir fortissimus, missus est à Michaële Imperatore ad expellendos ex Sicilia Saracenos; quod & præstitit, auxilio Guaimarii Principis Salernitani, & Normannorum, qui ei militabant; atque rediens Constantinopolin corpus S. Lucie transtulit, omni victoriâ, atque triumpho pretiosius.

Pandulphus accipit regnum.

Conradus sollicitatus à Monachis Cassinensibus, quos Pandulphus Caput Princeps dire vexabat, jam ab annis 12. eundem suo Principatu deiecit; quem tamen postea grandi pecuniâ à filio Conradi recuperavit, actandem ob rapinâ ad inferos detrusus, in eius morte Vesuuio magis accenso, si qua bonis Monachis, atque nonnullis reuelationibus fides. Dum autem redit ab eâ expeditione Conradus, multos è suis peste grassante perdidit, atque inter ceteros Chunchildem uxorem filij sui Henrici, atque Hermannum Ducem Alemanniæ; quæ contigit ob expulsos Episcopos anno superiori, quidam vaticinantur.

Mortuus Stephanus Imperator.

Obiit hoc anno S. Stephanus Hungariæ Rex, uti concupierat, die B. Virginis Assumptæ.

Re-

Regno suo atque subditis eidem enixè commendatis: post eius tamen obitum, Regnum hoc magnis ciuilibus bellis distractum est, immo & externis, sub Petro eius successore; tumque intellectum, prosperam eius fortunam, ex tanti Regis pietate, atque uirtute pendisse.

MVNDI

CHRISTI

5092.

1039.

Hoc anno. Non Iunij, 3. feriâ Pentecostes Traiecti Frisiz, *Vrech*, repentinâ morte sublatu est Conradus; cuius in regnum successit filius Henricus, ab eo Rex jam constitutus: Imperium autem aliquot annis rectore vacuum fuit, dum Henricus Germaniæ suæ, quàm Italiæ sollicitior fuit: ne dum longinqua quæreret, perderet viciniora.

*Conradus
succedit
Henrico.*

Eodem anno delatæ sunt à Polonis aduersus Bozmos querelæ, de templis spoliatis, & ablatis reliquiis, bello sciuente. Volebat Benedictus IX. eas reddi; sed eius Cardinales, auro Bohæmico corrupti, eum impedire quominus raptores illos sacrilegos Ecclesiæ fulminibus afflaret; vnde vides eiusdem farinae homines fuisse, tam Pontificem, quàm ab eo electos Cardinales.

*Poloni
fra-
tra repe-
runt ahi-
ta per Bo-
hemos.*

MVNDI

CHRISTI

5093.

1040.

Reuocatus est ex Sicilia Gregorius Maniacus, & Maiestatis accusatus, fuscato ei Catacalo, cognomine Combusto; tumque redeuntes cum ingenti classe Africani Saraceni vniuersam insulam occuparunt præter Messanam, quam graui obsidione cinxerunt; in eâ dum se gerunt negligentius, Catacalus cum suis, SS. Eucharistiâ munitis irruit, in vino sepultos, ac somno, omnesque cum Principe suo Apocafar aut cecidit, aut insulam relinquere compulit in quorum castris ingens reperta præda auri, argenti, gemmarum, adeo ut milites inter se lapillos atque margaritas medimno diui-

*Catacalus
iussu Si-
ciliæ Sa-
racenis.*

diuiderent; omnes diuites, Dux eorum etiam gloriosus rediret.

CAPVT V.

DECAS QVINTA.

Ab anne Christi 1040. ad 1050.

MVNDI

CHRISTI

5094.

1041.

*Michaël
Paphla-
goni suc-
cedit Mi-
chael Ga-
lephates.*

MORTUUS est hoc anno Michaël Paphlago Imperator, confessus crimen suum, ac pœnitens, cùm imperasset annos 7. menses octo, aut veriùs frater eius Ioannes, cuius impulsu creditus est Romanum sustulisse. Porro eodem tempore Zoë coronauit & adoptauit in filium Michaëlem V. cognomento Galephatem filium Stephani, patrueis Imperatoris. Sed cùm ingratus Zoëm expulisset solio, & in monacham attonderi curasset, explosus à populo, & lapidibus imperitus in Basilicam confugit, Zoëmque reuocauit; verùm jam ad Imperium vocata erat Zoës soror Theodora, quam sub Romano Imperatore, Zoë monacham constituerat, ne imperare ipsa vellet. Quare ab eâ obtinuit populus, vt Michaël eiusque frater detraherentur ab arâ, per Urbem raptarentur ignominiosè, atque oculis priuarentur; quod factum, totâ plaudente ciuitate, ac contra ingratum meritò diras omnes, atque aliquid deterius inge-

*Quæ ex
auctoritate
sur.*

*Casimirus
Rex Po-
lonus red-
ditur.*

Casimirus Monachus Cluniacensis à Benedic-
to IX. Polonis Rex redditus est, & permissus
uxorem ducere, quoniam Principe destituta
ruebat in exitium Polonia. Sed iussi sunt no-
biles nummum sancto Petro pendere, religioso-
rum more attonderi, & panno candido in sto-

la modum pendente exornari, ut pro vno religioso, plurimi substituti viderentur. Casimirus autem ille Regnum Polonicum in integrum restituit, fudit hostes Angelico vallatus praesidio, Cluniacenses suos in Polonia collocavit, atque ita se gessit, ut in cenobio non perdidisset maiestatem Regiam; sed eam auxisse videretur.

Normanni Italorum auxiliores capri felicitate regionis quam defendendam susceperant, Apuliam ducē Arduino Longobardo occuparunt, victo Dudiano duce Graecorum, eamque inter se partiti diligentissime coluerunt; non tantum fortes, sed & industrii, & sagaces.

Normanni occupant Apuliam.

M V N D I

CHRISTI.

1095-

1042.

Constantinopoli qui fuerat in exilium missus à Ioanne Michaëlis fratre Constantinus Monomachus, reuocatus est, junctusque Zoë matrimonio, acclamatus Imperator 3. Idus Iunij sed cum pellicem superinduxisset sororem Romanæ Scleri, nihil propius factum, quam ut exautoraretur. Res tamen ultra verba & minas non processit; ipse fortiter se gessit in Imperio, adeo ut quod felicitate consequutus erat, fortitudine rebusque præclare gestis mereretur.

Constantinus Monomachus Imperator.

In Hungariâ Vvo seu Ouo in Petrum S. Stephani successorem Tyrannus insurrexit, & ab vniuerso Clero populoque Rex creatus est. Obstitit vnus sanctus Gerardus nobilis Venetus, Monachus antea, postea Chanodiensis Episcopus, à S. Stephano rediens Hierosolymis huic affectus Ecclesiæ. Hic confenso Vmbone Tyranno triennium duntaxat prænunciavit; quod tempus eius scelera etiam contraxere, tribus annis in Principatu duntaxat delibatis.

In Hungaria Tyrannus Ouo.

Obit

MVNDI CHRISTI

1096. 1043.

*Alenio
succedit
Michael
Cerialius*

Obiit x. Kal. Mart. Alexius Patriarcha Constantinop. cui successus Michaël cognomento Cerialius, antea pulsus in exilium à Ioanne Imperatoris fratre, quod Imperium affectare crederetur, tunc & patriam, & dignitatem recepit.

*S. Eduar-
dus regnat
in Anglia*

In Angliâ S. Eduuardus Ethelredi, & Emmæ filius, diu exul in Normanniâ, operâ Godvini Comitis potentissimi Rex renunciatus est, cuius & filiam Egitam accepit uxorem, qui eam & duxit virginem, & virginem reliquit. Tam enim Canuti Regis Anglorum & successores obierant, quorum morte Eduardo in patriam, & ad regnum, aditus patefactus est.

MVNDI CHRISTI

1097.

1044.

*Ecclesia Ro-
mæ restituta
per
Gratianum
qui d. Huius
Greg. VI.*

Hic annus, initio Ecclesiæ Ro. turbulentus, tandem & pacem & tranquillitatem attulit. Romanenim pertasi vitiorum Benedicti IX. cum expulerunt operâ sui Consulis Prolemai, viri ditissimi, & Tusculanis Comitibus oppositi, atque eius loco Syluestrum III. supposuerunt. Is dicebatur antea Ioannes, & ex Sabinensi sede, pecuniâ, in Petri. Cathedram irrepsit. Sed cum vix 3. mensibus sedisset, à Tusculanis expulsus est, & restitutus Benedictus; qui tamen redditus populo Romano supra modum inuisus, & ut liberiùs suæ libidinis indulgeret, se recepit in paternam domum, sibi Ioanne substituto; sicque eodem tempore tres Pontifices tres sedes funestabant, S. Petrum, S. Mariam Maiorem, & Lateranum; omnes impii atque seclerati. Quamquam scribant aliqui, Benedictum à S. Bartholomæo Abbate Cryptæ Ferratæ, discipulo S. Nili, ad sanam mentem reuocatum, sponte cessisse Pontificatu, quæ malè inuaserat, peius administrat. Hæc cum videret Religiosus quidâ presbyter

Garr.

Gratianus, vir acer & ingeniosus, tres illas Pontificum larvas adiit, pactaque singulis pecuniâ, & redditibus Angliæ Benedicto (à quo plus erat periculi) quandiu viueret relictis, eis persuasit renunciare disceptæ dignitati. Quamobrem Romani eum seruatorem Ecclesiæ nominarunt, & creârunt Pontificem sub Gregorij VI. nomine, laudatum à magnis viris huius temporis, à Bennone eiusque sequacibus duntaxat infamatum; cum tamen optimè sit de Ecclesiâ meritis, & pecuniâ non Pontificatum, sed pacem Ecclesiæ redemerit.

Fames atrox hoc anno maximè sauiit in Galliâ, Italiâ, Germaniâ, adeò vt homines inuicem vorarent sese; in casâ mendiculi inuenta sunt 48. hominum capita, quorum se carne saginarat prope Matisconem: Lupi subibant vrbes vt irruerent in homines. Et fami superueniens pestis perniciem vltimam his prouinciis minitabatur; tandem inflexus Deus tot bonorum malorumque suppliciis exorari se passus est, & aëri serenitatem, terræ fertilitatem, & incolas reddidit.

MVNDI

CHRISTI

1098.

1045.

Promissa à Polonis S. Sedi accipientibus Casimirus Regem suum ex Monasterio Cluniacensi, in comitiis agitata sunt, decretumque vt in duabus prouinciis, Cracouiensi & Gnesnensi, à singulis capitibus vnus persolueretur obolus, qui tum erat in vsu, dictus deinceps Denarius S. Petri, sicque Polonia facta est S. Petro vectigalis, à quo multa bona, nullo pretio aestimanda, receperat.

Normanni Apuliâ potiti, antea tutores Cassini, postea facti sunt expilatores, adeò vt Abbatem ipsum captiuum abducere deliberarent: verum à Monachis repulsi sunt, atque ex totâ ditione Cassini reiecti: tum acriter vtrumque certatum, & S. Benedictus non tantum suis suffecit

ani-

*Fames
atrox &
pestis.*

*Polonia
S. Petro
Vectigalis*

*Normanni
Monachis
repulsi.*

Petrum Regem suum receperant Hungari, sublato jam ante tres annos Vuo Tyranno: nunc eundem Petrum exautorarunt atque excæcarunt, & Andream ducem reuocatum ab exilio sibi Regem præfecerunt, eâ legē vt ipsi ad idololatriam redirent; & sacra Dæmoni, de more, peragerent. Tumque multi hîc martyrium passi, atque inter cæteros S. Gerardus Chanodiensis Episcopus, cuius postea corpus Principes Regni, rexque Ladislaus suis humeris extulerunt. Andreas autem Rex electus, & agnitus, regnum optimè administravit; adeo vt non extumultu, sed Dei iudicio videretur electus.

*Petro Hū-
garo excē-
cato succe-
dit An-
dreas.*

Godefridus Lotharingæ Dux cū B. Virgiris Virdunensē incendisset templum, ex desperatione ablatis sibi Ducatus, publicam egit penitentiam; se enim attonsum publice verberandum curauit, sumptus ad templi fabricam sufficit, ipse operæ instar camenta, intritamque humeris tulit; atque ita se gessit, vt eum peccasse, & sic emendasse crimen suum, vtile videretur Ecclesiæ.

*Godefri-
dus Dux
Lothar.
penitens.*

MVNDI

CHRISTI

5101.

1048.

Henricus mittit Romam eligendum Pontificem Poponem Episcopum Brixientem, vel Aquileientem; qui electus à Clero populoque Romano dictus est Damasus II. sed sedit duntaxat 23. diebus, sublatus, vt quidam credunt, à Benedicto IX. quam eadem eius impietas credibilem facit. Interea idem sceleratus tenuit sedem, toties scelere partam, ac toties scelere perditam.

*Damasus
II. Papa
moritur.*

Obiit hoc anno Odilo Cluniacensis Abbas (quem Archangelum Fulbertus Carnotensis vocat) omnibus Principibus, & Præsulibus acceptissimus, sed & adhuc Deo charior; cuius inuentum esse dicitur memoria fidelium defunctorum sequenti die festum Sanctorum omnium: verum pietatis huius videtur potius repa-

*Moritur
Odilo Clu-
niacensis.*

reparator, quàm author : cùm qui ante ducentos annos Amalarius Fortunatus Treuirensis floruit, scribat se mortuorum Officium post Officium Sanctorum omnium adjunxisse in libro de diuinis officiis ; nisi fortè, id apud Fortunatum irrepperit, secutis temporibus ; quod indicasse, huius loci fuit.

Turcæ occupans Persidem.

Turcæ qui hæcenus ad Boream Cauensis montis insiderant, vnde ad stipendia Principum veniebant, quò & dirati spoliis redibant, à Persarum Rege Saraceno vocati, ac male habitati, cum superarunt, ac totâ Perside sunt potiti ; sensimque Constantinopolin accedentes, Asiâ Minore perdomitâ, Orientale Imperium occuparunt, Occidentali terribiles, ac meritò ob disciplinam militarem reformidandi.

MVNDI CHRISTI

5103.

1049.

Leo IX. sufficitur Damaso II.

Mortuo Damaso, & furente Romæ Benedicto, Cardinales misere ad Henricum Legatos, qui peterent ad se virum vtilem Ecclesiæ mitti ; submisit ille Brunonem Comitum Dagspurgenfis filium Episcopum Tullensem Leucarum, *Toul en Lorraine* ; qui assumpto habitu Pontificio transiens Cluniaco, monitus est ab Hildebrando monacho (qui postea Gregorius VII. fuit) vt hunc cultum deponeret, pollicitus hoc pacto illum, & Henrico & Clero Romano gratum fore : quare in habitu peregrini Romæ susceptus est, & creatus Pontifex sub nomine Leonis IX. Vir prudens, & pius, signis ac miraculis clarus dum viveret, ac dignissimus qui sederet in Throno, quem tot scelerati non Pontifices, sed prope Dæmones, polluisent.

MVNDI CHRISTI

5103.

1050.

Berengarius damnatus.

Hoc anno in Berengarium prolata est sententia damnationis, & excommunicationis, absolutus Lanfranchus, qui in eiusdem erroris suspicionem venerat. Damnatus quoque liber

Ioan.

Ioannis Scoti, multum laudatus à Berengario; tumque detectum est, mulum à mulo perfrictum esse.

Tum quoque Patriarchatus Gradensis translatus est Venetias; cuius titulo primus insignitus est Dominicus, ornatus pallio, & Episcopis Venetiæ & Istriæ Primas constitutus; ut hæc dignitas in vrbe tam celebri tutior esset, & illustrior.

Patriarcha Venetus.

CAPVT VI.

DECASSEXTA.

Ab anno Christi 1050. ad 1060.

MVNDI CHRISTI

104. 1051.

Natus est hoc anno Henricus III. quem Agnes Augusta gerens in utero, seminauit se Draconem ferre; quod à Deo fuisse somnium, ostendit euentus. Hunc suscepit ex sacro fonte Hugo Cluniacensis Abbas; factus ei in Christo parens; sed ab eo tantum nomen, non pietatem accepit.

Henricus III. nascitur.

MVNDI CHRISTI

105. 1052.

Leo IX. proficiscitur in Germaniam, ut Henricum, & Andream Hungarum reconciliaret: hunc contumacem expertus deseruit, illum parere promptum secutus est Vormatiam; à quo & obtinuit auxilium contra Normannos, non facis subditos Sanctæ Sedis; quia potentiores.

Leo IX. in Germaniam.

Noua hæresis exorta est hoc anno de recondimandis Simoniacis, quam zelus quorundam piorum virorum peperit; verum hæc statim corruit, concussa à Petro Damiani, qui de eâ Tractatum scripsit; effecitque ut loquenti

Hæresis Simoniacorum.

Leo-

Leoni Papæ omnes obtemperarent.

Lis de corpore S. Dionysij. Pertinet ad hunc annum sententia Leonis IX. quâ declarasse perhibetur corpus S. Dionysij Areopagitæ in Ecclesiâ S. Emmeranni Ratisponæ asseruari. Quam tamen Franci constanter pernegant, & asserunt re in controuersiam vocatâ, apertâque publicè S. Dionysij argenteâ capsâ totum ejus corpus inuentum esse, præter ossa per pauca, ideoque Leonem judicium suum suspendisse. Sed quoniam lis ista magno vtrimque calore, & inter Monachos agitur, periculosum est iis sese interponere, & vtrique parti hoc prætoris edictum occinendum, *possidete ut possidetis.*

MVNDI

5106.

CHRISTI

1053.

Leo IX. transigit cum Henr. r. co Imp.

Leo IX. Pontifex transigit cum Imperatore Henrico II. & ab eo accipit aliqua loca in Italiâ pro iis, quæ in Germaniâ erant S. Petri, vt Fuldenfis Abbatia, Bambergæ, & alia ejusdemmodi. Tum igitur Beneueptum Pontificij juris factum esse asserunt. Sed insuper exercitum accepit aduersus Normannos; verum is valde imminutus est, dum pergit in Italiam, proditione Gebhardi Episcopi Aistetensis, qui postea factus Pontifex Maximus, de hoc crimine vehementer indoluit, cuiustum amarissimos fructus degustabat.

Normanni vincunt in Leonem & Ger. mandor.

Normanni, exercitu Teutonum viso, postulauere pacem; seque submittere Leoni voverunt, modò vt quæ iniuste rapuerant, Ro. sedis beneficio obtinerent. Negauit Pontifex; itaque atrox prælium committitur 14. Kal. Jul. & primo congressu Germani vicerunt; sed cum res ad Triarios rediisset, Italicorum ignauia victi Pontificij, Teutones internecione deuicti, Normannis reliquere victoriam. Pontifex, in vicino castro inclusus,

sus, sese dedere compulſus, deductus est perhonorificè Beneuentum, eique exhibita sunt officia, quæ victor expectare potuiſſet.

Hoc tempore Michaël Cerularius Patriarcha Constantinopolitanus, coniunctus cum Leone Archiepiſcopo Acridiæ, Bulgarorum Metropolitâ, ſcripſit aculeatam Epiſtolam aduerſus Eccleſiam Occidentalem ad Ioannem Tranenſem Epiſcopum, ad Italos, Francos, & Germanos publicandam: In eâ obiciebat Latinis Azyma, & ſabbathi jeiunia, ſuffocatum, Alleluja omiſſum in Quadrageſimâ. Hanc latinè conuertit Humbertus Cardinalis Epiſcopus Syluæ Candi- dæ; eique accuratè reſpondit, è ſuo carcere, Leo Epiſtolâ illâ egregiâ ad Michaëlem Acridanum, cui anno ſequenti aliam adiunxit ad Michaëlem Patriarcham; ſed erat ille efferatior, quàm vt poſſet ad officium per litteras reuocari.

*Epiſtola
Michaelis
Cerularij
ad Leonis
Acridani*

MVNDI CHRISTI

107. 1054.

Leo Pontifex mittit Legatos in Orientem Humbertum & Fridericum Cardinales, & Petrum Epiſcopum Amalphitanum, viros fortes & induſtrios, qui Michaëlem tergiuerſantem, & Leonem Acridanum, publicè in æde S. Sophiae anathemate perculerunt, ob grauiffimos errores, qui commemorantur ab Humberto in huius Legationis accuratâ relatione; atque operâ Conſtantini Imperatoris ab inſidiis Michaëlis liberati qui eos populo opprimendos, & diſcerpendos parabat obicere, in Italiam incolumes redierunt, omnia inimica apud Græcos referentes, & capitaliſſimum in Latinos odium.

*Legati
Pontificis
quid ege-
runt in
Græcia*

Obit hoc anno ante Legatorum reditum 13. Kal. Maij Leo IX ad cuius tumulum multa edita ſunt miracula; ideoque relatus eſt in Sanctorum Catalogum, eiufque memo-
ria

*Leonis
IX. obi.
1054.*

*Leonis
IX obitus*

ria quotannis in Ecclesiâ celebratur 130. Kal. Maias. Sedit annos 5. menses 2. dies 7. vacavitque sedes ferme annum totum, quod deficientibus Romæ qui tantam dignitatem sustinere possent, missus esset ad Henricum in Germaniam, qui hâc vice Cleri Ro. aliquem eligeret, & consecrandum deduceret Romam. Selectus est in Synodo Moguntinâ Gebhardus Aisterensis Episcopus, charissimus Henrico, ideoque nonnisi ægrè ab eo diuulsus. Vtrum autem Benedictus denuò irruperit in Rom. sedem, credes si voles: sicut & de eo tunc demortuo sub monstri ex Asino Vrsoque permixti formâ per dumeta decurrente vsque ad finem iudicij, deinde ad inferos detrudendum, quæ tamen tum credita sunt, & narrata à Petro Damiani, magno viro, sed in hisce reuelationibus fortè nimium credulo.

*Constantino
succedit
Theodora*

Mortuus est hoc anno Constantinus Monomachus in monasterio quod ipse ædificarat: vir ex magnis vitiiis virtutibusque conflatus. Ei successit Theodora Porphyrogeneta, filia Constantini X. Imperatoris, soror Zoës Augustæ, quæ aliquos sustulit Imperium affectantes, supra sceminam fortis, atque generosa.

MVNDI CHRISTI

1058. 1055.

*V. H. II
Pontifex
adit periculum*

Venit hoc anno in Italiam cum Henrico, vel sine eo (de hoc enim dubitatur) Gebhardus electus Pontifex, & consecratus Romæ Victor II. appellatus est: qui mox in Gallias misit Hildebrandum, qui hîc multa egregiè præstitit pro Ecclesiâ, repressitque Berengarium hominem versipellem, & palidoniâ recinere solitum ubi sibi damnationem videret imminere. Tum autem Romæ magnum adiit periculum Victor, huic infuso per

so per Subdiaconum in Calicem , dum mysteria peragit , veneno ; quod duplici miraculo detexit , nempe non valens calicem consecratum attollere ; & Dæmone Subdiaconum inuadente , à quo patefacta fraus : Itaque sanguis in altari repositus , atque seruatus ad perpetuam tanti miraculi memoriam : veneficus à Dæmone liberatus precibus Victoris vixit Diuinæ iustitiæ , & Pontificiæ benignitatis atque sanctitatis , monumentum .

MVNDI CHRISTI

5109.

1056.

Mortua est hoc anno cùm imperasset annum vnum & menses 9. ex intestinorum dolore , Theodora , cùm priùs ex Eunuchorum suasionem creasset Imperatorem Michaëlem V I. cognomento Straticum , crudæ senectutis virum militarem ; qui primam Tyrannidem Theodosii filii Constantini Monomachi extinxit ; in alterâ Isacii Comneni succubuit , breuissimi temporis Imperator .

*Theodora
succedit
Michael
Straticus*

Obiit quoque Henricus Secundus 3. Non. Oct. ætatis anno 39. cùm priùs filium suum Henricum ex Romani Pontificis , præsulum , & procerum electione , regem creasset . Erat hic puer quinquennis à patre commendatus Ecclesiæ , & à matre sanctissimè institutus ; sed factus grandior monita vtriusque parentis neglexit , factus Ecclesiæ hostis capitalis .

*Henrico
I I. succedit
Henricus III.*

Circa hæc tempora inuentum B. Virginis Officium ; sicut & flagellorum vsus , quæ disciplina vocantur , quem plurimum promouit Petrus Damiani , exemplo B. Dominici Loricati . Vtrùm autem ante hæc tempora Christiani in se verberibus sœuierint , & quid Paulus ἐπιπονησάν , alterius est tractationis , & otij .

*Officium
B. Virg.
& discipli-
na .*

MVNDI

CHRISTI

5110.

1057.

Hoc anno victus ab Isacio Comneno Michaël
Tom II, Pars II. V chaël

*Michael
Straticus*

*cellis Im.
per. Isaac
Comneno.*

chaël Straticus, suadente Michaële Patriarchâ, rebellionis in eum autore, deposuit purpuram. Qui cùm interrogasset Legatos ad se missos quid ipsi sponderent pro Imperio relicto, iique cœleste regnum respondissent, statim ille priuato habitu, priuatas ædes suas repetit, sanctè ac religiosè opperiens huius promissionis fidem. Isacius autem coronatus Augustus, The-sauri Ecclesiastici curam à Laicis præfectis in Patriarcham transtulit; sed impiè Monachorum redditus addixit Fisco, relicta illis, vnde religiosè viuerent, portione; aulicis probantibus factum, gementibus Ecclesiasticis, quorum Deus semper erit nutritius, & quibus erepta bona Deo semper sacrilegè rapiuntur.

*Victori
II. succedet
Strophanus
X*

Mortuus est hoc anno Florentiæ rediens ex Germaniâ Victor II. ibidemque sepultus 5. Kal. Augusti. In cuius locum successus 4. Non. Augusti Fridericus Diaconus Cardinalis frater Godfridi Ducis Tusciæ, Ecclesiæ Ro. Cancellarius, Legatus ad Constantinum Monomachum; atque inde rediens factus Monachus Cassinensis, & iam electus Abbas: & quoniam die S. Stephani Pápæ Pontifex creatus erat, dici Stephanus voluit, eius nominis X. Hic Petrum Damiani creauit Episcopum Ostiensem, prope ad motâ vi; quare cum Petrus persecutorem appellauit suum. Hic est Petrus vir austerus, αἰγιόχατος, & purpuratus Eremita, & frustra conatus sui similes reddere Cardinales, quos tamen faciliùs deferere, quàm im-mutare fuit.

*Petrus
Damiani
f. a. u. u. u.
nilis.*

MVNDI CHRISTI

5111.

1058.

*Michael
Cerulario
suc. ecciæ
Constanti-
nae Licen-
dex.*

Michaël Cerularius, odiosus factus Imperatori, ob crebras petitiones & ineptas, frequente sque minas, & quodd calceamenta erocotinâ induere vellet, Imperatorum more, ab Isacio missus est in exilium, eique substitutus Constantinus Licudex Protouestiarius; vir additior Imperatori, quàm Latinæ Ecclesiæ.

Obijt

Obiit hoc anno 4. Kal. Aprilis Stephanus Florentiæ; quò se contulerat, vt fratrem suum, Ducem Tusciæ, crearet Imperatorem. Huic morienti adfuit S. Hugo Cluniacensis Abbas, eumque ab insultibus Dæmonis liberauit: clarustamen miraculis in vitâ & post obitum fuit; quibus Deus testatus est eum non terris modò, sed & cælo fuisse gratiosum.

*Stephanus
X. mori-
tur.*

Eo mortuo, quamquam id seuerè vetuisset viuus, non expectato Hildebrando, intrusus est à Tyrannis Romanis Ioannes Velitrensis Episcopus cognomento Mincius, Cardinalibus bonis fugientibus, aut captantibus latebras; huicque Benedicti nomen impositum. Sed adfuit Hildebrandus mox ex Germaniâ redux, vir rectissimi consilii, qui fretus potestate Godefridi Tusciæ Ducis, atque Florentiæ, cum multis bonis viris selegit in Pontificem Gerardum, eiusdem ciuitatis Episcopum, quem probauit Imperatrix, Tusciæ Dux armis defendere parauit, bonis omnibus exultantibus, improbis exanimatis metu.

*Intruditur
Iuan. di.
Aus. Be-
nedictus.*

*Gerardus
eligitur
Pontifex.*

M V N D I

C H R I S T I

5112.

1059.

Isaacus Comnenus Imperator iclus fulmine purpuram deponit, eamque tradit Constantino Duci, postpositis parentibus & affinibus, quia hunc Imperio dignissimum arbitrabatur. Itaque sumpto monachi habitu, in Studii monasterium se abdedit, vt pœnitentiam perageret, cœlique regnum, quod suis sceleribus amiserat, alio viuendi genere recuperaret.

*Isaacus
Comnenus
fit mona-
chus.*

*Succedit
ei Con-
stant. Du-
cas
Nicol. II.
coronatur.*

Gerardus Romam venit, deductus ab Hildebrando, & Duce Tusciæ, & consecratus dicitur Nicolaus II. Statim ad eum accessit Mincius iam depositus in Concilio Sutirino, & in priuatam retrusus domum. Absolutus est à nouo Pontifice, depositus tamen Sacerdotali officio, qui primum ambitiosius locum occupasset. Statim ad regendam Ecclesiam animum appulit Nicolaus precesque Petri Damiani repulit missionem postulan-

*Berenga-
rii palino-
dia.*

*Lanfran-
cus, Guit-
mundus,
Algerus.*

*Quomodo
Principes
eum elige-
bant Pa-
pam.*

*Norman-
ni Nico-
laum in-
uenerunt.*

*Philippus
Remiun-
sus.*

tis; conuocauit & Concilium Romanum, Gene-
rale dictum, in quo damnata atque combusta
Ioannis Scoti scripta; condemnatus & Berenga-
rius palinodiam recinuit, quæ etiamnum iure
Canonico continetur *Ego Berengarius* mox ta-
men canis reuersus ad vomitum; quem suis scri-
ptis exagitarunt Lanfrancus, postea Archiepis-
copus Cantuariensis, Guitmundus Episcopus
Auerſanus, & Algerus monachus Cluniacensis;
quorumne vni-quidem par Berengarius fuit. In
eodem Romano Concilio ius eligendi Ro. Pon-
tificis concessum Henrico, sed vt parenti fuerat
datum, hoc est, vt Papam eligeret, aut confirma-
ret, in quem Cleri populique Romani suffragia
cecidissent; videlicet ne quis Pontifex Tyran-
nicè intruderetur, & autoritate Principum con-
tinerentur in officio, qui eum reformidare desie-
rant ambitiosi prensatores.

Idem quoque Nicolaus Normannos vinculo
anathematis exsoluit, eisque feudatario iure
concessit Apuliam & Calabriam (excepto Be-
neuento) immo & Siciliam cum eam occupas-
sent Ducatus nomine. Suscepto itaque fidei Sa-
cramento à primo eorum Duce Roberto Guis-
cardo, cā lege vt Pontificem aduersus quos-
cumque defenderent, & huic aliquid Tributi
nomine pensitarent. Eorum etiam operā Ty-
rannorum munita loca omnia disiecit; adeo vt
libertatem Pontificibus Romanis hic Nicolaus
restituisse videatur.

Hoc anno 4. Idus Maias Parisiis celebrata est
Synodus, simulque procerum conuentus, in quo
iussu Henrici Francorum Regis filius eius Phi-
lippus, septennis puer, à Guillelmo Rhemenſi
Archiepiscopo inunctus est. Mortem enim immi-
nere sibi præſagiebat pater, & meritò pueritiæ
filii sui reformidabat, tamen Deus longè
melius, quàm Henricus ipse prospexit atque
consuluit.

MVNDI

5113.

CHRISTI

1060.

Mortuus est hoc anno Henricus Franciæ Rex, qui filio suo tutorem assignauit Balduinum, cognomento Insulanum, Comitem Flandriæ, huic affinitate coniunctum: Neque Rex expectatione suâ delusus; nam hic pupilli ditionem fortiter defendit, & eum sic instituit, ut hic talem sibi rectorem contigisse inter maxima bona numeraret.

*Henricus
moritur,
Philippus
regnat.*

CAPVT VII.

DECAS SEPTIMA.

Ab anno Christi 1060. ad 1070.

MVNDI

5114.

CHRISTI

1061.

Mortuus est sub finem mensis Iunii Nicolaus II. Florentiæ, cum sedisset in Petri Cathedra annos duos, & menses 6. de quo id obseruatu dignum quod notauit Petrus Damiani, toto anno hunc nullum passum esse elabidiem, quin pauperibus duodecim pedes ablueret. Eo demortuo procures, seu veriùs Tyranni Romani, potentiam suam depressam restituere conati sunt, missâ ad Henricum puerum legatione, cuius iussu conuocata Synodus Sathanz Basileensis, acta Nicolai proscripsit. Mali huius magna pars fuit Guibertus Parmensis, Regis Cancellarius, ideo postea redactus in Ordinem, ne dedecus in totam Germaniam ex hac Synodo deriuaretur. Cardinales quoque, & boni ex Clero aliam eodem misere legationem, quam obiit Stephanus Cardinalis ex Clu-

*Mortuus
Nicolaus
II.*

*Succedit
ei Alex-
ander
II.*

*Ei oppo-
nitur Ca-
dalo, vir
surpissi-
mus.*

*Petrus
Damiani
succedit
in Ere-
mito.*

*Cadalo
repellitur.*

niacensi Monacho; sed hic re infectâ rediit: Quare Romani Cleri pars sana elegit Anselmum Lucensem Episcopum, sede Petri dignissimum, Kal. Oct. dictum Alexandrum II. tribus circiter mensibus à morte Nicolai II. Sed annitente Guiberto, qui suspectus erat Cancellarius, huic oppositus est Cadaloüs, aliter Cadalaüs seu Candolus, Permensis Episcopus, quo sceleratiorem hæc ætas vidit neminem. Hic à duobus tantum fornicariis Episcopis non tam consecratus est, quam profanatus Vercellensi, & Placentino, 5. Kal. Nouembr. eius electionem urgente Gerardo Galerix Comite antè excommunicato. Sed Cadaloüs adeo turpiter vixit, vt Nicolaitarum libidines renouarit, veterique expuncto nomine, infames Clerici non Nicolaitæ, sed Cadaloitæ audierint, magno probro Romanæ Ecclesiæ, atque religionis.

Tum Petrus Damiani obtinuit ab Alexandro, in Eremum suam secessum, nequicquam reluctantante Hildebrando; verum importunæ viri sancti preces tum auitati præualuere. Porro in hac Eremituâ, & multa scripsit, & manibus suis, more veterum Monachorum, laborauit; ne dum Ecclesiæ causam sustinet, sui oblitus esse videretur.

MVNDI

CHRISTI

5115.

1062.

Cadaloüs multâ instructus pecuniâ, ac militate conducto. vallatus, ad Urbem venit, & in pratis Neronianis castra ponit. Aduersus eum erumpentes Romani repulsi sunt, primâ congressione; sed adueniente Godefrido Duce Tusciæ, tam malè multatus est, vt effusis magnis muneribus, oratâque veniâ diffugerit Parmam, rebus omnibus spoliatus. Nec quieuit homo turbulentus, sed omni arte pecunias iterum quæsiuit, quibus sibi pararet in Urbem reditum; quando Petrus Damiani ad eum scripsit; sed quo fructu apud eum qui nihil Deum, multò minùs homines, reuerbatur.

Anno

Anno Colonienſis Archiepiſcopus Henricum Regem puerum annorum decem, impoſitum nauſi inuitum eripuit matri ſuæ Agneti, Coloniãque nolentem deduxit, vbi delinitum obſequiis Principum ſuſcepit inſtituendum; quod factum eſt ex procerum concilio, qui Agneti eripere vellent Imperii adminiſtrationem; quod ea à nonnullis malè regi ſe ſineret. Credunt aliqui eam liberius egiſſe cum Henrico Epiſcopo Auguſtenſi; ſed id ab iis tantum creditum, qui credere voluerunt.

*Henricus
eripitur
matri
Agneti.*

In Germaniã in loco Osborio collecta ingens Synodus, cui Henricus Rex ipſe interfuit, vbi cauſa Alexandri & Cadaloſi agitata eſt, hic damnatus, adnitente potiffimum Petro Damiani, qui huic interfuit, tum vocatus ab Hugone Abbate Cluniacenſi ad reprimendos nobiles Cluniacum vexantes; Nequetamen huic iudicio acquieuit ſceleratus Pſeudopontiſex, qui aut Papa eſſe, aut Cadaloſus non eſſe decreuerat.

*Cadaloſus
damnatus.*

Agnes Auguſta ſæculi pertreſa Romam venit; vbi facta confessione ſua Petro Damiani, ab ætatibus ſuæ anno quinto, ſe totam bonis operibus, ac vitæ aſteriori dedit; & ſic vixit, vt plus eam coluerit Orbis vniuerſus priuatam, quàm Auguſtam.

*Agnes ſe
Deo con-
ſecras.*

MVNDI CHRISTI
5116. 1063.

Hoc anno quarta pars murorum Hieroſolymitanorum reſecta eſt pecuniã Chriſtianorum, & maximè oblata à Constantino Monomacho Imperatore: ideo eis conſeſſum à Calyphã, vt eam partem vrbis incolerent, hincque à Patriarchã ſolo iudicarentur; quare deinceps hæc pars vrbis ceſſit dominio Patriarchæ, qui exinde potentior, non melior exitit.

*Hieroſoly-
mitani
muri reſe-
cti.*

Pertinet ad hoc tempus Ioannes Gualbertus, qui quondam parcens inimico ſuo, veniam petenti in nomine Crucifixi, vidit Chriſtum è cruce pendentem ſibi mox annuere dum remitti ſibi

*Ioann.
Gualberti
iniſia.*

sibi sua peccata postularer; quare Monachus effectus, mox deserto Abbate Simoniaco, Vallis Vmbrosæ Ordinis fundator extitit. Discipulus eius fuit Petrus cognomento Igneus; vt probaret Florentinum Episcopum Simoniacum esse, per medium ingentem rogam illæsus transiit, & ex eodem sudarium, quod reliquerat, iterum innoxius recepit: vnde ei inditum *Ignei* nomen. Improbavit hoc factum Alexander II. & Monachos se deinceps continere suis monasteriis iussit; deposuit tamen hunc Episcopum, sicque Deo atque hominibus satisfecit.

*Petrus
Igneus
quis?*

MVNDI

CHRISTI

5117.

1064.

Concilium celebratum est Mantuæ, id postulantibus Germanis, legatione, quam obiit Anno Coloniensis: In eam vocatus Cadalous venire recusavit; rationem suæ promotionis addidit Alexander, hic approbatus, ille reiectus. Qui tamen statim armato milite Leoninam Urbis partem occupavit; sed mox panico terrore à suis derelictus, receptus est à Centio præfecti filio, homine scelerato, in Arce S. Angeli; vbi biennio obsessus ab Alexandri militibus, se trecentis argenti libris à Cencio redemit; sicque inter oratores clam dimissus, rerum omnium egenus, vt Schismatici obstinati solent, infelicitè obiit. Quidam tamen volunt ab Alexandro veniâ petitâ absolutum esse, turpi nihilominus exitu vitam terminasse; inglorius profectò, cum de eius morte scriptores omnes tacuerint.

*Iterum
damnatus
Cadalous.*

*Mortuus
inglorius.*

In Oriente contigit ingens terræ motus, quo afflictae sunt in primis Nicæa & Constantino-
polis, utrobique multa disiecta templa, ac Principum monumenta; atque inchoatus 10. Kal. Sept. toto biennio tenuit. Quando & nobilis suscepta peregrinatio Hierosolymam septem millium & ampliùs virorum, quorum duces fuere quatuor Antistites; sed splendidius, & maiori quàm par erat cultu incedentes, ab

Ara-

*Terra
motus.*

*Peregrinatio
celebris
7000.
Hierosoly-
mam.*

Ara-
mis
re,
men
magi

Vz

lia,

copii

surat

pius,

Adian

zis o

inuen

indix

cum n

vider

tantâ

Mox

num r

triam

in Ma

atque

He

aduer

item

conte

dit; q

uerer

maie

T

gnus

san

fide

stus

acc

Qu

Rel

cor

Arabibus latronibus sæpe vexati sunt, quos armis quidem, sed magis Diuino præsidio depulere, sæpe in vltimum discrimen vocati, ex quo tamen semper victores emergere, feliciores, & magis pii, quam prudentes.

MVNDI

CHRISTI

5118

1065.

Vzi Scythiæ populi ad sexcenta hominum milia, Istro transmissi, disiectisque limitaneis copiis, Occidentali Imp. rio magnam intulere vastitatem, Constantinus Ducas Imperator magis pius, quam generosus ægrè se à Turcis tuebatur, Añam infestantibus. Coactus ergo à populo Vzis occurre, vix centum quinquaginta milites inuenit, qui eum sequerentur; ieiunium igitur indixit, ac supplicationem, quam ipse pedes cum multis lacrimis, obiit: mirum! eadem die viderunt Vzi in se milites irruere, tela jacere tantà copià vt eorum nemo illæsus abscederet. Moxque exercitu fame pesteque consumpto, eorum reliquiæ cum ducibus suam repetiere patriam; pauci obtentis ab Imperatore agris; in Macedonià confedere, testes diuinæ cladis, atque victoriæ.

Hoc anno Petrus Damiani multum laborauit aduersus Nicolaitas, & incestuosos hæreticos, itemque Simoniacos, qui emi posse Episcopatus contendebant; sed labori fructus minimè respondit; quamquam Deus ipse piæ causæ miraculis faueret; hi improbi, & concionibus, & prodigiis, mājori prodigio restiterunt.

*Petr. Da.
miani 1^a.
l. in S.
moniacos.*

Tum denique mortuus est Ferdinandus Magnus Rex Castellæ atque Legionis, vt i vixerat, sanctissimè; qui de obitu suo monitus à sancto Isidoro, in Natali Domini ornatu regio profectus in Ecclesiam ibidem ornamenta regia posuit, acceptâ ab Episcopis pœnitentiâ, extremo inunctus oleo, cilicio indutus, tertio post obiit die. Reliquit filios quinque non satis inter se concordēs, moxque ciuili distractus bello, & patre

*Ferd. M.
gus mori /
1107.*

tam sancto tam prudenti penitus indignos, atque in se, quàm in liberis feliciore.

MVNDI CHRISTI

5119.

1066.

*Constan-
tino succe-
dit Xi-
philinus.*

In Oriente Constantino Patriarchæ defuncto Constantinopoli successus est Ioannes Xiphili-
nus, vir litterator, quàm melior. Hic Dionis
Historiam redegit in Epitomen, ideoque il-
lam nobilem lucubrationem panè totam no-
biseripuit; quod pluribus magnis viris conti-
git, qui in illiusmodi abbreviatores incidere,
sibi potiùs, quàm rei litterariæ allaborare con-
fuetos.

*Richar-
dum re-
runtit Go-
defridus.*

Richardus Dux Normannorum Aquinum
vsque peruenit victor, auso ei resistere nemine;
cùmque Romam cogitaret, vt à Pontifice insignia
Imperatoris extorqueret, occurrit ei cum copiis
Godefridus Tusciæ Dux, qui hominem variis
præliis ita contudit, vt ei libertatem suam Ec-
clesia Romana gratulata sit.

*S. Edu-
vardi An-
gl. Regis
obitus.*

Mortuus est hoc anno Rex Angliæ S. Edvvar-
dus, cùm regnasset annos viginti duos, ac men-
ses nouem, quem post centum annos Alexan-
der III. Sanctorum fastis adscripsit. Hic here-
dem sibi delegerat Guillelmum Normannum
Nothum, postea cognomento Conquestorem;
sed Haroldus Comes sibi statim regium impo-
suit nomen. Itaque Guillelmus, consulto Pon-
tifice, & ab eo inuitatus etiam misso vexillo,
rem armis decidere constituit; munitusque
cum suis omnibus, Eucharistiæ Sacramento
incipiti prælio pridie Idus Octobr. Haroldum
debellauit; eius vexillum ad Alexandrum mi-
sit; ac in Natalitiis Domini Rex inunctus Prin-
cipatum sibi testamento debitum, virtute vin-
dicauit.

*Guil. No-
thus huic
succedit.*

*Henr. à
suis bello
appetit
cedit.*

Henricus Germaniæ Rex, leuior adolescens,
spreto Annone Colonienfi, Adalberto Ham-
burgensi simul & Bremenfi Archiepiscopo se
atque Imperium regendum finit; inde in vtrum-
que

que procerum, subditorumque conspiratio, quâ aut regnum, aut Adalbertum relinquere cogitur; Adalbertus ergo remissus, agrè furenti populo est ereptus; Rex leuitatis suæ pœnas vtilis dedit.

Hungaria ciuilibus motibus vexata est, eiecto Andrea Rege atque excœcato: suffectus est ei Bela à plebe seditiosâ, quæ & idola reposcebat; Rex triduum ad deliberandum postulat: interim factionis autores captos in reliquorum conspectu crudeliter enecat; moxque cum Salome Andreae filio partitur regnum; ac fortitudine atque prudentiâ Regno & Ecclesiæ periclitantibus consulit.

*Andrea
Hungaro
succedit
Bela,*

MVNDI

CHRISTI

5120.

1067.

Mortuus est hoc anno Constantinus Ducas Imperator, cum imperasset annis 7. & mensibus 6. reliquit tres filios Imperatores cum Eudociâ coniuge, quam Imperij Curatricem dixit. Quando Turcæ Cappadociam vastantes, eius primariam Urbem Cæsaream diripuerunt, & S. Basilij templum toto Oriente celeberrimum omnibus ornamentis suis spoliarunt, intacto tamen sancti viri sepulchro, etiam Dæmonibus venerando.

*Mort. Con
stantini
Ducas.*

Circa hoc tempus florebat Adamus Bremenſis Canonicus celeberrimus Historia Ecclesiasticæ Borealis scriptor, quam ad annum Christi 1073. perduxit; vir syncerissimus, & quo vix veraciorem vllum Historicum producere potest Ecclesia.

*Adamus
Bremenſis*

MVNDI

CHRISTI

5121.

1068.

Romanus Diogenes creatur Imperator, cum eum Eudocia, relicta Alexij Comneni, maritum elegisset. Expulsus ille fuerat reus perduellionis; sed reuocatus ad Barbaros expellendos. Eudocia autem pollicita erat syngraphâ suâ, sed à mariti morte viduam fore,

*Diogenes
Romanus
Imperator.*

*Xiphili-
nus delu-
sus.*

& filiis Imperium conseruaturam: cum autem es-
set in manu Xyphilini Patriarchæ hæc syngra-
pha, finxit Eudocia velle se ducere Bardam eius
Germanum; quare præuaricator religionis Xi-
philinuseius irritauit votum, & vt irritum ju-
dicaretur apud Senatores effecit. Facta itaque po-
testate secundarum nuptiarum, illa Diogenem, fi-
liis consentientibus, elegit; Patriarcha ex hoc
facto nihil præter dedecus retulit, & nimii in
affines suos amoris notam.

*Præcerum
Gallie
pittas.*

Eodem anno plerique Galliæ Principes obtu-
lere Alexandro II. arma sua, vt cum atque Ec-
clesiam aduersus quoscumque, tutos præstarent,
rati hoc modo arma sua fore feliciora, si Deo
consecrarentur.

MVNDI

CHRISTI

5122.

1069.

*Henricus
Bertham
cupit re-
pudiare.*

Henricus Rex conabatur vxorem Bertam re-
pudiare quasi eam cognoscere, fascino implica-
tus, non posset, & eius libidini Archiepiscopus
Mogontinus adstipulabatur; quominus id fieret,
impediit Legatus in Germaniam missus Petrus
Damiani, interminatus anathema; quare postea
deferbuir eius ardor iuuenilis, atque ex vxore
suscepit filium cognominem patri, præmium ob-
sequii sui, & legitimi fructum matrimonij.

MVNDI

CHRISTI

5123.

1070.

*Lanfrancus
fuit E-
piscopus.*

Hoc anno Lanfrancus ex Monacho Beccensi
factus Abbas Cadomensis, adnitente Guillelmo
Rege, creatus est Archiepiscopus Cantuariensis
seu Durouernensis, cum prius idem Guillelmus
duas Synodos congregandas curasset, in qui-
bus depositi sunt plerique Episcopi Angli, qui-
bus fuerunt Normanni substituti, laborauit
inuidiâ Rex, quasi plus amori, quam religioni
indulisset.

*Godefridi
obitus.*

Obiit hoc anno Godefredus cognomine Barba-
tus, Dux Lotharingæ, & Tusciæ, vir opti-
mus.

mus, & de sanctâ Sede bene meritus; cui successit eius filius Godofredus Gibber, seu Strumofus, sed tantum in Ducatum Lotharingæ; cum eius vxor Beatrix, Liguriæ & Tusciæ Domina remanserit; cuius filia fuit Mathildis ex priore coniugio eius cum Bonifacio Duce Tusciæ; totaque hæc familia optimè in Ecclesiam animata, hominum atque Dei beneuolentiam promeruit.

CAPVT VIII.

DECAS OCTAUA.

Ab anno Christi 1070. ad 1080.

MYNDI

CHRISTI

5124-

1071.

Celebris hic annus clade & morte Romani Diogenis Imperatoris: hic enim depugnans aduersus Turcas oblatam sibi pacem ab Azamo Sultano superbè reiecit, eumque recedentem aggressus est generosiùs quàm cautiùs. Dum, autem redit ad suos, posterior acies credens eum fugere, se effusam dedit in fugam, quam vniuersus exercitus imitatus est. Oblatâ occasione bene vsi Barbari nobilè retulèrè victoriam, ipso Diogene capto. Hic interrogatus ad Azamo quid ei facturus esset, si cepisset eum viuum, respondit se in eum grauius animaduersurum; at tibi, inquit Azamus, non reponam vicem; audio enim Christum vestrum docere hominem iniuriarum immemorem esse debere, & Deum humilibus gratiam dare. Denique eum regio more excepit, & pacem cum Romanis firmam sanciuir Turca Græcis longè generosior. Auditâ hæc clade, electus est statim Imperator Michaël Du-

*Diogenes
Victus à
Turcis ex-
antistrasur.*

Ducas Constantini Ducæ filius, Eudocia in Monasterium detrusa; missus obuiam Diogeni Andronicus, eum toto itinere imposuit mulo; aduenientem Michaël iussit excæcari; & vulneribus non curatis, ac capite vermibus scatente horribilis obiectus populo ad ludibrium, hæc mala tam patienter tulit, ut hæc ei vitam immortalem, & voluptates æternas peperisset nemo hætenus in dubium reuocarit.

*Succedit
ei Me'n.
el VII
sex Ducas
Parapina
ceus.*

Substitutus ei fuit Michaël VII cognomento Ducas Parapinaceus, filius Constantini Ducæ, & Cæsar ante decennium cum Ioanne Ducâ patruo, & fratribus appellatus; tunc autem, à Xiphilino Patriarchâ cum vxore suâ Mariâ Alanâ inauguratus, Imperium multis casibus exercitum suscepit lubens, & ut serpentem floribus occultatum.

*Theophi-
lactus Ar-
eb. Bul-
gar.*

Florebat hoc tempore Theophilactus Archiepiscopus Bulgarorum, qui scripsit in Euangelia; nec enim audiendi qui eum ad anteriora tempora referunt, cum ex eius scriptis hæc eius ætas adedè liquidè constet, ut qui de eâ dubitant, ipsi sponte excutire velle videantur.

MVNDI CHRISTI
5125. 1072.

*Primas
Angliæ
Cantuæ
viensis.*

In anno superiori mota de primatu Ecclesiæ Cantuariensis, & Eboragensis, hoc adjudicâta est Lanfranco Cantuariensi; cui non tantum locus, sed & eruditio primas adjudicabat.

*Petr. Da-
miani mo-
nitus.*

Eodem anno Petrus Damiani perfunctus Legatione Rauennate, ut reconciliaret Ecclesiæ fautores Cadaloi, cuius partes pertinaciter tuitus erat Henricus huius urbis Episcopus, dum redit ad suos, Fauentia post octo dierum morbum 8. Kal. Mart. expirauit, anno ætatis sexagesimo sexto. Dicitur est Damiani à fratre suo, cuius amore, & corâ, infantulus neglectus ex mortis faucibus retractus erat; cuius ideo

voluit nomen suo semper adjungi, vt eius mi-
nūs,quàm sui nominis obliuisceretur. Vir planè
pius, & qui religionem multorum animis in-
gessit, Ecclesiæ vindex accerimus, & huic præfi-
ci dignus si in meliora tempora incidisset

M V N D I

C H R I S T I

5126.

1073.

Anno Colonienſis Archiepiſcopus ſanctiſſi-
mus, videns Henrici Regis curiam planè depo-
ſitam eſſe, Simoniaciſ præualentibus, fruſtra-
que diu illis etiam cum periculo vitæ obluſta-
tus, Regni deplorati adminiſtrationem deſerit,
vt ſibi tantum, atque gregi vacaret. Cùmque Rex
ad rationem factorum reddendam de Simoniaca
labe, & geſtis in Othonem Boioariæ Ducatu
ſpoliatum, Romanæ euocatus eſſet, ille contra in
Synodo prohiberi iuſſit, ne appellaretur ad ſan-
ctam Sedem. Sic annorum viginti duorum Rex
adoleſcens Henricus, impiorum conſiliis ab-
ſtractus, telam orditus eſt, tam Imperio, quàm
Eccleſiæ pernicioſiſſimam, ac prope vtrique ſa-
talem.

*Henr. in-
ſurgit in
Ro. Pont.*

Alexander II. cùm ſediſſet annos vndecim,
menſes 6. ac dies 22. Romæ obiit miraculis
clarus. Cui ſuccedit Hildebrandus Archidia-
conus ſub nomine Gregorij VII. quẽ, propter
excellẽtem peritiã, jam pridem Romæ
in ſulâ manebant. Is patria Soanenſis in Tuſciã
fuit, patre fabronatus: adhuc puſio in officinã
patris litteras neſciens caſu formauit ex ligni
ſegmentis hoc dictum *Davidis dominabitur à
mari uſque ad mare*, præceptorem ſortitus
virum ſanctum Laurentium Archiepiſcopum
Amalphitanum: quem dum Benno Schiſmati-
cus magum, & maleficorum principem appel-
lat, non plus meretur fidei in rebus iſtius Gre-
gorij, quàm quæ denunciato calumniatori tri-
bui debet.

*Greg. VII
ſuccedit
Alex. II.*

*Hildebran-
di pueri-
tia.*

Gregorius VII. aduerſus Philippum Franco-
rum Regem, quòd Simoniaca labe eò quo-
que

*Greg. VII
Philip-
pum acer-
biſ ad-
que mones.*

quòd non conficerent illi Sacramenta, sed vt crimine submouerentur qui eâ conficiebant. Quâ de re multæ concitatae sunt turbæ; iidem luxuriosi Sacerdotes multa in Gregorium & Mathildem fœda sparserunt, quæ à bonis reiecta sunt, tum quia in castissimos homines, tum quòd ab impurissimis sacrificulis jactabantur.

Excommunicatus hoc tempore Robertus Guiscardus Normannus Dux Apuliæ, Calabriae & Siciliae, rebellis & perturbator Ecclesiæ; neque tantum anathemate, sed & appetitus bello à Pontifice; victus agnouit Romæ neque Petri clauis, neque ensen Pauli defuisse.

*Victoria
Greg VII
Guiscardus.*

Gregorius parabat expeditionem in Orientem contra Saracenos, jamque quinquaginta hominum millia in armis erant, quibus & fidei hostes capitaler retunderet, & Schismaticos Orientales fidelibus Christianis adjungeret: sed pium hoc opus ab Henrico metus extinxit, ne dum Gregorius externa curat, domestica neglexisse videretur.

*Hen. icu
turbat
Gregoriũ.*

Magnus etiam hoc anno contigit in Hungariâ motus victo Salomone, fugatoque à Ioiade feu Geisa filio Beli consanguineo suo: quare victus confugit ad Henricum, à quo petiit auxilium; sed eos inter se conciliare conatus est Gregorius, vt communis pater; sicque eorum negotium curauit, vt Ecclesiæ Ro. non obliuisceretur.

*Gregorius
pacem cu-
rat.*

MVNDI

5128.

CHRISTI

1075.

Henricus sibi à Saxonibus metuens, fingit reconciliationem cum Gregorio, ad quem litteras misit, quibus omnia pollicebatur; sed cum retulisset victoriam, jam ab hac parte securus, quis esset ostendit, ab Ecclesiâ matre, vt à Pontifice patre alienissimus.

*Henricus
hostis Ec-
clesiæ.*

Cin.

*Gregorius
capitur,
& libera-
tur.*

Cintius seu Cinthius vel Quintius Urbis Præfectus, vir sceleratus, & impotentissimus, frustra sæpe monitus à Gregorio Pontifice, ac tandem anathemate percussus, mediâ nocte cum suis satellitibus in eum irruens sacris indutum vestibus retraxit ex altari, ac multis affectum contumeliis abduxit in munitam domum. Quæ cum audiisset populus Romanus, Pontificem liberauit, diripuit Cinthij domum, eumque Vrbe expulit; qui anno sequenti in Longobardia expirans morte repentinâ, iniecisse manum Pontifici nec in hoc sæculo, nec in futuro impunè tulit. Ferunt his turbis valde implicitos fuisse Guibertum schismaticum, postea Episcopum, & Hugonem Candidum Cardinalem, homines sceleratissimos, dignissimosque hâc perduellione, ac parricidio.

MVNDI

CHRISTI

5129.

1076.

*Henricus
in Grec-
iam VII.
rebellat.*

Erupti denum hoc anno Henrici Germaniæ Regis in Gregorium VII. rebellio: hunc enim in Vormatiensi Pseudosynodo deponendum curat; at ille vicissim in Concilio Romano eum excommunicat, & præcipuos conuenticuli Sathanici administratos: cuius anathematis vim mox expertus est præcipuus eius fautor Guillelmus Episcopus Traiectensis, paulò post expirans, & inter horribiles cruciatus exclamans se vitam præsentem atque æternam perdere, quòd in Gregorium insaniisset. Neque malorum Henricus exfors fuit; depositus enim à Pontifice sensit in se plurimos insurgere, immo in se convocari Synodum in quâ accusatus est de multis criminibus. Paratis autem duobus ingentibus exercitibus ad prælium, proceres ab eo obtinuerunt, ut omnino se Gregorio submitteret. Venit ergo in Italiam quasi pœnitens, atque ægerrimè, multoque cum labore superavit Alpes; sed plus eum conscientia, quàm itineris difficultas vexauit.

Eodem

Eodem anno Gregorius VII. Demetrium *Ecclesiæ*
Suinmur dictum Regem Dalmatiæ & Croatiæ *res promo-*
 creauit, misso ad eum vexillo, ense, sceptro, *uentur.*
 & coronâ: quando & Rex *Anzir* Saracenus le-
 gavit Romam Seruandum presbyterum, vt hic
 Hipponensis Episcopus sacraretur. Petiit etiam
 tum ab eo absolutionem anathematis Rogerius
 Sicilia Comes, (cui eam regendam frater Ro-
 bertus Guiscardus Normannorum Dux commi-
 serat) in Saracenos pugnaturus; quod obtinuit
 eâ tantum lege, vt cum fratre excommunicato
 non communicaret: sic dum Ecclesiam Henricus
 deprimere moliebatur, eandem Deus erige-
 bat.

MVNDI

CRISTI

5130.

1077.

Audito Henrici in Longobardiam aduentu
 Gregorius venit Canusium, in arcem Tusciæ
 munitissimam, vbi adnitentibus Hugone Abba-
 te Cluniacensi, & Mathilde Comitissâ, Hen-
 ricus sine comitatu receptus pœnitentiæ omnia
 edidit signa: Pontifex inter solemnia Missarum,
 parte mysteriorum acceptâ, rogans Deum vt si
 reus esset subitâ periret morte, aliam partem
 Henrico obtulit, sed hanc ille recipere non est
 ausus. Recepit nihilominus à Gregorio absolu-
 tionem: quando & Mathildis tum obtulit S.
 Petro Romanæ sedis Liguriam & Tusciam, ve-
 rita ne hæc sibi ab Henrico armato eriperentur;
 maluitque has Prouincias esse liberalitatis suæ
 monimenta, quàm cupiditatis Regiæ irritamēta.

*Gregorius
& Hen-
rici recon-
ciliatio.*

Interea præuaticatus Henricus, ad ingenium
 suum rediit; ac Gregorium, & Mathildem in-
 fidiis conatus est excipere. Itaque Principes
 Germaniæ, eius perfidiam exosi, in eius locum
 Regem creant Rudolphum Sueviæ Ducem,
 Henrico exautorato, inscio tamen, neque con-
 sulto Pontifice; quæ temerè, atque ex pertur-
 batione suscepta, confecta que, nec Imperio
 nec Ecclesiæ profuerunt.

*Henricus
exautoratus.*

In

Geisa succedit Ladislaus.

In Hungariâ defuncto Rege Geisâ , ei suble-
ctus est Ladislaus , vir Ecclesiæ Romanæ ad-
dictissimus , ideoque ab Gregorio Pontifice
laudatus

*Agnetis
Aug. mors*

Obiit hoc anno Agnes Augusta Henrici Impe-
ratoris vxor , mater Henrici Regis Germaniæ
pientissima mulier, & Legationibus aliquot Pon-
tificiis perfuncta ; relicto Augustæ nomine ,
quàm recepto longe augustior.

MYNDI

CHRISTI

5131.

1078.

*Michaelis
Ducæ suc-
cedit Ni-
cephorus
Betonica-
res.*

Nicephoros cognomento Botoniates, Michaë-
le Ducâ cum Mariâ coniugē in Monasterium de-
truso , coronatus est à Cosmâ Patriarchâ qui
paulò ante Ioanni Xiphilino , mortuo succes-
serat , Tyrannum excommunicauit Gregorius
VII. quòd Michaël Latinis communicaret, mul-
taque dona Cassino Monasterio contulisset, eius
non tantum liberalitatis , sed & rectæ fidei mo-
nimenta .

*Turbæ in-
ter Greg.
& Hen-
ricum per-
seuerant.*

Perseuerauerunt hoc hanno inter Henricum
Regem , & Gregorium Pontificem turbæ ; Ro-
mæ Synodo congregatâ, in quâ schismatici ana-
thematis fulmine afflati , ac præcipui seditio-
nis autores Guibertus Rauennas , & Hugo Can-
didus Cardinalis , aliique ; impij omnes , &
quos Henrico collatæ dignitates ac scelera colli-
gabant.

MYNDI

CHRISTI

5132.

1079.

*Berenga-
rius viuat
Hæresim .*

Hoc anno Berengarius Sacramentarius, octo-
genarius , in Synodo Romanâ eiurauit hæresim
suam , quam sæpe vomuerat , sæpe resorbue-
rat ; contra quem tum disputauit S. Brünus seu
Bruno Signiensis Episcopus, vir sanctissimæ eru-
ditionis .

*Henricus
villor &
periturus .*

Ad eandem Synodum delatæ sunt à Legatis
Rudolphi Regis multæ in Henricum querelæ
de prophanatis sacris , Sacerdotibus & Epis-
copis aut coniectis in vincula , aut trucidatis .

Et

Et Henricus quidem visus est fieri mitior, promissitque se acquieturum Concilij placitis; sed cum bella huic cum Rudolpho bene cessissent, diuinis beneficiis effertus, se sui semper similem, hoc est scelecatum, & periuurum præstitit.

Martyrio coronatus est hoc anno per Boleslaum Poloniæ Regem. Stanislaus Cracouiensis Episcopus, cæsus ad altare dum sacra peragebat. Monuerat ille Regem sæpius de atrocibus sceleribus, & monitus contemnentem excommunicarat; mortuus autem sanctus, sicut & viuus, sexcenta patrauit miracula, ab Innocentio IV. relatus inter martyres. Gregorius autem Gnesnensem prouinciam, sub quâ Cracouia, subiecit interdicto, Boleslaum priuauit regno, omnesque subditos eius sacramento fidelitatis exemit. Probauit Gregorij sententiam Deus; nam Boleslaus profugus & versus in insaniam, intra biennium, dum vagatur ut fera, voratus à canibus, terribile Principibus sanctorum persecutoribus iustitiæ diuinæ propositum est exemplar.

S. Stanislaus Cracouiensis Episcopus.

Boleslaus Poloniæ Rex.

MVNDI

CHRISTI

1133.

1080.

Nicephorus Botoniates Imperator, post superatos plures Tyrannos insurgentes, ab Alexio Comneno purpurâ exutus, & in Monasterium deiectus est, ab alio passus quam intulisset alteri meritam pœnam talionis.

Nicephorus Botoniates ab Alexio Comneno exautoratus.

Hoc quoque anno Michaël Ducas exautoratus à Nicephoro ante triennium, & coniectus in Monasterium, indeque creatus Episcopus Ephesinus, venit ad Gregorium & Guiscardum, petiturus auxilium: cui neuter defuit, ille adhortatione, hic expeditione in Græcos susceptâ, quam Deus insigni victoriâ comprobauit.

Michael Ducas in Episcopum Ephesinum.

Eodem anno in Romano Concilio iterum fulminibus Ecclesiæ afflatus Henricus iterum de-

Rudolphus Henricus.

depositus est , confirmatus Teutonum Rex Rudolphus , ad quem coronam auream misit Gregorius his inscriptam verbis , *Petra dedit Petro , Petrus diadema Rudolpho*. Quod cum accepisset Henricus , Gregorium deiicere Pontificatu destinat ; atque id præstat Brixia , seu Brixinone in Noricis ; quò conuenientes aliquot Episcopi , & procures Germaniæ , vt Ecclesiæ subuersor , & perturbator Imperij , sacrilegus , hæreticus , & Magus depositus est . Huic autem substitutus est ibidem Vvibertus seu Guibertus Archiepiscopus ille Rauennas sceleratissimus , dictusque Clemens , cuius nomine directæ sunt in varia loca per Henricum legationes . Sed pro Gregorio aduersus Guibertum scripsit Apologiam Anselmus Lucensis Episcopus , vir doctissimus atque sanctissimus ; cui tanto plus fidei adhibitum est , quantum eius sanctimonia toti Orbi jam erat testator .

*Guibertus
Gregorio .*

Sed quoniam non scriptis tantum , sed & armis Gregorius defendendus erat , post triduum Deus Roberti Guiscardi permouit animum , isque sponte ad Gregorium venit , huicque cumulatissimè satisfecit , absolutusque , se vindicem Ecclesiæ Romanæ cum suis Normannis præbuit ; à quo & tandem protritus est Henricus , Deo nunquam suis deficiente , & per eos à quibus minus expectetur auxilium .

*Guiscardus
se Gregorio
satisfecit .*

*Cæsus
Rudolphus
Vibertus .*

Commissum est prælium ad fluuium Elstram Idib. Octob inter Henricum & Rudolphum , in qua vicēre quidem Saxones , sed fructum amittere victoriæ ; cæso Rudolpho , qui in hoc certamine manum ; & paulò post vitam perdidit . Huic dum insultauere Schismatici , non satis aduerterunt , piorum calamitates peccantium victoriis & felicitate potiores esse .

*S. Mat-
thæi corpus
inuentum
Salerni .*

Inuentum est denique hoc anno Salerni diu occultatum , bellorum metu , S. Matthæi jampridem eò delatum corpus ; cui magnificam Basilicam curauit Guiscardus , factus

Hus ex improbo, & excommunicato; pietissimus.

CAPVT IX.

DECA NONA.

Ab anno Christi 1080. ad 1090.

MVNDI

CHRISTI

5134.

1081.

Robertus Guiscardus in Orientem quindecim millia suorum Normannorum traduxit; quibus occurrens cum centum septuaginta millibus Alexius Comnenus turpiter superatus, didicit magnos exercitus, paucis fortibus oppositos, pergere ad carnificinam.

*Guiscardus
de Græcis
victoria.*

Venit hoc anno in Italiam Henricus, jam securus à Saxonibus; & venit cum modicâ manu, sed audaciæ furorisque plenâ, quæ à fanatico Duce suo hauriebat. Tum verò à nemine susceptus est, nisi metu vltimi mali; tandem verò Romam venit, obseditque Leoninam Urbem, castellis & circumpositis arcibus expugnatis. Quæ autem tum à Schismaticis passi sint Ecclesiastici, atque Clerici, quæ sit bonorum Ecclesiæ facta direptio, facilius tum lugere licuit, quàm scribere; ad quæ fortiter toleranda bonos omnes inuitavit Gregorius, meliora mox tempora pollicitus; neque vates falsus extitisse deprehensus est.

*Henricus
venit in
Italiam.*

MVNDI

CHRISTI.

5135.

1082.

Alexius Comnenus clade superioris anni cruditus iudicauit donaria Ecclesiis erepta cau-

*Alex.
Comneni
B. thes.
Aurea.*

causam suæ calamitatis extitisse ; quare hoc anno Constitutionem edidit , quam *Bullam Auream* vocant , quâ promisit se omnia restitutum : sanxitque ne quis vnquam Ecclesiæ dona , etiam in aduersis casibus , impenderet , imprecatus vindictam Numinis iis omnibus qui id attentassent ; & suo atque alieno exemplo factus sapientior.

*Filius
iurgis in
patrem .*

Guillelmus Nothus in Angliam transfretans , vt in eâ regnaret , reliquerat Roberto Normaniam administrandam , in quâ se tam malè gessit , vt videretur pater accersendus . Verùm huic filius occurrit armatus , prælioque conferto Robertus robustior Guillelmum incognitum deiecit equo ; sed agnitum statim erexit , atque ab eò in terram prostratus veniam petiit ; quam non difficiliter impetrauit ab eo , cui jam propè vitam concesserat .

*Hermannus
& Rudolphi
successor
ceditur .*

Tum Saxones in locum Rudolphi elegere Regem Hermannum Lotharingiæ Ducem , virum militarem , & qui res attritas suâ fortitudine posset restituere . Sed huic felicitas defuit ; dum enim irrumpit in Castrum expugnatum , molari lapide per scæminam iniecto obritus ; Pyrrhi mortem subiit , cuius fortitudinem æmulabatur . Quæ antequam deferrentur ad Henricum , veritus ille ne in Saxoniam reuocaretur , intercipere conatus est insidiis Pontificem , sed quem hostis sui calliditas & furor fecerant prudentiorem .

MVNDI

5136.

CHRISTI

1083.

*Guibertus
in Petri
sedem in-
truditur
sub nomine
Clementis
III.*

Hoc anno captâ Vrbe Leoninâ intrusus est in Petri Sedem Guibertus dictus Clemens III. & II. Kal. Aprilis à tribus Schismaticis Episcopis consecratus est , ac paulò post ab Henrico remissus Rauennam . Tunc modis omnibus Urbem in suam potestatem redigere conatus est promissionibus , arte , indictâ etiam Synodo , quam tamen fieri prohibuit , inuitato etiam

etiam Desiderio Abbate Cassinensi, qui se virum fortissimum præbuit. Verùm ijs omnibus artibus Ecclesia, Dei fulta præsidio, preualuit.

MVNDI CHRISTI

5137.

1084.

Alexius Comnenus ingentem pecuniæ vim mittit ad Henricum, vt hic bello aggrediretur Guiscardum, sicque cum ex Thraciâ, quam populabatur, reuelleret. Eam ergo pecuniam insumpsit Henricus ad Romanos sibi conciliandos, quorum operâ tandem Vrbe potitus est. Gregorius retinens pontes omnes, & munitiora Urbis loca, in Molem Hadriani recepit sese. Hic Guibertus Henricum coronauit Imperatorem; sed dum hic versatur, nihil propius abfuit, quàm vt necaretur miser, parato in eius perniciem lapide; eius milites aliquid vltra periculum experti sunt, fœdâ labe consumpti. Guibertus selegit Cardinales ferè coniugatos, omnes sceleratos, & quibus homicidia, ac cædes ludi erant, dignos Pseudo-Pontificis ministros. Gregorius igitur in his angustiis euocat Guiscardum, qui nihil cunctatus, parte exercitus cum Boëmundo filio in Græciâ relictâ, Romam reuolat, Henricum vincit, Urbem rebellem diripit, & magnâ ex parte incendit, seu ex Romanorum odio, qui à Pontifice flagitiosè defecissent, siue ex amore Pontificis, ita suadente Cinthio Consule; vt occupatis Romanis in restringendo incendio, faciliùs Pontifex subduceretur. Et verò Gregorius Cassinum, inde Salernum peruenit incolumis, vbi vsque ad obitum sanctissimè vixit, Deo sanctimoniam, atque causam, multis prodigiis vtrobique comprobante.

Henricus occupat Romam, vbi constituit suum Pontificem.

Guiscardus Romam incendit eam qua subducitur Gregorius.

Redierat intereâ Henricus in Germaniam suam, quia Catholici resumpserunt vires, schismatici plures ad se redierunt, quos vinculis

Multi Schismatici ad se redeunt.

Tom. II. Pars II.

X

sacris

sacris exsolutos sic animauit Anselmus Lucensis, vt coniuncti copiis Comitissæ Marhildis nobilem de Henricianis referrent victoriam, tribus tantum è suis desideratis, paucis vulneratis, vt hic exercitus diuino præsidio suffultus fuisse, nec suis, sed Dei armis pugnassee crederetur,

MVNDI CHRISTI
5132. 1085.

Pseudo-synodus Moguntina. Pseudo synodus Moguntia celebrata est ab Henricianis, vbi confirmatus Pontifex Guibertus, damnatus Gregorius, eiusque fautores; sed quos absoluerant, Deus ipse damnauit, luc magnâ ex parte consumptos; obiit tum quoque Salerni Gregorius VII. cum sedisset annis 12. men. se vno, diebus tribus, hæc verba pronuncians, *Dilexi Iustitiam, & odi Iniquitatem, propterea morior in exilio*, multis miraculis post obitum clarus, quare in sanctorum album relatus est; quod & tempore ipso probatum est, corpore eius post annos terè quingentos inuento penitus incorrupto. Ei successorem plerique optabant Desiderium Abbatem Cassinensem hæc sede dignissimum; sed aufugit ille in suum monasterium, plusque adhibuit operæ ne eligeretur, quàm alii multi laboris exhaustiunt, vt ad Pontificatum pronehantur.

Desiderius Papam fugit. Eodem anno notuus est Robertus Guiscardus naturali morte in Insulâ Corcyra, maior sexagenario, cum iam annos viginti sex Dux esset Apulix, Calabria, atque Sicilia; viro optimus cum bonus fuit, cum malus, pessimis adnumerandus.

MVNDI CHRISTI
5139. 1086.

Victor III. eligitur. Electus est tandem omnium votis à Clero Populoque Romano Desiderius Cassinensis Abbas, dictus-

discessitque Victor III. Verùm post dies quatuor egressus ab Vrbe, Terracinæ insignia Pontificatus posuit, fugitque Cassinum, neque vllis precibus aut lacrymis in Sedem suam potuit reuocari; in suâ pietate propè contumax.

Aliunde in Germaniâ Catholici obsidebant Herbipolin cum decem millibus armatorum, quos vt depelleret Henricus cum viginti millibus venit. Pugna vtrimque commissâ victi Henriciani, agrè fugit Rex inter primos elapsus, eius copię funditus deletæ, tribus tantum in prælio Catholicorum desideratis, & postea duodecim ex vulneribus, vt hanc hostium cladem Deo victores ipsi referrent.

Obit tum Anselmus Episcopus Lucensis, magnus Gregorii defensor, multis post mortem miraculis clarus; quibus longè plures Schismaticorum, quàm scriptis, ad sanam mentem reuocauit.

Bellum inter Philippum & Guillelmum, Francos & Anglos, gestum est; cuius causæ cum dubiæ sint, neque exitus certior, satis est id indicare lectori, cui tot certa & explorata suppetunt.

Hoc anno ortum habuit sacer, & nunquam laudatus satis, Carthusianorum Ordo, cuius parens & conditor fuit S. Bruno Agrippinensis, Canonicus Rhemensis, qui cum sex aliis sociis vocatus à Deo, vt ipse testatur in Epistola de suâ conuersione scriptâ, venit ad S. Hugonem Episcopum Gratianopolitanum, à quo montes asperrimos, quos incoleret, Carthusianos dictos, acceperet. De huius Ordinis exordio ac sanctâ conuersatione scripsit accuratè Petrus Venerabilis Abbas Cluniacensis. Quod autem credebatur olim S. Brunonem conuersum esse, portento in morte ex Anastasi Raymundi Diocres Canonici Parisiensis, qui tribus diebus se accusatum, iudicatum & damnatum asseruit, ad hanc vocem officii defunctorum *Responde mihi*, iam pridem ab eruditis explosum est, & quemad-

*Victi
Schisma.
tici à Ca-
tholicis.*

*Anselm
Lucensis
obitu.*

*Bellum
Franco-
Angli-
cum.*

*Carthu-
sianorum
Ordo a
S. Bruno
ne institum-
tus.*

modum ex Romano Breuiario iussu Urbani VIII. Pontificis expunctum est, debuerat ex eorumdem Carthusianorum depictis claustris obliterari. Sed quid agas? viri boni cum maioribus suis errare volunt, & placet iis error quoniam antiquus est, atque in pariete, & oleo depictus insulte ac parum crudité.

MVNDI

5140.

CHRISTI

1087.

*V. Florio
Pape
præclara
initia.*

Hoc anno Victor Tertius motus precibus & votis omnium resumpsit ornamenta Pontificalia Capuæ, ac Romam veniens 7. Idus Maii in S. Petri Sede locatus est; ac deinceps in Tiberinâ Insulâ habitauit. Sed eodem tempore Guibertus apud S. Mariam ad Martyres se recepit, unde multa damna in Urbem, multa in Italiam inuexit, sicque Lupum se non Pastorem ostendit. At Victor sapientior, & iustior, expeditionem in Saracenos conuertit, missoque in Africam parato ad debellandos schismaticos milite, centum millia hostium cecidit captâ excisâque eorum Vrbe præcipuâ, quæ creditur tum fuisse Hippo, laudabilibus & vero Pontifice dignis exordiis.

*Merito
Victor.*

Victor Beneuenti, vbi Synodum coëgerat, ægrotans, se Cassinum reportari iussit, vbi parato sibi sepulchro sexagenarius obiit 16. Kal. Octob. admonitis Cardinalibus, vt se mortuo nullum præter Othonem Ostiensem Episcopum deligerent Pontificem; quam monitionem inutilem Ecclesiæ non fuisse ostendit euentus.

*Ossa S.
Nicolai
Barium
translata.*

Hoc anno quadraginta septem Barenfes redeuntes Antiochiâ, & Myrâ transeuntes, effracto tumulo S. Nicolai ossa eiusdem S. Præsulis in oleo natantia receperunt, & honoricè Barium detulêre, vbi hodie religiosissimè asseruantur, hæc lapsana, liquoremque reddunt, vulgò dictum Manna S. Nicolai. Idem autem sanctum Iatro-

Introciniū parabant Veneti; sed dum tergi-
uerfantur, pœnas suæ tarditatis præuenti depen-
dere.

Obiit denique hoc anno Guillelmus Norman-
niæ Dux, & Rex Angliæ 5. Id. Septemb. ætatis
64. Regni 20. cum 10. mensibus, & diebus 28.
se diuinitus mulctatum ratus, quod Ecclesias
Meduntæ incendisset; quare verè pœnitens the-
sauros omnes suos in pauperes & Ecclesias effu-
dit, & præcipuè in Clericos Meduntanos; qui-
bus gestis quasi in B. Virginis complexu expi-
rauit. Eius corpus delatum ad monasterium Ca-
domense, direptâ eius supellectili, collatitiâ
pecuniâ tumulandum fuit, & cum locus angu-
stior ei paratus esset, venter eius crepuit, ac ef-
fudit intestina cum intolerando sœtore; spera-
tur tamen cum eius animâ, quàm cum corpore
actum esse melius; certè aduersus eius sobolem
Deus grauitè animaduertit, etiam ob excisas
Ecclesias, & in lucos conuersas, vbi Principes
ex eius sanguine aliquot malè perierunt; quan-
quam ipse satis religiosus, & liberalis in Ec-
clesiam extitisset. Sed cum eo Deus egit vt pa-
rens optimus; eius scelera mulctauit in corpore,
virtutem in animâ remunerauit.

*Guill. I. ni
Normi
obitus &
sepulch.*

M V N D I

5141.

C R I S T I

1088.

Electus est Tarracinæ vno consensu 4. Id. Mart.
Otho Cardinalis Episcopus Ostiensis natione
Gallus, professione Monachus Cluniacensis, di-
ctusque Urbanus I I. qui mox Cassinum perrexit,
vbi sanatus fuisse perhibetur æger à S. Benedicto,
vt ostenderet hîc eius corpus quiescere. Quare
iactant Cassinenses eius Pontificis Diploma, quo
de eâ re dubitantes percellit anathemate; quod
tamen multi viri pii atque docti brutum iudica-
runt, & ab illius loci Monachis confictum: maxi-
mè cum Petrus Cluniacensis Abbas de transactio-

*Eligitur
Urbanus
I. I.*

*De Coro-
pore S.
Benedic-
tis.*

X 3

aci

ne S. Benedicti in Gallias hymnū cecinerit; quæ si ignorasse contenderis hoc diploma, magnæ incuriæ, neque ferendæ, virum diligentissimum accusabis.

*Hermannus
no successit
d'it Eggebertus.*

Mortuus est hoc anno Hermannus Rex Germaniæ Catholicus in Turingiâ, quod secesserat Saxonibus rebellantibus; cui datus mox successor ab iisdem Saxonibus Eggebertus: ne pax Henrico concessa bellum in Ecclesiam accenderet.

*Berengarius
vis Hereticus
mors.*

Obiit & eodem anno Cariosus ille Hæreticus Berengarius, prope nonagenarius; cui honorificum Epitaphium scripsit eius amicus Hildebertus Archidiaconus paulò solutioris vitæ, factus tamen postea magnæ sanctitatis & eruditionis Episcopus; quare mirum non est si Hildebertus de Berengario non conueniat cum Lanfranco, & Petro Cluniacensi; quibus sine dubio consensisset, si hanc Epigraphen scripsisset Episcopus. Moriens tamen sperauit veniam Berengarius propter pœnitentiam licet iteratam; timuit autem Diuinam Iustitiam ob alia peccata, & eos quos ab Ecclesiæ placitis deduxerat: qui si receptus est cœlo, magnum Dei miserantis ferculum fuit.

MVNDI
5142.

CHRISTI
1089.

*Guibertus
expellitur
Roma.*

Expulsus est hoc anno Guibertus Antipapa à Romanis, ac iuramento adactus se nunquam Romanam reuersurum. Habitum & colloquium Catholicorum, & Henrici, in quotantùm non desertus est Guibertus; sed demum seruatus est operâ Episcoporum, qui depositionem suam magis, quàm illius reformidabant. Aliunde celebratum est ab Urbano Concilium Troiz in Apuliâ; vbique tristitia latis permixta sunt.

*Mathildis
casta nuptia.*

Mathildis Comitissa coniugio pio copulata est cum Vvelphone Duce, filio Vvelphonis Ducis Boioariz, nepote Azonis Marchionis Ferrariensis.

riensis, ut plus posset in Schismaticos, neque tamen cum illo unquam commixta est, simulque fuit nupta, vidua, atque casta; sicque non tantum res suas, sed & se totam consecrauit Ecclesiæ.

Henricus hoc anno ab Eggeberto victus est; quando & captus Lientarus Bientensis Archiepiscopus præcipua sax huius schismatis cum multis Episcopis anathemate fulguritis interiit. Felicius quoque mortuus est Cantuariæ Lanfrancus Archiepiscopus, cui tantum datus est successor post 4. annos, Angliam, per Guillelmum Regem iuniorum cognomento Rufum, agitatum; cuius & calamitates in Ecclesiam redundarunt.

Eustathius Patriarcha Constantinopolitanus Cosmæ successor, post tres annos sedis mortuus locum reliquit Nicolao, cognomine Grammatico; cuius sedes diuturnior, quam melior extitit.

*Vifus
Henricus.*

*Lanfrancus
mori-
tur.*

*Eustathius
succedit
Nicolao.*

• M V N D I


5143.

CHRIST I

1090.

Mortuo in Germaniam Eggeberto res Catholicorum visæ sunt hæc concidere, Henrici reparari, itaque hic in Italiam transire destinatus, ut Matildem opprimeret. Interea vendebat Episcopus pro pecunia, pro gladio, pro adulterio, pro nequitia sodomitica; adeo, ut non iam sceleratus tantum, sed in suis criminibus furiosus esse videretur.

*Henricus
in omnia
visitatus.*



CAPVT X.

DECAS VLTIMA.

Ab anno Christi 1090. ad 1100.

MVNDI

CHRISTE

5144.

1091.

*Henricus
& Guib-
bertus in
Italiam
redeunt.*

Redit hoc anno Romam impius Guibertus, oblitus Sacramenti sui, receptus à Romanis Henricum reformidantibus. In eam autem cum ingredi posset cum suis copiis Victor Pontifex, maluit videri minus posse, ne Vrbs desolaretur. Interea Henricus Mantuam iam undecim mensibus obsessam proditione cepit; occupauit & ciuitates omnes vicinas, nisi quas firmiores tantum muri ab eius impetu vindicarunt. Catholici interim se piis operibus dedere; quæ eos melius tutos & incolumes, quam arma atque exercitus præstiterunt.

*Alphon-
sus VI. victo-
ria.*

Saraceni Alphonso V I. Castiliæ Regi parere recusabant, qui filiam Regis Hispalensis Mauri duxerat uxorem, eamque ad Christi fidem perduxerat; hinc illorum odium in Alphonsum, quem tamen Rex foveret defendere voluit, magnis ex Africâ accitis copiis à Iosepho Miramolino. Sed auxiliaris hic exercitus, in Christianos & Alphonsum perfidiosè conuersus est. Cæsus Rex Hispalensis, multaque Christiana nobilitas. Confugit igitur ad Fran-

Prancos Alphonfus , ad cuius opem multi nobiles accurrerunt , Raymundus Tholofæ Dux , alter Raymundus , & Henricus eius cognatus ; quem tamen ferunt eò tempestate delatum ex itinere in Syriam , ad quam aduersus Saracenos properabat . Horum præsidio ac virtute repressi Arabes , victor Alphonfus , ex iis præsidariis aliquos retinuit ; inter reliquos Henricum cui partem Gallicia ereptam Mauris dotalem , cum filia Theresia concessit ; isque postea regni Lusitanici fundamenta jecit ; quem ex Francorum sanguine regio , natum esse & Francici scriptores putant , & Lusitani non dedignantur .

*Initium
regni Lu-
sitanici*

MVNDI

5145.

CHRISTI

1093.

Vrbano II. S. Brunonem ex sua solitudine retraxit , detinuitque reluctantem triennio in Conciliis celebrandis . Quando & Yuo Carnotensis Episcopus ab eodem Urbano consecratus est ex præposito S. Quintini Beluacensis , suspectus in locum Gausfredi viri improbi , sed cuius scelera non nisi tempore reuelata sunt ; Deo ita providente , vt vir optimus hominis scelerati facta corrigeret .

*S. Bruno
ab Urbano
II. designatur.
Yuo fit
Episcopus
Carnotensis.*

MVNDI

5146.

CHRISTI

1093.

Multæ Vrbes Longobardia hoc anno aduersus Henricum rebellarunt (quibus Mediolanum præluxit) atque in Vvelphonis partes transiere . Immò & Conradus eius filius insurrexit in patrem , ob causam quæ propè iusta fuit . Henricus enim Adelaidem uxorem suam (ab alijs Praxedes appellabatur) sceminam innocentissimam atque pientissimam compegit in carcerem , multosque compulit ei vim inferre ;

*Longobardia in
Henricum
bellat.*

X 5

atque

*Henrici
suppissi-
mus furor.*

*Conradus
fit Rex
Italiæ
contra Pa-
trem Hen-
ricum.*

*Adelais
fit Abba-
tissa.*

*Guibertus
fugit.*

*Alphonſus
VI. pie-
tus.*

*S. Ansel-
mus ſucce-
dit Lan-
franco.*

atque inter cæteras filio suo Conrado nouercam suam constuprandam obiecit; cùmque restitisset ille, negauit filium suum esse, sed Principis cuiusdam Sueuiæ, quem vultu non malè referebat. Conradus ergo fugit à Patre; sed paulò post ab eodem dolo interceptus, malè habitus esset, nisi diuino auxilio iterum ex eius manibus euolassèt; Igitur, Vvelphone curante, Mediolani Rex inungitur Italiæ, Conradus abſoluitur ab Urbano Pontifice ibidemque satis modestè, sed non satis diu regnauit. Henricus autem à Vvelphone pressus & filio, sequàdam munitione incluserit, vbi satis diu quasi priuatus vixit, tanto vitæ affectus tædio, vt se interficere conatus sit; fecissetque, nisi huic sui arma eripuissent, seruassentque quasi sanaticum. At Adelais diuturnum carcerem passa, multisque malis exercita, de carcere tandem mirabiliter effugit, venit ad Mathildem, per quam deducta est ad Urbanum, ac dequum reuersa in Russiam, & ad suos, facta est Abbatissa, sortita sponſum toto cælo ab Henrico diuersum.

Rediit eodem anno Romam Urbanus, Arce tamen S. Angeli à Schismaticis occupatâ; Guibertus fugit Veronam ad Imperatorem, fingens se deponere Papatum velle, bono pacis, quem tamen tot sceleribus pepererat, homo ad tumultus, non ad concordiam factus & natus.

Alphonſus Hispaniæ Rex multa in Cluniacense monasterium contulit beneficia, & maiorem ejus ædem suis sumptibus instaurauit; futurus in eo Monachus, nisi Abbas eum gerere sceptrum, quàm cucullum, vtilius Ecclesiæ iudicassèt.

Creatus est denique tum Archiepiscopus Cantuariensis S. Anselmus, successitque pridie Non. Decembris Lanfranco, cuius fuerat discipulus & successor in præfecturâ Becensis.

Mo.

Monasterij ; primùm humaniter susceptus à Rege , deinde expulsus è curiâ , quòd pecuniam in promotionem suam dare recusasset ; tantùm dissitus à Simoniacâ labe , quantum solent esse , qui inuitissimi ad sacras Intulas promouentur .

MVNDI

5147.

CHRISTI

1094.

Philippus Francorum Rex Bertradam vxorem Fulconis Comitis Andegauensis cognomento Asperi , viri improbilissimi , rapuerat , eâque utebatur , rejectâ vxore legitimâ Berthâ , quam Monstrolium ablegarat : Fulcone mortuo , eandem Bertradam , assentientibus quibusdam Galliarum Episcopis prauaricatoribus , vxorem duxit ; quibus tamen nuptiis opposuit se constantissimè Yuo Carnotensis ; sed illegitimus amor prauauit , qui non tantùm vnius Episcopi scripta , sed & Concilij , & Pontificis anathema contempsit , deiecitque magnos Principes magnis criminibus obnoxios esse ; iis nunquam Episcopos deesse aduatores .

*Philippi
nuptia tur-
pes .*

Magna lues per Italiam , Galliam , Germaniam grassata , multos schismaticos ad sanam mentem reduxit , pertinaces prodigijs territi quidam sibi manus intulere , quidam à feris vorati sunt . Contigit tum portentum in sceminâ Laudensi quæ confessâ crimen occultum , cùm id sacrilegè propalatum esset , ipsâ ad incendium damnata , bis ex accensis flammis incolumis euasit operâ Beatae Virginis , cujus auxilium implorarat ; vt ostenderet Deus , peccata duntaxat Sacerdotibus ad veniam , nunquam ad multam iudicibus apertiri .

*Pessis a-
rox in
Occidente .*

*Crimen
impiet. eno-
latum .*

Sed jam bellum Sacrum in Saracenos Palestinae nos ad se, atque ad tertiam hujusce operis partem vocat, tam salutare Christianis, quàm Italicum atque Germanicum Catholicis extitit perniciosum.

Finis Partis II. Tomi II.

INDEX

SECUNDÆ PARTIS

TOMI SECUND.

A		Alphonſus Magnus. 327
A	6. 58.	362
A Caciſ, 61		Alphonſus V. 416
Acephali, 57		Alphonſus Rex Galliciar. 253
Accœmetæ, 58		S. Althelmus, 216.
Adadus Rex, 112		Amalaricus Rex, 82.
S. Adalbertus, 415		Amalaricus Fortun. 305
Adalwaldus, 165. 171		Amalaſuintha. 85. 109
Adamus Brementis. 467		Amandus. 195
Adelaïs, 419. 490		Anaſtaſiæ Eccleſia, 39.
Adeodatus Papa, 199		Anaſtaſiopolis. 73.
202		Anaſtaſius Imp. 64. 80. 81.
Aëtius, 9. 11. 16. 19.		84. 85. 87
20. 31		Anaſtaſius II. Imp. 225.
Ægira, — — — 168		227 —
Æthelſtanus, 377		S. Anaſtaſius M. 172.
S. Aigulphus M. 196		Anaſtaſius II. Papa. 68. 71.
Aiſtulphus, 151. 152		Anaſtaſius III Papa, 359.
Agapetus Papa, 106. 107		361.
Agapetus II. Papa, 381.		Anaſtaſius Sinaïta. 148.
386		Andreæ Rex Hung. 451.
Agatho Papa. 203. 204.		467
207		Angli conuerſi. 149.
Agilulphus. 147. 165		S. Anſelmus. 490
Agobardus Lugd. 305		S. Anſelmus Lucenſis. 483.
Alamundarus. 83. 98. 99		Anthemius Imp. 45. 47
Alaricus. 76		S. Antiochus. 165
Alboinus Rex. 130. 132		Antipodes. 247
S. Alcinus. 67		Annunciatio B. Virg. 192.
Albinus Flaccus, ſeu Al		Arator Poëta, 113
cuius. 267. 234		Arcobindus. 114
Alexander Imp. 360. 361		Ardaburius. 8. 45. 46
Alexander II. Papa. 462.		S. Aretas. 92
471		Ariadna. 47. 85
Alexius Comnenus, 477.		Ariovvaldus. 180
479. 481		Aripertus. 194. 196.
Algerus, 460		224
Alphonſus Caſtus. 276		Ar.

Arnulphus Imp.	352	Benedictus VIII.	427
Artavaſtus.	243 244.	433	
Aſpar.	9. 15. 45. 46.	Benedictus IX.	440. 450.
Aſturius Dux.	23	456	
Arvernus vrbs.	54	Berengarius Hæret.	437.
Athalaricus.	95. 105	442. 452. 460. 486.	
Athanagildus.	130	Berengarius Imp.	354. 363.
Athenais.	6	367. 382. 399. 394.	
Attila.	24. 25. 27. 31.	Berno Cluniacensis.	362
32. 35.		Bertha.	491
Auareſ.	129	Bertharidus.	201
S. Audoenus.	203. 227	Bertrada.	491
S. Audomarus.	215	Berytenſis ſanguis Chriſti.	257
S. Auguſtini Hipp. reli.	233	Boëthius.	90. 94
quia.	233	Boleſlaus Cobri.	435
S. Auguſtinus Apoſt. An.	10. 13. 150.	Boleſlaus impius.	477
g. i. c.	56	S. Bonifacius Mog.	230.
Auguſtulus Imp.	36. 38.	232 245. 252.	
Auitus Imp.	96	S. Bonifacius Ruſſ. Apoſt.	415
S. Auitus Abbas.	141. 145.	Bonifacius Papa.	7
Autharich.	423	Bonifacius II.	98. 100
B.	426. 431.	Bonifacius III.	158. 159
B Ambergæ.	321. 332	Bonifacius IV.	159. 163
Bardas.	59	Bonifacius V.	166. 170
S. Barnabæ corpus.	116	Bonifacius lutruſus.	352
Barſanuphius.	305. 319.	Bonifacius Pſeudopont.	407
S. Bartholomæi corpus.	42. 45. 49.	S. Briſius.	17
Baſilicus Imp.	50. 51	S. Brigida Scota.	90
Baſilius Imp.	332. 335	Brunechildis.	130. 137.
Baſina.	43	152. 162. 163	
S. Bathildis.	196	S. Bruno Carth.	483. 483
Beda.	238	Bruno Colon.	395
Bela Rex.	467	Bulla Aurea.	Alexij
Belifarius.	97. 108. 113.	Comn.	479
117. 125		C.	
S. Benedictus.	55. 67. 98.	Abades Perſa.	74.
996. 486.		83. 96. 101	
Benedictus Papa.	133. 135	Cadalous Antipapa.	462
Benedictus II.	203. 209	463. 464.	
Benedictus III.	321. 323	Cæleſtinus Papa.	7. 13. 16.
Benedictus IV.	357. 358	Campanæ primum no-	
Benedictus V.	393. 394	men.	357
Benedictus VI.	399	Canutus.	429
Benedictus VII.	400.	Carolomannus Monachus.	246. 251.
426			

I N D E X.

Carolus Calvus Imp. 311.	Clodouæus II. 285. 195.
320. 324. 335. 338. 339.	196.
340. —	Clodouæus. III. 211.
Carolus Crassus Imp. 342.	213
344. 348	Clotarius, 97. 102. 117.
Carolus Lotharing. 408.	123. 128
410. 411	Clotarius II. 154. 175.
Carolus M. Imp. 260. 272.	Clotarius III. 196. 198.
273. 285. 286. 273	Clotarius IV. 231.
Carolus Martel. 226. 231.	Clotildis. 60. 95. 124.
233. 234. 239. 242. 243.	S. Colombanus. 164.
408. —	Concil. Chalced. seu IV.
Carolus Simplex. 347.	32
351. 367	Concil. V. Constantino-
Carthago capta. 12	pol. III. seu V. Synodus.
Carrhus. Ordo. 483. 484	121
Casimirus. Monach. Poi.	Concii. VI. in Monoth.
R. 442. 446.	295
Cassiodorus. — 126	Concil. VII. Nicænum II.
Cassinus Dux. — 7. 8	de Imag. 283.
Catalanici campi. — 32	Concil. VIII. in Photium.
Catenz S. Petri. — 21. 22	334
Catholicus Rex. — 179	Conon Papa. — 209. 210.
S. Ceadulla Rex. — 212	Conradus. 362. 365. 434.
Ceolwulphus R. — 240	436. 443. 446. —
Chalced. Concilium. — 32	Constantia. — 318.
Charibertus. — 133	Constantius Aug. — 5.
Childebertus. 102. 112. 123.	Constans. Imp. 182. 186.
214. 2. 2. —	198
Childericus. 39. 43. 50.	Constantinus Imper. 268.
126. 199. 200. exautoratus.	274. 275. 279.
— 249	Constantinus Imper. 435.
Childebrandus. — 226.	437
408. —	Constantinus Ducas. 459.
Chilpericus. — 135. 194.	467
218	Constantinus Monomachus.
Chramnus. — 127	447. 456.
Chrysosthorus. Papa. —	Constantinus Porphy. 361.
358. —	380. 389
Chrysaphius. — 27	Constantinus Papa. 026.
S. Chrysolomus. — 21	225.
Cicimens II. Papa. — 450	Copronymus Imp. 330.
Clemens III. — 480.	252. 244. 251. 264.
Clephis Rex. — 133	Cosrhoes. — 91. 111. 113.
Clodio Rex. — 12. 16. 28	122. 133.
Clodomirus. — 96. 97	Cosrhoes I. I. 145. 156.
Clodouæus. — 44. 55. 60.	160. 164. &c. 162.
63. 62. 76. 77. 79. 80.	Crescentius Tyr. — 414.
—	Cre-

I N D E X.

Creta dicta Candia ,	Epaunense Concil.	79
299	Ephesina Synodus ,	14
Cunipertus ,	Ephesinum latrocinium ,	29
212.220	S. Epiphanius Ticin.	62.
Cyri ll us Alex. 13. 14.	67	
25	Erui gi us ,	211
Cyrola Arian.	58	
Cyrus Alex.	174.181	
Cyrus Panopolites ,	23	
30	Endo Dux Aquit.	233

D

D Agobertus ,	171.175.	Eudocia ,	6.19.21.40
184.185		Eudoxia.	7 20.21.36
Dagobertus II.	222	Eudoxia vxor <u>Honorii.</u>	
Dam as us II. Papa ,	451	47	
Desiderius Rex Longob.	253.262.263.264	Eugenius Papa .	191
Deusdedit ,	163.166	Eugenius II.	300.303.
S. <u>Dionys</u> <u>Areop.</u> libri		S Eugenius Tolet.	193
202.300. 307. <u>corpus.</u>		S. Eulogius.	323.324
454		Eulogius Isatomus.	101
Dionysius <u>Exiguus.</u>	100.	Euphemius.	63.57.68
Dioscorus hæret.	25.29	Euthaticus.	86.87
Dolensis Episc.	324	Eutychius Constantinop.	
Donus Papa ,	202.203	439	
Dunaan Rex ,	91	Eutyches ,	27
S. Dunstanus ,	388. 404	F	
409		F elix III. Papa .	57.
Duziacense Concil.	337	66	

E

E Admundus .	327	Felix IV. Papa .	94.98
Ebroinus .	100. 209.	Ferdinandus Magnus ,	
211		Cast. R	444.466
Ecgfridus ,	200	S. Flavianus ,	26.29.31
E x st ors, Heraclij ,	180	Flavianus Antioch.	82
Edessa .	92 113	Fluuitas ,	61.63
Editredus ,	220	Flodoardus Presb.	369
Edgars .	389	Formosus Papa ,	345. 350.
S. Eduardus ,	401.403.448	352.353.	
466		Francoford. Conc.	277
Egicanes ,	211.219	Franci .	5
Eginb ar du s ,	302	Fredegundis ,	137. 140.
Electores Imperij ,	415	142.151.152.	
S. Eligius .	197	Fulbertus Carnot.	424.
Elipandus Tolet.	270	437	
Elizæi ossa ,	41	S. Fulgentius ,	62. 71. 76.
Elsebaan Rex .	92	87.91.93	
S. Emmerannus Martyr.		G	
129		G alla placidia ,	8.
		29	
		Gal u intha ,	130
		Ganelo .	324

Gar.

INDEX.

Garcias Rex. 363
 Garganus mons. 67
 Garibethus. 201
 Geisa R. 410. 477
 Gelasius Papa. 66. 67. 68
 Gennadius Patr. Const.
 46. 47
 S. Genouefa. 12. 77
 Genfericus, 10. 11. 20
 22. 24. 36. 37. 43. 52
 Gentil facensis Syn. 258
 Genua capta à Sarac. 375
 Gerbertus. 413 418
 S. Germanus Antisthod.
 12. 19
 S. Germanus Capuanus .
 69
 S. Germanus Patr. Const.
 227. 237
 S. Germarus Paris. 137
 S. Gertrudis. 197
 S. Gildardus. 127
 Gilimer. 103 105
 Glycerius Imp. 48. 49
 Godefridus Barbatus .
 468
 Gothescalcus. 317
 S. Greg. Magnus. 138.
 144. 147. 157
 Greg. II. 226. 237. 238
 Greg. III. 238. 243
 Greg. IV. 303. 313
 Greg. V. 413. 418
 Greg. VI. 448. 450
 Greg. VII. 471
 Greg. VIII. 482
 Gregorius Maniacus
 444
 Gregor. Turonensis. 134
 Grimoaldus Long. 196
 Guibertus Antip. 480
 487. 488
 Guido Aret. Musicus .
 432
 Guido Imp. 351
 Guili Nothus. 442. 466.
 485
 Rob. J. Guiscardus. 481. 482

Guirmondus. 460
 Gundebaldus. 67. 69. 79
 Gundericus. 10
 Guntheramnus. 143. 145.
 151

H

H Abarragman. 367
 Habdalla. 253. 263
 265
 Hadrianus Papa. 263
 278
 Hadrianus II. 333. 337
 Hadrianus III. 346
 Hæstantes hæz. 120
 Haroldus. 302
 Hanmarus , 229. 237
 Henoticon. 56
 Henricus Anceps. 365.
 373
 S. Henricus Imp. 428.
 434
 Henricus II. 445
 Henricus III. 453. 457.
 473. 474
 Henricus Fr R. 441. 467
 Heracilius Imp. 161. 167.
 & c. 182
 Heracilius Iunior. 182
 Heribertus Comes. 367.
 371
 S. Heribertus. 432
 Hermannus Ro. R. 480
 Hermengardis. 262
 S. Hermenegildus. 140
 143
 S. Hieronymus. 6
 Hilarus Papa. 40. 48
 Hildebrandus R. 245
 Hildebrandus Greg. VII.
 471
 Hildegardis. 267
 S. Hildephonus Tolet.
 198
 Hiduinus Abbas. 307
 Hincmarus. 315. 328. 331
 S. Honoratus Arel. 10
 Ho.

Honoría,	18	Ioan. V.	214
Honoricus,	47	Ioan. VI.	218
Honorius Imp.	8	Ioan. VII.	220. 221
Honorius Papa,	171	Ioan. VIII.	337. 344
179. an Monoth.	206	Ioan. IX.	355. 357
Hormisdas R.	138. 146	Ioan. X.	361. 370
Hormisdas Papa,	84. 91	Ioan. XI.	372. 374
S. Hubertus,	216. 236	Ioan. XII.	386. 392
Hugo Capetius,	408. 409	393	
410. 411. 412. 416.		Ioan. XIII.	394. 399
Hugo Magnus,	367. 380.	Ioan. XIV.	406. 407
381. 382. 386.		Ioan. XV.	407. 413
Hunericus,	55. 59	Ioan. XVI.	414
Hunni.	148. 362. 363. 364.	Ioan. XX.	433. 440
368. 375. 387.		Ioan. Philoponus,	106
I		Ioan. Scotus,	346
I Bas Edessenus,	28	Ioan. Scythia,	60. 65
I Iconoclasta,	232	Ioan. Zemniscus Imp.	397
Iconomachi,	60	399. 401	
Iezdizerdes,	176	Irene Imp.	268. 278. 282.
nis Græcus,	101.	283	
S. Ignatius Const.	316. 323.	Isaac Comn. Imp.	458
326. 341		459	
I ldericus,	47	S. Isidorus Hisp.	179
Illus,	54. 56.	Iudæus puer,	119
Imago Christi,	271. 272.	Iulianus Dux,	225
273. 275.	379	S. Iulianus Tolet.	210
Imago B. Virg. Incarnata,		Iustinianus Imp.	95. 99.
336		118. 125. 126. 127. 128	
Insula enara è mari,	234	Iustinianus II.	208
S. Iodocus,	190	219. 224	
Ioannes Antioch.	14. 20	Iustinus Imp.	87. 95
S. Ioan. Bapt. caput,	32	Iustinus II.	123. 128
435		Iuuenalis Hierosol.	15. 38
Ioann Cappadox,	116	K	
S. Ioan. Damasc.	178.	S. K ilianus,	211
234		Knutus seu Canu-	
S. Ioan. Eleemosyn.	161.	tus,	429
165. 167.		S. Kunegundis Aug.	428.
S. Ioan. Gualbertus,	463.	434. 435	
472		L	
Ioan. Iejunator,	139. 149.	L Anfrancus,	460. 468.
150		487	
Ioanna Papissa,	320	S. Lambertus Episc.	215
S. Iohannes Papa,	92. 94	Lambertus Imp.	351. 360
Ioan. II.	100. 106	Lando Papa,	361
Ioan. III.	124. 133	Laurentij Schisma,	71. 74.
Ioan. IV.	180. 182	75	
		S. Lau-	

S. Laurentius,	115	367.371.374.385
Leo Acridanus,	465	Luitbertus Rex, 210
Leo Armenus Imp.	291.	Luitprandus Rex, 233.245
197		245
Leo Imp.	37.45.48	Luitprandus Historicus,
Leo Junior,	48	381
Leo I. auratus Imp.	223	S. Lupus, 12.53
Leo IV. Imp.	265.268	M
Leo Philos.	325	S. Macarius Antioch.
Leo Sapiens,	345.348.	427
360		Macarius Hieros.
S. Leo Magnus,	22.40	116
Leo II.	207	Macedonius Episc. 76.80.
Leo III. 278.279.280.293.		81.85
295		Madi Saracenus, 267
Leo IV.	316.319.321	Mahometes Pseudop. 168.
Leo V.	358	173.175
Leo VI.	370	Mahumias Sar. 194.204
Leo VII.	374.377	S. Maiolus Abbas, 378.
Leo VIII.	392.393.394	412
Leo IX.	452.455	Manasses Episc. mango,
Leonina ciuitas,	317.319	375
Leontius,	56.57.61	Manichæi, 92.314.430
Leontius Tyrannus,	214.	Marcianus Imp. 30.37
215		S. Marci corpus Venetiis,
Leunigildus Rex,	232	297
240		Majoranus Imp. 37.45
Litorius comes,	20	Maria vxor Oth. III.
Liuba,	131	317
Longinus Exarchus,	57.	Marinus Papa, 344.345.
65.69.131		346
Lombardi.	117	Marinus II. 379.381
Lotharius Imp.	312	Marozia Scortum, 358
322.330.333.335		S. Martialis, 438
Lotharius R. Franc.	395.	S. Martinus Papa 187.188.
402.408		189.190
Lotharingia,	405	Masalmes, 229
Ludouicus Balbus Imp.	340.342	Mathildis, 487
Ludouicus Bosonis,	354.	S. Matthæi corpus Salerni,
359		479
Ludou. Germ. Rex,	345.	Mauritius Imp. 139
362		155
Ludou. Pius Imp.	267.292.	S. Maximus M. 181.184.
299.304.306.307.308.		188.192.199
320.318		Maximus Tyr. 35
Ludou. V. nihil fecit,	408	S. Medardus, 127
Ludou. Transmarinus,		Mediolanum excisum,
		110
		Melania Junior, 18
		Mem

Mennas Const. Patr.	120	405.413	
Morouæus Rex		S. Nicon	Metacopta.
S. Methodius Const.	307	405.408.417	
313.316		S. Nilus.	402.405
S. Methodius Morauus.		Nisibis obfessa.	6
448		Nomentius Tyr.	318
Metaphrastes.	323	Nonnus Edessenus.	16
Michaël Balbus Imp.	298.	Normanni.	315.316.318.
303		320.345.353.357.397.	
Michaël Cerularius.	455	421.447	
458			
Michaël Curopalates Imp		O	
291.391		O Dilo Abbas.	378.
Michaël Pfellus.	325	433.451	
Michaël III. Imp.	312	S. Odo Cantur.	389.
329		S. Odo Clun. Abbas.	374.
Michaël Ducas Imp.	370	378	
Michaël Paphlago.	441.	Odo Comes Paris.	366.
446		Odoacer Rex.	51.62.65.
Michaël Stratonicus.		66	
451		Officium B. Virg.	457
Miecslais.	436.441	S. Olauus M.	438
Momylus Imp.	50	Olybrius Imp.	48
Monotheitæ.	173.177	Ordonius Rex.	363
Mofarabicum officium.		Ordonius III.	383
177		Orestes.	50
	N	Origenistæ.	103
		Ostwaldus Rex.	178.
		183	
N Agra vrbs.	91	Osinus Angliæ Rex.	
Narfes.	99.119.120.	189	
129		Osinus Rex.	100
Nepos Imp.	49.54	S. Othmarus.	254
Nestorius Hæret.	11.12.13.	Otho Magnus Imp.	399
17		Otho Iunior.	374.375.
Nicea seditio.	101	396.400.403.406	
Nicephorus Imp.	282.287.	Otho III.	406.415.429
283.289		Ouo Rex Hungariæ.	447
Niceph. Botoniates.	477		
Niceph. Phocas.	393.396.		
397		P	
S. Nicetius.	104	P Allium Episc. Græc.	
S. Nicolai reliquæ Ba-		373	
rium translata.	485	Paris. Synod. de Imag.	
Nicolaus Papa.	323.329.	301	
333		Paschalis Papa.	295.300
Nicolaus II.	459.461	S. Paulinus Nol.	16.25
Nicolaus Chrysoberges.		Paulus Diaconus	264.
		Pau.	

Paulus Emisenus, 14
 Paulus Papa, 253. 259
 Pelagia pœnitens, 16
 S. Pelagius M. 368
 Pelagius Papa, 122.
 124
 Pelagius II. 135. 144
 S. Petri Vincula, 378
 S. Petrus Chrysol. 18
 Petrus Damiani, 458. 462.
 465. 470
 Petrus Gnapheus, 41. 50.
 52. 53. 59
 Petrus Igneus, 464
 Petrus Mogus, 57. 63
 Petrus Rex Hung. 447.
 451
 Pharamundus, 5. 12
 Philippicus, 141
 Philippicus Imp. 223.
 225
 Philippus Rex Fr. 461
 Phocas Imp. 153. 155.
 161
 Photius Patr. 323. 325.
 326. 328. 331. 341. 348
 Picti, 26
 Pinus Crassus, 214. 226.
 sic Rex, 248. 260
 Placidia, 7
 Poloni, 395
 Prætextatus Episc. 124.
 137. 144
 Priscianus Gramm. 93
 Priscillianistæ; 127
 S. Projectus, 199
 Prosper, 18. 44
 Proterius, 38
 S. Pulcheria Aug. 15. 27.
 30. 34
 Pyrrhus Const. Patriar-
 cha, 181. 183. 184.
 190

Q

Q Vini Sexta Syno-
 dus, 213

R

Achis. 246
 S. Radegundis. 89
 145. 148
 Ramirus Rex. 314. 383.
 407
 Ratherius Episc. 386
 Reccaredus. 146. 162
 Reccesuinthus Rex. 201
 Rhabanus Fuld. 309
 S. Rhemigius. 60
 Rhodoaldus Longob. 194
 S. Richarius. 182
 Ricimer. 41. 42. 47.
 Rob. Guiscardus. 473.
 479. 481. 482
 Robertus Dux Norm. 442
 Robertus Rex Fr. 409.
 416. 441
 Rodericus Hisp. R. 222.
 225
 Rodolphus Fr. Rex. 366.
 369. 374
 Rollo Normannus. 362
 Roma capta à Genferico.
 36
 Romanus Imp. 365. 366.
 389. 392. 437. 441
 Romanus Diog. Imp. 467.
 469
 Rotaris. 180. 191
 S. Romualdus. 400. 425.
 436
 Rudolphus Imp. 478
 Rudolphus Normannus.
 431

S

S. S Abas. 38.
 Sabninus Pa
 157. 158
 Sacramentariorum Ori.
 80. 422
 Sagittarius Episc. 139
 Salica lex. 5
 Salo.

I N D E X.

Salomon Rex. Mi. Brit.	335	S. Stanislaus Pol. M.	477
Sacerdotus Episc.	439	S. Steph. Archimandr.	245.259
Sancius Rex Natur.	439	S. Steph. Hung. R.	416.
Saraceni,	162.178.187	S. Steph. Patr. Const.	417.421.438.444
Scheda Regia,	106	Steph. II. Papa,	349
Scirtus Fluvius,	192	Steph. II I.	249.253
Scori,	26	Steph. IV.	249.253
Scythæ Monachi,	88	Steph. V.	295
S. Sebastiani cultus,	205	Steph. VI.	346.350
Sergius Papa,	210.218	Steph. VII.	353
Sergius II.	313.316	Steph. VIII.	370.372
Sergius III.	353.359	Steph. IX.	377.379
Sergius IV.	425.427	Steph. X.	458.459
Sericum,	107	Studius vnde Studitæ,	41
Seuerinus,	56	Symmachus,	90.94
Seuerinus Papa,	13	Symmachus Papa,	71.73
Seuerus, & Seueriani,	83.89	Synoditæ,	120
Seuerus Imp.	41.43	Syluerius Papa,	107.109
Sidonius Apollinaris,	43	Syluester II. Papa,	413
Sigebertus Rex.	135	Syroes Rex,	172
Sigebertus Rex,	137		
Sigismundus Rex Burg.	193		
Sigismundus Rex Burg.	95.96		
Sigiricus,	95		
Silo Rex Hisp.	270		
Simcon Bulg. Rex,	364.		
Simcon Stylites,	370		
Simeon Stylites Iunior,	134		
Simeon Salus,	116		
Simoniacorum hæresis,	453		
Simplicius Papa,	52.56		
Sisebutus Rex,	166		
Sisinnius Papa,	221		
Sixtus III. Papa,	17.22		
Smaragdus Exarchus,	141		
Sophia Augusta,	129		
S. Sophia Templum,	132		

T

Tariffa Dux,	225
Tassilo,	274
Telericus Rex,	266
Theias Rex,	120
Themel Sacerdos,	388
S. Theodiste,	356
Theodatus Rex,	105
Theodebaldus,	112
Theodebertus,	104.109.
Theodegesilus,	116
Theodo Rex,	138
Theodoretus,	24.89
Theodoricus Rex Fr.	96.
	97.104
	Theo-

X

X Enaias , 79
 Io. Xiphilinus , 466
 468

Z

Z Acharias Papa , 143
 248 249

Y

Zeno Imp. 42. 44. 45. 49.
 51. 64


Y Verbtij regnum , Zoë Augusta ,

FINIS INDICIS SECVNDÆ
 PARTISTOMI II.











XXXXVI
A 26